

Namo tassa bhagavato arahato sammāsambuddhassa

Moggallāna pañcīkā ṭīkā

Sāratthavilāsinīnāma

Pañcīkāṭīkā

Paṇāmādikathā

Vijjādhanassa samanussaraṇampi yassa,
Paññāvisuddharatanānayanekahetu;
Taṃ dhammarājamamalujjalakittimālaṃ,
Sāmodamādaramaye hadaye nidhāya.

Laddhammahodaya mahādaya (sampasādā) [japaso (potthake)],
Sakkā(di) sakkatagaṇaṃ ratana (dvayañca) [ttayatā (potthake)];
(Yāpañcīkā) guruvarappa(bhavātyagāhā) [hapā tya gāyā (potthake)],
Taṃ sādhu sissajana majjavagāha yāma.

Jayatīha mahāpañño, so moggallāyano muni;
Yassa sādhuṇubbhūta,kitti sabbattha patthaṭā.

Iceva manavasesa mattano bhayādyūpaddavopaghābhakarasāmatthiya yogena sakalajjhattikabāhiyantarāya nivāraṇa madhippetasiddhi visesa mabhikañkhiya ratanattaya visayabhūtaṃ taṃsādhane kantaniḍāna bhūtassa ālokiyāṭisayagaṇavisesayuttassa mahato pyatimahanīyassa ratanattayassa sappasādānurūpaṃ pūjāvisayaṃ tadanussa(raṇaṃ katvā) gurusanniyogamanuṭṭhātum—

Kintehi pādasussūsā, yesaṃ natthi gurūniha;
Ye tappādarajokiṇṇā, teva sādhu vivekinoti.

Vacanato attano gurupūjā purassaraṃ pañcīkāvivaraṇaṃ pathi'yā pañcīkā'tiādinā katapaṭiññattā sampati mahādayotiādiṇo ganthassa sādhujanavaṇṇanaṃ vaṇṇanamārabhissāma.

Nanu ca vuttiganthassa vaṇṇanāyaṃ katābhiniveso-yamācariyoti kathamihānadhikate mahādayotiādike paṭipannoti ratanattappaṇāmaganthakattuganthanissayaganthārambhaphalaabhidheyyasankhāta-payojanasotujanasamussāhanānaṃ sandassanattamaṃ. Tattha ratanattayappaṇāma karaṇaṃ antarāyakarāpuññavighātakarapuññavisesuppādanena kattu micchitassa ganthassa anantarāyenaṃ parisamāpanattamaṃ. Vacīpaṇāmo panettha sotūnampi yathāvuttatthanipphādanako ācariyenāpyaya mattho dassitoyeva'tattha ratanattayappaṇāmasandassana'ntiādinā, vācasikasatthādhikāratopi vacīpaṇāmoti kāyappaṇāmo manopaṇāmo ca. Na kato, ganthakattusandassanaṃ ganthassa pamāṇa bhāvavibhāvanattamaṃ, ganthanissayasandassanaṃ attaniyabhāvasandhassana tabbisuddhidassanattamaṃ, ganthārambhaphaladassanaṃ tappaṭikkhepakajananisedhāya, abhidheyyasankhātayayojanasandassanaṃ vīmaṃsāpubbakārīnaṃ payojano pālambhapubbikā satthe pavattatīti sotujanasamussāhanaṃ (katvā) ādarena ganthe pavattanattamaṃ, yadāhu —

Sabbasseva hi sathassa, kammassāpi ca kassaci;
Kenetaṃ gayhate tāva, yāva-vuttampayojanaṃti.

Nanu sathappayojanānaṃ sambandhopi vattabbo idamassa payojananti yato—

Siddhappayojanam siddha,sambandham sotumicchati;
Sotādo tena vattabbo, sambandho sappayojanoti.

Tatredamuttaram—

Sattam payojanañceva, ubho sambandhanissayā;
Tam vuttantogadhātā na, bhinno vutto payojanāti.

Payoanappayojanampana sāmattiyaaladdhabbam sayamācariyena “ko pana saddalakkhaṇassa ajānane doso”tiādīnā vuttanayena viññātabbam.

Tattha ‘mahādayo’tyādīnā gāthādvayena ratanattayapaṇāmo dassito, ‘yo iddhimantesū’tiādīnā ganthakattā, ‘saddasattha’ntiādīnā ganthanissayo, ‘saṅkhepanayenā’tica ‘sārabhūtam vipulattagā hiṃ anākula’nti ca imehi ganthārambhaphalam sotujananasamussāhanañca, abhidheyasaṅkhātappayojanampana ‘saṃvaṇṇana’nti iminā dassitam anvattha byapadesena saṃvaṇṇiyati vivarivā vitthāretvā kathiyati attho etāyāti saṃvaṇṇanābhi katvā, tampana vivarivā kathanam saddānusāsanasatthasannissayattā abhidheyyo nāma samuditena satthena vacanīyattho tam [\[vacanīyatthoti \(potthake\)\]](#) vuttasaddānusiṭṭhisāṅkhātappayojanamevāti ayamettha samudāyattho.

Ayampanettha avayavattho-yoti aniyamavacanam dhammarājasaddā pekkhāya cettha pullīgatā, tenettha vuccamānaguṇavisesā dhārapuggalavisesanidassanam, dayati dukkham apanetvā paresam sukham dadāti, dayiyati vā sappurisehi gamiya(ti sa) santāne pavattiyati, dayati vā paradukkham hiṃsati, dayati vā paradukkham gaṇhāti tamvasena attano hadayakhedaṃ karotīti dayā, “daya=dānagati hiṃsādānesu” iccasmā “itthiyamaṇattikayakyāce”ti (5-49) appaccayo, visayamahantatāya mahatī pasatthā vā dayā assāti mahādayo, visesana samāse “saddhāditva” (4-84) vakkhamānapāramitāsambharaṇadukkhanubhava nānamidaṃ hetuvacanam, kammakilesehi janitāti janā sattaloko, iminā khīṇāsavāpi saṅgayhanti tesampi diṭṭhadhammikasukhavihārasāṅkhāta hitassa dānato, janānam samūho janatā tassā hitāya abhivaḍḍhiyā sakalavaṭṭa dukkhanissaṭṭanibbānasukhabhāgiyakaraṇāyāti vuttam hoti, assaca ‘sampūraya’nti iminā ‘dukkhamanubhavī’ti iminā ca sambandho, sambodhīti ettha saṃsaddo sāmanti imamattam dīpeti, tasmā saṃsayameva anaññabodhito hutvā cattāri saccāni bujjhati paṭivijjhati etāyāti sambodhi, saṃpubbā budhadhātuto “i”iti ṇvādi (ko) ippaccayo, savāsanasakalasaṅkilesappahāyakaṃ bhagavato arahattamaggaññānam sabbaññutaññānantipi vadanti, sampāpayatīti sampāpakaṃ, sambodhiyā sampāpakanti chaṭṭhīsamāso, kinti dhammajātam dhammasaddenettha pāramidhammā pañcamahāpariccāgādayo ca adhippetā, tepi hi attānam dhārentam dhārenti sambodhi sampāpanasāmattiyayogena parepi dhārenti nāmāti dhammāti vuccanti, ‘dhara=dhāraṇe’iccasmā khīsu, viyādisuttana ṇvādi(ko) mappaccayo, dhammānamjātam, dhammāevavā jātam, sambodhisampāpakañca tam dhammajātam cetī visesanasamāso, ‘sampūraya’nti massetaṃ kammaṃ, sampūrayanti payogasampattiyogā dīpaṅkara (pāda)mūle hatthopagatampi nibbānampahāya yathāvuttakarūṇāguṇayogasītalībhūtahadayatāya “kathannāmete accanta dussahavattādukkhopagatte satte tam mahādukkhā mocessāmī”ti vaṭṭadukkhanissaraṇekahetutāya sammā pūrento vaḍḍhento vuddhiṃ virūḷham vepullam gamentoti vuttam hoti, hetuyevadamapi dukkhānubhavanassa, mahādayatā panassa paramparahetu, duṭṭhu khanati kāyikaṃ assādanti ‘dupubbā khanismā’ “kvī”ti (5-4) kvī, dukkham kāyikadukkha vedanā, kīdisanti āha-‘anantarūpa’nti, sabhāvavacano yaṃ rūpasaddo “piyarūpa”ntiādīsuvīya, te ca dukkhasabhāvā (anantā) anantakāraṇānam vasena, tasmā anantaṃ rūpaṃ sabhāvo assāti anantarūpaṃ, tam dukkham anubhavī vindī, kimivāti āha-‘sukham vā’ti, suṭṭhu khanati kāyikaṃ ābādanti sukham, ivasaddo sadhammattasāṅkhātōpamājotako, sadhammattañhi upamā, vuttañhi “upamānopameyyānam, sadhammattam siyo pamā”ti, kiṃ vuttam hoti “aniṭṭhānubhavanasabhāvāyāpi dukkhavedanāya anubhavanasabhāvasāmaññena ajjhāsayasampattivisesayogā mahākāruṇikassa sukkena sadisatāpattihotīti dukkhampi samānam tam sukhamiva vindī”ti. Kathamaññathā vaṭṭadukkhato sakalalokassa samuddharaṇam siyāti, athavā sukhamiva sukham vindanto viya anaññāvindiyamapi tādisam dukkham sakalalokahitāva hitamanatāya vindīti attho, tenāha ‘akhinnarūpo’ti, akhinnaṃ parissamamappattam rūpaṃ sabhāvo assāti viggaho.

Taṃ dhammarājanti yoti aniyamaniddiṭṭhassa vuttaguṇavisesādhāra puggalassaniyamanavacanaṃ, dhammena rājati no adhammenāti vā, attanā paṭividdhassa sāmibhāvena dhammassa rājā sāmīti vā, attanā paṭivijjhiyamāne dhamme paṭivijjhantova tattha rājati dīppatīti vā, parūpakāravasena tadatthāyeva paṭipannatā paresaṃ dhammaṃ rājeti pakāsetīti vā dhammarājā, taṃ dhammarājaṃ namitvāti sambandho, namassitvāti attho, kīdisanti āha- ‘jītamāravīraṃ sudhanta sovaṇṇanibha’nti. Tattha māro ca so vīrocāti māravīro jito vidtedhastabalo māravīro nāti jītamāravīro, taṃ, kiñcāpi devaputtakilesābhisañkhāramaccukkhandha mārā-nena jītā eva, tathāpi vīrasaddasannidhānena devaputtamāre gahite taṃvijayā aññepi jītā eva nāma hontīti viññeyyaṃ, suṭṭhu dhantaṃ dhamitaṃ uddharitaṃ sudhantaṃ, suvaṇṇameva sovaṇṇaṃ, sudhanta ca taṃ sovaṇṇaṃ, tasseva nibhā sobhā asseti samāso, athavā sudhantaṃ taṃ suvaṇṇaṃ ceti samāse tassidanti “no”ti (4-34) ṇappaccaye “majjhe”ti (4-126) majjhavuddhiyaṃ sudhantasovaṇṇaṃ paṭimārūpaṃ, tena nibho sadiso, taṃ.

Ettāvātā ca –

Hetu phalaṃ parattho ca, sabbopi thutisaṅgaho;
Hetu sambodhito, pubbeva, yamaññaṃ tatoparīti.

Vuttahetuphalasattopakāravasena buddharatanassa thutipubbakampanāmaṃ dassetvā idāni dhammarājena tenāpi pūjanīyassa dhammaratanassa nipaccakāraṃ dassetuṃ ‘dhammañca mohandhatamappadhaṃsi’nti āha, tattha ca saddo ‘dhammañca namitvā’ti [namassitvā (potthake)] namassanakriyāya dhammaṃ sampiṇḍeti, kimbhūnti āha, ‘mohandhatamappadhaṃsi’nti, muyhatīti moho=aññānaṃ, andhayati samatthacakkhuviññānaparihānenāti andhaṃ, andhañca taṃ tamañceti andhatamaṃ=bāḷhatimiraṃ, mohoyeva taṃsadisatāya andhatamanti mo handhatamaṃ, taṃ padhaṃseti pakārena nāseti silenāti mohandhatamappadhaṃsī, pasaddassapakāsanatthaṃ hitvā pakāratthasseva gahaṇato pariyattiyā saha–

Sotāpattādayo maggā, cattāro tapphalānica;
Cattāri atha nibbānaṃ, dhammā lokuttarā navāti.

Vuttanavalokuttarammo gahitāti viññātabbaṃ, aññathā arahattamaggova gayheyya, kasmā panettha mohasseva pahānaṃ vuttaṃ, netaresanti tammūlakattā sabbakilesānaṃ, tappahānasmiñhi vuccamāne tammukhenetaresampi pahānaṃ vuttameva hotīti.

Evamaṃ dhammaratanassa namakkāraṃ dassetvā idāni tadādhārabhūtasāṅgharatanam namassituṃ ‘saṅghaṃ tathā saṅghaṭitaṃ guṇehī’ti vuttaṃ, tattha tathāsaddo samuccaye vā, vacoyuttiyaṃ vā, vacoyuttipakkhe ca saddo ānetvā sambandhitabbo, kilesādayo saṃhanati hiṃsatīti saṅgho, saṃpubbato hanatismā kvimhi ‘kvimhi ghoparipaccasamo hī’ti (5.100) hanassa gho, kilesahiṃsanañcetha tadaṅgādivasena gahitaṃ, guṇehīti sāmāññaniddesato sammutisaṅghena saddhiṃ

Cattāro ca paṭipannā, cattāro ca phaleṭhitā;
Esa saṅgho ujjubhūto, paññāsīlasamāhitoti.

Vuttaatṭhaariyapuggalā gayhanti, guṇehīti lokiyalokuttarehi silādiguṇehi, saṅghaṭitanti saṃhataṃ.

Evamanantarāyena ganthaparisamāpanatthamananta guṇavisitṭhalokattayaggasīkhāmañbhūtassa ratanattayassa paṇāmaṃ dassetvā idāni gantha kattādiyathāvuttatthopadassana pubbaṅgamamattanā samārabhitabbaṃ gantha karaṇaṃ paṭiññātukāmo’yo iddhimantesū’tiādimāha, tattha ‘yo’ti imassa ‘tannāmadheyyenā’ti iminā sambandho, etāya sattā ijjhanti iddhā vuddhā ukkaṃsagatā hontīti iddhi=iddhividhādayo lokiyā lokuttarā ca sā etesamatthīti iddhimanto, tesu iddhimantesu, iddhimantānaṃ mahāsāvakaṇaṃ majjheti attho, mahattappattoti mahattaṃ mahantabhāvaṃ gato, tannāmadheyyenāti tasseva nāmadheyyamassāti tannāmadheyyo, tena, tapodhanenāti muninā, kiṃ vuttaṃ hoti- “etadaggaṃ

bhikkhave mama sāvakaṇaṃ bhikkhūnaṃ iddhimantānaṃ yadidaṃ moggallāno’’ti bhagavatā iddhimantesu etadagge ṭhapito mahāmoggallānatthero nāma yo dutiyo aggasāvako... (tena samānanāmadheyyenāti) tamapadisanto-yamācariyo anuddhatabhāvena ujunākkamena nāmādikamavativā vaṅkavuttiyā attano moggallānoti nāmaṃ mahāsāmiṭṭhānantarappattim kālocitapañña veyyattiyam buddhasāsanopakāritādiṅca vibhāveti. ‘Yaṃ racita’nti sambandho, racitanti kataṃ, kinti āha saddasattha’nti, saddasatthaṃ nāma sutta, saddalakkhaṇabyākaraṇādyaparanāmadheyyam, suttaṃ(hi) ‘saddā (lakkhīyanti) sāsīyanti anusāsīyanti pakatippaccayādivibhāgakappanāya etenā’ti saddalakkhaṇanti ca ‘byākariyanti saddanipphādanavasena kathīyanti etenā’ti byākaraṇanti ca vuccati, aparampana vutyādi tadupakaraṇabhāvena saddasatthaṃ saddalakkhaṇam byākaraṇanti ca vuccatīti daṭṭhabbaṃ, anunanti tabbisesanaṃ, asesalakkhiyopasaṅgāhakabhāvena vattabbassāparassābhāvā sampuñṇanti attho, athāti anantaratthe nipāto, saddasattharacanānantaranti attho, tasseti saddasatthassa, vutti ca samāsā katāti sambandho, suttaṃ vivarīyati etāyāti vutti, samassate saṅkhipīyatīti samāsā.

Tassāpīti vuttiyāpi, saṅgahetvā saddavasena saṅkucitaṃ viya katvā khipanaṃ saṅkhepo, tassa nayo kamo saṅkhepanayo, tena, bhovāti yo saddasatthassa vuttiyā ca kattā so eva, idāni suttavuttiracanānantaramavasaraṃpattate imasmim kāle, samārabheyya sammā ārambhaṃ kareyya bahunnaṃ kriyākkhaṇānamādibhūtaṃ kriyākkhaṇamanutiṭṭheyya, kinti saṃvaṇṇanaṃ, saṃvaṇṇīyati attho etāyāti saṃvaṇṇanā, pañcīyati vipañcīyati byattī karīyati vutti attho etāyāti vā, taṃ pañcayātīti vā laddhanāmapañcīkā, taṃ.

Evamattanā karaṇīyasatthampāṭijānitvā tadanantaram ‘‘dve me bhikkhave paccayā sammādiṭṭhiyā uppādāya (katame dve) parato ca ghoso (ajjhataṅca) yoniso manasikāro’’ti vacanato sammāsavanapaṭibaddhā sabbāpi sāsana (ppaṭi) sampattīti sāsanaṃpāṭipattiyā byākaraṇassa mūlakāraṇattā taṃ savane sādhujaṇe niyojento ‘taṃ sārabhūta’ntiādimāha, tattha tanti yasaddavirahepi adhikatattā saṃvaṇṇanaṃ parāmasati, taṃ suṇantū’ti sambandho, sādhuṭi savanakriyāvisesanaṃ, atthānurūpaṃ byañjanaṃ, byañjanānurūpaṅca atthaṃsallakkhetvā anaññamanā hutvā sakkaccaṃ suṇantūti attho suvaṇṇabhājane nikkhittasīhavasāviya avinassamānaṃ katvā hadaye ṭhapanavasena, sakkaccasavanameva hi sotūnamatthāvahaṃ hoṭīti, santoti savanakriyāya kattāro dasseti, tathā sātīsayabyākaraṇaṃ... tathāvidhā eva sappurisā sādhukaṃ sotukāmā hontīti, kimbhūtanti āha ‘sārabhūta’ntiādi, bhūtasaddo ettha ‘‘bhūtasimim pācittiyā’ntiādisu viya vijjāmanattho, phegguttābhāvena apariccajanīyatāya sāro thiraṃ so attho byañjanaṅca assā atthīti sārā ca sā bhūtāca, atha vā lokiyalokuttaraguṇātīsayasādhanekasādhanabhāvato seṭṭhatthena sārāca sā bhūtācāti sārabhūtā, taṃ gantho yevettha saṅkhepito, attho pana nayaggāhitatāyapi sabbathā dassitoyevāti vipulaṃ atthaṃ gaṇhātīti vipulathagāhī, taṃ, vidhīyamānavāṇṇanākkamavisesena byākulassa vaṇṇanākkamassa nirasanaṃ natthi ākulaṃ kiñci assāti anākulam, taṃ, iminā ca kaccāyanavuttivaṇṇanāsu na tathābhāvaṃ dasseti.

Tadevamadhikatattāyevāyamācariyo ganthārambhe’ mahādayo yo’tiādike paṭipajjitvā dāni attanā vaṇṇanīyassa ganthassādi bhūtaṃ vākyamanadhikataparīhāramukhenevopanyasya byākhyātumāha- ‘idhā’tiādi, tattha idhāti imasmim māgadhikasaddalakkhaṇaviracanādhikāre, māgadhānaṃ saddānaṃ idanti māgadhikaṃ, māgadhikaṃ saddalakkhaṇanti visesana samāso, viracayitukāmoti kattukāmo, ratimjanetīti ratanaṃ, ramayātī [ra tayatī (potthake)] ti (vā) ratanaṃ anappaccayena, athavā yaṃ loke cittikatādikam ratananti vuccati, idampi taṃ sadisatāya ratananti vuccati, tathācāhu-

Cittīkataṃ mahaggaṅhaṅca, atulaṃ dullabhadassanaṃ;
Anomasattaparibhogaṃ, ratanaṃ tena vuccatīti.

Buddhādīnametamadhivacanaṃ, tayo avayavā assāti tayaṃ, samudāyo, ratanānaṃ tayaṃ ratanattayaṃ, avayavavinimuttassa pana samudāyassa abhāvato tīṇi eva ratanāni vuccanti, paṇamaṇaṃ paṇāmo, ratanattayaḡuṇaninnatā, paṇamanti etāyāti vā paṇāmo, paṇamakriyānipphādīkā kusalacetanā, ratanattayassa paṇāmoti chaṭṭhīsamāso, abhidhīyati paṭipādīyatītyabhidheyyo samuditena satthena vacanīyattho, yena ca yo paṭipādīyati so tassa attho hoṭīti, so ca pakatippaccayādivibhāgakappanāya saddānaṃ saṅkharānaṃ, saddasatthena hi saddasaṅkharānameva

paṭipādīyati, (ratanattayappaṇāmo ca abhidheyyo ca) ratanattayappaṇāmābhidheyyanti cātthasamāso, tassa sandassanaṃ attho yassāti aññapadattho, kintaṃ vākyam, tā vāti vākyāṅkārē, nanucevamadhikatattepi abhidheyyamattamevadassetabbaṃ siyā kiṃ vācāpaṇāmena, kāyamanomayenāpi puññāti sayappattiyā abhisamīhitatthasiddhi hotevāti codanaṃ manasi nidhāya vacīpaṇāmassa paratthasannissayatañca tasseva vibhāgena payojanañca dassetumāha- ‘tatha’iccādi, guṇasaddo ettha ‘‘sataguṇā dakkhiṇā pāṭikaṅkhā’’tiādīsu viya ānisaṃsaṭṭho, guṇānamānisaṃsānaṃ anukūlaṃ anuguṇaṃ, hetumantavisesanametaṃ, padhānabhāvaṃ nītaṃ paṇītaṃ atiuttamanti attho, atīsayena paṇītaṃ paṇītataraṃ, cittasasantānaṃ pabandho cittasantānaṃ, paṇītatarañca taṃ cittasantānañca, anuguṇaṃ taṃ paṇītataraṃcittasantānañcāti visesanasamāso, tappaṇāmakaraṇena anuguṇa...pe... santānaṃ yesanti aññapadattho, tesam, yathā te sotāro ratanattayassa paṇāmakaraṇena puññātīsayappaṭilābhā anekānisaṃsātīsayappaṭilābhānukūla cittasantānatāya padhānataracittasantānā honti, tathā pavattānanti adhippāyo, idampi adhigatā...pe... ntarādhānantīmesam hetubhāvena tiṭṭhati, adhigatā pattā aneke bahū ānisaṃsavisesā āyu vaṇṇasukhhalapaṭibhānādayo yesanti viggaho, visositā sukkhāpitā antarāyā bhayādayo ajjhakkā bhāhiyā vā yesam tathāvidhānaṃ sotūnaṃ, etepi abhi,pe,ddhatthanti iccassa hetū, abhisamīhitassa anuṭṭhitassa kataniṭṭhitassa ganthassa avabodhoyeva phalaṃ, tassa sijjhanatthaṃ, kintaṃ ratanattayappaṇāmasandassanaṃ.

Saccaṃ punapi saccanti, bhujamukkhippa vuccate;
Sakattho natthī nattheva,parassatthamakubbatoti.

Vacanaṭo paratthova sappurisehi kattabbo, paratthe sampādite pana sakattho sampannova nāma siyāti manasi katvā āha- ‘etadevā’tiādi. Kāyamanosamācaraṇena sampajjamānañca vacīsamācaraṇena sampajjatevāti aneneva vākyena viññāyatīti avagantabbaṃ, buddhi pubbā yasmim karaṇe taṃ buddhi pubbam, taṃ sīlena karontā buddhipubbakārino, abhidheyyassa adhigamo jānanaṃ pubbō yassa so abhidheyyādhigamapubbako, avatāro pavatti, ekadesadassane ‘‘samuddo diṭṭho’’ti viya ekadesepi samudāyavohāradassanaṭo pacchima pādenāti vuttaṃ, pacchimapādassekadesabhūtena ‘saddalakkhaṇa’miccānenāti attho, sādhiyaṃ saddānaṃ saṅkharaṇaṃ, sādhanam byākaraṇam, taṃ lakkhaṇam sabhāvo assāti sādhiyasādhanalakkhaṇo, sādhiyasedam sādhanam, sādhanassa cedam sādhiyanti evamassedambhāvahetusabhāvo sambandhoti vuttaṃ hoti, payojanaṃ abhidheyyasaddopadassitaṃ saddasaṅkharaṇam, tattha sambandhassantogadhattam... sādhiyopadassanamukhena sādhanassāpi dassitattā nissayopadassanaṭo, ussukkaṃ sammāvāyamaṃ, buddhattam sabbaññutaññānaṃ, pūretvāti–

Manussattaṃ liṅgasampatti, hetu satthāradassanaṃ;
Pabbajjā guṇasampatti, adhikāro ca chandatā;
Aṭṭhadhammasamodhānā, abhinīhāro samijjhatīti.

Vuttaatṭhadhammasamannāgatena abhinīhārena samannāgatā hutvā yathāvutte pāramitādayo dhamme pūretvāti attho, āgatāti sattattiṃsabodhipakkhiyadhammānubrūhanena āgatā, idhāti imasmim loke, āgatāti pattā uppānā, tathāgatoti yathā sampati jātā te bhagavanto sattapadavītihārena gatā, tathā ayampi uttarābhimukhaṃ gatoti attho, muhuttajātovāti sampati jāto eva, jātāsamanantaramevāti vuttaṃ hoti, vikkamīti agamāsi, satta padāni gantvāna disā vilokesīti idam ‘‘dhammatā esā bhikkhave sampati jāto bodhisattā samehi pādehi patiṭṭhahitvā’’ti eva mādikāya pāṭiyā sattapadavītihārūpariṭṭhitassa sabbadisānuvilokanassa vuttattā vuttaṃ, disā vilokesi samantatoti idampana ‘samehi pādehi phusī vasundhara’nti etassa anantaram daṭṭhabbaṃ... pādehi vasundharāphusanānantarameva dasadisāvalokitattā, aṭṭhaṅgāni nāma–

Visatṭhaṃ mañju viññeyyaṃ, savanīyā-visārino;
Bindu gambhīraninnādi,ceevamaṭṭhaṅgiko saroti.

Vuttāni aṭṭhaṅgāni, tathāgatoti imasseva visuṃ atthapariyāyaṃ dassetuṃ ‘athavā’tiādimāha, ariyena setunāti samathavipassanāsāṅkhātena uttamena maggena, evamādinātiādisaddena tesam tesam dhammānaṃ sabhāvasarasalakkhaṇam tathaṃ āgato yathāvato adhigato’yegatyatthā te buddhyatthā, ye buddhyā te gatyatthā’titathāgatoti evamādiṃ saṅgaṇhāti, tatthatatthāti tesu tesu

dīghāgamādīsu, tathāgatabhāvoti tathāgatoti bhavanam nippatti
 namassanakiriyābhisambandhāti' namassitvā'ti ettha namassanakiriyāya abhisambandhā iminā
 tathāgatādīnam kammattam vibhāveti, namassanakiriyāvisesanattāti 'namassitvā'ti namassanam
 katvāti vuttam nāma siyāti namassananti vuttanamassanakiriyāya visesanattā, bodhiyāti bodhivuccati
 catūsu maggesu nānam, tam bhagavā ettha pattoti (bodhi, tassā) bodhirukkhassāti attho, mūleti
 mūlasamīpe "yāva majjhanhike kāle chāyā pharati nivāte paṇṇāni patanti etāvata
 rukkhāmūlam" tiādīsu viya, nanu aññepi khīṇāsavā 'aggamaggene' ccādinā vakkhamāna nayena
 nipphannā evāti anuyogam manasikatvā vuttam 'saheva vāsanāyā'ti, na hi bhagavantam ṭhapetvā
 aññe saha vāsanāya kilese pahātuṃ sakkonti, etena aññehi asādhāraṇam bhagavato arahattanti
 dasseti, teneva iddhasaddassa attham dassento'tepi hi'ccādikam vakkhati, kāpanāyam vāsanā nāma
 pahīnakilesassāpi appahīnakilesassa payogasadisapayogahetubhūto kilesanihito
 sāmattiya-viseso'āyasmato pilindavacchassa vasalasamudācāranimittam viya', aggamaggenāti
 arahattamaggena, sabbakilese rāgādike, arahattam aggaphalam, sammuti upapattidevabhāvato
 aññena visuddhi devabhāvenātinipphannattā āha-'visuddhidevabhāvenā'ti,
 sakalakilesakālussiyāpagamena visuddhippattiyā sabbaññuṇṇā laṅkārena visuddhidevabhāvenāti
 attho.

'Idha=samsiddhiyam' iddhavanto iddhāttappaccayena, 'guṇa=āmantāne' bhūvādiseso,
 guṇīyanti paricīyanti seyyattikehīti guṇā kappaccayena, tepīti sāvaka-pacceka-buddhāpi, hi saddo
 hetumhi, yasmā aggam...pe... anūnaguṇā, tasmāti attho, sabbaññutādīnantiādīkam tesam
 sabbaññubuddhehi unaguṇatāya hetuvacanam, keci 'siddho middhaguṇo assāti siddhamiddhaguṇanti
 duṭṭhamattham parikappetvā vākyamidam dūsentī, te pana 'middho nāma koci guṇo natthī'ti ca,
 'tathāgato nāma middha guṇo na hotī'ti ca, 'tādīso ce siyā na nāṇanissitapūjā pakatopayoginī
 bhavati'ti ca ajānitvā vadatha tumhehi vatvā uyyojetabbā, maṅgalatthañcettadhō
 siddhasaddopādānam, maṅgalādīni hi satthānyabyāhatappasarāni hontyāyasmantabyākhyātusotukāni
 ca, dhammasaṅghānampīti iminā avayavena viggāhepi samudāyassa samāsattattā
 aññapadatthasamāsoyam tagguṇasaṃviññānoti dīpeti, tenāha- 'aññapadatthe'ccādi, guṇībhūtānampīti
 appadhānabhūtānampī visesanabhūtānampī aññapadatthassa padhānattā, kiriyātisambandho
 vagamyate dhammasaṅghānam guṇībhūtānampī tadavinābhāvittena namassanātisambandhā, tadeva
 samattheti 'tathāha'ccādinā, puttēna saha vattamānoti tagguṇasaṃviññānaññapadatthasamāsattā
 tulyamubhinnampī āgamananti puttōpi āgatoti patīyate, tatthāti niddhāraṇe sattadhī, attānanti
 dhammam dasseti, dhārenteti attāni ṭhapente pavattente uppādente, cattāropi apāyā
 sāmāññavasena'apāye'ti vuttā, kilesavatta kammavatta vipākavattavasena tayo vattā, tesu dukkham,
 tasmim, dhāretīti vuttadhāraṇam nāma atthato apāyādīnibbattakakilesavidhamsanam, taṅca
 yathārūpam kilesasamucchinadanatappaṭippassaddhi ālambanabhāvena hotīti āha- 'so...pe...
 vasenā'ti, navannampī, te samadhigamahetutāya dhammoyeva nāmāti 'dasā'tiādī vuttam, tattha
 kāraṇamāha- 'tammūlakattā'tiādī, tammūlakattāti tam kāraṇattā, sīladiṭṭhisāmāññenāti ariyena sīlena
 ariyāya ca diṭṭhiyā samānabhāvena, ariyānañhi sīladiṭṭhiyo maggenāgatattā sabbathā samānāva, tena
 te yatthakatthaci ṭhitāpi sahatāvātī saṃhatoti imasmim atthe saṅghoti padasiddhi daṭṭhabbā,
 adhippetavasena panetaṃ vuttam, lokiyasīladiṭṭhiyā sāmāññena saṃhatattā sammutisaṅghopi
 paṇāmārahoyevāti daṭṭhabbam.

Atha kete saddā, yesamidam lakkhaṇam bhāsissanti paṭiññātanti āha-'saddā ghaṭapaṭādayo'ti,
 ādisaddena rukkhādayo, nanu santi meghasaddasamuddasaddādayopīti na
 niratthakānamidhānupayogittā, ye lokasaṅketānurodhenāttappakāsakā tesam sātthakāname vidam
 lakkhaṇanti, apica 'saddā ghaṭapaṭādayo'ti vadanto vedikānam viya unti [ñatthi (potthake)] ādīnam
 anupubbīniyamāvattānāmasambhavā tadanukkamena nipphādiyamānanampī saddānam
 lokiyattānabhivattanañca bodhetīti daṭṭhabbam, nu tattha pakāsakattham saddassa samudāyavasena
 vā siyā paccekavaṇṇavasena vā, tattha yadi paccekavaṇṇā pakāsāyeyyum, ghaṭasadda ghakāroyeva
 ghaṭattham, pakāsāyeyya, tathā cāññesamakārādīnāmanattha katā siyā, atha samudītā pakāsāyeyyum,
 tadā vaṇṇānamuccāraṇānantaravināsittā samudāyoyeva na siyā, tathā sati katha mattham saddo
 pakāsāyatīti ce kamena sotacittādigahitakkhara pāliyā ca yo saddoti viññeyyo sātthako citta-gocaro,
 citta-gocarassāpi saddassa pana bālājanappabodhāya kappanāmattēna pakatyādivibhāgato, na
 sabhāvenānvākyānam, tenāha-'pakatyā'di ādi, nanu goiccādisādhussaddaniyame sati gotādayo
 asādhu saddāti viññāyanti gantabbamagganiyame agantabbamaggo viya, gotādi asādhussaddaniyame

vā goiccādayo saddā sādhanavoti agantabbamagganiyame gantabbamaggo viya, kiṃ saddānamanvākhyānenā tidamāsāṅkiya payoḥjanamāha- ‘lakkhaṇābhīdhanam’ccādi, saddānampaṭipattiyam paṭipadapāṭhassānūpāyattam dassetumāha- ‘aññathe’ccādi, aññathāti asati lakkhaṇābhīdhanē, sakkatādītiadisaddena pākatādiṃ saṅgaṇhāti, bahuvīdhattam sakkatapākatapesācikaapabbhaṃsavaseṇa, magadhesu viditāti imasmiṃ atthe ‘‘aññasmi’’nti (4-121) māgadhanam idanti atthe ‘‘no’’ti (4-34) ṇappaccaye māgadha māgadhanti ca padanippatti veditabbāti dassetumāha- ‘magadhesmi’ccādi, magadhesu viditātiadino adhippāyam vivaritamāha- ‘idaṃ vuttam hoti’tiādi, tattha idanti idāni vakkhamānam māgadham...pe... hotīti etaṃ vuttam hotīti magadhesu...pe... lakkhaṇam māgadhanti vadatā pakāsitaṃ hotīti attho, hisaddo’magadhesvi’ccādinā vuttam samatthayati, lakkhaṇam visesayatāti saddalakkhaṇa saddassa uttarapadatthappadhānattā māgadhanti iminā lakkhaṇam visesayatā byavacchedayatā vuttikārena, atthototi sāmattiyato, sadde ca visesito hotīti saddalakkhaṇasaddo māgadhe eva [saddeeva (potthake)] byavacchedito hoti, ayametthādhippāyo ‘magadhesu viditā māgadhāti sadde gahetvā tesamidaṃ māgadhanti māgadhasaddena yasmā saddalakkhaṇasaddo lakkhaṇam visesitaṃ, tasmā saddalakkhaṇasaddo saddo yadi amāgadho katham lakkhaṇam māgadham siyāti sāmattiyā saddopi visesito hoti’ti, nanu māgadhanti lakkhaṇassa māgadha saddasambandhittajhāpanato saddalakkhaṇanti ettha saddasaddassa niratthaka tāpatti hotīti, na hoti gammamānatthassa saddassa payogampati kāmaccārattā saddalakkhaṇasaddassa vā samāsatthe niruḥhattā ‘‘tatrīdam sugatassa sugatacīvarappamāṇa’’ntiādisu viya, kopanātiadisaddalakkhaṇanti iminā abhidheyasāṅkhātapayoḥjanassa dassitattā tappayoḥjanapucchanaparā codanā, vuccateccādi parihāro, yathā sabbathāttaparahitakāmena.

Piyo ca garu bhāvanīyo, vattā ca vacanakkhamo;
Gambhīraṇca katham kattā,nocā ṭhāne niyojakoti.

Vuttehi tato parehi ca pasatthatarehi guṇavisesehi samupetaṃ gurum.

Tasmā akkharakosallaṃ, sampādeyya hitatthiko;
Upaṭṭhahaṃ gurum sammā, utṭhānādīhi pañcahīti.

Vacanato utṭhāna-upaṭṭhāna-paricariyā-sussūsā sakkaccasippapaṭiggahaṇehi sammā upaṭṭhahantena savana,uggahana-dhāraṇa-paripucchā-bhāvanā hi kaṅkhāvicchedaṃ katvā viññātabbamaṃ saddalakkhaṇam, tathā aviññātaṃ saddalakkhaṇamanenāti aviññātasaddalakkhaṇo puggalo, hisaddo avadhāraṇe, so ‘dhammavinayesu kusalo na hoti’ti ettha daṭṭhabbo, kusalo dakkho na hoti, tattha dhammavinayesu suttantātābhīdhammasaṅkhātesu dhammesu ceva vinaye ca, kasmā-

Yo niruttiṃ na sikkheyya, sikkhanto piṭakattayaṃ;
Padepade vikaṅkheyya, vane andhagajo yathāti.

Vacanato, ayametthādhippāyo ‘‘yathā vuttanayena sambhūtapada byāmahavasena padatthepe byāmahasambhavato suttantopadassitāya diṭṭhiviniveṭṭhanāya ca abhidhammāgate nāmarūpaparicchede ca vinaya niddiṭṭhe saṃvarāsaṃvare ca akosallaṃ siyā’’ti, yathādhammanti dhammavinaya saddassa yo-ttho vinayasuttābhīdhammasaṅkhāto, tassa so-ttho, tadanatikkamena, paṭipajjitumasakkontoti tatthatattheva vuttāsu adhisīla adhicitta adhipaññāsikkhāsu pavattitum asamatto, kusalo pana samatto paññāvīsesālokapaṭilābhato, vuttam hi-

Yāva tiṭṭhanti suttantā, vinayo yāva dippati;
Tāva dakkhanti ālokaṃ, sūriye abbhuggate yathāti.

Paṭipattinti paṭipajjīyatīti paṭipattīti yathāvuttam tivīdhampi paṭipattim, virādhettvāti nāsetvā, nassati hi paṭipatti tesuyevā ko sallatamagattā, tathā cāhu-

Suttantesu asantesu, pamuṭṭhe vinayamhi ca;
Tamo bhavissati loke, sūriye atthaṅgate yathāti.

Saṃsāradukkhasseva bhāgī hoti... yathāvuttā-nukkamapariccāgena anurūpapaṭipattiyā paṭilabbhitabbatā adhigamavisayassa [visathattā (potthake)] yo gakkhemassa, vuttañhi tassānulomapaṭipattimūlakattaṃ—

Suttante rakkhite sante, paṭipatti hoti rakkhitā;
Paṭipattiyam ṭhito dhīro, yogakkhemā na dhamṣatīti.

Etāvata aviññātasaddalakkhaṇassa sakatthaparihāniṃ dassetvā idāni sakatthasampattimūlikā paratthasampattīti tadabhāvā tādiso puggalo paresampi paccayo bhavitum na sakkotīti dassetum ‘nacā’ tiādi vuttam, patiṭṭhāti dhāraṇam, tañcetha tesam tesam kula puttānam dhammavinayasikkhāpanam taṃtam kammato nittharaṇādi ca, tadubhaya mevā-nhasaṅgikaṃ patiṭṭham, mukhyabhūtampana tammūlake suparisuddhasīle patiṭṭhāpanameva, tadupakaraṇattho sikkhāpanādi, idha pana tam sādhanabhūto puggalo upacārato patiṭṭhāti gahetabbo, hisaddo yathāvutta samatthanatthe nipāto, saddalakkhaṇaññūyevāti avadhāraṇampana tesu tabbidūyeva samatthoti dassanattham pakaraṇavasena vuttam, attano pana suguttasīlakkhandhavirahena kadāci koci yathāvuttānam patiṭṭhābhavitum na sakkoti... tammūlakattā saddhammaṭṭhitiyā sapaṭipattiṭṭhā bhāvassa ca, teneva vinayadhare ānisaṃsam dassentena bhagavatā tappadhānam tappamukhamva katvā “pañcime bhikkhave ānisaṃsā vinayadhara puggale, katame pañca attano sīlakkhandho sugutto hoti su rakkhito, kukkucapakatānam paṭisaraṇam hoti, visārado saṅgha majjhe viharati, paccattthike sahadhammena suniggahitam niggaṇhāti, saddhammaṭṭhitiyā paṭipanno ca hoti” ti vuttam, atthānurūpanti attano vacanīyassatthassa vācakattena योगyam, byañjanānurūpanti attano vācakassa vacanīyattena योगyam, parivāsādīsūtiādisaddena abbhānādiṃ saṅgaṇhāti, taṃtamkammanti parivāsādikaṃ taṃtamkammaṃ, aññoti asaddalakkhaṇaññū, na kevalamanena sakatthaparathāva nāsītā, atha khoti vidho saddhammopi nāsitoyevāti vatthumāha ‘ajānanto panā’ tiādi, ayathāpaṭipajjamānoti saddalakkhaṇaññunā yathā yena pakārena atthānurūpam byañjane byañjanānurūpañca atthe paṭipajjitabham, tathā appaṭipajjamāno, tathā ca vakkhati— tathā hi so saddalakkhaṇa majānanto’ tiādi. Tividhampi saddhammanti pariyattipaṭipattiadhigamavasenati vidhameva saddhammam, tattha tipītakabuddhavadānam pariyattisaddhammo nāma, terasa dhutaguṇā cuddasa khandhakavattāni dve asīti mahāvattānīti ayam paṭipattisaddhammo nāma, cattāro maggā cattāri ca phalāni ayam adhigamasaddhammo nāma, tathāhiccādinā vuttamattham samattheti, tampi pāliya thirikātuṃ ‘vuttam heta’ ntiādimāha, tattha dhammāti hetū, saddhammassāti yathāvuttassa tividhassa saddhammassa, padabyañjananti padañca byañjanañca tam, tattha padaṃ nāma syādyantaṃ tyādyantañca, byañjīyati attho etenāti byañjanam-vākyam athavā pajjate gamyate attho etenāti padaṃ-syādyantādi, vākyamva byañjanam, sithiladhanitādi padamevavā vuttanayena byañjananti padabyañjanam, tam, dunnikkhattam duṭṭhu nikkhattam ṭhapitam virādhavā kathitam, attho ca dunnītoti dunnikkhattatāyeva padabyañjanassa tabbacanīyopi duṭṭhuvīññāto hoti, vuttapaṭipakkhatoti ‘aviññātasaddalakkhaṇohi’ ccādinā vuttassa viññātasaddalakkhaṇatādinā paṭipakkhabhāvato, bhāvappadhāno hi ayam niddeso, tappaccayalopo vā, na hi attāva attanā veditabboti yuttanti.

Tadevantiādinā yathāvuttam nigametvā saññāvidhāne payojanam dasseti, tanti hetvatthe nipāto, yasmā saddalakkhaṇassa jānanaṃsāni saṃsam tasmāti attho, evanti nidassanatthe nipāto, evam sappayojananti sambandho, tadevanti vā nipātasamudāyo yam, vuttana pakārenetyasmim atthe vattate. Nanuca saññīnam saññānam vattabbatte “aādayo titālīsavaṇṇā” tiādinam vākyānam viṣumviṣum mahantattā kuto lāghavam satthassāti maññamāno ‘tathāhi’ ccādinā saññāvidhāne lāghavasabbhāvam samattheti, hotevāti avadhāraṇena katthaci parasatthe viya no na hotīti dasseti, paṭipattilāghavampi cettha hoteva, tathāhi “vaṇṇaparena savaṇṇopi” ccādo (1-24) vaṇṇādisaññāsamuddharitā nāttānamattāvagametumalanti pare pucchitvā jānitabbā assa, tato saññā-vaseyā, tatossa saññāti saññāsaññīvivecanam tadanuṭṭhānanti paramparāpekkhāya bhavitabham paṭipatti gāravābhāvā. Idāni saṅkhepato sathakkamam dassetumāha-evam tāvi’ ccādi, tāvāti paṭhamam, upayujjamānattāti byāpāriyamānattā, visayo gocharo yatthete syādayo vidhī yante, saha visayenāti savisayā, paṭhamam karīyatīti pakati yato syādayo vidhīyante, saha pakatiyāti sappakatikā, līṅgādikanti ādisaddena ‘salabhacchāya’ miccādo ekattādi, līṅgebhavā līṅgikā-itthividhayo, ekatthībhāvo samāso, tena, sāmāññāto samānattā, samānattantuṇādivuttiyā “rājādivisiṭṭhe purisā doviya’ vasiṭṭhādivisiṭṭhe apaccādimhi atthe pavattanato.

Iti moggallānapañcīkākāyaṃ sārattavilāsiniyaṃ

Ratanattayapaṇāmādikathā samattā.

1. Paṭhamakaṇḍavaṇṇanā

Saññādhikāra

1. A ādayo

Sabbavacanānaṃ sātthakaniratthakattabyabhicārittā ‘ida’ntiādinā sadiṭṭhantena saṃsayamupadassiya sātthakattamassa dassetuṅca ‘na tāva...pe... sātthakattā’ ti vuttaṃ, ummattakādivākyamiti ‘dasa dāḷimā, cha apūpā, kuṇḍamajājinam, palālapinḍo’iccādikam, avayavatthāna maññaṃmaññaṇāti sambandhā samudāyatthābhāvato anattakattam, ādivākyanti ‘manoseṭṭhā manomayā’ tiādivākyam, sātthakattam panassa padatthāna maññaṃmaññaḥsambandhassa patītito.

Atha aādyādisaddānaṃ sādhattānvākhyānāya idaṃ vacanamiccādivikappantarāsambhava katham niyamo vuttiyaṃ vuttenatthena sātthakattamiccāsāṅkiya tesamihānupayogittaṃ kamena paṭipādayitumāha ‘vakkhamānatthamevida’miccādi,’ ākārādayo niggahītantā’iccādinā vuttiyaṃ vakkhamāno attho yassa taṃ tathā vuttaṃ, sādhuṇaṃ sādhusaddānaṃ anusāsanaṃ ākhyānaṃ attho payojanaṃ yassa tanti viggaho.

Sādhusaddānusāsanasāṅkēpettha ‘katthettha kutrātrakvehidhā’ ti (4-100) ādinā katthādisaddānaṃ sādhattānusāsanaṃ dassanato, lakkhaṇantarena sādhubhāvassa anvākhyātattāti āpubbādāicasmā ‘dādhātīvī’ ti (5-45) ippaccaye ākārālope ca ādīti aādiyesanti aññaṃpadatthasamāse yomhi ‘yosu jhissa pume’ ti (2-93) ‘te aādayo’ ti, tayo ca cattālīsā cāti cattha samāse ‘tadaminādīni’ ti cata lopeca rasse ca titālīsāti, ‘vaṇṇa-vaṇṇane’ iccasmā ‘bhāvākārakesva ghaṇa ghakā’ ti (5-44) appaccayeyomhi ṭādesa vaṇṇāti ca sijjhanato, payoganiyamattanti titālīsavaṇṇasaddesu paresu eva aādisaddo payujjīyatīti evaṃ payoganiyamattam, ayampi vikappantara sambhāvanā ‘abhūtatabbhāve karāsabhūyoge vikārā cī’ ti (4-119) payoganiyamassā jhāyamānassa diṭṭhattā, ṭhānyādesatthanti aādisaddassa ṭhāne titālīsavaṇṇasaddā ādesā honti tesam vā so iti, tadanurūpāyati ṭhānyādesānurūpāya chaṭṭhī vibhattiyā, atoyevāti agamāgamianurūpāya chaṭṭhiyā bhāvato yeva, agamāgami bhāvattanti aādisaddassa titālīsā vaṇṇasaddā āgamā honti tesam vā so iti, etesupī saṅkā, ‘yavāsare’ (1-30) ‘suṅha sassa’ itī (2-53) ādesāgamānaṃ dassanena, āgama līṅgābhāvato ukāra kakāra makārānaṃ bhāvato, visesanavisessa bhāvattanti titālīsavaṇṇasaddānaṃ aādisaddo visesanaṃ, te vā tasse-ti, etthāpi saṅkā ‘nīluppala’ miccādīnamaññaṭṭha visesanavisessa bhāvadassanā, saddalakkhaṇā nupayogatoti saddalakkhaṇena saddasaṅkharānaṃ pakatattā vuttaṃ, tattha kāraṇamāha- ‘rūpavisesūpa lakkhaṇābhāvā’ ti, rūpavisesassa upalakkhaṇa nimittaṃ tassaabhāvāti attho, na hi visesana visessabhāve paṭipādite aādyādisaddānaṃ rūpavisesassa saṅkharānaṃ kataṃ siyāti, yadi esova saddasaṅkharānti gayheyya, tathā satī ‘nīluppala’ miccādīnampi vattabbatā āpajjeyyāti nāssa tadattha tāpi sambhāvīyate, loke sīhaguṇassa mānavake dassanato upacārena ‘sīho-yaṃ mānavako’ ti tagguṇajjhāropopi dissati, tadatthampetaṃ na hotīti dassanattam ‘tagguṇajjhāropanatthampetaṃ na hotī’ ti vuttaṃ, tassa aādisaddassa, tesam titālīsavaṇṇasaddānaṃ vā guṇo aādittādi, tassa ajjhāropanam-titālīsavaṇṇasaddesu vā aādisaddeyeva vā āropanam, tadatthampetaṃ suttaṃ na hotīti attho, tattha kāraṇamāha- ‘atoyevā’ tiādi, atoyeva rūpavisesūpalakkhaṇā bhāvatoyo, pakatam saddasaṅkharānaṃ, yathāvutta vikappantarābhāve ubhayatthamidaṃ siyā, tattha paribhāsattam na hoti... tallakkhaṇattābhāvā uparivakkhamāntā cāti pārisesamāmbiyāha ‘saññaṃsañña’ iccādi.

Mariyādāyampakāreca, samīpe vayave tathā;
Catubbidhappakāroyaṃ, ādisaddassa dissateti.

Mariyādattho ettha ādisaddoti āha-‘ādimariyādā bhūto’ ti, upalakkhaṇattāti

upalakkhiyamānānamākārādīnaṃ gahaṇe kāraṇabhāvena appadhānattā, tenāha-
 ‘upalakkhaṇassupasajjanīyabhūtassā’ ti, kāriyenāti vaṇṇasaññābhavanādinā, na gunnampi ānayanam
 bhavati..gunnamupasajjanīya bhūtattā aññapadatthasseva padhānattā, saññāyā bhāveti akārassa
 vaṇṇasaññāya abhāve, rūpantiti tālīsārūpaṃ, titālīsā+vaṇṇātipadacchedo, titālīsā+vaṇṇātivā,
 suttāvayavassāpi suttasambandhittā “byañjane dīgharassā” ti (1-33) pana vuttaṃ, rassattantu
 “dīgharassā” ti yogavibhāgena, itarathā byañjanaparasseva rassatte dassite titālīsaiti abyañjane
 padaṃ na sampajjeyyāti viññāyati, itarītarayogacatthe bahuvacanena bhavitabbanti āha-
 ‘ekavacanampaṇā’ tiādi, vippaṭipatti aññathābhāvo, rassa e okārehi tecattālīsakkharānanti
 sambandho, e okāre hīti sahatthe tatiyā, sakkatānusārenāti sakkate “sandhi yakkharānaṃ rassā na
 santī” ti vuttassa anusārena, kocīti sā sanappasādakacoḷiyabuddhappiācariyaṃ dasseti, na hiccādiṃ
 vadato-yamadhippāyo ‘rassāivāti ivasaddo sādhammopamājotako vā siyā vedhammopamājotako vā,
 yadi tāva vedhammopamājotako, rassadhammassa e okāresva sambhavā tesam dīghakālappavattito
 te dīghāyeva siyuṃ, yadi pana sādhammopamājotako, tesu rassadhammassasambhavā
 rassakālappavattito rassāeva te siyunti ‘etthātiādīsu e okārānaṃ uccāraṇakālakatam rassattameva
 hotī’ ti, rassakālavantoyevāti evasaddo sogate vaṇṇavinimmuttassa kālassevābhāvā vaṇṇānañca
 paccakkha siddhattā pamāṇasiddham pāramatthika me okārānaṃ rassakālavantatam dīpeti, atthāti
 vadato panāyamadhippāyo ‘etthātiādīsu yadi ekārādayo dīghāeva saṃyogapubbattā rassāva
 siyuntathā sati atthāti etthāpi dīghova ākāro saṃyogapubbattārasso iva uccatīti āpajjeyya, tasmā
 uccāraṇakālakatova rassadīghabhāvo gahetabbo’ ti, kaccāyanavuttivaṇṇanā ñāso, taññāpaneti
 bahiddhā aññesamakkharānaṃ ñāpane, payojanābhāvāti tena sādhetabbassa kassaci iṭṭhassa
 abhāvamāha, kimettha samudāye vākyaparisaṃmatī, udāhu avayaveti āha- ‘pacceka’ nti, aññathā
 ‘rukkhā vana’ ntiādīsu viya samudāye vākyaparisaṃmatīyaṃ “iyuvaṇṇā jhalā namassante” (1-9)
 iccādikam na sijjhatīti, paccekam vaṇṇā nāmahontīti akāro vaṇṇo nāma hoti ākāro vaṇṇo nāma
 hotītiādīna, avayaveccādinā vuttīyaṃ avuttepi ‘pacceka’ nti vacane sadiṭṭhantaṃ kāraṇamāha,
 diṭṭhantopanīto tyattho sukhena paṭipattum sakkāti, ettha hi paccekanti avuttepi devadatto
 bhojīyatītiādīna paccekam bhuñjikiriyā parisamāpiyate, tenāha- ‘na coccate’ iccādi, athavā
 samudāyepi vākyaparisaṃmā pattīyaṃ sati samudāye pavattā saddā avayavesupī vattantīti
 ‘samuddekadesadassanepi samuddo diṭṭho, khandhekadesa bhūtāyapi paññāya paññākkhandhotiādīsu
 viya na doso, teneva vuttīyaṃ ‘pacceka’ nti na vuttaṃ, vaṇṇasaddassa guṇādyanekatthatepi
 pakaraṇato akārādayovettha vuccantīti āha- ‘vaṇṇīyati’ ccādi, pakaraṇatopi attho vibhajjate, vuttaṃ
 hi-

Atthā pakaraṇā liṅgā, ocityā desakālato;
 Saddatthā vibhajjante, na saddāyeva kevalāti.

Nanu jhalādīsaññā viya lahusaññam akatvā kasmā gurusaññā katāti codanaṃ manasi nidhāya
 ruḷhi anvatthavasena dvippakārāsu saññāsu jhālāti ruḷhi saññāttābhāvena
 vohārasukhamattapayojanā, anvatthasaññā pana tappayojanāpi hoti tadaññāppayojanā pīti
 dassetumāha- ‘eva’ miccādi, vaṇṇīyati attho etehīti vuttamattham anugatā anugatathā vaṇṇasaññā
 tam, saddādhiḡamanīyassāti saddena viññātabbassa, vaṇṇam mūlamassāti vaṇṇamūlako-attho, tassa
 bhāvo vaṇṇamūlakatā, atthassa vaṇṇamūlakatam sādheti ‘sāpi’ ccādinā, vaṇṇam rūpaṃ sabhāvo
 etesanti vaṇṇarūpāni-padāni, samudāyo pādānaṃ rūpamassāti samudāyarūpaṃ vākyam,
 vibhatyantamatthajotakam padaṃ, padasamudāyo vākyam, sabbañcetamupacārena
 vaṇṇasaddavacanīyattam gacchati vaṇṇamayattāti sabbopi sammutiparamatthabhedabhinno attho
 vākyādhiḡamanīyo vaṇṇeneva viññāyati nāma tasmā yathā vuttamattha visesadassanaṃ lahusaññāya
 na sakkāti tadatthamakārādīnaṃ gurubhūtā vaṇṇasaññā katāti adhippāyo, sammuti saṅketavasena
 pavatto vohāro, paramattho sanibbāno pañcakkhandho. Ubho hi panetehi bhinno tatiyo koṭṭhāso nāma
 natthi, tathāca vuttaṃ-

Duve saccāni akkhāsi, sambuddho vadatam varo,
 Sammutim paramatthañca, tatiyam nupalabbhatīti.

Nanu ca-

Appakkharamasandiddham, sasāram gūḷhaniṇṇayam;

Pasannatthañca suttanti, āhu tallakkhaṇaṇṇunoti.

“Ādayo titālīsa vaṇṇā” “titālīsādayo vaṇṇā”ti vā vattabbanti na tathā sati sandiddham suttam siyāti, nanu satthādo maṅgalavacanena bhavitabbaṃ, akāro paṭisedhatthopi hotīti (na) satthādo siddhasaddassopahitattā, atha hotva pubbā jhālādi saññā, saddasādhanaṃattappayojanattā pana sabbavidhānassa pubbācariya saññāvālametthāti kiṃ punāpi vaṇṇādisaññāvidhānena ganthagāraṇa karaṇenāti saccametam, pubbācariyesu pana gāraṇam tadanugamañca dīpetum kāci saññāyopyanvākyāyante, yajjevam saṃyogasabbanāmalopādayopi saññā pubbācariyehi vuttā vattabbāti nanu bho vuttamevāmhehi’kāci saññāyo ākhyāyante’ti, kintadākyānadvārena bhavatā tāpi viññātum na sakkāti, kesañci sātthakattopi pativaṇṇamatthānupaladdhito vaṇṇānamadiṭṭhānamakārādīnamanukatiyo ihopadiṭṭhāityanukāriyenātthenātthavantatāya hotevākārādīto vibhatti, lopena niddiṭṭhattā panassā assavaṇam sannikaṃsavacanicchābhāvā saṃhitāyāniddeṣo, anukkamoti ādonissayā sarāvuttā, tato nissitā byañjanā, saresupi ekaṭṭhāniyā akārādayo bahuttā paṭhamam vuttā ṭhānānukkamena, tato dvijā ṭhānānukkamena, tesupi rassāva lahuttā paṭhamam vuttā, tato dīghā, byañjanesupi vaggā bahuttā ṭhānappaṭipāṭiyā paṭhamam vuttā, tato yakārādayo, vaggesu ca aghosā paṭhamam vuttā, tato ghosā, tesu ca sithilā paṭhamam vuttā, tato dhanitā, tatthāpi appakattā dvijā pañcamā vuttā, tato yaralavā ghosabhūtā ṭhānānukkamena, tato dhanitā sakāraha kārā, tesupihakāro kesañci orasopi hotīti dvijattā pacchā vutto, kehici “laḷānamaviseso”ti dvinamaviseso vuccamānepi lipibhedena ṭhānabhedena ca bhinnattā ḷakāro visum akkharabhāvena gahito, sopi ghosabhāvena ṭhānānukkamenaca hakārato param vutto niggahītam pana sarattādisabbavinimuttattā sabbapacchā vuttanti akārādīnamayamanukkamo, imassevānukkamassa manasi vipassa vattamānattā titālīsāti gaṇanāparicchedassa dassitattā ca ‘niggahītanta’ti vuttiyam vuttam, pakatam sādhusaddānvākyānam, na vaṇṇīyate, ti saddasaṅkharaṇa saṅkhāta mukhyappayojanābhāvā, kiñcāpi na vaṇṇīyate, amhehi pana kathamakārādīnamayamanukkamo uppannoti sissānam kaṅkhā vicchedappayojanampati anukkamasaddassa atthakathanabyājena vaṇṇito yevāti, karīyante uccāriyante etenāti karaṇam, tattha jivhāmajjham tālujānam, jivhopaggaṃ muddhajānam, jivhaggaṃ, dantajānam sesānam sakaṭṭhānam karaṇam, payatti payatanam, tampana vaṇṇuccāraṇato abbhantaro bāhiyo ca ussāho, tattha abbhantarapayatanam-saṃvutattamakārassa, vivaṭattam sarānam sakārahakārānañca phuṭṭhattam vaggānam, īsaṃphuṭṭhattam yaralavānam, bāhiyapayatanantu saṃvutakaṇṭhatādi, ṭhānato paccāsattiyā vidhīyamānakāriyasambhavana payojanasambhavā āha-‘ṭhānampanā’tiādi, tiṭṭhanti ettha uppattivasena vaṇṇāti ṭhānam, “e onama vaṇṇe”ti (1-37) sutte vaṇṇeti kathanameva vaṇṇasaññākaraṇe payojanam, yathāvuttamatthamaññātra byāpadisati’ eva’miccādinā, tasmā “dasādo sarā”iccādo ‘tenā’tiādīsu ‘tena saraiccanena kvattho kasmim sutte payojanam tam dasseti “sarolopo sare”ccādi’ti evamādinā attho daṭṭhabbo, nāpeti vaṇṇalopanti nāpakam, kasmā pana’so cemināva nāpakena siddho’ti vuccati nanu ‘tadaminādīni’ti (1-47) suttam dissatīti, (saccam) tathāpi pakārantaroyampi vaṇṇalope dassitoti viññātabbam, evasaddo pana ‘yadi nāpakena vaṇṇalopo siyā so imināva nāpakena siddho, nāññenā’ti avadhāreti.

2. Dasā

Nanu ādayoti paṭhamantenuvattante kathamettha’tatthā’ti sattamīniddiṭṭhatāti āha-‘tañcā’tiādi, atthavasāvibhattivipariṇāmenāti ādayoti paṭhamantassa’ādo dasā’tyanena sambandhā sambajjhamāne cādhāratthana bhavitabbanti ādhāratthavasena sattamī vibhattiyā parivattanenāti attho, atthavasā sattamiyā vipariṇāmasambhavāyevassutte avijjamānepi’tatthā’ti vuttiyam vuttam, ādodasannamaññatthapavattisambhavato tesam ādayo visayabhāvenapi sakkā parikappetunti vuttam-‘tesu visayabhūtesū’ti, niddhāraṇatthopi yujjateva... vaṇṇasamudāyato tadekadesabhūtāna mādo vaṇṇānam dasasaṅkhyāguṇena niddhāriyamānattā, ādimhi dasa vaṇṇāti vutte avuttānampi avassam vattabbānam unapūraṇatthamajjhāhāro hotīti vuttam- avatṭhitā niddiṭṭhā vā’ti, ekādīna maṭṭhārasantānam saṅkhyānam saṅkhyeyye vattanato āha-‘dasasaṅkhyāya paricchinnattā’ti, gayhupagānam rassae ovaṇṇānampi kaccāyane viya apariccāgā anūnā, agayhupagānam tadaññesaṃ kesañci sarānam pariccāgā anadhikā, dasasaddassa saṅkhyeyya vuttittā dasannampi adhikatavaṇṇānaññattā vuttam-‘dasannampi’tiādi, sayam pubbā’rāja=cittiyam’tismā kvimhi antalope samāse ca tadaminādittā niruttinayena vā sarasaddo nipphajjatīti, ‘sara-gatihim sācintāsu’ iccasmā appaccayena vā nipphajjatīti dassetumāha=‘sayam rājantī’tiādi.

3. Dvedve

Teti'ādo'ti sattamyantattā apare dve parāmasati, heṭṭhā viyāti heṭṭhā vuttaṃ atthavasā vibhattivipariṇāmaṃ upameti, atova viññāyamānatthavasena tesu'ti vuttaṃ, tesuti pana niddhāraṇattavivacchāyaṃ tampi sambhavatīti tesam vaṇṇānaṃ majjhe dvedveti dvisankhyāya niddhāraṇatthopi veditabbo, vicchāyaṃ vutti yassa so vicchāvutti-dvisaddo, vicchāvuttitā cāssa savaṇṇattaguṇena dvinnaṃ ('byāpitu) miṭṭhattā, kameṇāvattḥhiteti iminā akārādivaṇṇappabandhassa anādikālasiddham kamasiddhattamāha. Nanu samānā vaṇṇā savaṇṇātyanvatthe savaṇṇasaddhe sati kataṃ rassadīghānaṃ savaṇṇasaññā siyā... asamānattā etesanti, netadatthivaṇṇappabandhassa kamasiddhattā vacanabalenevāsamānānampi hotevāti, nevampi vuttaṃ yuttaṃ "dvedve savaṇṇā"ti suttassa tādīsasāmatthiyasabbhāve [sabbhāvena (potthake)] visesakāraṇābhāvāti āha 'samānattampanā'tiādi. Tiṭṭhanti ettha vaṇṇā cittajattepi abhibyatti vasenāti ṭhānaṃ kaṇṭhādi, tena katanti samāso, kaṇṭhatātu iti catte paṇyaṅgattā napuṃsakattaṃ. Pañcamehi vaggapañcamehi. Antaṭṭhākīti vaggānamante tiṭṭhantīti antaṭṭhā, tāhi, yuttassāti brahmacariyā, guyha'ntiādīsu yuttassa. Kecīti aniyamena vuttaṃ, te pana—

‘‘Hakāro pañcameheva, antaṭṭhāhi ca saṃyuto;
Oraso iti viññeyyo, kaṇṭhajo tadasaṃyuto’’ti vadanti.

4. Pubbo

Vattateti atthavasā vibhattivipariṇāmena vattate, nanu cetyādicodanā, nesadoscādī parihāro, dosābhāve kāraṇa māha-‘yoyo...pe... patiyate’ti, vuttaṃ samatteti-‘nāhi’ccādinā, nanu ca pubbasaddo yamekattā ekaṃ pubbamācikkhati na sakalanti kathaṃ ‘‘pubbo’ti vutte yoyoti ñāyati ‘yoyo pubbo’ti ca vutte ‘tesu dvīsu’ti ettha’dvīsu dvīsu’ti idaṃ kathaṃ sukheveva patiyate tadidamasiddhenāsiddhasāadhananti āsaṅkiya tadabhāvamubbhāvīya pubba saddassa vicchāgamakattamavagamayitumāha-‘naceda’miccādi. Taṃyogāti upacāravasenāha, tabbantatāyavāti atthiyatthe appaccayavasena, evamuparipi.

5. Paro

Sesamiccādinā‘tesu dvīsūti savaṇṇasaññakesu dvīsu’ iccādi kamatidissati. Lahusaññā rassassa, saṃyogapubbassa rassassa dīghassa ca gurusaññā na vattabbā... uccāraṇavasenevānvatthasaññāti viññāyati, pubbācariyavasena vā ihāvuttāvasesasaññāviya.

6. Kādayo

Kevala byañjanānamatthappakāsattābhāvā sarānamatthappakāsane accantopakārā byañjanāti ‘eteḥī’ti karaṇattena vuttaṃ, tenāha ‘sarāna’miccādi. Vipubbā ‘añja-byattiyam’tīasmā karaṇe anappaccaye rūpaṃ, napuṃsakattampissāvagamayitum ‘upakārakānī’ti vuttaṃ, byañjanattaṃ dīṭṭhantena phuṭayati ‘yathā’iccādinā, yathā odanassupakārakāni sūpādīni byañjanāni, tathā sarānamupakārakānīti adhippāyo, byañjanampana addhamattikaṃ, vuttaṃ hi—

Ekamatto bhava rasso, dīgho mattadvayāyuto;
Pluto timatto viññeyyo, byañjanaṃ tvaddhamattikaṃti.

Anvatthāti anvatthato, ‘anvatthā byañjanā’ti sambandho.

7. Pañca

Sajātyapekkhāya samudāyavācītepi kādayotī anuvattanato vaggasaddena kakhagaghañādayova gayhantī, pañca parimāṇamassa pañcakovaggo, ‘‘tamassa parimāṇam ṇiko cā’’ti (4-41) ko, sutte ādībhūto pañcasaddo pañcasaṅkhyāparicchedaṃ kurumāno māvasānānaṃ vaggānaṃ bahuttaṃ gametīti ‘pañcakā’ti vuttaṃ, vaggāti bahuvacanato paccekanti viññāyati, vajjenti yakārādayobhi

vaggā, paṭhamakkharavasena pana kavaggādivohāro.

8. Bindu

Anekatthattā dhātūna muccāraṇatthopettha gaṇhātīti nipubbā tato kammanti ttappaccaye ññimhi pādisamāse dīgheca rūpaṃ dassento ‘rassā’tiādīmāha, pīḷanattato niggahanaṃ niggaho, ‘i-ajjhena gaṭṭisu’iccasmā kattari [kammani-iti vattabbaṃ, itaṃ uccāritanti attho] ttappaccaye itaṃ, niggahena itanti amādīsa māse rūpaṃ dassento ‘karaṇaṃ niggahena vā’tiādīmāha, pacchimapakkaṃ sādhetumāha-‘vuttaṃ hī’ti.

9. Iyu

Catthasamāsoṭi itarītarayogadvandasamāso. Atteti muni saddādivacanīye atthe, namatītūmassetam kammaṃ,

Yaṃ sabbavacanaṃ sabba, liṅgaṃ sabbavibhattikaṃ;
Taṃ sabbatthe namanato, viduṃ nāmantī tabbidū.

Idha nāmasaññāyābhāvepi anvatthabalāyeva nāmasaññā siddhāti (āha) ‘anvatthabyapadesenā’ti, syādyantapakatirūpanti paccayā paṭhamaṃ karīyatīti pakatī, sā eva rūpanti pakatirūpaṃ, syādyantassa pakatī rūpaṃ munisaddādi syādyantapakatirūpaṃ, atthavantamadhātukamappaccayampāṭipadikaṃ, padaṃ padaṃ pati paṭipade, paṭipadaṃ niyuttaṃ pāṭipadikaṃ. Visesanenāti sutte ‘namassante’ti vuttana ivaṇṇuvaṇṇānaṃ visesanena. Ākhyātassāti pacatiādino. Ādimajjhavattinoti inda udakasaddādīnaṃ ādo, pakhumādīnaṃ majjheca vattino. Padesesūti ‘‘jhalā sassa no’’ti (2-83) ādikesu suttappadesesu, aniṭṭhapasaṅga (saṅkaṃ) nivattetīti sambandho, aniṭṭhappasaṅgonāma [nāmāti (potthake)] pacati-inda (udaka pakhuma) saddādīna manta ādimajjhabhūtaivaṇṇādīnaṃ jhalasaññā vidhāya tato parāsaṃ sādi vibhattīnaṃ ‘‘jhalā sassa no’’ti (2-81) ādīhi ‘no’ ādesādīmhi kate ‘pacatino, indano, udakano, pakhumano’tiādi rūpappasaṅgo, nanucādiādi codanā. Vattabbanti sutte vattabbaṃ. Byāsaniddesenāti asamāsaniddesena. Tadayuttantiādi parihāro, tanti taṃ codyaṃ, satihītiādīnā ayuttattaṃ samattheti, dvīsuttareṣu yogesūti uparimesu ‘‘pitthiyaṃ’’ ‘‘ghā’’ti dvīsuttareṣu. Itthiyanti idanti ‘‘pitthiya’’nti sutte itthiyanti idaṃ padaṃ. Vaṇṇavisesanaṃ siyāti ‘‘pitthiya’’nti sutte ‘iyuvaṇṇā’ti anuvattanato ‘itthiyaṃ ivaṇṇuvaṇṇā’ti evaṃ ivaṇṇu vaṇṇā ‘‘gho’’ti sutte ‘itthiyaṃ ā’tievaṃ avaṇṇassa ca visesanaṃ bhaveyya. Vaṇṇavisesane virodhamāha ‘evañce’ccādi, nāmassanteti asamāsaniddese tvavirodhamāha- ‘byāse’ccādi. Sakkānāmavisesanaṃ kātunti dvīsuttareṣu itthiyantiādīnā vakkhamānakkamena. Nāmassa anto nāmantoti samāsassa uttarapadatthappadhānattā samāse guṇībhūtassa nāmassa itthiyanti idaṃ visesanaṃ kātuṃ na sakkāti adhippāyo, vacanamantarenāti paṇṇiniyānamiva ‘yathāsaṅkhyamanudeso samānaṃ’ti (1-3-10) suttam vinā, samāsaṅkhyā etesanti samasaṅkhyakā, itisaddo ādyattho, tena—

‘‘Ālāpahāsalīlāhi, muninda vijayā tava;
Kokilā kumudānī vo, pasevante vanaṃ jalaṃ’’ (260).

Iccādiṃ saṅgaṇhāti.

10. Pitthi

Itthiyaṃ nāmassāti ca, ante ivaṇṇuvaṇṇāti ca vutte tesamā dhārādheyyasambandho ādheyyassādhāre pavattiṃ vinā na sambhavatīti ajjhāhārasena ‘vattamānā’ti vuttiyaṃ vuttaṃ. Ivaṇṇu vaṇṇāti apekkhiya‘visesīyanti’ti bahuvacanametam sambandhassa purisādhīnatāya nāmantīminā sambandhe sati‘visesīyati’tekattena pariṇamati.

11. Ghā

Itthiyaṃ nāmassanteti ca vattate. Heṭṭhā sabbattha saññino niddisiya saññāya niddiṭṭhattā tattha viya visuṃ saññino paṭhamamaniddese asanto viyāti dosalesamālambiya codayati nanhace'tyādinā. Tattha setoti vijjamānassa saññino. Kāriyenāti saññākāriyena. Pariharati 'nāyaṃ doso'tiādinā. Pacchāvuttamattenāti "ghā"ti sutte kāriyino ākārasa pacchā vuttamattena. Nacāti ettha casaddo vattabbantarasarāmuccaye, aparampi kiñci vattabbamanīyamarūpamatthīti attho. Aniyamarūpamācariyappavattito sādhetumāha 'ubhayathāpi'ccādi.

12. Gosyā

Āsaddo ābhimukhye, anābhimukhamābhimukhaṃ katvā lapanāṃ kathanamāla panāṃ, tasmim ālapane, ālapanatthe vihito sīti attho.

Iti moggallānapañcīkākāyaṃ sārathavilāsiniyaṃ

Saññādhikāro samatto.

Paribhāsādhikāra

13. Vidhi

Vacanārambhayojanamāha—'yaṃ viśesanābhāve'ccādi, yanti aniyamena "ato yonaṃ ṭāṭe"ti (2-43) ādisu atotiādikāṃ viśesanābhāvena vattumicchitaṃ parāmasati, tenāti viśe sanattenu-pādiyamānena yaṃ saddaniddiṭṭhena atotiādikena karaṇābhūtena, yathākathañcitabbatoti ādo majjhe-nte vā sabbhāvato yenakenaci ākārena abhedopacārena akārādiviśesānavato nāmādinō, tadantatthanti taṃ atotyādi viśesanamante, nādo na majjhe yassa taṃ tadantaṃ, taṃ attho payojanaṃ yassāti aññapadattho, vattāyattāti vattuno āyattā... attāvāttano vacane padhānanti, tassāti vattuno, sāti vacanicchā, payogānusa renāti jinavacanānusaarena, itīti kāraṇatthe nipāto, iminā kāraṇenāti attho, na sabbatthappasaṅgoti saṃhitādividhimhi sabbattha tadanta vidhippasaṅgo na hoti, tathāhi "saro lopo sare"ti (1-26) ettha saroti viśesanābhāvena vacanicchāya sabbhāve saroti tatrā'dīnaṃ viśesananti yathākathañcisārādisaramajjhasarantānaṃ tatrādīnaṃ lopappasaṅge "vidhibbiśesanantassā"ti (1-13) sarantassapaśaṅgo siyā, na "chaṭṭhiyantassā"ti (1-13) antassa... chaṭṭhīniddesābhāvā, tathā sati 'tatrime'tiādimhi 'ime'tiādinā vattabbatā āpajjeyyāti payogaṃ nānusaṭā nāmasiyunti na sabbattha tadanta vidhippasaṅgo, tathā "gatibodhā" (2-4) disuttādimhipi 'gamayati māṇavakaṃgāmaṃ tyādippasaṅgotiādi ca yathāyogamavagantabbāṃ, vuttiyaṃ "ato yonaṃ ṭāṭe"ti suttodāharaṇaṃ dassitaṃ, "narā nare"ti lakkhiyodāharaṇaṃ.

14. Sattadhī

Vacanaphalamupadasseti'yatthe'ccādinā, yattha yasmim "saro lopo sare"tyādi ke sutte, sattamiyāti 'sare'tiādinā sattamiyā, yassāti sarotiādinā niddiṭṭhassa, kāriyaṃ lopādi, sambandhā viśe sāti saretyādo opasilesikamadhikaraṇaṃ, tañcopasilese bhavamadhikaraṇaṃ pubbassa vā paraṃ siyā parassa vā pubbanti pubbaparopasi lesassāvisiṭṭhattā pubbaparānaṃ sambandhassa avisesā, parassāpīti na kevalaṃ pubbasseva, satītyasmim atthe jotaniye sattamī saṃsattamī santasaddassa samādesena, sattañcetyādivacanamevaṃ sati ghaṭate, santi vā santasaddatthe pādi, sutte avuttepi vuttiyaṃ 'niddese'ti vacane kāraṇamāha-sattañcā'tiādi, niddesamantarena sattaṃ na sambhavatīti sambandho, sattamiyā niddese satiyeva taṃ sambandhāya sattāya sambhavo, aññathā kimaññantassā patiṭṭhāti adhippāyo, pubbasaddassa sambandhisaddattā kinnissāya pubbattamiccāha-'sattami'ccādi, tanti "saro lopo sare"ti suttam, ukārassāti 'velu'iccatra ukārassa, pubbassa...pe... karitvā taṃmanasikatañcodanaṃ dassatūmāha-'tamaha'nti ccāditi evamettha sājjhāhāro sambandho veditabbo. Pubbassāti sattaṃ niddiṭṭhato pubbassa, anantarassāti abyavahitassa, vuttaṃ kiñci natthīti sambandho, ayamadhippāyo "tasminti niddiṭṭhe pubbassā"ti (1-1-66) pāṇiniyavacane "disirayamuccāraṇakriyo nisaddopyaya miha nerantariyaṃ joteti, tattha'nirantaraṃ diṭṭho'ti pādīsamāse kate phuṭamevānantaramuccāritetyamattho-vagamyateti "pubbasaddassa byavahitepi payogadassane byavahitepi kāriyaṃ pappoti"ti bhassakārādayo vaṇṇenti, iha tādisavacanābhāvena vaṇṇādi byavadhānēpi siyā"ti, sareccādi pariḥāravacane-dhippāya mubbhāvayati 'yadi'ccādinā,

mathurāya pāṭaliputtakassa cāntarāḷe gāmādīnaṃ sabbhāvā byavadhānepi pubbasaddassa pavattiyā diṭṭhantamāha-‘mathurā’ iccādi, yasmā sareti opasilesikādhāre sattamyantaṃ padaṃ, tasmā byavadhāne saralopo na hotīti evaṃ saṅkhepabyākhyānena vuttīya mattho veditabbo, na kevalaṃ sareti etthevāti āha- ‘kāriye’ccādi, opasilesikeyevādhāre bhavatīti seso, kāraṇamāha- ‘vatticchānhaividhānato saddassā’ti, vattuno yā icchā vacanicchā tassā anutūlena vidhānato atthassa kathanatoti attho, yena hi yamatthaṃ vattātidhātumicchati satīpyabhiddhānasā matthiye na tato-ññamatthaṃ saddobhidadhātīyadhippāyo, vatticchā vasāye kāraṇamāha’vatticchāpi’ccādi, vattuno suttakārassa icchā vatticchā, kathamupadesato vatticchā-vasīyate’ kathaṅca sāmattiyyatoti āsaṅkiya tamupadassetumāha-‘atocetyādi, ato vakkhamānakāraṇā upadesato vasīyateti sambandho, kintaṃ kāraṇa miccāha-‘yasmā’iccādi, anvayasaddenettha gurupārapariyo-padeso vivacchito, yasmā kāraṇā anvayo gurupārapariyo padeso gurukulamupagamma pañhakarāṇādīnā anvicchīyate gavesīyati, ato kāraṇā guruparamparā gataupadesato vasīyatoti attho, sāmattiyyato-vasāyappaṭipādayitumāha- ‘sāmattiyyampi’ccādi, sāmattiyyampi vuccatetiseso, laghunopāyena saddānamupalakkhaṇe pavattīti byavahitanivattiyā vacanantaraka-raṇamanupannaṃ, upapannaṃ vacanantarakaṇaṃ, tassa ca opasilesikādhāra mantarena aññathānupapattiyā ādhāravisesappaṭipattīti idamettha sāmattiyaṃ, ādhārantareccādinā yathāvuttaṃ sāmattiyaṃ vibhāveti, ādhārantarepīti sabbattha pāṭho dissati, pasaṅgābhāvato atthanta-renāpi ādhārantarepi opasilesikādhārepi vacanantarappasaṅgo siyāti sambandhasambhavā opasilesikādhāranissayanepi ānisaṃso na dissatīti samuccayatthenāpi natthi payojananti vajjetabbo yampi saddoti, nanu kimevaṃ vaṇṇīyate pubbaseveti vacana mevopasilesikamadhikaraṇaṃ viññāpayati... tattheva pubbaparatta sambhavāti yomaññate, tassesā kappanā na saṅgatāti dassetumāha-‘pubbassāti’ccādi, ayuttatte kāraṇamāha-‘sāmīpīkepi tassa sambhavā’ti, ‘gaṅgāyaṃ ghoso’ti vutte ghoso gaṅgāyaṃ pubbo vā paro veti gammamānattā sāmīpīkepyadhikaraṇe pubbaparattassa sambhavāti attho, etāvavuccateti pubbaseva hoti na parassāti ettakameva vuccate, tathāca vakkhati-‘kinta’ntiādi, adhikaṃ byavahitanivutyādi na vuccateti sambandho, ādisaddenettha chaṭṭhīpakappanā gahitā, chaṭṭhīpakappanāpi sāmattiyā katāti sambandho, pakappanaṃ pakappanāvidhānaṃ, evaṃ maññate ‘pāṇīniyā “chaṭṭhīṭṭhāneyogā” tyato (1-1-49) “tasminti niddiṭṭhe pubbassa” (1-1-66) “tasmā tyuttarassa” iti (1-1-67) paribhāsasuttadvaye chaṭṭhīgahaṇamanuvattīya ‘tasminti niddiṭṭhe pubbassa chaṭṭhī’ ‘tasmātyuttarassa chaṭṭhī [niddiṭṭhe pubbassa chaṭṭhīti pubbassa kāriyittapaṭipādanayoggo chaṭṭhī tabbodhakapade bhavattiyattho, eva dhuttarassetu vi. ujjotaṭikā] ti chaṭṭhīpakappanaṃ paṭipādentī ‘yasmīṃ sutte chaṭṭhīniddeeso natthi, tattha chaṭṭhīpakappanāyathā siyā’ti, idha pana vacanantarābhāvepi yattha chaṭṭhīniddeeso natthi, tattha sāmattiyeneva chaṭṭhīpakappanā siddhā’ti, sāmattiyamupadasseti ‘sattamīniddeeso’ccādinā, aññāvibhattiniddiṭṭhopi paṭipajjati sambandho, kāriyayo ganti kāriyasambandhaṃ, yathā “vagge vagganto”ti etthānuvattamānaṃ niggahīta’ntidaṃ chaṭṭhīyantaṃ viññāyate, kathaṃ vaggetesā sattamyakatatthā “niggahīta’nti (1-38) pubbasutte katatthatāya paṭhamā vibhattiyā chaṭṭhīvibhattimpakappeti sattamiyaṃ pubbase’ti tathetyavagantabbaṃ. Etāva vuccateti vutte idanti na viññāyati āha ‘kinta’ntiādi, yadāhiccādinā pariyāyapasaṅgakkamaṃ dasseti. Kimidamuccate pariyāyappasaṅge niyamattaṃ vacananti nanu pubbaparānaṃ yugapaduppattīya mācariyavacanappamaṇeṇappaṭipattīyaṃ vijjhanattaṃ vacananti kasmā nocca teccāha- ‘yugapadupasiliṭṭhāna’ntyādi, yugapadupasiliṭṭhānamasambhavoti sambandho, kutoccāha-‘aparassūpasilesikassābhāvato’ti, atoti yugapadubhinnampattiyā abhāvato, vacanaṃ “saro lopāsare”ccādikāṃ (1-26) suttaṃ.

15. Pañca

Avadhibhāvenāti ‘ato’ccādinā avadhittena, yassāti yo ādīno, kāriyanti ‘ṭāṭe’ādikaṃ, pubbaparāpekkhattenāvisesāti yathā- ‘gāmā devadatto’ti vutte so tato pubbo parogeti viññāyatīyavadhībāvassa pubbaparāpekkhattenāviseso, tatthehāpi “ato yonaṃ ṭāṭe”ti (2-41) vuccamāne ato pubbesaṃ yonaṃ athavā paresanti pubbaparāpekkhattenāvadhībāvassāvisesāti maññate, pure viyāyanena sattamiyanti ettha vuttaṃ niddesavacane kāraṇamatidisati, vuttīyaṃ ‘narānamere’ti ettha apavādavipattiṣedhe satiparattā ṭāṭeādesānaṃ pavattiṃ “ādissā”ti ettha vaṇṇayissāma, atha kimiminā vacanena nanu yato yattha pañcamī niddeeso tattha sabbattha “mānubandho sarānamantā paro” (1-21) tyato ‘paro’tyanuvattetaṃ sakkāti tassānuvattitassa yonamiccānena sāmānādhikaraṇyā’paresaṃ yonaṃ’tyayamattho viññāyate, tato pubbesaṃ pasaṅgoyeva natthīti, netadatthi, paroti tyanuvattamānaṃ ‘ato’ti pañcamyantaṃ sambajjhamānaṃ na

koci vāretā atthīti parato-kārato pubbesampi yonaṃ t̄āteādesā pappontīti vacaneneminā bhavitabbamevāti dassetumāha-‘vacane’ccādi, evañcarahi tadevodāharitabbam, kiṃ ‘narānare’ tyudāhaṅanti ce, nesadoso, aññadattham kārīyamānamihā-pyatthavantam hotīti, pubbako parihāroti byava hitanivattiyā pubbasutte vutto “saretopasilesikādhāro”ti parihāro, na sambhavatīti iha sattamiyā abhāvā na sambhavati, vacanānantaranti paṇiniyānam niddiṭṭhaggahaṇamiva byavahitanivattiyā suttantaram, te hi “tasmāyuttarassā”tyettha (1-1-67) niddiṭṭhaggahaṇamanuvattiya tena pubbe viya byavahitanivattimpaṭipādentī. Anantaretivacanā paccāsattiyā nissayanam viññāyate, katatthātāyāti vacanā jātiyātyāha- ‘paccāsatyā jātiṃ sannissāyā’ti jātiṃ sannissāyā paccāsatyā karaṇabhūtāya nivattimāheti sambandho, iminā paccāsatti nāyabyāpanañāyajātipadatthabyattipadatthesu paccāsattiñāyo jātipadatthocheha nissiyateti dasseti, na hi kevalam jātiṃ nissāya byavahitanivatti vuttum sakkā, tathāhi yadettha paccāsattiñāyo na nissito, tadā byāpanañāyena byavahite cābyavahite cāsajjātīti jātiyā nissayane satyapi byavahitepi byāpyamānā jāti kena nivārīyate nāpi kevalam paccāsattinnissāya byavahitanivatti vuttum sakkā, tathāhyasati jātisannissayena byattinissiyate, byattiyañca padatthe paṭilakkhiyam lakkhaṇam pavattatīti paccāsatti nāyanissayanepyabyavahitampati yaṃ lakkhaṇam bhinnam tadabyavahite pavattam, yampana byavahitampati bhinnam lakkhaṇam, tañca vacanappamāṇato mābhavatvassa byatthātīti byavahitepi pavattate, tasmā ubhopi nissāya nīyāti. Visayadassanappasaṅge visayidassanamatthabyattikāraṇanti vākyantogadhapadānamatthampaṭhamam dassetvā pacchā samāsādikaṃ dassetum ‘kato’tyādikamāraddham, jātilakkhaṇoti abyavahitattajātisabhāvo, ‘osadhyo’ti ettha sakāre akārā parassa dhakārena byavahitassa yossa viyāvasesānampi sabbhāvato vuttam-‘yoppabhutina’nti, jāti sāmāñnam, yāvati visayeti gavādike yattake visaye, kāmacārato visaya parisamattiyā diṭṭhantamāha-‘tam yathe’ti, bhojayeṭīti ettha bhojayeṭīti padacchedo, katohi jātyattho kasiṇoti yasmā sakalo brāhmaṇa jātisankhāto attho parisamatto, tasmāti attho, idam vuttam hoti- ‘yāva diṭṭhambhojaye’ti vutte [vuttena (potthake)] santāya sāmāñnavutti brāhmaṇasaddappayogasāmatthiyā paccakambhojanakiriyā katā nāma hoti, yato kasiṇopi jātyattho parisamatto nāmāti. “Byañjane dīgharassā”ti (1-33) sutte byañjaneti sattamī pubbassa dīghādividhimhi caritattā “saramhā dve”ti (1-34) ettha saramhāti pañcamyaka tatthā, tato pañcamīnidhesassa balīyattam, tato “sattamiyam pubbassa” “pañcamiyam parassā”ti dvinnam parassa samuṭṭhāpane ‘byañjane’ti sattamī parassa kārīya yogitāya atthato vibhattivipariṇāmena chaṭṭhībhāvena pariṇamatī... dvinnam sutfānam vippaṭisedhe parassa balī yattāvati etādisasāmatthiyasabbhāvato vuttam-‘chaṭṭhīpakappanāpi pureviya sāmattiyā’ti.

16. Ādissa

Kiñci antassa sampattanti yaṃ t̄anubandhamanekavaṇṇam na hoti, tam “chaṭṭhiyantasse” (1-17) tyantassa pattam, kiñci sabbasseti “t̄anubandhānekavaṇṇā sabbasseti” (1-19) t̄anubandhamanekavaṇṇaṅca kārīyam sabbassa pattam. Yadantabhāvikārīyamtyādinā vacanaphalamupadassento ‘chaṭṭhīyantasse’ t̄imassāpavādo yaṃ yogoti dasseti, tassāyama pavādo hotu t̄anubandhādikārīyam kathanti āha-‘t̄anubandhe’ccādi, vipaṭisedhāti apavādavippaṭisedhā, “chaṭṭhiyantasse”ti hi ussaggo, tassāpavādā “ādissa” “t̄anubandhānekavaṇṇā sabbasse”tyete, “ādissā” t̄imassāvākāso ‘terasā’ti, “t̄anubandhānekavaṇṇā sabbassā” t̄imassāvākāso ‘esu, anenā’ti, ihobhayampappoti “ato yonaṃ t̄āte” (2-41) “narānare” “atena” (2-108) “janenā”ti (tattha) “t̄anubandhānekavaṇṇā sabbasse” t̄idampavattatīti tesamapavādānam vipaṭisedhā sabbādeso bhavati. “Chaṭṭhiyantassā”ti dasasadde-ntassa pattopi tadapavādattā “ādissā”tiādibhūtassa dakārassa hotīti āha ‘dakārassaro’ti.

17. Chaṭṭhī

Kotthonta saddasseccāha-‘antovasāna’miccādi, “vaṇṇassantassa”ti (1-1-52) sutte vaṇṇaggahaṇamantavisesanāyopadiṭṭham paṇininā-antassa padassa vākyassa vā mābhavīti, iha tvanattakam vaṇṇaggahaṇam byavacchejjābhāvāti dassetumāha-‘so ce’ tyādi, nanu brahmassāti visesanatthena vattumicchito mahābrahmasaddo chaṭṭhīniddiṭṭho nāmāti “brahmassu vā”ti (2-194) uādeso “chaṭṭhiyantassā”ti antabrahmasaddassa pappoti, tathā sati ‘na hi chaṭṭhī niddiṭṭhassa antam padaṃ vākyam vā sambhavatīti kasmā vuttanti, vuccate- na visesanatthenākkhepamattena mahābrahmasaddo chaṭṭhī niddiṭṭho nāma bhavatīti na brahmasaddassa sabbassādesappasaṅgo,

mahābrahmasadde vā brahmasaddo atthīti tassāntassa uttamā vidhīyate.

18. Vānu

“Chaṭṭhiyantasse” tyanenevāvisesena vānubandhakāriyepyantassa siddhe kimatthoyamārambhotyāsankiya ṭānubandhāyādinā vacanaphalamupadassento ‘bādhakabādhanattho-yamārambho’ ti-vadati, tathāhi “chaṭṭhiyantasse” tyassa bādhako “ṭānubandhānekavaṇṇā sabbasse” ti, tassa ca “vānubandho” tyayaṃ yogo bādhakoti bādhakabādhanattho sampajjate, apaiccayamupasaggo vajjane nīvāraṇe, panayane vā vattateti apodyante ussaggalakkhaṇāni vajjīyante nīvārīyante apanīyante nenetyapavādo, suttekadesena suttamevopalakkhitanti antassa ‘chaṭṭhiyantassā’ ti suttassa apavādo antāpavādo, ussajjate nivattīyatyapavādenetyussaggo, ussaggāpavādakkamo panettha evaṃ veditabbo “chaṭṭhiyantasse” tyussaggo, tadapavādā “ṭānubandhānekavaṇṇā sabbassa” “ukānubandhādyantā” “mānubandho sarā namantā paro” ti, “ṭānubandhānekavaṇṇā sabbasse” tyussaggo, tada pavādā “vānubandho” “mānubandho sarānamantā paro” ti.

19. Ṭānu

Chaṭṭhīniddiṭṭhasseccādinā vacanārambhappayojanākhyānenāntādesāpavādo yaṃ yogoti bravīti, paccekamabhisambandhoti so ṭākārānubandho cādesotiādinā, kassa sabbassa bhavaticcāha-‘chaṭṭhī niddiṭṭhasse’ ccādi, nanu ca ṭeādesopyane kavaṇṇoeva dvivaṇṇasamudāyattātyāsankiyāha-‘upalakkhiye’ ccādi, anubadhyate payoge asuyyamānepi payojanavaseṇānūsārīyatīyanubandho, upadese yevopalakkhiya nivattatetyanetaṃ dasseti ‘uccāritavināsinonubandhā’ ti, upadese paṭhamuccāraṇe.

20. Ņakā

Ādyantāti vutte kathamavayavātyayamattho labbhatī tyāha-‘ādyantasaddānami’ ccādi, ādyantasaddānaṃ niyatavayavācittā avayavassa cāvayavināmantarenā sambhavato sāmattiyāvayavī lakkhīyati, chaṭṭhiyātanuvuttito vāvayavāvayavisambandhesā chaṭṭhī, tāya niddiṭṭhassātyayamattho viññāyateti vuttīyaṃ-‘chaṭṭhīniddiṭṭhassā’ ti (vuttaṃ), teneva paccayavidhimhi kūppaccayādayo na dosā bhavanti, atoyevāti tadavayavācittatoyeva, taggahaṇeti avayavaggahaṇena, katākatappasaṅgittāti otte katepi akatepi vukāgamassa pasaṅgato, bhūyattatā hi ottassa bhūggahaṇe sati katepi otte vukāgamena bhavitabbamakatepi tatova “katākatappa saṅgī yo vidhi sanicco” ti niccattā ottaṃ bādhitvā vukāgamo hoti, atha vukāgame pacchā tena na bhavitabbanti āha-‘antāvayave’ ccādi.

21. Mānubandho

Yadiniddhāraṇe chaṭṭhī antassāvisesitattā avisesena yato kutoci antato bānubandho paro siyā, na hi dutiyaṃ saraggahaṇamatthi, yenānto visesīyateccāha-‘niddhāraṇa’ miccādi, kāraṇamāha-‘sutattā’ ti, ‘sarāna’ nti sutattāti attho, tena “sutānumitesusutasambandhobalavā” ti rundhatītetthadhakārassā numitassa maṃ na hotīti dīpeti, samāna jātiyasseeva loke niddhāraṇappatīti hoticcāha-‘tathā hi’ ccādi, yathā’ kaṇhā gāvīnaṃ sampannakhīratamā’ ti vutte avisesitattepi kaṇhāya kaṇhāgāvīyeva patīyate, tathehāpi sarānaṃ majjhe antātyantattena niddhāriyamāno samānajātiyo saroyeva patīyate, tena sarānaṃ yevāntāparo bhavissatīti bhāvo, visesanattoti “ñīlatasse” ti (5-163) sutte assāti vutte ayameveti niyamābhāvā yassakassaci akārassa ñippattī, tenāniṭṭhappattīti lānusaṅgisseeva assāti lassa yaṃ visesanattaṃ taṃ attho payojanamassa “kattarilo” ti (5-18) lakārassāti visesanattho lakāro, idhevāti imasmim “mānubandho” tiādisutteeva.

22. Vippaṭi

Paroti vattate, so cāññādhikyaitṭhāyanekathopi idha iṭṭha vācī daṭṭhabbo, kammabyatihāreghaṇiti kammabyatihāro kiriyāparivattanaṃ bhāvaviseso tasmim ‘bhāvākārakesvaghāṇhakā’ ti (5-44) sāmāññena vihittatā vippaṭisedhananti atthe ghaṇi vippaṭi

sedho, tenāha-‘sāmaññe’ccādi, vipṭisedhasaddassa atthamāha-‘aññamaññapaṭisedho’ ti, saṃsiddhiyaṃ vattamānopi sidhi upasaggasambandhe nāttantarepi hotīti aññamaññavirodhotyattho, vipṭisedhasaddassa loke virodhavācittena pasiddhattamāha ‘tathā hi’ccādinā, kathampana pamāṇabhūtassācariyassa vacanesu aññamaññavirodho sambhavatīccāsaṅkiya ubhinnaṃ sāvakāsatte sati sambhavati nāññathāti ‘dvinna’miccādi vuttigantho pavattoti vuttam ‘soca’ tiādīmāha aññamaññājjhāsiteti aññamaññenānakkante apariggahiteti vuttam hoti, anubhayatāginīti yo visayekadeso ubhayanna bhajate tasmim anubhayabhāgini visayekadeso, sāmaññavisayo dvinnaṃ vidhīnaṃ sādharmaṇo visayo, tattha pavattippasaṅge sati soca vipṭisedho jāyatīti sambandho, iminā vipṭisedhassa visayo pavattippasaṅgo visayavisayānamabhedena sutte ‘vipṭisedho’ tivuttoti ‘dvinna’miccādinā vuttigantho racitoti dīpeti, paro hotīti vidhidassitoti iminā yadi niyamo-bbhūpagato siyā, tadā ‘parovahotī’ ti vadeyyāti dasseti, pāṇiniyā hi jātiyaṃ padatthe sakimeva lakkhaṇaṃ pavattatīti caritatthattā visyantare dvinnaṃ lakkhaṇānamappavattiyaṃ paraṃ pacchimaṃ kāriyanti vidhyatthamidaṃ vacanaṃ, byattiyantu padatthe latvādīnamiva pariyāyappasaṅge niyamattanti paṭipannā, idha pana jātiyaṃ byattiyaṃ dvinnaṃ sutānamappavattiyameva vidhyatthamevidaṃ vacanaṃ, na niyamattampīti paṭipādetumāha-‘tathāhi’ccādi, kāmacārato parisamāpīyateti sambandho, kāmato parisamāpanaṅcetissā sabbasmim attano gocare avicchedabyāpanena pavattisabbhāvato. Kathampanekassāpi pavatti na bhaveyyātyāsaṅkiya kāraṇamāha ‘ubhayampi’ccādi, hisaddo yasmātthe, yasmā ubhayampidamācariyavacanaṃ, tatoeva pamāṇaṃ, abhimatakāriyavidhāne līngabhāvena saddikānumatattā(tesaṃ) vidhīnaṃ vidhāyakaṅca tasmāti attho. Pamāṇattā dvinnaṃ appattiyaṃ kāraṇamāha-‘anubhayabhāgimhi’ccādi, yato laddhāvakāsā tato samānabalāti, itisaddo hetumhi, viruddhācāti ettha itisaddaṃ datvā ‘anubhayabhāgimhi...pe... viruddhācāti dvinnaṃ vacanānaṃ pamāṇattā ubhinnaṃ appavattīti sambandho veditabbo. Samānabalānaṃ dvinnaṃ lokepi virodhitaṃ ekakkhaṇeyeva ubhinnaṃ kāriye appavatti ca dissatīti dīṭṭhantamāha ‘lokece’ tyādi, ettha ca pessassa (a)virodhattino kāriye appavattiriva [appavattiyeva (pottake)] samānabalāna mubhinnaṃ vacanānaṃ kāriye appavattīti sukheṇo pamāsaṃsandanaṃ viññātabbaṃ.

Jātipakkheya bhassakārena dvinnaṃ yugapadippattiyaṃ ‘latvādīnamiva’ pariyāyappasaṅgo vaṇṇito, tassāyuttattamupadassento āha ‘nacāpi’ccādi, bhinnavisayattāti dvinnaṃ vidhīnaṃ bhinnavisayattā. Bhinnavisayatthe hi pariyāyakappaṇā yuttimatī, atoca latvādīnamabhinnavisayattapaṭipādayitumāha- ‘latvādayo hi’ccādi, anavayaveneti dhātu mattato vidhānenāvayavabyatirekasabbhāvato sabbadhātupariggahena, yattha yasmim dhātvatthekadeso pavattā samānā pavattā santo laddhāvakāsā siyuṃ tassekadesassa parihārenāpi pariccāgenāpi na vidhīyanteti sambandho, latvādīna mekakkhaṇe asambhavā ekasmim kate satītaravacanaṃ mānatthakyappasaṅgāca pariyāyena bhavantīti yantaṃ yuttanti sambandho. Ihāti imasmim yugapadippattiyaṃ, iha tathābhāvassa kāraṇamāha-‘sāvakā...pe... vacana’ nti, tatthāti yugapadippattiyaṃ. Jātiyampadatthe ‘‘punappasaṅgavijānanā siddhaṃ, vipṭisedhe yaṃ bādhitam tambādhitamevā’’ tūmāsamubhinnaṃ paribhāsanampavattim paṭipādentō āha- ‘parasmim ce’ tyādi, parasminti iṭṭhe, paribhāsanampana ayamatto ‘punappasaṅgavijānanāti dvinnaṃ sutānamekatthappa saṅgasankhāte vipṭisedhe satiparamiṭṭhaṃ paṭhamaṃ hoti, hontena tena yadītarassa nimittopaghāto na kato tadā tassāpi punappasaṅgo tassa vijānanā siddhanti, vipṭisedhe yathāvutte sati paṭhamaṃ hontena yaṃ suttaṃ bādhitam tassa punappavattiyā yadi nimittaṃ natthi taṃ bādhitameve’ ti. Byattiyampi vidhyatthamevidaṃ vacanaṃ, na niyamattanti dassetumāha-‘byattiya’miccādi, evaṃ maññate ‘byattiyaṃ paṭilakkhiyaṃ lakkhaṇappavattiyaṃ dvinnaṃ sādharmaṇaṃ ṭhānampati yāni vacanāni bhinnāni tesampi niravakāsattena tulyabalattā dvinnaṃ paṭipattiyevasiyā, natu pariyāyappasaṅgo’ ti. Byattiyampi yathāvuttānaṃ paribhāsanam pavatti vuttavidhinevāti dassento ‘paribhāsanampi’ccādimāha.

Jātiyampadatthe ‘‘vattamāneti anti, si tha, mi ma, te ante, se vhe, e mhe’’ccādināṃ lakkhaṇānamekamekatthepi vattamāneti anti, vattamāne si tha iccādināṃ vākyekadesānaṃ gacchaticcādo gaccha siccādo ca lakkhiye sakimpavattiyā sabbasmim sake visaye paṭhama majjhimapurisekavacanajāti parisamattāti caritatthattā tumhe gacchathāti ettha dvīhi dvinnaṃ purisāna mekakkhaṇe pavattiyaṃ na kassaci, byattiyampi paṭilakkhiyaṃ lakkhaṇāni bhijjantīti sādharmaṇaṃ ṭhānaṃ patibhinnehi lakkhaṇehi dvinnaṃ pekatthe-kakkhaṇe pavattiyaṃ na kassaci, tathā vuttanayeneva tiṇṇaṃ purisānamekakkhaṇe pavattiyanti sabbathā appavattiyaṃ sampattāyaṃ

vacanamidaṃ, paro hotīti majjhimuttamaṃ bhavatīti adhippāyena ‘yathe’ccādinā vuttaṃ vuttiganthampañhamukhenā haritvā dassetuṃ ‘kvapanā’tiādīmāha, nedamudāharaṇamamaṃ manāṃ bhoṣeti-yato vipphaṭṭhāyamevedaṃ na hoti, kuto yato “vattamāneti anti”ccāḍippabhuṭīnaṃ vattamāneti anticcāḍīhi vākyekadesehi niddiṭṭhānameva pubbaparacchakkānaṃ purisavacanavisesavidhāyakena “pubbaparacchakkāna mekānekesu tumhāma sesesu dvedve majjhimuttamaṃapaṭhamā” (6-14) tīminā vākyāvayavena tumhāmhasesesu payujjamānesu appayujjamānesu vā yathākkamaṃ pubbacchakkānaṃ paracchakkānañca majjhimuttamaṃapaṭhamānaṃ paccekaṃ dvedve vacanāni yathākkamaṃ bhavantīti ‘gacchatha gacchāmā’ti ettha ekakkhaṇe pavattiyeva natthi, dvinnampana sāvakaśāna mekkhaṇe pavattiyeva hi vipphaṭṭhāyamevedaṃ, tathāpi vuttanayena vipphaṭṭhāyamevedaṃ sakkā kātuntīdamudāhaṭaṃ siyāti daṭṭhabbaṃ, imissā pana paribhāsāya nirākulappavatti “ādissā” tīmissā vuttanayena veditabbā, katākatappasaṅgī yo vidhi, so nicco, yotvakateyevāyamaniccoti vuttaniccānicesu antaraṅgabahirāṅgesu cātulyabalatā nāssa yogassa byāpāro, tathāhi niccānicesu niccameva balavanti niccānicesu amatulyabalatā, antaraṅgabahiraṅgappakāra(mpana) upari “lopo”ti (1-39) sutte pakāsissāma.

23. Saṅketo

Vacanārambhassa phalamāha-‘anubandhoti yaṃ vuttaṃ’tyādi, vuttīyaṃ “yonavayavabhūto saṅketo”ti sāmāññena vuttepi “bhāsissaṃ māgadhaṃ saddalakkhaṇa”nti saddalakkhaṇā bhidhānappakaraṇato saddassānavayavabhūtoti viññāyati dassetuṃ māha-‘kassa’tyādituppaccaye lakāro udāharaṇaṃ, pakatiyādi samudāyassātiādīvākyassa sāppāyamatthaṃ vivarituṃ ‘evamaññate’ccādi vuttaṃ, keci saddasatthakārāti pāṇinīṃ sandhāyāha, vacananti “tassa lopo”ti (1-3-9) vacanaṃ, payogāsamavāyitāti kattāiccāḍippayoge asamavāyitā appayogitāti adhippāyo, evampissa lopo vaseyo... anupubbo bandhivināsatthoti āhu uccāritapadhaṃsittā anubandhyate vinassatetyanubandhoti imāya sadda byuppattiyāvaseṇa.

24. Vaṇṇa

‘Atenā’ti (2-108) ettha atoti rassabyattiniddeso vā siyā rassajātiniddeso vā sakalanissayabyāpī atthajāti niddesovā, tattha rassabyattiniddese sati buddhasiddhādīsu yatthakathaci akāro gayhateti netṭhappasiddhi... kesañci asijjhanato, rassa jātiniddese pana buddhasiddhādisabbākārāntānaṃ lakkhaṇikagavādyakā rantānañcākāro gayhatīti sabbathā iṭṭhappasiddhi, nāñño dīgho byattantarattāti nāniṭṭhappatti ākāro nāssenābhāvā, tasmā atoti rassajātiniddese nissite sabbamidamiṭṭhaṃ nipphajjati nāthajāti nissīyate, na rassabyattica, “yuvanṇāname oluttā”ti (1-29) ādīsu pana rassabyattiyā rassajātiyā vā niddese ‘tassedam nopeti’ccāḍīsu eoādikamiṭṭhaṃ katthaci bhavēyya, na sabbattha, sabbattha vā bhavēyya ‘vāteritaṃ samonā’tiādīsu byattanta rattā, tasmā sabbathā iṭṭhappasiddhiyā ittajātyādi nissīyate, athavā vaṇṇuccāraṇampati kesañci vaṇṇuppattiṭṭhānaṃ uccānīcatadubhaya saṃhāravaseṇa vaṇṇavisesuppatti dassanato tesam vaseṇa rassa byattiniddese rassajātiniddese vā vuttanayena iṭṭhāniṭṭhappattiyam sabbathā sabbathā iṭṭhappasiddhiyā ittajātyādi nissīyate, tattha vaṇṇa pareṇa savaṇṇaggahaṇaṃ niyamituṃ vacanamidaṃāraddhanti ‘sabbatthevā’tiādīnaṃ vacanārambhaphalamāha, sabbatthevāti sabbasmiṃyeva suttappadeso. Nanu sayañcāti vuttepi pariyattaṃ, na hyaññaṃ rūpā sayamatthi, aññaṃ vā (saya)to rūpanti siddhepyevaṃ sati atthettha paro koci visesoti nāpetuṃ sañca rūpa’nti vuttikāro āhāti sambandho, rūpassa visesitabbatā ‘sañca rūpa’nti vuttīyaṃ niddisīyamānattā ca rūpanti viññāyati ‘sañca gayhatī’ti vuttaṃ, saṃrūpaggaṇāyāpisaddam karoto-dhippāyo-yanti vattumāha-‘aññathe’ccādi, aññathāti aññenappakāreṇa saṃrūpaggaṇāyā apisaddābhāveti adhippāyo, aññapadattheti aññapadattha samāsavisaye, guṇībhūtassāti appadhānabhūtassākāre kāradīno, samāseṇa vuttattā padhānatū tattepi guṇo bhavati aññapadattho-kārekārādi vidhāya kattā, vidhīyamāno savaṇṇova padhānaṃ... idamatthitāya tappavattiyāti. Nanu vuttīyamapisaddasatthaṃ vadatā sayañceti vattabbaṃ, “tathā sayamattāni”ti nighaṇḍuto sayañca-ttākārekārādiñca gayhatīyamatto sambhāvīyati codanampanasi nidhāya ‘sañca rūpa’nti vadanto sādhippāyāruḷhaṃ kiñci atthavisesaṃ pakāsetuṃ tathēvāhāti dassetuṃ vuttaṃ-‘sayañce’tyādi, “dhanāññātiṃsu saṃsaddo, tathāttattaniyesupī”ti nighaṇḍuvacanato ‘sa’nti attāpi gayhati, ko so saddarūpaṃ sādharāṇaṃ, ‘sa’nti attaniyampi, kintaṃ saddāna masādhāraṇaṃ saddarūpaṃ, tathā sati attaniyaṃ rūpaṃ nāmāttasaṅkhātasaddasambandhīti

āha-‘saṃrūpaṃ saddānamasādhāraṇaṃ rūpa’nti, etañca idantūminā sambandhitabbaṃ, asādhāraṇanti asādhāraṇaṃ saddarūpaṃ, sati sambhave byabhicāre ca visesanassa sātthakatāya asādhāraṇanti rūpaṃ visesatā sādharmaṇassāpi sambhavo vuttōyeva nāmāti āha-‘duvidhaṃ hi’ccādi, kintaṃ sādharmaṇamasādhāraṇaṇicarūpanti sāmāññena rūpaṃ niddisitumāha-‘tathā’tiādi, tatthāti niddhāraṇe sattaṃ, saddānanti sātthakaniratthakānaṃ yesaṃkesaṇci saddānaṃ, taṃtaṃ saddattādīhi tesamaṃtesaṃ buddha aiādīnaṃ saddānaṃ saddattādi, ubhayattha ādisaddena attho saṅgahito, tena sādharmaṇaṃ saddarūpamattharūpaṃ tathā-sādharmaṇanti catubbidhaṃ saṃrūpanti dasseti, catūsupi cetesvasādhāraṇassa saddarūpassevopānaṃ dassetumāha-‘tathā’tiādi, sādharmaṇarūpabyudāsenāti sādharmaṇarūpassa pariccāgena, upādiyanto rūpameva saddassasaṃ, nātthoti ca dasseti sambandho, ca saddo panettha ‘idaṃ dasseti’ti heṭṭhā vuttaṃ samuccinoti, asādhāraṇassevopādiyane kāraṇamāha-‘tanta’miccādi, itaranti ye saṃkesaṇci saddānaṃ saddattādi, parassāpīti aññassa yassakassaci saddassāpi, iti idaṃ, patitaṃ pasiddhaṃ, ettha pana itisaddo hetumhi, yasmā idaṃ yathāvuttaṃ pasiddhaṃ tasmā pubbācariyaparamparāyāgato padesato upādiyantoti pakataṃ, saṃsaddavisesanasāmatthiyena asādhāraṇarūpopādiyane pi asādhāraṇaṃ saddarūpamevopādiyati nāsādhāraṇamattharūpaṃ... iminā vakkhamānakāraṇatā [tāya (potthake)] vassenāti āha-‘saddasse’ccādi, āsannaṃ...saddato saddabhāvasā naññattā, vipariyayatoti vipariyāsenā anāsanna bhāvenāti attho, cakkhuvisayaopi hi attho kathaṃ sotavisayasaddassa na āsanna saṃrūpambhavitumarahatīti, kāraṇantaramāha-‘aheyyattācā’tiādi, aheyyattāti apariccajanīyattā, idampi nicasambandhitte kāraṇavacanaṃ, taṃ saddarūpaṃ, nicasambandhīti niraṇtarasamaṃyogī, vipariyayatoti heyyattā, tathāhiccādinā atthassa heyyattaṃ bodheti, aparaṃ kāraṇamāha-‘asādhāraṇaṇca rūpaṃ’tyādinā, sādharmaṇo pariyaṃ saddānaṃ, paccatabbattāti viññātabbattā, idāni kāraṇattayaṃ samodhānetvā imehi kāraṇehi rūpameva saddassa saṃnāma, nātthoti niyametvā dassetuṃ ‘tadeva’ntiādi āradhaṃ, tadevanti yasmā evaṃ, taṃ tasmāti attho, sarūpappadhāneti ‘‘gossā vaṇa’’ (1-32) tyādo gossātyādi ke sarūpappadhāne.

25. Ntu

Ntusutiyaṃ jantvādīnampi ‘‘ntantūnaṃnto yomhi paṭhame’’ (2-215) tyādinā gahaṇappasāṅge jātiyamabhīppasaṅgabādhanatthaṃ byattiyāṃ vantvādi sambandhīnamupādānattamidamāradhaṃ ‘‘vantvavaṇṇā’’ (4-79) ‘‘tametthassattīti mantu’’ (4-78) ‘‘kattari bhūte ktavantu ktāvī’’ (5-55) ti vihitā vantvādayo nāma.

Iti mogallānapañcikaṭṭikāyaṃ sārattavilāsiniyaṃ

Paribhāsādhikāro samatto.

Saralopādi vaṇṇanā

26. Saro

Ādhāravisesāpassayananti opasilesikādhāravisesassa nissayanaṃ, opasilesikādhāraṃ vinā ādhārantare gahite sati vacanantaraṃ suttantaraṃ vinā byavahitanivatti kātuṃ na ca sakkāti sambandho, kecīti buddhappiyācariyādayo dasseti, te hi yadi vaṇṇena kālena vā byavadhānēpi sandhi bhaveyya tadā saretī nimittasso pādānaṃ niratthakaṃ bhaveyyāti saretī nimittopādānasāmatthiyenānena vaṇṇādi byavadhāne no sandhīti maññamānā ‘nimitto’ccādikāṃ vākyamāhu, tadayuttanti tehi ‘nimitto’ccādinā yaṃ vuttaṃ, taṃ ayuttanti attho, ayuttatte kāraṇaṃ byabhicārasabbhāvena sāmattiyābhāvōyevāti byabhicārandassetvā sāmattiyābhāvandassetumāha-‘avasāne,ccādi, kāriyābhāvepīti ettha na kevalaṃ ‘idameva saccaṃ, sumanā bhavantu athopi’tyādo vaṇṇakālabyavadhāneyeva, atha kho ‘ete na saccena suvatthi hotū’tyādo avasāne ‘pamādo maccuno padaṃ’ tyādo anta bindu saṅkhātanimittantare vā kāriyābhāvepi nimitto pādānassa sātthakatoti apisaddasattho, sātthakatoti bhāvappaccayalopena bhāvappadhānavasena vā vuttaṃ, sātthakattatoti vuttaṃ hoti, aññathā nimittopādānameva sātthakaṃ nāmāti ‘nimitto pādānassa sātthakato’ti na yujjati, ayametthādhīppāyo ‘avasāne nimintare vā kāriyābhāvena byabhicārasabbhāvā aññathānupapattilakkaṇaṃ sāmattiyāṃ natthi, nimittantubyavadhānēpi catthi, yathā’dārunimittāṃ vanopasaṅkamana’nti tasmā vaṇṇakālabyavadhānēpi saretī nimitte sati lopakāriyaṃ pappote vā’ti.

Luppatīti ‘tatrimē’ccādinā kathanakāle na dissatīti attho, adassanamattameva hi lopo, aññathā ‘tatṛā’disaddarūpābhāvappattiyā atthappatīti kārīttamesaṃ na siyāti, paṭhamāya niddiṭṭho... vuttattā kammassa, sarassāti vadeyya... bhāve khādippaccayena avuttakammattā, ihāti iminā satthantare bhāvasādhanavasena gahaṇaṃ vibhāveti, gantha lāghavo... sarassa lopoti vā lopaṃ pappotīti vā avattabbattā, saroti paṭhamāya niddiṭṭhattā saro lopo nāma hotīti saṅkāpi siyāti āha-‘na ce’ccādi, ihāti imasmim̐ sutte, honticcādopi pubbasaralope hanticcādīkampi siyātyāsaṅkiyāha-‘soce’ccādi, ussaggato āgato sambhūto tassa vā ayaṃti ossaggiko pubbalopo, tassa bhāvo ossaggikattam, ossaggikattā pubbalopassa kāriyantarehi paralopādīhi apavādavidhīhi ābādhitō eva, so ca pubbalopo hotīti sambandho, ‘‘paro kvacī’’ti (91-27) kvaciggahaṇena pubbaparakalopānaṃ tulyabalattābhāvā yathā gamappattīto paralopassāpavādarūpattam, ajjhāsīteti pavīṭṭhe, na hoti... paralopāpavādena bādhitattā, tehīti paralopādīhi, sabbathā muttavisayo saddhindriyanti, vikappena muttavisayo late vāti.

27. Paro

Itisaddo idamatthe, kvaci lopaṇīyo hotīti idaṃ vacanaṃ dīpetīti sambandho, kinti āha-‘payogānusārīta’nti, kassāti āha-‘kāriyassa paralopassā’ti, kena hetunāti āha ‘kvaciggahaṇenā’ti, katthāti āha-‘iha imasmim̐ sutte’ti, tenāti tena payogānusārītidīpanena, yathāpayoganti āgamapayogānatikkamena, niccaṃ pakkhevā paralopo siyāti honticcādo niccaṃ, latāvātīdīsu pakkhe vā paralopo bhaveyya, evaṃ maññate ‘‘kasminti atthe kvāti nipphanenāniyamavuttinā aniyamatthasseva visesakato vacane sabbatthevāniyatattavuttittā kvacisaddo-yaṃ yathāgamaṃ niccamaniccamasantañca vidhim̐ dīpeti, tatha honticcādīko nicca pakkho paralopasseva visayo, latāvātīdīko aniccapakkho ubhayasādharāṇattā pubbalopassāpi visayoti iminā niccaṃ pakkhe vā paralopo hoti, asantapakko pana saddhindriyantiādīko pubbalopasseva visayo sabbathānena pariccattattā’’ti, tīsupi cetesu pana pakkhesu niccāniccapakkhesu yevassāpavādarūpatā... pubbalopassa sabbathā honticcādo nivārakattā vā vidhāyakattā vā paralopassa, na tvasantapakke... pubbalopasseva sabbathānena dinnā vasarattā, lokaggotīdī tu kvacisaddassa payogānusārītā dīpakattā nicce asantevāpi vidhimhi dīpite paralopena vā nipphajjātīti neṭṭhabyāghāto, evaṃ tāva kvaciggahaṇe sabbathāniṭṭhāparihārena iṭṭhappasiddhi siyā, tadabhāvekathanti tadabhāve virodhamāha-‘aññate’ccādi, pariyaṇena bhavanti kvaciggahaṇābhāve ‘paro’ti suttaṃ siyā tathā sati suttaṃ dvayamekavisayaṃ tulyabalañca siyā, tatha vipaṭṭisedhābhāvā pamāṇabhūtānamācariya (vacanā)naṃ niratthakatā mā bhavīti vārena bhavanti attho, itīti iminā pariyaṇabhavanakāraṇena, pakkheyeva siyāti latāvātīdīsu pubbalope pariyaṇappavatte pariyaṇena paralopassāpavattīto latāvātī pakkheyeva paralopo bhaveyya, honticcādo niccaṃ na siyāti sambandho, tañcāti taṃ pariyaṇabhavanañca, kho vākyālaṅkāre, paṭipadanti padampa dampati hoti, nekadesāparihārenāpi, tenāha ‘na katthacī’ti, iminā idaṃ dīpeti ‘‘sabbattha vikappappasattiyā hanti, saddhandriyaṃtīyādīkaṃ ‘‘na dnevā’’ti (1-28) suttepi hanticcādīkañcāniṭṭharūpampi sampajjātī’’ti. Nacevamiṭṭhanti evamidaṃ yathāvuttaṃ vikappavidhānaṃ saddalakkhaṇaññūhi nevābhimatanti attho, tameva sādheti ‘paralopo hi’ccādinā, athā niccapakkhe vā paralope kate-nena pariccattatṭhāne ussaggappavattiyā latāva latevātī rūpadvayaṃ sampajjati tasmā payogānusārītādīpakena kvacisaddeneva honti saddhindriyaṃ latāva latevātī payoga sambhavopi, tathāpi aniccapakkhe latāvātī tatiyarūpappasiddhiyā pariyaṇena bhavitābanti parikkappeti ‘nanu cetyādinā, atha ‘‘paro kvacī’’ti kvaciggahaṇe sati apa(vādarūpa)ttā kathampariyaṇappavattīti manasi nidhāyāniccapakkhe pariyaṇappavattīdīpanatthaṃ ‘‘na dnevā’’ti suttitanti apavāde rūpattayepi pariyaṇappavattiyāṃ dosābhāvamaṇha-‘nāyaṃ doso’ccādi, tathāhiccādinā ‘‘na dnevā’’ti sutteneva pariyaṇassāpi dīpitattaṃ sādheti, sā ca ekatthappavattī pariyaṇaṃ vinā na sambhavati... ekakkhaṇe pavatyaabbhāvātī adhippāyo, nanu ca kvacābhāve pariyaṇappavattiyāṃ yathāvutta dosassevāppasaṅgato mā hotu pariyaṇo, bhinnavisaye pana pubbaparakalopappavattiyā ‘‘na dnevā’’ti nisedhe lateva latāva latāvātī rūpattayaṃ nipphajjātīti codanaṃ manasi nidhāyāha-‘nace’ccādi, tatha dosamaṇha-‘tathā ca sati’ccādinā, katthaci demiccādo niccaṃ pubbalopasseva, katthaci honticcādo niccaṃ paralopasseva, vikappena vā katthaci yathodakaṃ yathāudakaṃ tyādo pubbalopasseva katthaci itipi iccapiccādo paralopasseva katthaci lateva latāva latāvāccādo pariyaṇenubhayaalopasseva dassanatoti sambandho, etthaca itipīti vavatthitavibhāsatta dīpanena kvacisaddena paralope kate-ññātra pubba lope sampatte ‘‘na dnevā’’ti etthānūvattamaṇa kvacānūbhāvena niccaṃ nisedhe iccapicceva bhavati. Sambajjhāti tesu tesu suttasu. Paricchedoti kammattavasena ādhāravasena vāti āha-‘paricchijjati’ccādi.

28. Nadve

Tatthacāti casaddena bhavitabbaṃ, tathā ca sati aññoññānājjhāsi taṃ yathodakam yathāudakamtyādi itipi iccapiccādica saṅgahitaṃ bhavatīti, pubbalope paralope ca pariyāyena sampatte dvinnampi pakkhe abhāve sati kathamidaṃ yujjati codeti ‘yajjeva’ miccādinā, yajjevanti hi ayaṃ nipātasamudāyo aniṭṭhāpādanārambha vattate, evañce gayhatīti attho, tadeti atthato viññāyati, niccaṃ sandhikāriyābhāve kāraṇamāha-‘upasilesā bhāvato’ ti, tadeva samattheti īdisesu hi ‘ccādinā, vattumiṭṭhattāti iminā sannikaṃso vaṇṇāna maddhamattakālabyavadhānā paccāsatti, sannikaṃsassetassa vacanicchāyaṃ satiyeva sandhikāriyaṃ hotīti dīpeti, upasilesābhāvo vāti upasilesābhāvo eva bhavati, nāññathāti adhippāyo, tadabhāvecāti tassa upasilesassa abhāve ca, sandhikāriyābhāve kāraṇamāha-‘kālantarena byavadhānā’ ti, kālantarenāti ubhayattha ṭhitavaṇṇāna mucāraṇakālato aññena majjhappatitakālena, sandhi hoteva... sannikaṃsavacanicchāvasena upasilesābhāvato, buddha vīra atthurājaputtaṃ ajarāmaroti chedo, yadipi sabbampetaṃ yajjevamtyādinā vuttaṃ kvaci saddappabhāvene va sijjati, tathāpi pakāro-yampi satthe yojetabbo vāti dassetuṃ vutto.

29. Yuva

Nanu sutte ‘luttā’ ti pañcamī niddesā ‘paresa’ nti hotu, ‘yathākkamaṃ’ ti tu vacanābhāve kathaṃ yathākkamaṃtīdaṃ vuttanti āha-‘same’ ccāti, samā saṅkhyā gaṇanā yesu te samasaṅkhyā-uddesino anudesino ca, uddisanaṃ paṭhamaṃ niddisanaṃ uddeso, anudisanaṃ pacchā kathanam anudeso, uddeso anudeso esamatthīti uddesino anudesino, tesam samasaṅkhyānamuddesīnaṃ anudesīnañca, ivaṇṇuvaṇṇāhi uddesino dve, e okārā anudesino ca dveti uddesīnamanudesīnañca ṭhānyādesānaṃ samasaṅkhyā siyā, satiyañca tassam yathākkama mādasā vidhīyante, lokato siddhimupadasseti ‘tathāhi’ ccādinā. Ava...pe... e oti paresam matam, vipaṭṭipattīti viruddhā paṭipatti paṭijānaṃ, pare “satipi heṭṭhā vāggahaṇe ‘kvacāsavaṇṇam lutte’ ti sutte kvaciggahaṇakaraṇato avaṇṇe eva lutte asavaṇṇo vidhi hoti, tato idha na hoti diṭṭhupādāna’ nti vadanti, kvacīti adhikāro idha na hoti mahussavo mātūpaṭṭhānanti, patisaddo ādhārattho, tena samānādhikaraṇo urasaddopīti urasminti nicca samāsattā asakapaḍena viggahaṇe kate “asaṅkhyam vibhatti” ccādinā (3-2) suttena asaṅkhyasamāsoti dassetuṃmāha-‘vibhatyathesaṅkhyasamāso’ ti, ettha pana yuvaṇṇānanti saṃsāmi samīpasamūha vikārāvayavādīsu ṭhānyādesasambandhe chaṭṭhī, tasmā ivaṇṇuvaṇṇānaṃ ṭhāne e oādesā hotīti attho, ṭhānaṃpana tidhā apakaṃso nivatti pasaṅgo ceti, tattha gunnaṃ ṭhāne assā sambandhīyantu [bajjhantu (jinindabuddhi)] ti apakaṃso ṭhānasaddassattho, “semhassa ṭhāne kaṭukamosadham dātabba” nti nivatti “dabbhānaṃ ṭhāne sarehi attharītabba” nti pasaṅgo, tesu idha paṭhamadutiya na yujjanti... niccattā saddatthasambandhassa apanayanavināsā na yujjantīti, tatiyo tu (yujjati)... sutte atthābhīdhanāya ivaṇṇuvaṇṇānaṃ pavattippasaṅge tadatthābhīdhanāyeva eoādesā bhavanti.

30. Yavā

“Sattamiyaṃ pubbase” ti (1-14) pubbassa kāriyavidhānato sattamī niddiṭṭhassa paratā viññāyatīti vuttiyaṃ ‘pare’ ti vuttaṃ, evamuparipi, parehi iccassa ajjhiṇamutto’ ti sādhetuṃ “sabbocanti” “ajjho adhī” ti ca suttitaṃ, tesamidha paccakkhātabhāvadassanattamāha-‘ida’ miccādi, abbhakkhānanti [abbhuggabho] imināva siddhanti “abbho abhī” ti ca na vattabbaṃ, iti+assa iti ṭhite paralopoti dassanattam ‘iti assa paralopo’ ti āha, anvagamātiādīsu niccaṃ.

31. Eo

Puttā me+atthi, asanto+etthāti padacchedo.

32. Gossa

Antādesatthoti “chaṭṭhiyantassā” ti (1-17) bādhakassa “ṭānubandhānekavaṇṇā sabbassā” ti (1-19) bādhakena “vānubandho” ti (1-18) suttena antādesattho, teneva vuttaṃ-‘bādhakabādhānatthoyamārambho’ ti, avavādesa pubbasaralope dīgheca gavāssaṃ, gavacchanti

niccaṃ. Idaṃ kathaṃ sijaḥatīti sambandho, idanti yathariveccādikaṃ, kiṃ vinā sijaḥatīti āha-‘evādissā’tiādi, evassa ādiekāro evādi, tassa, riādesamantarenāti sambandho, casaddo atṭhānappayutto, rassavidhānañcāti yojanīyo, katepi tasminti tasmim̄ sutte vihite ca, na sijaḥatīti evādissa riādeso na katoti katvā vuttaṃ, bhusaṃ+evāti (pana) ṭhite mahāvuttinā evādissa iādeso rūpasiddhi hoteva, idha pana pakārantarena ‘bhusāmive’ti sādhetumāha ‘tampi’ccādi.

33. Byañja

Rassadīghānanti sutte avutte kathaṃ rassadīghānanti labhati uddesinoti āha-‘dīghassā’tiādi, dīghassāti rassassāti ca ṭhānasambandhe chaṭṭhī, paccāsatiyāti ṭhānaso paccāsatiyā, idañca nissaya vasena vuttaṃ, nissayakaraṇameko satthāgato ñāyoti, idha niccaṃ-vītināmeti thullaccayaṃ, idha na hoti-jano sāyaṃ.

34. Sara

Ṭhānasambandheti ṭhiti ṭhānaṃ pasaṅgo, sambandhanaṃ-sambandho, ṭhānyādesabhāvalakkhaṇo ṭhāneyoganimitabhūto sambandho ṭhānasambandho tasmim̄, dve rūpāni hontīti iminā na sarūpappadhānoti dassitaṃ hotīti sambandho, hetumāha-‘bahuvacananiddesā’ti, dve rūpānihontīyādi vacanamidaṃ [padamidaṃ (potthake)] dasseti ‘‘sarūpappadhānepi dvisadde dvisaddasāmaññena saṅkhyādvīsaddānusiṭṭhaṃ nappayujjate, tassa (pana) saṅkhyeyyavacanasāṅkhyābhāvā ekavacanameva () [(pana) (potthake)] hotī’’ti, iminā ca-tṭhappadhāno-yaṃ niddeso na sarūpappadhānoti dasseti, adhipatipaccayo adhipatippaccayoti aniccaṃ, idha na hoti idha modatīti, taṃ khaṇanti ettha ekaṅgavikalāṃ paccudāharaṇanti saramhā parattābhāvā na dvittaṃ.

35. Catu

Tabbage tatiyapaṭhamāti kasmā vuttaṃ catuttha (dutiya) saddehi vaggakkharesveva gayhamānesu tathā niddeso yutto, na hi catunnampūraṇo catuttho dvinnampūraṇo dutiyoti akkharāyeva vuccantīti āsaṅkiya ‘vināpi’tiādimāha, akkhare akkharavisaye catutthādi vohāro karīyamāno vaggaggahaṇaṃ vināpi vaggakkhareyeva ruḷho pasiddhoti sambandho, hetumhi itisaddo, yato evaṃ, tasmā kāraṇā ‘tabbage tatiyapaṭhamā’ti vuttanti adhippāyo, tabbaggeti catutthadutiya yasmim̄, tasmim̄yeva vaggeti attho, paccāsattīti pati āpubbā ‘sada-visaraṇagatyavasādanesu’iccasma itthiyaṃ bhāvetimhi nipphajjatīti dassetumāha-‘paccāsīdana’miccādi, yathāyogganti catutthakkhare catutthassa tatiyo dutiyakkhare dutiyassa paṭhamoti evaṃ yoggamanatikkamma, dhassa dabhāvoti imināva pubbassa dhassa dattamupalakkheti, tathā yasattheroti. Theroti ettha ekāro vaggakkharo na hotīti tasmim̄ tavaggadutiyaḥkharassa tassa to paṭhamo na hoti. Panthoti ettha tavagga dutiyakkharena thakārena tabbagabhūte nakāre satīpi na so tabbaggadutiyaḥkharoti na tassa paṭhamo to, ettha nigghoso nighosotiādi aniccaṃ, daḍḍho niṭṭhānanti niccaṃ.

36. Vitissa

Itisaddo-nukaraṇaṃ. Nipātassa pakativiyā-nukaraṇaṃ bhavati, anukaraṇaṇca dvidhā asādhussaddarūpaṃ sādhusaddarūpanti, tesu bhāravāhako koci tena pīḷito ‘aho bhāro’ti vattabbe sattivekallā ‘aho bāla’ iccāha, taṃsamīpavattī ‘kimayamāhe’ti kenaci puṭṭho samāno ‘aho bāla iccayamāhe’ti vadati, idhamasādhussaddarūpaṃ, itīti pana sādhusaddarūpaṃ, tasmā tato-nukāriyenātthena sātthakattā ṭhānasambandhe chaṭṭhī.

37. Eo

Nanu ‘‘vitisseve vā’’ti (1-36) votyanuvattiya avaṇṇe eonaṃ vo hotīti ca sakkā viññātum, tathā sati ‘avaṇṇe kvaci vo hotī’’ti vattabbaṃ ‘ahoti vā’ti kasmā vuttanti codanamāsaṅkiyāha-‘okārassapi’ccādi, ṭhānibhāvena niddiṭṭhattāti ‘‘eona’’nti (1-31) vakārādesassa vijjamānattā vakārādesampati puna okāro ṭhānibhāvena niddisitabbo na siyāti adhippāyenāha, na nimittanti eonaṃ vakārādesatthaṃ avaṇṇo kāraṇaṃ na hotīti attho, aññathāti avaṇṇassa nimittatte, okāraṃ na

paṭheyyāti sambandho, makārāgame'yāca kamāgate aggamakkhāyatī'ti, sve bhavanti viggayha tanappaccaye taddhitavuttiyaṃ vibhattiyā ‘‘ekatthātāyaṃ’’ti (2-119) lope akārādesse dīgheca syādimhi svātanāṃ dvitte hiyyattanaṃ. Svātanantiādīsu niccaṃ, idha nahoti pareca na vijānantīti.

38. Nigga

Katha'māgamo hotī'ti vuttaṃ yadi niggahītamāgamo siyā sutte āgamaggahaṇena vā bhavitabbaṃ ña-ma-kādyā nubandhaviseseṇa vā tyāsaṅkiyāha-'asati pi'ccādi, āgamāvasāye kārāṇamāha-'ādesattāyogā'ti, ādesattāyogo kathaṃ viññāyati ccāha-'ṭhāniniddesābhāvato'ti, tathā sati āgaminiddesābhāvā āgamattampi na siyāti codeti 'yajjeva'miccādinā, na-iti codanaṃ paṭikkhipitvā tassa āgamattameva sādhetumāha-'tassa'tiādi, tassāti niggahītassa, rassānuppavattito rassasameva anugantvā pavattito, ayamevattho vuttiyaṃpi dassitoyevāti vattumāha-'etadeve'ccādi, purimā jāṭīti visesanasamāsekate rasse ca bindvāgamo, paranimitassāniddiṭṭhattā bahusadde-ntassa bindvāgame bahū, satipi payogānusāritadīpakassa kvacisaddassāpi vavattitavibhāsate vāsaddassāpi tādisattasseva paṭipādakatta sabhāvaṃ dassetuṃ 'vavattitavibhāsattā vādhikārassā'ti vuttiyaṃ vuttaṃ, vavattitassa lakkhiyassa anurodhena lakkhaṇappavattikā vibhāsā vavattitavibhāsā, abhedena tu vādhikāro vavattitha vibhāsā, tassā bhāvo vavattitavibhāsattaṃ, tasmā, idha na hoti idha modati, imasmiṃ ṭhāne āgamattappakāsako ṭhāninidde sābhāvā ādesattāyogasaṅkhāto kārāṇaviseso samattho, tassa bhāvo sāmattiyaṃ-atthabala-maññathānupapattilakkhaṇaṃ, sacāti so āgamo ca.

39. Lopo

Lopasaddassa bhāvasādhanamattameva sādhetumāha-'tene'ccādi, lopoti yadi kammaśādhano siyā tadā tena samānādhikaraṇaṃ katvā upari ‘‘parasaro’’ti suttamārabhīyeyyāti byatirekamāha 'na parasaro'ti, idha na hoti saṅgāro.

40. Para

Tvaṃsi tvamasīti vikappo, idha na hoti tāsāhaṃ.

41. Vagge

Nanu vaggevagantoti ettakeyeva vutte yasmim (kismi)ñci vaggakkhare pare binduno yokoci vagganto aniyamena bhavēyya tathā sati anīṭṭhampi siyātyāsaṅkiya paccāsattiṃ sannissāyānīṭṭha nivattindassetumāha-'vagge vagganto'ticcādi, sovāti vaggantova, tasminti vaggakkhare.

42. Yeva

Nanu saddattā byabhicārittā evassa tāva saddo hotu, saṃyato, saṃhitoti saddekadesabhūtānampi sambhavā tepi gahe tabbā siyunti 'yaevahi saddesu'ti yahīnampi kathaṃ saddavohāro katoti āha 'evā'tiādi, etthāyamadhippāyo 'abyabhicārinā byabhicārī niyamyate'ti.

43. Yesaṃ

Yasadde pubbasutteneva saṃssapyādesse siddhe so () [(tassa) (potthake)] ya kāramattēyeva pare saṃsseva (yathā) siyāti suttamidamāraddhaṃ.

44. Vana

Ṭhāninamāsīlissa gacchati pavattatīti āgamo nāma, ko-yamettha ṭhānīti āha-'sarassāti, sutte anuvattassa ca avijjānānattā 'sarassā'ti kuto labbhatīti codeti 'nanu ce'tyādinā. Āgamasutiya vanādīnaṃ ṭhānisutiya abhāvepi sāmattiya byañjanassa vā āgamo siyā sarassa vā, yadi byañjanassa vā siyā (na) ‘‘padādīnaṃ kvacī’’ti (5-92) suttitā mācariyena, tasmā tadeva ñāpeti 'saro yevettha ṭhānī

bhavitumarahatī'ti. Vuccateccādinā parihāramāha, nipubbā padismā anappaccaye “padādīnaṃ kvacī”ti yukaantāvayavo “tavaggavarānā”dinā (1-48) ye dassa jo “vaggala sehite”ti (1-49) (yassa jo) nipajjanam, mānantatyādīsūti adhikārāti “kyo bhāvakkammesvaparokkhesu mānantatyādīsū”ti (5-17) ito mānantatyādīsuti adhikārā, paccayantareti mānantatyādīto aññasmiṃ paccaye, kaccāyanena ‘atippagokhotāvā’ti sādhanattham “kvaci o byañjane”ti okārāgamo gākārāgamo ca suttantarena vihito, tam pakārantarena sādhetum vuttiam-‘atippago kho tāvā’ti yam vuttam tam dassetum ‘atippā’tiādi vuttam.

46. Cha

Dvādayo aṭṭhārasantā bahuvacanantāti ‘chakī’ti vattabbe ‘chā’ti ekavacanam na yujjatīti codeti ‘nanucā’tiādinā, pariharati naccādinā, neti ‘chaḷo’ti ayutto-yam niddeso na hotīti attho, chasaddassa anukaraṇattā chasaddānukaraṇattā, heṭṭhā vuttasādhusaddarūpā sādhusaddarūpamanukaraṇam vibhajati ‘anukaraṇaṅca duvidha’miccādinā, pariccatto jahito attho vidhinisedharūpo yassa tam pariccattatam, ettha pana chasaddena chasāṅkhyāviseso pariccatto, abhidhāyato hotīti iminā chasaddassa anukāriyenātthenātthavantatthamāha, ekavacanantassa niddeso kato... chasaddavacanīyassa chassa ekattā, anukāriyassāti ekādino sāṅkhyā saddassa tadaññassa vā yadanukāriyamekādikam tadaññam vā saddarūpam tassa. Sāṅkhyādivisesanti ekattādisāṅkhyāvisesam tadaññam vā, “yomhi dvinnaṃ duve dve”ti (2-219) sutte dvisaddo-nukāriyam dvisaddarūpam tabbacānīyaṅca dvisāṅkhyāvisesamparāmasatīti tabbācakam dvinnanti bahuvacanam, attha ‘lañi’ti kasmā na vuttam evaṅhi sati ñānabandhattālakāro ādyavayavo bhavitumarahatīti codanammanasi nidhāya ‘chasaddā’tiādimāha, antāpavādena vidhīyamāno lakāro cha saddā parassādissa āgamattā...pe... hotīti sambandho, antāpavādenāti iminā ‘sarassā’ti chaṭṭhīniddesato “chaḷiyantassā”ti-massa visayabhāvam dīpeti, parassāti iminā ‘chā’ti pañcamīniddesato “pañcamiyam parassā”tīmassa visayabhāvam, ādissāti iminā ḷassekavaṇṇattā antāpavādena “ādissā”ti sutte na ādyanto viyekopi saroti sarassādissa pattim dasseti, ayametthādhīppāyo ‘chā’ti pañcamīniddesā “pañcamiyam parassā”ti (1-15) parassa sampattam kāriyam ekavaṇṇattā “chaṭṭhiyantassā”ti (1-17) antassa sampattam “ādissā”ti (1-16) ādivaṇṇassa pappotī’ti. Ādibhūto va hotīti asatipi ñakāre āgamaggahaṇānūvattiyā āgaminam saram avināsento tassa ādyavayavabhūto va hotīti attho, lakāram karonti “yavamadanataralācāgamā”ti suttana, tanti lakārakaraṇam ubhinnavisesavacanaṅca ayuttatam dasseti ‘tesampi’ccādinā, tesampīti kaccāyanānampi, akkharasaññāyanti “akkharāpādayo ekacattālīsa”nti vidhīyamānaakkhara saññāyam. Avisese laḷānam nānattābhāve, pākāto vāti iminā suttilipibhedassa paccakkhasiddhatandasseti, tattha hi sotaviññānavāthiyā laḷānam visumvisum gahaṇam suti, tamtam desavāsīnam lekhā va vatthānam lipi, tesam bhedo sotacakkhuvīññāṅgayhattā paccakkhasiddho, chaḷabhiññāti vikappena ḷakārāgamapakkhe rūpam.

47. Tada

Issa attam nipātanā, dakāro pana “mayadā sare”ti (1-44), padantarenātiādīti iminā aññena padena, sādhuṇi bhavantīti vutti pāṭhassa attham vuttum ‘sādhuṇi bhavantīti nipātanato’ti āha, tattha kāraṇamāha-‘ya’miccādi, appattassa pāpanampattassa paṭisedho ca nipātanam, tesam idha pāṭhāti tesam tathā icchantānam idhāti nipātassa imasmim tadaminādisutte pāṭhā, uddhassa udūti uddham khamassāti aññapadatthasamāse uddhamkha iti ṭhite uddhamśaddassa uduādeso, asa-bhojane iccasmā “kvacaṇa” iti (5-41) suttana aṅpaccaye asasaddo nipphajjatīti āha-‘pisitamasanā’ti “kvacaṇa” iti mahiyam ravatīti ṭhite imināva gaṇanipātanena samāse kate mayūrasaddo nipphajjatīti dassetumāha ‘mahisaddasse’ccādi, assa tadaminādigaṇassa āgatigaṇattā evamaññepīti sambandho, vuttanti pāṭhaseso. Dīghanikāyādīsū pañcasu nikāyesūti—

“Dīghamajjhimasamyutta, aṅguttarikakhuddakā;
Nikāyā (pañca) gambhīrā, dhammato atthatocime”ti.

Vuttetu dīghāgamādīsū pañcasu nikāyesu, ñātabbāti vaṇṇā gamādidvārena jānitabbā, pañcavidham pañcappakāram niruttamuccateti sambandho, nibbācanam niruttam, napuṃsake bhāve tto, atthakathanavākya pubbakamuccāraṇamiccattho, tadabhidhāyi satthamapyabhidhāne-bhidheyyo

pacārā tadatthatāya vā niruttamuccate, vuttanirutti lakkhaṇena...pe... veditabbāti iminā niruttasatthe ye saddā paṭipadaṃ nipphādiyanti tesamidaṃ sāmāñña nippādananti dīpeti, dvāre niyutto dovārikoti ettha ñike dakāravakārānaṃ majjhe okārāgamo, hiṃsismāti ‘hiṃsa-hiṃsāya’ miccasmā, appaccayeti “sāvakārakesva ghaṅghakā”ti (5-44) appaccaye, nijakoti ettha jakārassa yakāre niyako. Atha vaṇṇavikāroti vuttattā javaṇṇassa yādese niyakādayo tāva sijjhantu, susānādayo katham chavapadādivikārattā susānādīnanti āha ‘padavikāropi’ccādi. Aññathā vaṇṇasamudāyādesassa viṣuṃgahaṇe chabbītopattiyā ‘pañcavidham nirutta’nti saṅkhyāniyamo na yujjeyyāti bhāvo. Yogo sambandho, tathāhiccādinā dhātussa atthātisayena yogampakaṭṭikaroti, ravanakiriyāti sambandhoti kekāyitānyasaddanakiriyābhisambandho. Mayūroti ettha ravati mayūrarāve eva vattate, na sāmāñña ravanakiriyāmatte bhāvo.

48. Tava

Vaṇṇamattasse vāti vaṇṇasāmāññasseva, mattasaddo ettha sāmāñña vacano. Yakārassaca cādesoti sambandho, dayakārānaṃ jattantissa iminā, yassa “vaggalasehi te”ti (1-49) jattam, attānamadhikicca pavattanti atthe asaṅkhyasamāso.

49. Vagga

Yantaṃ saddānaṃ niccasambandhittepi pakkantavisayattā taṃsaddo yaṃsaddam nāpekkhatetyāha-‘teti anantara’iccādi, taṃ saddo hi pakkanta visayo tathā pasiddhavisayo anubhūtavīsayo ca yaṃsaddam nāpekkhate, yathā ceso yaṃsaddannā pekkhate, taṃ sabbaṃ mahāsāminādhikāyaṃ subodhālāṅkāraṭṭikāyaṃ-

Munindacandasāñjāta, hāsacandanalimpitā;
Pallavādhavalātasse, veko nādhārapallavoti (122).

Etissā gāthāya amhehi vitthāritanayena gahetabbaṃ, yathā rahanti sakammākammadhātūnamanurūpaṃ.

50. Vevā

Kiñcāpīdam [idamkiñcāpi (potthake)] vikappanattam katanti heṭṭhimena ni(nnāna)ttam viññāyati, tathāpi iminā vākārena vikappova, heṭṭhime pana kvacādhikārā hakārantadhātuto dhyaṇpaccaye mehyaṃ, dohyaṃ sinehyaṃ, lehyantipi bhavatveva.

53. Saṃyo

Vattuno-ttappadhānattamattavacasīti niyatāvayavavācino upādānāti vuttamanekatthatepyādisaddassa, ādiyātīyādīti kammaṣā dhanocāyamādisaddo, soyamattho sumaṅgalappasādaniyā khuddasikkhā ṭīkāya ‘ādito upasampannā’ti ettha amhehi vuttanayena veditabbo, saṃyujjātīti saṃyogo-ekatrāvattīhitabyañjanā.

54. Vicchā

Yaṃvattateti vuttivacanaṃ nikkhipitvā tassa attham vattumārabhate ‘sambhavāpekkhāye’ccādi, yaṃvattateti ca sutte avijjānānēpi gammamānathassa saddassa payogampati kāmacāroti vuttīyaṃ vuttam, yasaddassāniyamattavuttittepi padavākyato nāññaṃ sambhavati vicchāyamābhikkhañña ca vattamānanti āha ‘sambhavāpekkhāyapadaṃ vākyamvā’ti, sambhavatīti sambhavo-padaṃ vākyamvā, tasmim apekkhāya padaṃ vākyamvā vattateti sambandho, vattateti vicchāyamābhikkhañña cātthe vattate, nanu padassa vākyassa vā viṣuṃyeva dabbādayo atthā, taṃ kathamida metasmim vattudhamme kiriyādhame ca vicchābhikkhaññatthe vattateti anuyogaṃ sandhāyāha-‘visayabhāvenā’tiādi, vicchāya vattudhammassa kiriyādhammassa cābhikkhaññassa visayo padaṃ vākyamvā... anaññatthavuttivasena tathappavattiyā, taṃ vasenaca, abhidhāyakattena ceti

gocarattena pakāsakattena cāti attho, yaṃvattateti ajjhāhaṭṭassa yanti paṭhamantassa vibhattivipariṇāmaṃ dasseti (tassāti) ādinā, iminā idaṃ dīpeti “yajjapi ‘vicchābhikkhaññesvi’ tyatra chaṭṭhīnoccāriyate, tathāpi chaṭṭhīpasiddhi hoteva, kathaṃ dve iccādesaniddesā ādeso ca sambandhīnamapekkhate, ‘vicchābhikkhaññesū’ ti cātthaniddeso, na cātthassādesena sambandho upapajjate, tasmā vicchābhikkhaññesu yaṃ padaṃ vākyam vā vattate tassa dve bhavanticcevaṃ chaṭṭhīyattho sakkā vattu” nti, dve rūpāni hotīti dassitaṃ hotīti sambandho, saddarūpe saṅkhyayyeti dutiyā bahuvacanantaṃ paṭipādayamānoti ettha paṭipādanakiriyāya sambandhenopadiṭṭhaṃ, “vākyantarattṭhōpi saddo tadaññasmimpi sambandhamupayāti” ti dvisaddoti idaṃ upari vākyadvayepyupayujjati ‘dvisaddo vutto, dvisaddo na sarūpappadhāno’ ti, atha sarūpappadhāno kasmā na vuttoti āha-‘bahuvacanena niddesā’ ti, atha dveti sāmāññena vuttattā padavākyānaṃ ṭhāne dvibbacaṇaṃ vā siyā, tānevā vattantīti dvippayogo vā, tathā sati ‘yaṃvattate tassā’ ti kasmā paṭhamameva nissāya vuttiyaṃ vivaraṇaṃ katanti āha-‘evañcā’ tiādi, idāni dvippayogapakkhassa sadosattā agahitabhāvaṃ dassatumāha-‘yadātvī’ tyādi, tusaddo pubbasamā pakkhā visesassa padassako [visesanattho (potthake)], tatha hi dve [dverūpa (potthake)] saddarūpānyādisīyante, iha tu sova saddo dvirāvattate, āvuttī saṅkhyeyyāti evaṃ maññate “dvisaddo-yaṃ “ādasahi saṅkhyā saṅkhyeyye vattante” ti vacanato saṅkhyeyyavacano, tasmeha saṅkhyeyyaṃ saddarūpaṃ vā siyā āvuttī vā, iccapi niddeso tadubhayamapekkhiya napuṃsakalīṅgena vā siyā itthilīṅgena vā, tatha yadā napuṃsakalīṅgena niddeso, tadā saddarūpāni saṅkhyeyyāni bhavanti, yadā tu itthilīṅgena, tadā saddassāvuttī uccāraṇalakkhaṇā kiriyā saṅkhyeyā bhavanti, tato cettha āvuttīpi saṅkhyeyā hotīti” ti, tadā dvippayogo dvibbavacananti esa pakkhoti ayamettha bhāvo” yadā dve āvuttiyo vidhīyante tadā dvippayogo dvibbavacanante sopekkho, (atra ṭhānyādesabhāvo natthi) [natuṭṭhāne dvibbavacanapakkho (potthake)] āvuttī hi kiriyā, tassā ceha saddo sādhanam, na ca kiriyāya sādhanassa ca ṭhānyādesabhāvo upapajjate, tasmā yadāvuttī vidhīyante, tadā dvippayogo dvibbavacanante-so pakkho bhavati” ti, ayampi pakkho pāṇinīyehi pariggahīto, tadayuttaṃ dosaduṭṭhattāti sandassayamāha-‘so pane’ tyādi, te hi dutiyampi pakkhamabbhupagamma upacāramattato bhedo, vatthutotvabhedo vāti ponopuññena taṃ sādheti. Kathampana sadosattaṃ yenāyaṃ na gahitotyāha- ‘tathāhi’ ccādi, ṇyo nasiyāti “tassa bhāvakammesu tta tā ttana ṇya ṇeyya ṇiya ṇiyā” ti (4-59) bhāve vidhīyamāno ṇyo dvippayogapakkhe saddabhedasabbhāvā puna puneti samudāyasabhāvato punapuna bhāvoti atthe punapuna samudāyato na bhavēyyāti attho, na kevalaṃ ṇyova, atha kho ekapadantogadhānaṃ sarānaṃ sarānamādi bhūtassukārassa bhavanto okāropi “sarānamādissā yuvaññassā eo ṇānubandhe” ti (4-124) na siyā, “manādyāpādīnamomaye ca “iti (3-59) okāro pana pakkhadvayepi hoteva... uttarapadassa nimittabhāvena gahitattā, pubbapakkhepi hi dve saddarūpānyevādisīyanteti hoteva pada bhedo, vakkhati hi ‘satīpi attagate bhede’ ti. Nanu āvuttidhammabheda saddassupacarito bhedo, sarūpato tvabhedova, aññathā āvuttiyeva na siyā, ekassa hi vatthuno āvuttī hoticcāha-‘nāntarene’ ccādi, aññatheti upacarito bhedo na sabhāvatoti ce, kāriyambhavatīti evi na sakkā vattunti sambandho, sabhāvato tvabhedo vāti upacārābhāvena vatthuto vijjamānabhedamavadhārayati, aññathāti yadi bhedo siyā, āvuttiyeva na siyāti etthāyamadhippāyo “yadi sabhāvato va bhedo bhinnassa pana kathamāvuttī siyā” ti, ṭhānisadisattāti “ṭhānīyādeso” ti paribhāsamupalakkheti.

Kiriyāyātiādīsu sahatthe tatiyā... kiriyādīhi dabbādyatthānaṃ vattu [kattu] byāpanicchāpavattito, desādīti () [(hi) (potthake)] ādisaddena kālāvattahādiṃ saṅgaṇhāti, nānākārayuttameva bhinnaṃ nāma hotīti āha-‘anekappakārayutte’ ti, bahuvacananiddesato vuttaṃ hotīti sambandho, tenāti yena bahuvacananiddesena sakiṃ byāpanicchā jotiyati tena karaṇabhūtena hetubhūtena vā, kamena byāpitumicchāyaṃ jātiādīnaṃca byāpitumicchāyanti sambandho, tatha ayaṇca gāmo ramaṇīyo ayaṇca gāmo ramaṇīyoti kamena byāpitumicchā, ettha kiñcāpi ramaṇīyaguṇena gāmadabbayogo atthi, tathāpi gāmānaṃ guṇena yogo, sabbo gāmo ramaṇīyoti bāhullena, natthi sākallena [kamena (potthake)] byāpitumicchāyanti sakalabyāpanicchāyābhāvoti na dvibbacaṇaṃ, evamupari yojetvā attho daṭṭhabbo, sampanno yavoti sampannaguṇena yavajātiyā byāpitumicchā, ekatthā jāti, anekattha nissayā vicchā [ekatthājāti, ekamatthaṃ ṇāpayissāmīti jātisaddo payujjate ane katthanissayāca vicchā, anekatthaṃ saññāpayissāmīti vicchāpayujjate-ti mahābhasse], sobhanaṃ dhavakhadiranti sobhanaguṇena dhavādidabbānaṃ byāpitumicchā, atthasaddenattha dabbādayo vattumicchāti āha-‘dabbaguṇakiriyālakkaṇe’ ti, visaddo panettha byāpanatthoti āha-‘byāpituṃ sambandhitu’ nti, sāti vicchā, vattudhammoti ‘rukkhamrukkha’ miccādikaṃ yo vadati, tassa vattuno dhammo... icchālakkaṇassa dhammassa

tappaṭibaddhattā, saddoti rukkhamiccādiko, tassa saddassa yaṃ rūpaṃ atta bhāvo, tameva paccāsatyā “sutānumitesu sutasambandhova balavā”ti vicchā bhikkhaññesu vattamānassa sutasseva tassa rūpassa paccāsannabhāvato dvisaṅkhyā yuttaṃ dvisaṅkhātāya saṅkhyāya ‘rukkhaṃ rukkha’miccevaṃ yuttaṃ atidiṣiyate sutte dveccanena, dvibbacanasseva [dvibbacanameva (potthake)] hi dvisaṅkhyāyuttatā, atha katamekavacananantassa dvibbacanaṃ, tathāhi sabbeyevetthā vicchāyaṃ dvittehyabhidhayanteti bahattā bahuvacanaṃ pappoti, ekavacananantu na sijjhati ‘rukkhaṃ rukkhaṃ siṅcatī’ti ekatthābhidhānabhinnasabbarukkhattatīti kathamekavacananantassa dvibbavacananantī āsaṅkiyāha-‘tatthe’ccādi, atthasāmatthiyāti ‘bahuvacananantappayogehi’ccādinā vakkhamānanayena bahuvacananantappayogeneva vicchātthajotanato na tatha dvibbacanaṃ siyā, bhavitabbañca dvibbacane (na, e) kavacananattamantarena na cātthi dvibbacanāvakā soti patīti balāvagato yo-ttho, tassa atthassa aññathānupapattilakkhaṇaṃ sāmattiyaṃ atthasāmatthiyaṃ, atthasāmatthiyā ekavacananantassa dvibbacananantī sambandhā, kiriyādiyoganti kiriyāguṇādi sambandho, mantvāti byāpitumicchāyantūmassa pubbakiriyāvacaṇaṃ, abhisamharitvāti ekatokatvā. Saddassa tādisatthapaccāyakatte sāmattiyaṃ saddasatti [saddassa]. Yugapadādhikaraṇatāyaṃ sahavacanicchāyaṃ bahuvacanaṃ pappoti, na tatha dvibbacananantī dassatūmāha-‘ato yeve’ccādi, ato yevāti bahuvacananantassa saddasattiyā vicchājotanato dvibbacanābhāvāyeva, evamaññate- ‘idha pana yogapajjaṃ duvidhaṃ saddayogapajjaṃ atthayogapajjañca, tatha kiñci sātthakānaṃ saddayogapajjamatthayoga pajjaṃ na sambhavatīti, yugapadi adhikaraṇaṃ dhavādi attho yassa sodhavakhadirapalāsasaddo yugapadādhikaraṇo, tassa bhāvo tathā, tassañca sati, saddayogapajjamantarena bhinnatthānamekasaddavacaniyāna mekato papatti atthayogapajjaṃ, taṃ sahavacanicchāyanti iminā dassitanti tassaṃ sahavacanicchāyañca sati, sobhanā dhavakhadirapalāsā sobhanā rukkhatī sobhanaguṇayogepi bahuvacaneva vicchājotanato dvibbacanābhāvoti, sobhanaṃ dhavakhadiranti pana satīpi saddayogapajje samāharattā natthattayogapajja [nātvayāgapajja (potthake)] nti ekavacananantatā dvittappasaṅgepi sobhanaṃ dhavakhadiranti saddānaṃ sakim byāpanicchāyābhāvā na dvibbacananantī heṭṭhā vuttaṃ.

Vāttikakārena “ānupubbiye dve bhavantīti vattabba”nti (8-1-1-vā) vuttaṃ, tadāha- ‘ānupubbiyepi’ccādinā, atthevānupubbiyepi vicchā tatova dvittanti paṭipādaya ‘mānupubbiya’miccādinā ‘atthiyeveccādino vuttivākyassa vivaraṇamāha. Gāmajātiyā tulyajātiyānaṃ diṣā deṣādibhedena bhinnānamiva gāmānaṃ, na ettha vicchā, mūlamaggaṃ vā hi mukhya mekameva... heṭṭhuddhabhāgantārābhāvenekattā, yenupariyadho bhāgāpekkhāya katamūlaggabyapadesena bhinnajātiyā mūlaggabhāgā, te bhinnajātiyā, na ca bhinnajātiyānaṃ vicchā hoti, na hi gogoti vutte (vāhika)gatā vicchāvagamyateti ācariyajinindabuddhinā ānupubbiye vicchāyābhāvaṃ paṭipāditam, taṃ vighaṭayitum ‘yadi hi’ccādinā yaṃ vuttiyaṃ vuttaṃ, taṃ vipaṅcitūmāha- ‘yathe’ccādi, nasannivittoti na patiṭṭhito, natthīti vuttaṃ hoti, yassūparibhāgo atthi tampi mūlanti mūla byapadesassāpekkhā katattamāha, ubhayanti mūlamaggañca, tathā aññepi mūlaggabhāgāti iminā mūlaggabhedānaṃ heṭṭhā viya gahaṇe sati bahuttamāha, pubbakathitenāti ‘rukkhādīnaṃ bāhullenā’tiādīnā pubbe vuttanayena, idaṃ vuttaṃ hoti “mūlādīnaṃ bāhullena thūlādi guṇayogammantvā sattamīvibhattiyuttana mūlādisaddasahitena sabba saddena mūlādikamatthamabhisamharitvā sabbasmim mūle thūlā sabbasmim agge sukhumāti evaṃ (vattuno) byāpitumicchāyamekavacananantassa vicchāyantveva dvibbacana”nti.

Jeṭṭhānaṃ vicchāsambhave sabbakaniṭṭhassa jeṭṭhattābhāvānuppaveso na siyāti ānupubbiyamattavacanicchāyaṃ teneva dvittamabhihitam ‘jeṭṭham jeṭṭhamanuppavesayā’ti tenevācariyena, tadadhunā vighaṭiyati ‘jeṭṭha’ miccādinā, kaniṭṭhopi pavesiyatīti kaniṭṭhassapi vicchāsambhavamāha, tatha kāraṇamāha-‘yatheva hi’ccādi, parassāti majjhimassāti ettha visesaṃ, kaniṭṭhassāpi jeṭṭhabyapadesoti sambandho, yathāvuttameva samattheti ‘vatticchānibandhane hi’ccādinā, vatticchādibandhaneti vattuno icchā nibandhanaṃ kāraṇamassāti samāso, vatthusabhāve vatthu tatthe, abhiniveso pavatti, nābhisaṃbhūyāti na pappoti.

“Sakatthe vadhāriyamāne nekasmim dve bhavantīti vattabba”nti (8-1-12-vā) vāttikakārena vuttaṃ, tadāha ‘sakatthe’iccādi, atthappakāraṇādyanapekkhassa padassa atthe sakatthe avadhāriyamāne ettakameveti gammamāne anekasmim diyyamāne dvibbacanamiṭṭham matam pāṇiniyananti attho, ayampanesamadhippāyo ‘māsakaṃ māsakaṃ imamhā kahāpaṇā bhavantānaṃ dvinnam dehī tyatra dve eva māsā dātumicchitā, kahāpaṇam nāma-

Cattāro vihayo guñjā, dveguñjā māsako bhavē;
Dve akkhāva māsakāpañca, kkhānam dharaṇamatthakamti.

Vuttavidhinānekamāsakasamudāyo, tattha na sabbe kahāpaṇa sambandhino māsā dānakiriyāya byāpitā, dvevayāti netthattha vicchāti yathāvuttavattabbena dvibbacana’nti, taṃ dassetvāti taṃ dvibbacanodāharaṇam dassetvā, paṭipādayitum vicchāyameva dvittam dassetum... māsakam māsakamiccādotvayamadhippāyo-“dehīti dānakiriyāya māsā byāpitumitthāti vicchāyamevettha dvibbacanam, tathāhyato dvirutā vicchāva gamyate”ti, saddantaratoccādikaṃ kimāsākiya vuttanti āha‘dehī’tiādi, avadhāraṇe paṭiyamāneti kahāpaṇasambandhini bahumhi māsakasamudāye māsakadvayanicchaye viññāyamāne sati, avisesena sāmāññena māsānam dehīti dānakiriyāya byāpanā bhāvāti sambandho, saddantaratoccādino sādhippāyamattamabhidhātumārabhate ‘padene’ccādi, ettha padenāti māsakamiccanena padena, imamhā kahāpaṇāti idamettha saddantaram, katābhisankharaṇassāti māsakam māsakamiccevaṃ nipphāditassa, saddantarototi iminā padantarayogo gahitoti āha-‘padantarena yogato’ti ayametthādhippāyo “dvittakaraṇakāle saddantaravacanīyassatthassānapekkhitattā māsakammāsakanti avisesena māsakavicchāyam dvittam, tadanu pana imamhā kahāpaṇātisaddantarasambandhe sati yadi kahāpaṇasambandhya na vasesamāsakavicchā pariggayhati tadā imassa kahāpaṇassāti chaṭṭhiyā bhavitabbaṃ, imamhā kahāpaṇāti pana avadhīpañcamīniddesato kahāpaṇato dvayameva gahetvā bhavantānam dvinnam dehīti imamhā kahāpaṇāti saddantarato vadhāraṇam gamyate”ti.

“Pubbapaṭhamānamatthātisayavacanicchāyam dve bhavantīti vattabba’nti (8-1-12-vā) vuttam, tadāha-‘pubbapaṭhamānam miccādi, pubbapaṭhamānam pubbapaṭhama saddānam atthātisayo yo atthassa pakamso, tassa vacanicchāyam, sabbapaṭhamabhāvasankhāta atthātisayamattāva vacanicchāti na ettha vicchāti tesamadhippāyo, vikasanakiriyāya pākakiriyāyāti vuttepi vikāsakaraṇakiriyāya pākakaraṇakiriyāyāti atthasambhavato ‘pubbam pubbam puppha’nti tyādo, pubbam pubbam vikasanam karonti, paṭhamam paṭhamam vacanam karontīti kiriyāvisesanavasena attho daṭṭhabbo, pubbāti matā paṭhamābhimatāti iminā pubbapaṭhamabhāvenābhimatānam bahutta byāpanena vicchāsabbhāve kāraṇamāha.

“Dāra dātamānam samasampadhāraṇāyamitthīnigade bhāve dve bhavantīti vattabba’nti (8-1-12-vā) vuttam, ettha itthilingasaddo itthilingayogā itthīti vutto, nigadyateneneti nigado, itthī nigado yassa so itthinigadobhāvo, tasmim itthīnigade bhāve, tadāha-ratararata mantāna’miccādi, itthilingeti itthilingam yassa so itthilingobhāvo, tasmim itthilinge bhāve vattamānānam ratararatamantānam dvibbacanamabhimatanti sambandho, kasmim visayeti āha-‘samasampadhāraṇa visaye’ti, samena aḍḍhatādīnaṃ guṇena ime ubho aḍḍhā itvevaṃ rūpā sampadhāraṇā nirūpanā avabodho samasampadhāraṇā, sāeva visayo, tasmim sati, aḍḍhatāya bahuvidhattābhāvā kiriyādiyo gābhāvā ca natthettha vicchāti tesamadhippāyo, pucchīyamānāti iminā ime ubho’ iccādīnam pucchāvākyatam dasseti.

Paravyavahārenāha-‘ākhyātādīnam visayatta’nti, iminā ākhyātādīnameva kiriyājotakapadabhāvena ponopuññasaṅkhātakiriyā dhammassa dhanasameva visayattam dīpeti, atisayaviṣiṭṭhanti iminā papacatisaddepakāro pakamsattha jotako upasaggoti dasseti, hividhimhīti’lūcchedane’icasmā vidhimhi hippaccayo “pañhapattanāvidhīsu”ti (6-9) iminā suttenāti attho, ossāti “yuvanānameopaccaye”ti (5-82) okārassa, ‘pubbeka-kattukāna’ (5-62) miccevāti evakārena paresamivāyamapyābhikkhaññe paccayo ce vidhīyate, tadā papacatiiccatra viya ābhikkhaññe vidhīyamānena paccayeneva ābhikkhaññatthassa pakāsītattā na dvibbacanena bhavitabbanti dasseti, yadā tu bhusam punappunam pacatīti vacanicchā tadāpi papacatīti bhavatyeva.

Iha imasmim udāharaṇe, ābhikkhaññe iccevāti iminā anukaraṇamattamevetam natthetthābhikkhaññanti paṇiniyā suttantarena dvittampaṭipādentī, natthettha tādisena vacanena payoṇam, ābhikkhaññeyeva dvibbacananti dasseti, evamaññate “paṭaiccetamanukaraṇam bhavana kiriyampati vattatīti [bhavanakiriyāmatī vuttīti (potthake)] kiriyādhammam ponopuññamettha atthevā”ti, teneva vakkhati-‘paṭapaṭā bhavati ābhikkhaññe dvibbacana’nti, anitisminti itisadde avijjāmane, rāppaccayoti paṭhamam dvitte kate pacchā rāppaccayo, rāppaccayamakavāpi pakārantarena sādhetumāha- ‘athavā’ iccādi, dīgho niccanti paṭhamam dvitte paṭapaṭakarotīti ṭhite

niccam dīgho, paṭapaṭā karotīti ettha nipphattiṃ dassetvā idāni paṭapaṭāyatīti ettha dassetuṃ paṭapaṭāyatītiādi āradham.

55. Syādi

Ekassa ekassa iti ṭhite pubbavibhattiyā lutte saṃhitāyañca katāyaṃ ekekassa, evaṃ matthakena matthakenāti ṭhite matthaka matthakenāti.

56. Sabbā

Aññaṃ aññanti ṭhite iminā vibhattiyā lope akārassa “tadaminā” (1-47) dinā okāre aññoññanti hoti.

57. Yāva

Yāvabodhanti “yāvāvadhāraṇe”ti (3-4) asaṅkhyasamāso.

58. Bahula

Kvaci pavatyappavatti, kvacaññaṃ kvaci vā kvaci;
Siyā bahulasaddena, vidhi sabbo yathāgamaṃti.

Iti moggallānapañcikaṭṭhāyāṃ sārathavilāsiniyaṃ

Paṭhamakaṇḍavaṇṇanā samattā.

2. Dutiyakaṇḍa vaṇṇanā

1. Dvedve

Avayavasambandheti syādyavayavīsamudāyena dvedveti vuttānamavayavānaṃ sambandhe, atettha vutyanukūlāya pañcikaṭṭhāya vā bhavitabbaṃ, pañcikaṅku kūlāya vuttiyā vā, na cettha dvinnamaññoññānukūlatā dissati, tathāhi vuttiyaṃ-‘ekānekatthesu vattamānato nāmasmā’ti ettakameva pakativisesanavasena vuttaṃ, pañcikaṭṭhāyantu tabbisesana vasena ca paccayatthavisesanavasena ca attho dassito, tadeva mubhinnannāññamaññānukūlatā dissati, tato ettha yathā dvinnamaññoññānukūlatā sampajjati, tathā byācikkhissāma “yadi panettha vutyānukūlā pañcikaṭṭhā bhavēyya paccayatthapakkho jahitabbo siyāti ‘te...pe... ekānekatthesu’ti ca, tena...pe... yojaniya’nti ca etesaṃ jahitabbatāya bahupāthavilopo āpajjati, yadi pana pañcikaṅku vutti bhavēyya vuttiyaṃ kiñcimattaṃ pakkhipitabba mattameva siyāti bahuvilopāpatti (na) hotīti etesaṃ dvedve hontī ekāne katthesu vattamānato nāmasmā’ti vuttiyā bhavitabba’nti, evañhi sati sathantarenāpi saha ghaṭate, sutte ‘dvedvekānekesu nāmasmā’ti vuttattā ‘ekānekesū’ti idaṃ paccayavisesanaṃ vā yujjati

Pakativisesanavasena vā yadetthaṃ paccayavisesanaṃ, tadā sāmattiyaṃ ekānekesūti pakativisesanampi labbhati, tatha sāmattiyamattha balaṃ, tathāhyekādīsū bhavantā pakativāccānamevekattādiabyati rittaatthamattādīrūpanaṃ jotakā syādayo kathamekattādīsū vattamānato nāmasmā aññato siyunti yathāvuttanāmvisesākkhepo, tathā itthiṇādippaccayādīnampi pana pakativisesānupādānēpi yato dhātvaḍi vāccottho natthi, sāmattiyaṃ tato, dhātutyādyantēhi [tyādyanta vāccehi (potthake)] na honte vittipaccayā, tathā ṇādipaccayāpi... vibhatyantaṃ vidhānato, yadetthapakativisesanaṃ tadāpi sāmattiyeneva ekattādīsū vattamānato nāmasmā tajjotanāya bhavantaṃ syādayo kathamaññattha hontī asambhavāti ekānekesu dvedveti labbhati, athavā sarūpena avuttampi sāmattiyenekānekattesūti gammamānaṃ vuttameva hotīti katvā ‘tecā’tiādikaṃ vuttanti gahetabbaṃ, ekānekesu vattamānato nāmasmāti kimatthaṃ asatvabhūtāya kiriyāyekattādisambandhābhāvā kriyatthāca tyādīhi yevekattādīnaṃ vuttattā tyādyantēhi ca na

bhaveyyunti payoĵanantaramāha-‘yampanā’tiādi, pañcakanāmatthassādhippetabhāvo cetha pakkhassetasseva yuttattā. Tathāhi sañkhyākammādayo nāma vāccassa dabbassa dhammo sakattho pasajjano ca saddo dabbeyeva vattate... dabbeyevānyanayādivohārā, tatha dabbavācinā saddena dabbadhammānamabbhantarīkaraṇanti nāyuttametaṃ nāmena pañcannamabhīdhānaṃ, vibhattiyo pana jotikā, itthipaccayā ca itthilingassa, tathā cāmhehi vuttaṃ sambandhacintāyaṃ–

Saddo sakatthaṃ vatvāna, padatthaṃ dabbasaññitaṃ;
Samavetaṃ vade liṅgaṃ, sañkhyāṃ kammādikamma ceti.

Ekānekesu syādīnaṃ yathākkamaṃ dassetuṃ ‘tenā’tiādi vuttaṃ, tenāti yena pañcako nāmattho adhippeto ekādīsū ca atthesu jo-tanīyesu syādayo vidhiyissanti tena, sabbatthāti ‘amyo’ādīsū sabbattha, sabhāvatotyādīkassāyamadhippāyo “yadyapi syādayo ekānekesu honti tathāpi ekādayo sañkhyāya paricchinne atthe vattanti na sañkhyāmatte, sañkhyāya sambhavābhāvā sañkhyeye bhavati na sañkhyāpi syādīnamattho”ti (na) kevalaṃ sakattha dabbādiyeva syādīnamattho na bhavati, api tu sañkhyāpīyapissattho, anena sañkhyā vibhatyattho catukka nāmatthotyayampakkho nirākato pañcako nāmatthoti dassane sañkhyākammādināṃ vibhattiyo jotikā honti, tiko nāmatthoti dassane tu sañkhyākammādayo vibhattivāccā honti, idāni adhippetapañcakanāmatthe sakatthādikāṃ sarūpato dassetuṃ ‘tathā’tiādimāha, tatha sakattho viśesananti sarūpādi yaṃ kiñci viśesanattena vattumicchitaṃ taṃ sakattho nāmatī attho, taṃ dasseti ‘sarūpajātiguṇadabbāni’ti.

Balena yassā bhīnesu, pavattante gagādīsū;
Sā jātyabhīnadhīsadā, suttāṃ pupphesvivānvītaṃ.

Dabbādhāro tato bhīno, nimittaṃ tappatītiyā;
Bhāvābhāvasabhāvo yo, so guṇo nigguṇo mato.

Sarūpaṃ saddarūpaṃva, jātiyā yaṃ viśesanaṃ;
Viśesīyati yaṃkiñci, dabbāṃ taṃ samudīritaṃ.

Idāni sarūpādīno viśesanaṃ sakatthabhāvaṃ jātyādiviśesassa dabbabhāvañca dassetuṃ ‘tathā’tiādimāha, sarūpe vattate saddoti viyabhedopacārenāha-‘saddassa sarūpenā’ti, ettha pana goti jātimattavācīni gosadde payutte gosaddo jātimattamāheti so jātiṃ viśeseti nāma. Yaṭṭhiādisaddehi yaṭṭhiādisahacaritā upacārato gahitāti yaṭṭhiādidabbehi yaṭṭhiādisahacaritā purisā viśesīyantīti āha-‘dabbampi dabbantarassa viśesanaḥhūtambhavati’ti, yaṭṭhiyopavesayāti yaṭṭhisaddavacanīya yaṭṭhidabbaviśiṭṭhe purise pavesayāti attho, kuntepavesayāti etthāpi esevanayo, yathāvuttacatubbidhasakatthato paropi atthi sakatthoti āha-‘katthacī’tiādi, sambandhanimittoti sambandho nimittaṃ kāraṇaṃ paccayappavattiyā assa paccayassa soti samāso, ettha hi daṇḍo assa atthīti assāti sāmīno purisassa saṃsañkhātadaṇḍādīdabbena sahayo sassāmisambandho, sopi paccayassa nimittaṃ, tathā ca vakkhati-‘daṇḍapurisāsambandhā daṇḍīti paccayo’ti, (kiri)yā padatthassāpi viśesanattena sakatthabhāvo jātipadatthādīnaṃ vutta ṭhāneyeva vattabboti pācakoti ettha kiriyākārasambandhasaṅkhātāṃ parābhīmataṃ sakatthampi paropadesenopadisitukāmo idha sambandhasakatthassa vuttaṭṭhāneyeva kiriyāsakatthaṃ dassetuṃ ‘katthaci kiriyāpi’tiādimāha. Nāmasabhāvena viññāyamānaṃ pañcamaṃ nāmasaṅkhātamatthaṃ dabbapadatthena saṅgahetvā jātiguṇakiriyādabbānīti hi catubbidho nāmattho, nāmapi anvattharuḥhivasena duvidhaṃ pumitthinapuṃsaka liṅgavasena tivīdhampi catubbidhaṃ hoti... yathāvutte catubbidhe atthe namati, te vā attāni nāmetīti iminā kāraṇena. sāmāñṇaguṇa kiriyāyadicchāvasenāññathāpi catubbidhattaṃ nāmassa vadanti, tathāpi yadicchānāmassa dabbānāmeneva saṅgaho vedītabbo, itthattaṃ esāti pasiddhīnā attho, yampanātiādinā vuttamevatthaṃ sādheti ‘tatthe’ccādinā, abhīdhāyakattena jotakattena, ikārantatoti munisaddato, aññathāti ikārantato na bhavati ce, atoti ādesa bhavanato phalaṃ dassitaṃ na siyāti sambandho, vuttīyaṃ ‘evaṃ kumārī kumārīyo’tiādisū evanti yathā pullīnge ikārantato syādīnamudāharaṇamanādesatthaṃ vuttaṃ evamitthiyampi anākārantatoti dasseti, upalakkhaṇaṃ cetaminī-nī-ū-ti-paccayantādīnaṃ, asati...pe... vacaneti iminā pāṇīniyānaṃ vibhattisaññāvidhāyakassa suttantarassa atthībhāvaṃ dasseti, “vibhattica” (1-4-104) iti hi tesāṃ suttāṃ, tassattho ‘syādīnaṃ tyādīnañca vibhattisaññā hotī’ti, bhavanti anvatthavasena

vibhattisaddavacanīyāni bhavanti, so (yevattho) vibhatticcanena vibhajīyatīti vibhatti, kamme ktiṭṭappaccayantoyam vibhatti saddoti dasseti, kathampanetesu syādīsu vibhajīyaticcassa vākyatthāssānugamo yenevaṃ vuccaticcāsāṅkiya yena yathā ca vibhajīyati tamupadassento āha- ‘tathā hi’ ccādi.

2. Kamme

Vuttiyaṃ kattukiriyaṃyāti kattusādyatāya taṃ sambandhiniyā kattukammaṭṭhāyapi duvidhāya kiriyaṃ, anekatthattā dhātūnaṃ karoti ettha sambandhanatthoti āha- ‘karīyati abhisambandhīyatī’ ti, yaṃkiñci padattharūpaṃ sambajjhatīti attho, iminā cānvatthavasenevāyaṃ kammavohāro siddhoti dasseti, sabbakāraṅkānampi pana kiriyaṃsambandha sabbhāvepi kiriyaṃabhisambandhīyamānatteneva yaṃ vattumicchitaṃ tadeva kammaṃ viññeeyaṃ, kattādi kattu kiriyaṃyābhisambandhīyamānattepi kattādittavacanicchāyeva kammaṃ na hoti... yasmā vacanicchāyeva kāraṅkāni bhavanti, evaṃ sabbakāraṅkānampi kāraṅkantarappattiyam tadabhāvo yathāyogaṃ vattabbo, vākyekadesenetyanena ‘‘dvedvekā’’ dīno vākyassa ‘‘kamme dutiyā’’ iccādīno ca ekavākyattaṃ sūceti, pakaraṇassa mahāvākyarūpattā vipakaṭṭhāni vākyāni ākaṅkhādisabhāve aññamaññasambandhānubhavanenekavākyabhāvampaṭipajante, vuttī hi—

‘‘Ākaṅkhāyoggaṭā sattā, bījaṃ sannidhino yato;
Vippakaṭṭhāni vākyāni, mahāvākyam karontyati.’’

Sāmaññenāti kammādyavisesena, pubbācariyasamaññāvasenāha ‘dutiyaḍikā’ ti, tena yadyapi tyādinopi dvinnam pūraṇiyā dutiyāti sakkā voharituṃ, tathāpi syādīnaṃ dukeyeva dutiyātiyā ruḥhīti natyādinam dukāni dutiyādisaddena gayhanti, viṣiṭṭhesūti kammādinā visesitesu, tividham kammanti sakasamayappasiddhiyā kammaṃ tividhattamāha, aññe tu sattavidhamicchanti, katham—

Nibbattivatipatti, bhedenā tividham mataṃ,
Tatthecchitatamaṃ kammaṃ, kammaṃtvaññam catubbidham;
Icchitañcānicchitañca, nevicchitamanicchitaṃ,
Tathāññapubbaṃ nāññapubbanti, evamaññam catubbidhanti.

Tattha icchitādīni upariyevāpi bhavissanti, tatreccādinā tividham kammaṃ sarūpato dasseti, tattha nibbattikammameke-nekadhā parikappenti, tadiha pakāsayissāma—

Satī-satī vā pakati, na yattha pariṇāminī,
Nissīyate taṃ nibbatti, kammamaññesamaññathā;
Asantaṃ jāyate yaṃ vā, yaṃ santamappakāsati,
Uppatya-bhibyattiyā vā, tannibbattīti vuccatīti.

Ayamettha attho ‘‘kaṭavikārassa kāsaṅkhātā vijjamaṇā pakati pariṇāminī kaṭavikārampati pariṇamantī yatthappayoge na nissīyate... kaṭam karotītettha kevalamatthāvagamamattassa vattumicchitattā kāseti asuyyamānattā ca, pakatiyā tu suyya mānatte vikāriyam siyā, teneva kāse kaṭam karoti, taṇḍule odanam pacatīti dvayattho karoti pacati ca, tasmā kāse karoti taṇḍule pacatīti vikāriyati, kaṭam karoti odanampacatīti nibbattī yatīti attho, asatī vā pakati avijjamaṇattāyeva yattha na nissīyate... [(yathā) (potthake)] () saṃyogaṃ janayati vibhāgamuppādayatīti saṃyogavibhāgānaṃ kassāpi pakatiyā avikārattā saṃyogavibhāgavante hyavikāteheva tesam janāto, tamevambhūtanissitapakatikaṃ avijjamaṇā (pakati) kaṃ vā kāriyam nibbattikammaṃ nāmāti eko, aññesamaññathāti vatvā tandasseti ‘asanta’ miccādinā, yaṃ asantamavijjamaṇam jāyate, tannibbattikammaṃ, yathā sukham janayati buddhimuppādayatīti, santam vijjamaṇameva vā kevalamappakāsitaṃpubbam yaṃ uppattiyā abhibyattiyā vā pakāsati, tampi nibbattikammaṃ, yathā puttam vijāyatisāmaññamabhibyañjayatī’ ti, tadevaṃ kesañci matena anissitapakatikaṃ avijjamaṇapakatikanti duvidham nibbattikammampi aññesammatena asantaṃ jāyamānaṃ santamappakāsamaṇanti duvidham nibbattikammampītisabbampi aṭṭhitapubbameva jāyatīyasato jānanā na byatiriccaticcāha- ‘asato janam karīyatī’ ti, avatthantaranti odanādīno kledanādīlakkhaṇamaññamavattham.

Pakatyucchedasambhūtaṃ, vikāriyaṃ kiñci kiñci tu;
Guṇantarasamuppatyā, evaṃ sā vikati dvidhā.

Kiñci vikāriyaṃ kammaṃ pakatiyā kāraṇassa ucchedena sambhūtaṃ, yathā kaṭṭhaṃ bhasmaṃ karotīti kaṭṭhassāccantaparāvatti [parāvattiyā (potthake)], kiñci pana guṇantarānamupattiyā, yathā suvaṇṇaṃ kaṭakaṃ keyuraṃ vā karotīti evaṃ dvīdhā sā vikati hotīti attho, na vibhāvīyanteti na gamyante, sā patti‘pāpīyati visayīkarīyati’ ti katvā.

Yatra kriyākato koci, viseso nāvagamyate;
Dassanā vānumānā vā, sā pattīti pakittitā.

Yattha kiriyākato kiriyāsampādīto viseso atisayo koci nāvagamyate nappatīyate dassanā vā paccakkhappamāṇena anumānappamāṇena vā yathā nibbattivikātinamatisayo paccakkhānumānā vagamanīyo, tatra hi nibbattiyāṃ visesasiddhiratipasiddhā... atthalābhākhyassa visesassāvijjāmānassa kiriyākattā, vikāriye () [(eva) (potthake)] tu kvaci paccakkhavisayo... kaṭṭhaṃ ḍahatīti kaṇhattādibhāvassa paccakkhenevopalabbhanato, kvacidanumānagammo... devadattaṃ roseti pasādayati veti viṣiṭṭhamukhavaṇṇādikāriyānumeyyattā rosādino, evaṃ yattha na visesasiddhi api tu pattimattaṃ, sā pattīti pakittitā kathitā, ādiccāpassati dhammamajjhētīti ayamettha attho, kathaṅcarahi asantassa [santassa (potthake)] pattikammaṃ kiñci (akaronta)ssa kārakattaṃ, na hi kiñci akarontaṃ kārakambhavitumarahatīti uccate-

Dassanakkhamatābhāso, pagamabyattīdayo;
Visesā pattikammaṃ, kriyāsiddhiyamicchitā.

Atra daṭṭhuṃ sakkā iti dassane khamatā ābhāsopagamo visayattopagamo visayattopagamaṇaṃ byatti ceti evamādayo visesā yathāyogaṃ pattikammaṃ kiriyānipphattiyāṃ icchitā, tato tassa kārakattanti attho, ādiccaṃ passatīti ettha hi ādicco daṭṭhuṃ sakkā, tatova so dissati abhivyattīti copayātīti dassanakiriyānipphādakathenāssa kārakattamupapajjate, tathā ññatrāpyādisaddagahitavisesavasena kiriyāsiddhito kārakattaṃ veditabbaṃ, nanu vikāriyampi nibbattikammameva... tena rūpenāsatoyeva janānato, pattikammampi kiriyāsambandharūpenāsantameva pacchā tathā bhavatīti nibbattiyevāti saccaṃ-

Atthesā vatthutṭhiti, sukhumbuddhigocarapatītyanurodhena,
Tatra yampetaṃ ghaṭate, yathā patīti saddatthāvattānato.

Visesānupādānato ‘kamme dutiyā’ ti sāmāññena vuttatā vuttaṃ. Karīyati kaṭo, kato kaṭo ccevamādīsu tyādippabhutīhi atihitakammādinissayesupi ekattādīsu dutiyādayo papponti niyamābhāvā, tathāhi pañcake nāmatthe kaṭādivacanīyassa sambandhī kammādyattho, tyādippabhutīti anabhi hitassa saṅkhyākhyassāparassa vibhatyattassābhīdhānāya abhihitesupi kaṭādīsu kammādīsu dutiyādayo siyunti pāṇiniyā ‘kamme dutiyā’ ccādīsu (2-3-2) ‘anabhihite’ ti (2-3-1) vacanamadhikaronti, veyyattiyāyeva dutiyādīnappasaṅgepi tannissayabhūte-kattādyatthe jotānāyābhīhitesu dutiyādayo siyuṃ, tike pana saṅkhyākammādayo vibhatti vacanīyā, tattha yajjapi kammādīno paccayenābhīdhānaṃ, tathāpyekattādayo nābhīhitāti tassa saṅkhyākhyassāparassa vibhatyattassāti dhānāya abhihitesupi kammādīsu dutiyādayo siyunti pāṇiniyā ‘kamme dutiyā’ ti ‘anabhihite’ ti vacanamadhikaronti, tamupadassento āha-‘tatrīdaṃ siyā’ tiādi, tatra tasmiṃ dutiyādi vibhattivīdhāne idaṃ codyaṃ siyā, kinti āha-‘pañcake’ iccādi, anabhihitakammādinissayesuti anabhihitā kammādayo nissayā yesamekattādīnaṃ, tesūtyattho, dutiyādayo vibhattiyo yathā siyunti jotānāyābhīdhānāya cāti yujjāmānavasena attho veditabbo, abhihitakammādinissayesupīti apisaddena anabhihitakammādinissayamekattādīnaṃ samuccinoti, āsaṅkiyāti pubbakiriyāya vuttanti aparakiriyā veditabbā, pañcake tike cā bhīhitakammādinissaye sekattādīsu dutiyādīpattimāsāṅkāvasena dassetvā catukkavādīnampi pakkhamubbhāviya pariharitūṃ ‘yadiccā’ dīmāha, ayantesamadhīppāyo ‘yadesā saṅkhyā pāṭipadīkattho tappaṭipajjane kammādayo vibhattivacanīyā, tadā ‘anabhihite kamme’ tiādinā anabhihitaggaṇaṃ kammādivisesānamanubhavantamanatthakaṃ... abhihite vibhattivāccābhāvato, yadā panāyaṃ pakkho ‘saṅkhyā vibhattivacanīyā’ ti tadā ‘kamme dutiyā’ ti yevamādayo niddesā visayasandassanamattāyeva veditabbā’ ti, sabbathāti pañcakatīkavādīnaṃ

catukkavādīnañca matavasena sabbappakārena, saddatthābyatirittatthamattoyevāti byatireko byatirittam, napuṃsake bhāve kto, na vijjate byatirittam byatireko bhedo yassa tam abyatirittam, abyatibhinnanti attho, saddatthato sakatthato abyatirittam atthamattam atthasāmaññaṃ yassa odanādisaddassa so tathā vutto.

Kiñcāpi vuttiyam tabbādīnādisamāsehi abhihitamavuttam, tathāpi tehi abhihitepyevameva datthabbanti nidassento āha-‘eva’miccādi, kara-karaṇe karīyitthāti kato‘kto bhāvakkammesu’ ti (5-56) kamme kto, satikoti ettha kītoti kammatthe “dissantaññepi paccayā” ti (4-120) iko, kammatāgamayate kitappaccayādīnaṃ kamme vihitattā, evañca dhuhi kimekamudāharaṇam dattamācariyene tyato āha-‘udāharaṇa’iccādi, anabhihiteti vacanaṃ vināpīti vacanaṃ vinā evāti avadhāraṇe-apisaddo, sambhāvanevā, yadyabhihitehi vacanaṃ vināpi dutiyādīnamappavatti bhaveyya, vacanasabbhāve tu kathāyeva natthīti attho, evañca panettha dutiyādīnamabhihite pasāṅgābhāvo jānitabbo “paccate odano, kato kaṭoccādopi yadi dutiyādayo siyūṃ paṭhamāvīdhānassāvākāso na bhaveyya tato sāmattiyānabhihiteyeva kammādo dutiyādayo sakiriyā (yam tada)bhibyattiyā bhavissanti, paṭhamevatvabhihite” ti, na nuca paṭhamāyākāraṃkamavākāso rukkho pilakkhoti [rukkho pilakkhoti kriyāpadam na sūyateti vibhatyantarasappatti maññatebhassapadīpa] kimidamuccate akāraṃkanti yadya kāraṃ nedampayogamarahati tato yattha visesakiriyāna massavanaṃ tattha padatthasahacaritāya sattāya patītiyā ‘rukkho atthi pilakkho atthi’ ti apekkhīyatīti kāraṃkattam rukkhādīna mattheveti [attheveti ññatam vatthum param patipādayitum saddo payujjate ññañca satoīti yatra kriyāpadantarassa appayogo tatra ussaggato sattā patītitutthīti kriyāpadānusaṅgara kattari tatiyappasaṅgaranavākāsa paṭhamā tyattho-bhassapadīpa], na ca uccaṃ nīcaṃtyadhikaraṇavācīte [vācīkā] nipātassa atthītyanena natthi sambandhoti uccamatthītyādheyyasseva kattuttam nādhārassātya kāraṃkattamādhārassātyavākāso-tthi paṭhamāyāti “paṭhamāvīdhā nassāvākāso na bhaveyyā” ti yathāvutto-yam hetu asiddhoti ca sakkā vattum, asaṅkhyato paṭhamātyavatvā “paṭhamāttha matte” ti (2.39) sāmāññavidhānato siddhoyeva, yam hetuttānabhihitavacanamanatthakamicceva ṭhitam.

Yañcāti casaddo vattabbantarasamuccaye aparampi kiñci vattabbamatthīti attho, yañca phalaṃ maññateti sambandho, yadethāna bhīhitādhīkāro natthi tadā yathā ‘kato kaṭo’ccatrattena kammassābhīhitattā dutiyā na hoti tathā ‘kaṭam karoti vipulaṃ dassanīya’nti kaṭasaddato uppannāya dutiyāya (vipulādigatassa) kammassā bhīhitattā vipulādīhi visesanehi dutiyā na siyā, tato tyādi tabbādīnādisamāsehi kammassāna bhīhitattamattevāti vipulādīhipi dutiyāvidhānasaṅkhātāṃ anabhihite” ti (2-3-1) anabhihita vacanassa adhīkāre yañca phalaṃ cintayatīti attho, yuttassātimassa attho sambandhassāti, paccekaṃ karotyabhisambandhatāyāti ‘kaṭam karoti vipulaṃ karoti dassanīyam karoti’cceaṃ paccekaṃ paccekaṃ karotissābhisambandhatāyāti attho, kammatā atthīti seso, evaṃ maññate-“kaṭam karomīti pavatto vipulaṃ karomī dassanīyam karomīti ca pavattovāti vipulādīnampi paccekaṃ kammatā attheva, tatthekassābhīdhāne parekassa sukhamavalokayantīti tadabhidhānāyapi dutiyā bhavissatī” ti, pakārantarāvātāro nācariye noparodhitoti tampi panettha dassayissāma-“kaṭasaddā uppajjamānā dutiyā kaṭajāti kammamabhihitavatī, na vipulādiguṇakammaṃ, tato tadabhidhānāya ca dutiyāyeva bhavati, athavā kaṭova kammaṃ, tam sāmānādhikaraṇyena vipulādīhipi dutiyā bhavissati, kaṭam karoti vipulo dassanīyoti hi vuccamāne vipulādayo kattusamānādhikaraṇatāyeva patīyeyyūṃ tasmā kaṭasaddasāmānādhikaraṇampaṭipādayatā vassamettha dutiyā karaṇīyā” ti. Nanvemiccādicodyam, evanti evaṃ guṇayuttassa kammatāya sati, pappotīti kaṭa kamme-bhidhāniye (kato) ti ktappaccayassa katattā udārādito karotyabhisambandhā dutiyā pappotīti attho, evaṃ maññateccādi parihāro, avayavena kammaṃ na vadatīti sambandho, avayavenāti visuṃvisuṃ, kiñcarahīti āha-‘sabhāvato sabbam kammaṃ vadatī’ ti. Hotu kāmaṃ udārādītopi vuttena vidhīnā paṭhamā, katasaddato kā pavattatīti āha-‘katasaddato pi’ccādi, antobhūto antogadho nāmassa saddassa attho yasmim kammalakkhaṇattheso attho kammalakkhaṇo abhihito kathito sampanno sampajjatīti attho, nanu ‘kato kaṭo’ccādo sabhāvato sabbakammavuttīyā antobhūtanāmatthavuttīyā cātthamatte hoti sabbattha paṭhamāti ‘kaṭam karoti ulāraṃ sobhanaṃ dassanīya’nti kaṭadītopi uppannāya dutiyāya kammassābhīhitattā ulārādīhi paṭhamāppasaṅgo siyāti abhihitābhīdhānappasaṅgopagataṃ codanaṃ manasī nidhāyāha-‘kaṭādisaddo tvī’ccādi, sāmāññenāti visuṃ visuṃ kaṭādisāmāññena.

“Katturicchitatama”ntyanena (1-4-49) kattuno kiriyāya sambandhi tumiṭṭhatamaṃ tasmim

icchitatame kammasaññaṃ vidhāya nibbatyādikesutūsu kammesu dutiyā vidhīyate paṇinīyehi, icchitatamattañca tadatthattā kiriyāya, odanaṃ pacati gāvumpayo dohatityādo(hi) odanādyatthā pacanādikiriyārabhateti odanapayādīnamicchitatamattaṃ, tadupadassento āha-‘yaṃ kattu’ccādi, vibhattiṃ vidhāya dutiyābhimatāti sambandho, puna payādinipphattinimittaṃ yaṃkiñci dohanādikiriyā yuttaṃ karaṇādirūpena akathitaṃ gavādikamicchitaṃ kārakaṃ, tatthāpi ‘‘akathitañcā’’ti (1-4-51) kammasaññaṃ vidhāya teneva dutiyā vidhīyate, tadupadassetumāha-‘upayujjamāne’ccādi, atra cevamakathitanīyamo kato vāttikakārena-

Pucchicibhikkhīnaṃ duhi,yācīnaṃ nimittamupayoge;
Pubbavidhimhi-kathitaṃ, brūsāsinañca guṇāsattanti.

Upayujjate iṭṭhatthasiddhiyaṃ byāpārīyatītyupayogo-payoppabhuti, tasmim, nimittaṃ gavādi, apubbavidhimhi apādānādhikaraṇādi pubbasañña vidhānābhāve, vidhāne hi māṇavakā maggaṃ pucchati, rukkhā phalānyavacinātyādi yathārahaṃ bhavati, guṇāsattanti guṇena sattaṃ sambandhī, guṇasaddenettha padhānasādhanam dhammādikam vattumicchitaṃ padhānasādhanāñhi kiriyāopakārakamupakāriyaṃ padhānabhūtaṃ kiriyamapekkhiya guṇo bhavati, co-nuttasamuccaye, padhānantu dhammādino pavattiyā tadatthattā, upayujjamānañca taṃ payoppabhuticeti visesanasamāsaṃ katvā upayujjamānapayoppabhutino nimittanti chaṭṭhīsamāso, pabhuti saddena gavādino gahaṇam, ādisaddena gomantādino, dutiyenādi saddena adhikaraṇādino, catutthena vinayādino, vidhānanti dutiyā vidhānam, dutiyāvidhānamabhimatanti yojanīyaṃ. Paṇinīyehi ‘‘tathā yuttañcānicchitaṃ’’ (1-4-50) iccanena kammasaññaṃ vidhāya ‘‘kamme dutiyā’’ (2-3-2) tyaneneva dutiyā vidhīyate, tandassetumāha-‘yene’ccādi, ‘‘tathā yuttañcānicchita’’ntīmassa attho yeneveccādipaṇcīkāpāṭhānusārena vedītabbo, yujjati kiriyābhisambajjhate, yuttanti kiriyābhisambandham, atra tu—

Yadyabuddhyāhilaṅghādi, tadāhyādīmanicchitaṃ;
Yadā lajjābhayādīhi, tadeccchi tatamaṃ mataṃ.

‘‘Tathā yuttañcānicchita’’nti suttenassa pariyudāsavuttito icchitā aññaṃanicchitamanabhimatamitarāñca, tatoyeva‘gāmaṃ gacchanto rukkhāmūlamupasappatī’tyatra nevicchitanānicchitassapi rukkhāmūlassa kamma sañña siddhāti tattha ‘‘kamme dutiyā’’ti dutiyā vidhīyate, tandasseti‘nevicchitanānicchitasmā’iccādi, rukkhāmūlam nevicchitaṃ pubbamanabhimatattā, nāpyanicchitaṃ appaṭikūlattā, gāmagamena hyassa tapparatā, rukkhāmūlopasappanantu pasaṅgāgatanti rukkhāmūlānampi kiriyābhisambandho attheva, atrāpi-

Nevicchitānicchitantu, mabuddhiyupasappane;
Mūlam viissamanatthantu, tamicchitatamaṃ siyā.

Brūsāsinañcāti casaddopasaṅgahite dassetumāha-‘eva’miccādi, ettha gāmadevadattagaggānamakathitasañña, ajādayo tvicchitatamā, ādisaddena ‘pattheti gāvum purisaṃ dvijo’tyādayo saṅgahitā, nayatinī=pāpuṇane, vahati vaha=pāpuṇane, harati hara=haraṇe, jayati=jaye, sabbatthaleca ette ayādesa ca rūpaṃ, daṇḍa=daṇḍane curādittā ṇimhi rūpaṃ, atha ‘‘adhisiṭṭhāsānaṃ kammaṃ’’tyādinā (1-4-46) tena tena kammasaññaṃ vidhāya ‘paṭhaviṃ adhissatī’ti ādo (tattha) tattha ‘‘kamme dutiyā’’ti (2-3-2) dutiyā vidhīyate tehi tehi sattha kārehi, sabbatthevettha lokassa kammavacanicchāti kamenetaṃññasaññāpubbakaṃ kammamupadassento āha-‘adhipubba’iccādi, yāya vatticchāya dutiyā siyā tāya vatticchāya kammatā kathaṃhināmāti sambandho, neva upalabbhanti kadācīkassaci siyāti sambandho, payatitabbanti suttantaramārabhanīyaṃ, tatthevaṃ kiṃ bhavato manasi dosadhijambhanenāti attho, dhammeti etthāpi evaṃ saddaṃ yojetvā attho vedītabbo, yathā ādhāre kammavacanicchā, tatthehāpi ādhāravacanicchāti attho, tenevāha-‘dhammeti ādhāravacanicchā’ti, dhamme abhinivisateti sambandho, evaṃsaddasamānatthattā tathā saddassa tadatthānusāreneva viññāyatīti tathāsaddassa attho viṣum na vutto, pānañca ācāroca pānācāraṃ, taṃpānācāramassa ādhārassa tasmim tappānācāre, pānatthācāratthadhātusambandhī yo nadyādi ko ādhāro so pānācāravāyevāti āha-‘pānatthācāratthānaṃ dhātūnamādhāre’ti, kesañcīti aniyamena kesañci saddasatthakārānaṃ, etthāti etasmim ādhāravacanicchāpakke, patiparīhi bhāgecetyavasiddhāti iminā patisaddassa dhātunā

ayuttataṃ dasseti... yadi yujjeyya chaṭṭhiyābhāvā, tenāha-‘yadātvī’ccādi, vuttiyāṃ tenāti tasaddena, apisaddopasaṅgahitaṃ tatiyāṃpi gahetvā vācāti bahuvacananiddeso.

3. Kāla

Yadā kāladdhānamiccādinā‘māsamāsate kosāṃ sayati’ccādo akammakehipi yoge kālābhāvaddhadesānaṃ parehi kammattamanuññānti ca, yadātviccādinā tu kiriyāva sabbenasabbaṃ na sūyati, tathā sati kuto ca kammattanti teheva vuttantī ca dasseti, gamma mānakiriyāyogopi na nissito... māsamāsateccādīsu āsanādi [āsanādīsu (potthake)] kiriyānaṃ māsādiyogo viya kalyāṇittaguṇādiyogo ca lokassa patītipathamupayātīti, na sijjhatīti kiriyā na honti guṇadabbānīti kiriyāsambandhābhāvā kammattābhāvoti na sijjhāti, guḷena missā dhānā bhajjitayavā guḷadhānā. Ajjhayanakiriyāya pabbatena ca māsakosānaṃ sākallena sambandhābhāvā accantasāmyogābhāvoti māsassātiādīsu na dutiyā. Pubbaṅhe samayanti iminā pubbaṅhe samayoti sattamīamādīsamāsāṃ dasseti, accanta mevāti iminā samayassa sākallena viharāṇakiriyāya sambandhamāha, yaṃsamayaṃ karuṇāvīhārena vihāsi, taṃ ekasamayanti sambandho, upasaṅkamanakiriyāyaccantameva yuttoti iminā nivāsanavīharaṇa kiriyāhipi pubbaṅhasamayādīnamaccantameva yuttataṃ upalakkheti, pakārantarenāpi siddhiyamāsāṅkamubbhāvayati ‘yadā tvī’ccādinā, vibhattiyā vipallāso yathāpakatamatikkamma aññathā bhavanaṃ, idha pana sattami yampattāyaṃ sattamyatthe bāhulakena ‘kamme dutiyā’cceva dutiyāppatti.

Tatiyābhimatāti ‘apavagge tatiyā’ti (2-3-6) vacanena pāṇiniyānaṃpapañcattamabhimatā, kathampana kāladdhānaṃ karaṇattamiccāsaṅkiya karaṇattamesampañipādentō āha-‘tathāpi’ccādi, tathāpīti vuttakkamena karaṇattasambhavā tatiyāya vijjamānāyapi, siyāti tatiyā siyā, tañcāti taṃ karaṇāṅca. Kārakamajjhēti ettha chaṭṭhī samāso kārakasaddena ca sattikāraṅgaṃ gahitanti (āha) ‘dvinnāṃ kattusattīnaṃ majjhe’ti, abhinnassāpi hi ekassa devadattādikattuno bhinnānaṃ taṃsamavetānaṃ kattusattīnaṃ majjhe kāladdhānāni, sattibhedameva byañjayamāha-‘tathāhi’ccādi, ekatthāti ekasmiṃ devadatte, dvīhetīte (bhuñjikriyā) sādhananti sambandho, dvinnāṃ ahānaṃ samāhāro dvīhaṃ tasmīṃ. Isumasatīti vā, isumhi āso asseti vā nipphanna issāsasaddena gammamānaṃ kiriyāṃ dasseti ‘isvasane’ti, nanviccādi codyaṃ, dhanupañcasataṃ koso, evamaññateccādi pariāhāro, chaṭṭhiyāsampattāyanti kosassekadeseti evaṃ chaṭṭhiyā sampattāyaṃ, muttasāmsayenedaṃ samānanti mutto saṃsayo yasmīṃ avadhyādo tenetaṃ tulyanti attho. Vuttiyāṃ abhimatāti ‘sattamī pañcamiyo kārakamajjhe’ti (2-3-7) vacanena sattamīpañcamiyo papañcattamabhimatā, dvīhe bhuñjissatīti dvīsu divasesu gatesu bhuñjissatīti attho, ‘yabbhāvo bhāvalakkhaṇa’nti (2-36) sattamī, sakasakākāravacanicchāyevāti hi idaṃ bāhullaṃ nissāya vuttaṃ, dvīhā bhuñjissati kosā vijjhatīti dvīhā nikkhamma bhuñjissati, kosā nikkhamma ṭhitam lakkhaṃ vijjhāti upāttavisayo-yamavadhi, kose vijjhatīti kose ṭhitam lakkhaṃ vijjhatīti attho.

4. Gati

Katacatthasamāsāti kato catthasamāso yesu te tathā vuttā, aññapadatthavuttayoti aññapadatthe vutti yesanti byadhikaraṇāññapadatthasamāso, cattasamāse gatyādīnaṃ visuṃvisuṃ padhānattā tehi paraṃ payujjamāno atthasaddo gatyādīhi paccekamabhisambajjhātīti maññate, atha sutte ‘payojje’iccetāvatyuccamāne payojjo sayāṃ kattāti kathaṃ viññāyati yena ‘payojje kattarī’ti vivaraṇaṃ katamiccāsaṅkiyāha-‘gatyādyattha’miccādi, ādisaddena bodhā dīnaṃ gahaṇaṃ, takkiriyāsamatthovāti tassā gatyādikāya kiriyāya samattho eva niyujjateti sambandho, kiriyākaraṇe samattho nāma kattāvāti āha-‘soca kattā’ti. Dutiyāya siddhāyāti vakkhamānanayena payojjassa kattuno kammattasiddhiyā ‘kamme dutiyā’ti sutteneva kamme dutiyāya siddhāya. Kiṃ lakkhaṇoyaṃ niyamo yadatthami damārabhīyaticcāha-‘gatyādyatthāna’miccādi, paccudāharīyissate ‘etesameve’ccādinā, tathācābbhupagame, payojjo kattā na kammaṃ tyabbhupagamma payojje kattarī’ti vivaritanti attho, sāmattihiyampānaiccādinā sāmattihiyasarūpamāha, gati ādyatthānanti padacchedo, niyujjamāno payojakabyāpārasāṅkhātāya kiriyāya sambandhiyamānattā kammabhūtova bhavātīti attho, ayametthādhīppāyo ‘gamaññādikiriyāya sādhanattā yadipi payojjo kattā, tathāpi so payojakena gamaññādisu byāpāriyamāno payojakassa byāpāralakkhaṇāya kiriyāya sambandhiyamāno yadi kammaṃ na hoti aññathā kiṃ hotīti aññathānupapattilakkhaṇena sāmattihiyena kammabhūtova

hotī’ ti [(attho) (potthake)] (), patīyateti iminā patīivasenevāssa kammata, sabhāvato tu payojjo kattāvātipi ñāpeti, payojakoti sabbattha devadattādiko viññeyyo, atthagahaṇassāti “saddākkammakabhajjādīna’ nti avatvā “saddatthākkammakabhajjādīna’ nti atthagahaṇassa, bodhatthassa udāharaṇanti seso, nanu vacanappayojanaṃ dassayatā vacanamevopadassiya pañho kātabbo, atha ‘etesamevā’ tyavijjamāneneva kathaṃ tyāsaṅkiyāha ‘etesameve’ ccādi, heṭṭhā vuttakkamena niyamatthattā vacanassa evakāro labbhati, sambandhivacanattā etasaddassa tena yathāpaṭhitā gatyādayova visessabhūtā saṅkhepena parāmasīyantīti ete samevāti katanti maññate [evosañcāti maññate (potthake)], (gacchati devadattoti...pe... nahotīti) iminā imamatthañca joteti “yadipi kiriyābhisambandhā payojjassa viya kattunopi kammattampasajjati, tathāpi payojjeti vuttattā kattari devadatte dutiyā nappasajjati’ ti, abhimatāti “gatibuddhyā” di (1-4-52) suttena payojjassa kattuno kammasaññaṃ vidhāya tasmiṃ payojjedutiyābhimatā, carahisaddo pucchāyaṃ, payojetīti asmiṃ uddese tadā kathaṃ bhavitabbanti sesoti yadācarahiccādivākyassāvasāne payojetīti asmiṃ uddese vacanasamīpe’ tadā kathambhavitabba’ nti pāṭhaseso hotīti attho veditabbo, yāvātīti tatiyantapaṭirūpako nipāto, yasmā dattho vattate, yasmā dutiyā pappoti tasmā ‘yaññadattene’ ti bhavitabbanti sambandho.

5. Harā

Niyamenecādinā vacanārambhassa payojanamāha, sāpi tatiyāpi [dutiyaṅgā vattabba] yadāvīccādinā harati nāharatthe [naharatthe (potthake)] tipī viññāpeti, ubhayatthāti dutiyāya pattāya appattāya ca, vibhāsā vikappoti attho, kāretikara-karaṇe, lettāyādesātilatta ettaayādesa, vada-vacane, abhivadanamabhivādo taṃ karotīti “dhātvatthenāmasmī” ti (5-12) imhi nāmadhātu ‘abhivādi’ tisutte niddiṭṭhoti āha-‘abhivādismā’ iccādi.

6. Nakhā

Khādayati ādayati khāda, ada=bhakkhaṇe, avhāpayati vhe=avhāne āpubbo, “payojakabyāpāre ṇāpice” ti (5-16) ṇāpimhi pubbasaralopo, kandayati kanda=avhānarodanesu.

“Vahissāniyantuke” ti gaṇasutte ayamettho “vahissadhātussa payojje kattari niyanturahite dutiyā na bhavati” ti, niyantā sārathi kiriyāsiddhiṃ niyamakoti vatvā tameva pakāsetumāha-‘kiriyaṅga’ miccādi, kiriyaṅga kiriyopakaraṇabhūtaṃ balī baddādiṃ kiriyākāraṇaṃ, niyametvāti ekasmiṃ karaṇīye kiriyā visaye patiṭṭhapetvā, vāhayati bhāraṃ devadattenetyatra hi devadatto paññavā puriso niyantāramantareneva bhāraṃ vahatītyaniyantuko kattā, vāhayati bhāraṃ balībadde iccatra tu balībaddā niyantā ramantarena na vahantīti saniyantukā.

“Bhikkhissāhiṃsāya” nti gaṇasuttassāyamattho “bhikkhissāhiṃsatthassa payojje kattari dutiyā na bhavati” ti, atha kathamettha hiṃsatthattā bhikkhissa hiṃsā hi cetanāvati sambhavati, na cetthasassaṃ cetanāvantanti āha-‘sabbe’ iccādi, sabbeti rukkhādayo, bhāvā padatthā, idāni sabbadassanānukūlahiṃsatthamupadassetumāha-‘yadive’ ccādi, nanu buddhavacana nissitamidaṃ byākaraṇaṃ, tathā sati sammatameve-ttho-padassetvā gantabbaṃ kinnāmāññadassanopagātādhireṇāti tuñhī hoti nikkāraṇissā [nikkammissā (potthake)] bhavato-pāyoti viññāyati, paratthānubaddhacchāyaṃ pana mahāpuññapaññā na kiñci viya maññanti, hoti (hi) etena parattho “matantarepi siddhi sissānaṃ, taṃtaṃ mataññuno vā kadāci karahaci yadidamavalokeyyuṃ te cetthāvatāraṃ [cetthakāraṃ (potthake)] labheyyuṃ etādiso ca paññavā paṭiladdhabuddhavacanappasādo’ ti tadavatārena ca buddhe bhagavati kamena daḷhaṃ pasādaṃ paṭilabheyyu’ nti, evamevaṃ tattha tattha taṃtaṃbyākaraṇodāharaṇappasaṅgepi tadanusāreneva tantampayojanaṃ veditabbaṃ, na niratthakakathāpasuto-yamācariyoti.

Duhādīnaṃ tyevamādo amhākamparamagurunā ratanamati pañcīkālāṅkāradikārena nānākārasāratthavededitu [vedāvedita (potthake)] mahāpaññāpāṭavānaṃ paññavantānaṃ sāminā mahāsāminā sambuddhasāsanaratanavaropakārakena ‘idamettha vicāraṇīyaṃ’ tyabhidhāya nānāmatantaramākaḍḍhiya bahuṃ sampaveditamatti, mayampanettha ācariyenādhīppetamattamevāḷamba atthampa kāsayissāma. Satyapyane kadassanabhede siṭṭhappayogānusārena yattha padhānekammanityādippabhutayodissanti, yatra tvappadhānetyādī,

yatrobhayatrapī, taṃsabbamiha bhassakārādyanumatakkamena paṭipādayamāha-duhādīna' miccādi, etthādisaddo pakāravācī, tena yācippabhutayo gayhanti, kammadvayayuttānanti niddhāraṇe chaṭṭhī, tena kammadvayayuttānaṃ majjhe duhādīnamappadhānēpi gavādo kamme tyādiṭṭhāyoti yojanā. Iccāditiādisaddena 'avarundhati vajam gāvaṃ avarundhīyate vajam go'iccādīnaṃ pariggaho, gamanādyatthāna mityādisaddena bodhatthādīnaṃ gahaṇaṃ. Gamīyate gāmo devadattanti ettha kathaṃ payojjattasambhavoti āha-'purise'ccādi, yajjapi gāmo tuṅhī hoti nibyāpārattā purisova tu gamanakiriyaṃ nipphādeti, tathāpi purisassa gamanakiriyaṃ yaṃphalappattilakkaṇaṃ, tamubhinnampi gāmapurisānaṃ samānanti purisa kiriyātulyaphalattā gāmapopi gamanakiriyaṃ kattubyapadese kāraṇaṃ bhavatīti adhippāyo, tathāhi gāmaṃ gacchanto koci gāme āsanne sati vadati 'āgato gāmo patto gāmo'ti, atoññesanti ye kammadvayayuttā duhādayo gamanādyatthācodāhaṭā, etehi aññesaṃ, padhāne kammebhi ajādimhi padhāne kamme, padhānattampāna ajādīnaṃ kiriyāya payojanattā, ajādyatthā hyānayanakiriyaṃrabhyate. Ayampanettha saṅgaho-

“Dui yāci rudhi pucchi, bhikkhi ci bruvi sāsī ca;
Ji daṇḍi patthi manthī ca, dhātū honti duhādayo.

Gatyādisuttapaṭṭhitā, gatyādyatthā bhavanti te;
Nīvaharakaśāca, nīvahādī bhavanti te.

Dvikammakesu cetesu, appadhāne duhādīnaṃ;
Tyādiṭṭhāyoti honti, padhāne nīvahādīnaṃ;
Ubhayattha payogaṇu, sārā gatyatthādināṃ”ti.

Payogo pana sambandhacintāyamiha ca vuttānusārena sabbathā viññeyyā.

7. Dhyādi

Pubbe kiriyānissayena [kārakanissayena (potthake)] dutiyāya vihitattā āha 'idāni'ccādi, dhisaddassa atthappadhāna niddesena vā ādisaddena vā 'hā devadatta'ntipi hoti, hā devadattadukkhanā tu dukkhena yogā devadattena na yutto hotīti paṭhamāvāmantāṇe. Nanuca antarāsaddena yoge yathārājagahanālandāhi dutiyā [(tathā)] antarā ca rājagahaṃ antarā ca nā landa (nti tathā) antarāmaggeti ettha maggatopi [antarāmaggatopi] kasmā na dutiyāti tenāyogā, yesaṅhi taṃmajjhaṃ te tena yujjantīti tehiyeva dutiyā, athavābbhupagatepi taṃyoge taṃsambandhīyeva maggoti mukhyattā tato [sabbassa (potthake)] na dutiyā, atrāpi chaṭṭhīyeva pappoti antarā tañca mañca kamaṇḍaluiti, tava mama majjhe kamaṇḍaluyattho, atha kamaṇḍalusaddato dutiyā kasmā na bhavati satīpyantarena yoge tassa padhānattā, tathāhi kamaṇḍaluno sakatthā pavattī, tumhamhānantu paratthā-kamaṇḍaluvīsesanattena tesam pavattattā, tatra kamaṇḍaluno sakatthe vattamānattā padhānattenāvatattā pāṭipadikato accutattā parattā paṭhameva bhavatīti jīnindabuddhinyāsa. Nindādi lakkhaṇassa sambandhassa sabbhāvā sabbattha sambandhachaṭṭhīyā sampattāyaṃ vacanaṃ, ākatigaṇo-yaṃ.

8. Lakkhaṇi

Lakkhaṇādīsvatthesuti nāmassā [kassā (potthake)] yamatthaniddesoti āha 'abhināyo yutto'ccādi, tenāti abhinā yuttassāthāniddesa kāraṇena, lakkhaṇasaddena hetu vattumicchitoti āha-'tatthe'ccādi, duvidho hetu, vuttañhi subodhālaṅkāre 'janako ñāpako ceti, duvidhā hetavo siyu'nti (252), samupalakkhayatīti samupalakkhaṇaṃ, saṅketamattaṃ ñāpakaṃ, na tu janakaṃ, saṅketopi lakkhaṇamuccate lakkhīyate kāriyamānenāti katvā, janakassāpyatra lakkhaṇattena gahaṇe payojanam "anunā" (2-10) iccitra daṭṭhabbaṃ. Kañcipakāranti iminā itthaṃsaddassa atthaṃ vadati. Pattoti iminā bhūtasaddassa, ettha hi bhūdhātu pattiyaṃ vattate, rukkholakkaṇanti rukkho ñāpakahetūti attho... rukkhena vijjuyā ñāpiyamānattā, ācariyajīnindabuddhi pana aññathā vaṇṇayati, tassedam matam-

Kriyāya jotako nāyaṃ, sambandhassa na vācako;

Nāpi kriyantarāpekkhī, sambandhassa tu bhedakoti.

Ayamettha attho “ayamabhi abhinandatityādīsu viya kiriyāya jotako na hoti, chaṭṭhī viya sambandhassa vācako na hoti, nikkosambhīyatra gamanakiriyāpekkhī nisaddo viya nāpi kiriyantarā pekkhī, kiñcarahi sambandhassa tu bhedako visesako bhavati”ti tamupadassetumāha-‘aññe tvi’ccādi, ettha itisaddo nidassane, rukkhampatvā vijjotate itievaṃ pattikiriyāya patvātivuttarukkhapāpanakiriyāya janitoti attho, tathāhi rukkhassa vijjuyā pāpanābhāve vijjuyā lakkhiyāya tallāṇassa ca rukkhassa yo lakkhiyalakkhaṇabhāvo sambandho, so kena sampādito bhaveyya, nanu sambandhe abhinā jotiyamāne rukkhassa lakkhaṇavuttitā kathaṃ jotiyatīti āha-‘lakkhaṇatthoca visayabhāvenā’ti, tathācetyādinā tasmim̐ pakkhe sambhāvitam̐ dosamubbhāvayati, tatrāya miccādinā yathāvuttadosaparihārāya parehevābhidhīyamānamparihāramāha, parihāropadassanenāssāpi pakkhassāduṭṭhatākhyāpanenesopi pakkho-bbhupagatotyavaseyo, atoyevupari yathāvutta pakkhanissayeneva byākhyāyate, devadattassa sādhattasaṅkhātaitthampakārappattiyā visayabhāvenāvattitā mātā tattha vattati nāmāti āha-‘mātuyā’tiādi, mātā ca itthambhūte pavattā visaya bhāvena devadatto ca tattha visayābhāvena, tesañca visayavisayābhāvalakkhaṇo sambandho itthampattilakkhaṇāya kiriyāya jāto, so mātusambandho hoti kāraṇavasena, socātinā jotiyatīti mātu tenābhinā yogoti āha-‘yvāya’ccādi, mātusambandhoiti yojanā, itthampattiyāti itthampattilakkhaṇāya kiriyāya karaṇabhūtāya, evaṃ maññate “kiñcāpi so sambandho devadattenāpyavinābhāvīti tassa sobhinā jotiyate, tathāpi mātusambandhobhinā jotiyatīti ‘mātu tena yogo’ti ca (vuccati)... saddasattiyā taggatāyeva dutiyāya ubhayagatassāpi sambandhassa jotanato”ti rukkho rukkho tiṭṭhatīti sambandho, t̥hitimpaṭṭiccāti t̥hitinnissāya esaṃ rukkhānaṃ yo ca sambandhoti yojanā, rukkhānanti iminā rukkhā kiriyāya pare sambandhinoti ñāpeti, t̥hitimpaṭṭiccāti iminā pana tiṭṭhatisaddavacanīyā sādhyarūpā t̥hitikiriyā rukkhato pare sambandhīti, acetanānaṃ rukkhānamapekkhāvirahepi lokampatīvasena ‘pipatīsā’ dīnaṃ viññāyamānattā viññāyamānaṭṭhānāpekkhaṇakiriyāyasādhyasādhanalakkhaṇo sambandho jātoti viññeyyaṃ, so ca rukkhasambandho-bhinā jotiyatīti āha-‘so’tiādi, dvibbācānena jotaniyāti vicchātthe vuttimatte satīpi vibhattiyā [\[vicchatthe vutkimattetyādivacanam̐ vicāreretabbaṃvitattiyā abisaddassaca vicchatthe vuttiyā abhāvā, lakkhaṇitthambhūti hi pakativisesanam̐\]](#) jotetumasamatthattā vicchāya jotānāya dvibbavacanam̐ kattabbamevāti adhippāyo.

9. Pati

Upādiyamānoti abbhupagammamāno, yadi pana upādiyamāno bhāgo, anupādiyamāno kathanti āha-‘yo panā’tiādi, tagarakuṭṭhā gandhabbavisesā, mamābhajati māṃ ābhajati, mama koṭṭhāso hotīti adhippāyo.

10. Anu

Natulakkhaṇanti saccakiriyā vuṭṭhiyā hetu hoti, na tu saṅketoti attho, hetuttā lakkhaṇattābhāve saccakiriyāya kathaṃ lakkhaṇe dutiyāti hetuttepi lakkhaṇattamassa sādheṇto sādhammapayogenānvayamāha-‘yaṃ sakimpi’ccādi, ettha hi lakkhaṇam̐ sacca kiriyāti paṭiññā, [\[pakkho \(potthake\)\]](#) sakimpi nimittatāya kappanattāti hetu, yaṃ sakimpi nimittatāya kappate tampi lakkhaṇam̐ bhavati, yathā’api bhavaṃ kamaṇḍalupāṇim̐ sissamaddakkhī’ti sādhammapayogenānvayo daṭṭhabbo, kappateti samatthoti attho, kamaṇḍalu pāṇimhi asseti kamaṇḍalupāṇī, apīti pañhe, kadāci kenaci kamaṇḍalupāṇīsisso diṭṭho so tameva dassanam̐ lakkhaṇam̐ katvā pucchati ‘api’tyādinā, atha yathā vuttena hetunopi lakkhaṇattamattu tathāpi paravippaṭisedhena hetumhi tatiyā kasmā na siyāti codayamāha ‘na nvevampi’ccādi, pubbavippaṭisedhenāti apavādapubbavippaṭisedhena, tathāhi chaṭṭhiyā pavādo hoti hetumhi tatiyāvidhi... sambandhachaṭṭhiyā pattāya hetutatiyāvidhānato upapadavibhattividhipi chaṭṭhiyāpavādo... sambandhavisesābhibyattihetunopapadena yoge tasmim̐yeva sambandhe vidhānato, tattha hetutatiyāvākāso ‘dhanena kula’nti, upapadavibhattiyāvākāso ‘rukkhamanuvijjotate’ti, saccakiriyamanu pāvassīti tu hetumhi lakkhaṇe-pavādavippaṭisedhe sati pubbavippaṭisedhena dutiyā bhavati.

11. Saha

Sahatthe-nuno vattane pabbatena yogo kathanti āha‘pabbatene’ccādi.

12. Hīne

Visayabhāvenātiādīnā hīnattheti visayasattamittamāha, vijānanappakāramāha-‘hīne’ccādi, tenāti anunā, kathaṃ tena yuttattaṃ ukkaṭṭhassāti hīnukkaṭṭhasambandhamukhena vibhāvento’tatthā’tiādīmāha, tatthāti hīneccādinā vutte tasmim, yatoti ukkaṭṭhasāriputtādiko, hīnoti paññavattādi(to nikkaṭṭho, so sāriputtādiko ukkaṭṭho) hīnatthavisayo jāyate... tabbisaye tassa ukkaṭṭhatā pattito, hīnukkaṭṭhasambandho pana atisāyanādikāya kāyaci kiriyāya katoti datṭhabbaṃ.

14. Satta

Kintaṃ ādhikyamiccāha- ‘adhikādhikīsambandho’ti, adhiko assa atthīti adhikī=khārī, athādhikīvinimutte adhikādhikīsambandho kathamavasīyate nahyatrādhikī koci sūyaticcāha-‘navine’ccādi, iti saddo hetumhi yathāvuttasambandhasādhano, tadopasaddenayogoti tadā upasaddenādhikinoyogoti attho. Dviṭṭhattā sambandhassa adhikassāpyupasaddena yogā tatopi kasmā na sattamīyāha-‘adhikamhātvi’ccādi, yathā ekāyeva vibhattiyā ubhayagatassāpi sambandhassa jotitattā vijjusañkhātalakkiyā sattamyabhāvo, evamidhā pīti pubbe vuttasamādhimatidisanto āha-‘lakkhitā viya sattamyā bhāvo’ti, ‘māṇikā caturdoṇā, khāritthī catumāṇikā’.

15. Sāmi

Kintaṃ sāmīttamiccāha-‘sassāmisambandho’ti, kāya kiriyāya janitoti āha-‘paripālanādikiriyāya janito’ti, tañcāti sāmīttāpekkho napuṃsakaniddeso, sambandhassānekavidhattā āha‘sabbattha sambandhe’ti, ākhyāyatefīmassa attho vidhīyate nāpīyateti, diṭṭhanto-panītottho sukkena paṭipattum sakkāti pasiddhamanuvadiyamānamappasiddhañca vidhīyamānaṃ diṭṭhantamāha-‘yathā yo kuṇḍalī so devadatto’ti, kuṇḍalittampasiddhaṃ, devadattattamappasiddhamiccāha-‘kuṇḍalittānuvādene’ccādi. Yathevobhayādhiṭṭhānattepyupasajjanatova chaṭṭhī ‘rañño puriso’ti, na visessato ‘purisassa rājā’ti, tathā sambandhābhīyañjanakenādhinā yogepi visesanatova bhavati, nāññatoti āha-‘tatthā’tiādi. Byatirekamāpādīyatīti kārakachakkato byatirittattā sambandho byatireko taṃ āpādīyati pāpīyatīti attho, ubhayatoti saṃto sāmīto ca, adhibrahmadatte pañcālāti brahmadattassa pañcālā santakā [sāmīno (potthake)] ti attho, santakā [sāmīno (potthake)] hi pañcālā, na sāmī [nasam (potthake)], adhipañcālesu brahmadattoti pañcālānaṃ brahmadatto sāmīyattho.

16. Kattu

Kiṃ lakkhaṇo-yaṃ kattāiccāha-‘kattari’ccādi, gacchati devadattocchādo kattari patiṭṭhitam, pacatyodanaṃ devadattocchādo kamme patiṭṭhitam kiriyam karotīti sambandho, karotīti ca iminā anvattha byapadesova siddho-yaṃ kattu vohāroti nāpeti, kenaci payujjamānopi sake kamme sayameva padhānattamanubhavatīti‘payutto vā padhānabhāvenā’ti vuttaṃ hoti cettha-

Padhānatāya yo kattu, kammaṭṭhaṃ kurute kriyam;
Sā kattā nāmappayutto, payutto vātyayaṃ dvidhāti.

Tattha purisena katanti appayutto, purisena karoti devadattoti payutto, nanu kiriyā-yamabyavadhānena karaṇādhikaraṇe heva sādhyate kattārā tu dūrattṭhena, tathāsati kathamanekasādhanaśādhaniyam kiriyam kattāva karoti mukhyabhāvenāparetvamukhyabhāvenāti vuccate-

Kattutoññesamubbhūyā, vivittālocanādinā [vavivekeca dassanāti vākyapadīye, pavivekeca kārakantharāmabhāvedissabhe kattarikriyā atthi bhavati vijjaticcādo titaṭṭikā, tatiyapāthānaṃpāta 100, naṃpāta 243];
Dūrādapyupakāritte, kattu vāttappadhānatā.

Ayamettha attho ‘‘kattuno sakāsā aññesaṃ karaṇādīnaṃ ubbhūtyā sambhavenaca, tathāhi pasiddhakaraṇasabhāvopi pharasu kattāyattavuttitāyādhikaraṇambha vati ‘pharasumhi ṭhapetvā chindatī’ ti, vivittassa karaṇādīhi puthabbhūtassa, kattuno kiriyāya ālocanena dassanena ca ‘devadatto atthi bhavati vijjati’ ti [[vuthabbhūtassānena ālocanena dassanena kattunodevadattenadevadattaṃ bhavati vijjati \(potthake\)](#)], ādisaddena karaṇādino (tadadhīna) pavattiādīnaṃ gahaṇaṃ, iminā kāraṇena dūrato upakārittepi kattuyeva sappadhānatā siyā’ ti, punapi-

Thālyādīnantu kattuttaṃ, hotevācetanānapi;
Yato saddassa vutyatthe, micchātyāsenā-nādinā.

Ayamettha attho ‘‘acetanānampi thālāsīādīnaṃ kattuttambhavati yathāvaṇṇitasappadhānattanimitābhāvepi, kasmāti ce yato kāraṇā atthe attano abhidheyyesaddassa vutti paṭipatti anādinā micchābhyāsenabhavati tasmā thālyādīnantiādi pakattaṃ, kiṃ vuttaṃ hoti ‘‘aññathā saddattho, aññathā sabhāvattho, na hi saddo bāhye vatthumhi byāpāramāpajjati, tathāhi-

Aññathe vāggi saṃsaggā, dāhaṃ daḍḍhoti maññati;
Aññathā dāhasaddena, dāhattho sampatīyate.

Bāhyapadatthassa sabhāvo viya hutvā micchābhyāsenā anādinā pana pavattena bāhye vatthūni avijjamānena karaṇabhūtena thālyādīnaṃ kattuttaṃ hoti’ ti. Atha ca pana-

Vatticchādo pavattehi, sappadhānatta hetuhi;
Kattudhammehi vuttehi, kattā saddāva ñāyate.
Ekassāmukhyavatthāhi, bhedenā parikappane;
Kammattaṃ karaṇattañca, kattuttaṃ copajjāyate.

Vuttehīti ‘kattutoññesamubbhūtyā’ ccādinā, saddāvāti sadde tedhammā hontu vā mā vā kattusambandhiyathāvuttadhammavacanicchāya saddatova kattā patīyate, niyamena na vatthutoti attho, amukhyā vatthāhīti buddhiyā tadākāratāya pariṇāmāvatthāhi, hantiyatta nāvattānanti ekassevāttano kammattādi jāyate, atoyevāccantamasantopi ānkuro jananakiriyāya kattā bhavati ‘ānkuro jāyate’ ti, vuttaṃ hi-

Purāsañjanito [[purāsañjātito](#)] bhāvā, buddhayavatthāni bandhano;
Avasiṭṭho satāññena, kattā bhavati jātiyāiti.

Satā aññena devadattādinā.

Kintaṃ karaṇaṃ nāmāti āha-‘yo panā’ tiādi, yoti yo padattho, iminā idaṃ dīpeti ‘‘karaṇabyapadesāya suttantarābhāvepi karotyāneneti karaṇantyanvatthato pasiddho-yaṃ karaṇavohāro’ ti, atredaṃ paṭibhānaṃ-

Yaṃ vattumicchitaṃ kattu, kriyāyaccantasādhanam;
Karaṇantaṃ dvidhā hoti, bāhyabbhantarabhedatoti.

Tattha yaṃvattumicchitamtyādinā idaṃ dasseti-‘na vatthuto kiñci karaṇaṃ nāma atthi, vacanicchāvasena pana pasiddhakaraṇānampi pharasuādīnaṃ ‘pharasu chindati, pharasumhi chindati’ ti kattuadhikaraṇattassapi, pasiddhādhikaraṇānampi tadanuttādivisesasambhave thālyā pacatī’ ti karaṇattassapi dassanato vacanicchātoyeva karaṇaṃ kāraṃ viññeyya’ nti, tañca duvidhanti āha-‘dvidhā hoti’ tiādi, tattha asinā chindatīti bāhyam, cakkhunā passatīyabbhantaram. Kiriyānimittatā kārakanti iminā kārakasaddassa nimittapariyāyattamāha. Pakati yābhirūpocādo kiriyāvijjamānattā sambandhamattaṃ viññāyatīti sambandhalakkhaṇā chaṭṭhī siyā, samena dhāvattīyādo tu kiriyāya vijjamānattepi kammattaṃ vattumicchitanti dutiyā siyā, samaṃ dhāvati visamaṃ dhāvattīyattho, tathā dvidonēnāti dvedoṇe kiṇṭṭīyattho, pañcakenāti pañca parimāṇassa pañcako pañcakaṃ vaggam katvā pasavo kiṇṭṭīti pañcapañca katvā kiṇṭṭīyatthoti vāttikakārena ‘tatiyā vidhānāyopasañkhyānaṃ’ katam, tam dassetumāha- ‘pakatiādīhī’ tiādi,

yatthesaṃkaraṇabhāvoti yassaṃ kiriyāyame sampakatyādīnaṃ karaṇattam, taṃ kiriyam kathayatīti sambandho, sabbasseva padatthassa sattābyabhicārato āha-‘bhū’iccādi, pakatīyābhirūpoti sabhāvenāyamabhirūpo bhavati, na tu vatthālaṅkāradīnetyattho, karotissa gammadānante pana pakatīyābhirūpo katotīdi, tadā kattariyeva tatiyā, yaṃ yasmā aññagotto gotamo na hoti atoca gotamo bhavatīti sambandho, nanuca dvidoṇa pañcakā kayampaṭicca kammabhūtā honti dvidoṇādīnā keyattā tato kimuccate ‘kayampaṭicca dvidoṇapañcakā karaṇāni bhavanti’ tyā saṅkiyāha- ‘tathāhi’ ccādi, idaṃ vuttam hoti- ‘‘dvidoṇādisaddena hi na gayhupagaṃ vatthumuccati, tehi pana dvidoṇādyattham mūlam tādattiya bhīhitanti na vuttadosāvasaro’’ti.

17. Saha

Yathākkamamāgamanakiriyāya thūlattagaṇena gomantadabbena ca sambandham dassetuṃ ‘taṃ yathe’ ccādimāha, udāharaṇamattam dassentopi iminā adhippāyenāpi dassētīti vuttam ‘sabbattheva vā’ tiādi, puttana sahāgatotiādīsu āgamanādikiriyampaṭicca dve kattāro padhānāppadhānavasena, tesu padhāne kāriyasampaccayañāyena vā bahulamvacanena vā padhāne kattari paccayo, itare’ kattari tatiyā’ tyeva tatiyā siddhā, tato-yaṃ vacanārambho-natthakoti maññamānoco deti ‘nanvi’ ccādinā, ttenābhīdhiyate piteti padhānakattā, tulyopi kiriyāsambandhe pitāputtānaṃ pitātra padhānaṃ saddacoditattā, putto-ppadhānamasaddacoditattā, saddabyāpārāpekkhāya hi padhānāppadhānāya vavatthānaṃ, pitrevātrāgatādisaddasāmānādhikaraṇyā āgamanakiriyā sambandho saddenocce, netaṛassa saddasattisabhāvato, tathā vidhā hi saddassa satti yato pitrevātra kiriyā sambandham sakkoti paṭipādetuṃ, na puttassa, evaṅcāgatocchādo ekavacanamupajjate, aññathā hi bahuvacanam siyā, ‘pitā puttā āgatā’ ti. (Yadi) vuttanayena tatiyā siddhā ‘siddhe satyārambho niyamāya vā vikappāya vā’ na cettha niyamo, nāpi vikappo, tato kimanena yogenā tyāsāyena āha- ‘appadhāneyeva’ ccādi. Nayidamevamiccādi parihāro. Sahabhāvamattam vattumiṭṭham vāti yojanā, sāmattiyaṭi bhedaḍḍhiṭṭhānattā sahatthayogassa puttassāpi kiriyābhisambandho viññāyati kathamaññathā sahatthayogo siyāti iminā attha balena. Atthaggaṇanti sutte ‘‘sahatthene’’ti atthaggaṇaṃ. Pariyāyatthanti parito ayanti avagacchanti atthamaneneti pariyāyo attho payojanaṃ yassāti viggaho, ettha ca pariyāyatthamevāti nāvadhāraṇaṃ, atoyeva vināpi sahasaddappayogaṃ tappariyāyappayogaṃ vā sahatthena yoge vidhānato asatyapi sahādisaddappayoge yattha tadattho gamyate tatthāpi bhavatyeva tatiyā... gamyamānena sahatthena yogā, yathā ‘‘syādi syāne’’ti. (3-1) Saha pariyāyenāti sahasaddassa pariyāyato. Visēsānupādānatoti ‘‘sahayutte-ppadhāne’’ti (2-3-19) pāṇinīya sutte viya appadhāneti visēsānupādānato.

18. Lakkhaṇe

Lakkhīyatyanenāti lakkhaṇaṃ saṅketo, kintaṃ kamaṇḍaluppabhūti, atthe kāriyassāsambhāvā taṃvācīhi vibhattīti maññamānena yaṃvivaraṇaṃ kataṃ ‘lakkhaṇe vattamānato’ ti, tamullaṅgiyāttham vadati ‘yo attho’ iccādi, vattamānatoti viññāyati... nāmasmā paccayavidhānappa saṅgato, upāttoti gahito. Kañcippaṇaramāpanassa lakkhaṇe tatiyā yathā siyā ‘rukkhampati vijjotana’ miccitra lakkhaṇamatte mā bhavīti pāṇinīyehi ‘‘itthambhūtalakkhaṇe’’ti (2-3-21) itthambhūtaggaṇaṃ kataṃ, tammanasi nidhāya codayamāha- ‘nanvi’ ccādi, itthambhūtassa lakkhaṇanti chaṭṭhīsamaṃso, āpanassāti bhūtassa, sāmāññassa bhedaḍḍako viseso pakāro vuccate, tathāhi ‘tīdaṇḍakena paribbājakamaddakkhī’ ti manussattasāmāññassa paribbājakattampakāro, tamparibbājako patto, tassa tīdaṇḍakaṃ lakkhaṇaṃ. Upalakkhaṇatteti iminā itthambhūtassa lakkhaṇattābhāvamāha, upalakkhaṇanti saṅketo. Nayidamatthiccādi parihāro, rukkhampati vijjotananti ettha kassaci itthambhūtassābhāvā itthambhūtaggaṇe payojanaṃ na dissati tannivattanato, rukkhampati vijjotatteti etthatu itthambhūtassa vijjusaṅkhātassa atthassa sabbhāvā tatiyāppattiyam taṃnivattiyā yathāvuttam nāyamantarena nāññaṃ kiñci paṭisaraṇamatthīti saññāpayamāha- ‘avassa’ miccādi, aññathāti evamanabbhupagamma ‘itthambhūtalakkhaṇe’ ti vacane kāriyamāne sati, itthambhūtavādino uttaramāsaṅkiyāha- ‘nacā’ tiādi, vattuntī vacanaseso, co- vadhāraṇe, neva sakkāti vuttam hoti, dutiyāvidhānasāmattiyaṭi ‘‘patiparīhi bhāge cā’’ti (2-9) kasmā na sakkāti āha- ‘atthi’ ccādi, asati hi payojane sāmattiyaṭi bhāvo. Atha kamaṇḍalu pāṇimhi assāti ādo tatiyā kasmā na siyā tyāha- ‘kamaṇḍalu’ iccādi, kamaṇḍalussa setassa ca upalakkhaṇa bhāvenānupādānatoti sambandho, iminā upādātuno savacasi satantatamāha, viṣiṭṭhāvayavādheyenāti pāṇi kamaṇḍalunā viṣiṭṭhovayavo, tassādheyyo kamaṇḍalu tenāti attho.

Yenāṅgena vikatena aṅgino vikāro lakkhīyate tato tatiyā yathāsiyāti parehi “yenāṅgavikāro” ti (2-3-20) āradhama, tadāha-‘yene’ccādi, tattha yasaddena vikatāvayavo hetuttena niddiṭṭho aṅgasaddo ca samudāyavacano upāto tenāha-‘yeneccādi, nanuca kāṇādīnaṃ niyataguṇīnamabhīdhāyittā akkhisaddassa payogo na yutto byāvattiyābhāvāti, nesa doso, lokiyo-yaṃ saddassa vohāro, lokassa ca saddappayoge gurulaghumpatyadayo natthi, tathāhi lokena ‘sīsapāti’ pi vuccate, rukkho sīsapātipi, yassa tu tatthādaro, so-kkhisaddaṃ payujjateva, athavā sāmāññupakkame viseso payogamarahati, akkhi(nāti) hi vutte sandeho siyā ‘kimassa vattumicchita’nti tato kāṇoti vuccate, nākkhinā nirūpayati sobhanoti, kiñcaraḥi kāṇoti, akkhikāṇamassetyādo kasmā na siyāti āsaṅkiya ‘kamaṇḍalu paṇimhi assa’ tyatra yo vutto parihāro, ta metthopadisanto āha-‘heṭṭhā viya appasaṅgo’ ti.

19. Hetu

Kismiñci phale diṭṭhasāmatthiyetthe hetu niruḷho. Ekatra hi diṭṭhasāmatthiyottho taṃyoggaṭāya kāriya (ma)karontopi hetu vuccate sati saha kāriyasati ca vidhurappaccayo papā(ta) to, tena kāriyassa byabhicāro, tenevāha- ‘anipphādayantopi’ ti, kāraṇe tatiyāyābhāve kāraṇamāha- ‘takkiriyaṃyoggaṭāmatte’ ccādi.

21. Guṇe

Upādhi visesanaṃ, parāṅgabhūteṭi parassa bandhattā(dino) vidhānā yāṅgabhūte jaḷattādi hetumhīti attho, iminā guṇasaddo yamappadhānavacanoti vadati, yañcāppadhānaṃ tamparāṅgabhūteṭi guṇeṭimassa ‘parāṅgabhūte’ ti atthamāha, yañhi paratthamupādīyate tadappadhānāmanu vādarūpenopādīyamānattā, yathā ‘jaḷattā baddho, rukkho yaṃ sīsa pattā, aggi ettha dhumatte’ ccādi, tenevāha- ‘parattharūpāpanna’nti, vāvidhānanti “‘vibhāsā guṇe-thiyaṃ’”nti (2-3-25) evaṃ vidhānaṃ, itthiyantiādinā pañcamīrūpassapi abhimatabhāvaṃ dasseti, tenevāha- ‘ubhayatthā’ tiādi, nanu ‘to pañcamyā’ ti (4-95) suttena taddhitapaccayantassa kathaṃ pañcamyantaṭā tyāsaṅkiyāha- ‘pañcaminiddese’ iccādi, iminā suttena pañcamiyā vināti yojanā, vā pañcamiyā vidhānato tatiyārūpenapi bhavitabbanti codanāmanasi nidhāya pañcamyu dāharaṇeyeva kāraṇaṃ tatiyodāharaṇassa ca paṭhamodāharaṇānusārenānu mantabbatañcadassento āha ‘pañcamyāyevi’ ccādi, abhāvena saṅkhāranirodhenāti tatiyantarūpāni.

22. Chaṭṭhī

Sambandhavacanicchāyevettha chaṭṭhī siddhāti āsaṅkiyāha- ‘hetumhi’ ccādi, hetumāha- ‘taṃ yoggaṭā’ iccādi, saddasattisāmatthiyāti saddasattisaṅkhātāya sāmattiyā, tameva phuṭayati ‘yattha’ iccādinā, hetvatthavācākehi antarenāti sambandho, samānādhikaraṇehīti hetvatthasamānādhikaraṇehi udarādīhi, tajjotanāyāti hetvatthajotanāyālanti sambandho, byatirekena tu hetvatthato tappavattimāha- ‘yattha pani’ ccādi, hetvatthehipiccādinā sāmattiyamupadassitaṃ ‘vase dhammassa hetuno’ ti tattthodāharaṇaṃ.

23. Sabbā

Nāmabhūtehīti sabbādīsu keci kesañci yadi nāmāni siyumaṃ tehi, appadhānabhūtehīti piyasabbādīhi, kimpayojanantiādo payojanasaddo “‘payojanaṃ kāriyahetūsu’” ti nighaṇḍuto hetuvacano.

24. Catu

Yassa sacetanāyācetanāya vā kassaci, pūjānuggahakāmatta mantarena sammāpadānaṃ na sambhavatīti āha- ‘pūjā’ iccādi, tenāti yathāvuttenatthena, cāgaṅgati dadātino dānakiriyaṃ kammena sambajjhamānañcāgākāraṇaṃ, idāni sampadānalakkhaṇaṃ sappabhedamāvikātukāmo āha- ‘tadida’ miccādi, nanirākarotītya nirākaraṇaṃ, āradhayatītyārādhanāṃ, abbhānujānātītyabbhanuññaṃ, tesamaṃ vasena, idha sampadānantidhā vuttaṃ kathitaṃ, keteti āha- ‘rukkhayācābhikkhavo’ ti, rukkhādikaṃ taṃ sampadānaṃ vibhāgena dassetumāha- ‘tattha hi’ ccādi,

ajjhesanenārādhanena sampadānaṃ bhavatīti sambandho, anumatiyā abbhanujānena, vijjamānepyānirākaraṇe bhikkhuno-dhikamanumatantyadhippāyenāha-‘so’ iccādi.

25. Tāda

PayoJanapariyāye atthasaddhe sati idanti payoJanam parāmaṭṭhum sakkāti ‘tassedā’ntiādi vuttam, tasaddenettha vikatiyātisambandho, atthasaddena tu pakatiyā, attha kathanametanti iminā vacanicchāya metissam natthi samāsoti dīpeti, viggahe vāsmimimasmāyeva nipātanā samāso daṭṭhabbo,so vikatisaṅkhāto attho, pakatitvaññapadatthenākkhipiyate, tato tadatthasaddato, koyam tadattha bhāvo ccāha-‘tadatthabhāvo nāmā’tiādi, nimittam yūpādivikati, nimittidāruādipakati tasaddenatthasaddena ca gahitā, tesam sambandho tadatthasaddassa pavattinimittam tadatthabhāvo nāmāti attho, hetu hetumantabhāvalakkhaṇo sambandho nāmāti vuttam hoti, padhānāvacchedagūṇasmāti vidhīyamānattena padhānassa purisassa ācchedakā visesakā guṇā, yañhi vidhīyate ñāpīyate tampadhāna, mitaramappadhānamanuvajjamānattā, yadā upādīyateti vatvā upādīyamānappakāram diṭṭhantena phuṭayitumāha-‘yathā’iccādi, yūpo nimittam yassa dārūno tam tathā vuttam nāññanimitanti yadā nimityavacchedakattenupādīyate tadā nimittasaddatova catutthī sambandho, tato aññanimitato, nimittanimitānam sambandhassa abhimukhabhāvena tattheva nimitte pavattīti sambandho, nimittasaddato hetutatiyāpi nāsānkanīyāti sambandho, kāraṇamāha-‘nimitta’ [hetu] iccādi. Ubhayatthāti yūpāya pākāyāti ubhayattha.

Piṇiyamānā kiṃ saddādivacanīyā paro sādūādiko yo-ttho so añño kattā yassa so aññakattuko-bhilāso, abhilāso rucīti iminā dityādyanekatthantopi rucisaddo-bhilāse ruḷhova gayhatīti vadati, sā ruci attho-bhidheyo yesam bhe tadatthā, tesam sambandhino piṇiyamānassa, iminā ca kiñcāpi rucirayam yassuppajateyo vā tassā janako, tesamubhinampī atthi, tathāpi yassuppajate sova tassādihikaraṇam, ajanakopi so tāya saṃsattoti tasseva piṇiyamānassa sampadānasaññā, natujanakassa tāyāsaṃsattassāti dīpeti, idhāti iminā sakkate udāharaṇānamasamānarūpakam dasseti, iminā ca udāharaṇānamasamāna rūpattameva catutthīvidhāne kāraṇam, aññathā chaṭṭhīyeva tehipi vidhīyeyya kāraṇāsambhavā [kāraṇasabbhāvā] hi dīpeti, īdisassa paccudāharaṇa(ssa) bhāve kāraṇamāha-‘anaññakattu kattā-bhilāsassā’ti, paresamidampaccudāharaṇambhavatu idha kathanti āha-‘ihatvi’ccādi, tvanti attamatte paṭhamāyeva, sambhave kāraṇantaramāha-‘athavā’tiādi, natthi añño kattā yassā sā anaññakattukā ruci, bhāya ruciyā sambandhino piṇiyamānassa sampadānasaññam ye pana icchantīti sambandho, ye pana āhu cātisambandho, uppajjanamuppatti, kassa uppatti, ruciyā, uppattiyā ādhāro uppatyādhāro‘devadattāya rocate’ccādo devadattādiṃ upalakkhetīti uppatyādhāropalakkhaṇam vacanam, ettha ruciyā uppatyādhāropalakkhaṇameva vacananti sāvadhāraṇa mattho daṭṭhabbo... sabbesam vākyānamavadhāraṇaphalattā, tena piṇiya mānavacanamabhilāsassa aññakattukatāsandassanaparam na hotīti byavacchinambhavati, tesam kaccāyanassa cehāpi pasajjatīti sambandho, ihāpīti tvamīti etthāpi, aññathāsiddhattāti atthamatte paṭhamāya eva siddhattā, vacanassāti ubhinampī catutthīvidhānavacanassa, atippasaṅgocāti “kassa vā tvam dhammam rocesī”tiādo tavāti anabhimataṭṭhānappattica.

Dhārippyoyeti dhāridhātuno payoge, uttamīṇo adhamīṇoti dhanikagahetūnam ruḷhīyāha-‘uttamīṇo dhanasāmī’ti, uttamīṇamassāti uttamīṇo, dhārayatītimassatthamāha-‘vahatī’ti, dhāritoti dhāraṃdhātuto. Suttantarena (tam tam) niyamena niyamitānam tesamtesam sampadānasaññam vidhāya catutthī vihitā parehi, tadāha ‘silāgha hanuṭṭhāsapāna’miccādi, sabbattha yogasambandhe chaṭṭhī, ñāpetunti silāghādike bodhetum, icchitoti atimato. Tadatthavācīnaṇca dhātūnam saṅghaṇattham ‘kudhaduhissosūyatthāna’nti vuttam, yampati kopoti iminā kopassa visayamāha, yassāti iminā yaṃkarakanti vuttameva parāmasati, yassāti rājādino, pucchati pucchiyate, teneva vakkhati-‘yassa sambandhiṃ subhāsubham pucchati nemittiko’ti, yocānukūlattambha jatīti iminā idam dasseti “patipubbako āpubbakoca suṇoti abbhupagame paṭijānaneca vattate, yadāyamabbhupagamo patthanā pubbato bhavati tadā patthanāya kattu patthayituno catutthī rūpambhavati, yadātvapatthatampi kevalamānukūlyena vattamānamdisvā deyyamabbhupagacchanti idamidam vodassāmāti [kopissasāmāti (potthake)] tadānukūlyena pavattanasānkhātāya kiriyāya kattuno catutthīrūpambhavati”ti, iminā ca pāṇiniyavuttikāraṇassa jayādiccassamate byabhicāramāha, so hi “abbhupagamo nāma parena patthitassa bhavati tattha patthayituyeva catutthīrūpambhavati”ti vadati, pubbasākiriyaṇa yo kattāti vedavākyena vihitathutikakaraṇa saṅkhātāya ussāhānujānanato

pubbabhūtāya kiriyāya yo kattā hotā potā ca, sabbatthāpi ‘tassā’ ti idam ‘catutthīyāyadabhimatam rūpa’ ntiiminā sambandhitabham, chaṭṭhiyā sabbabyāpibhāvamālamba evanti atidesoti āha ‘evanti’ tiādi, rūpasāmyato pana tādattthiyatthasabbhāvāca yathāyogam tādattthha catutthīpi na virujjhati, vakkhati hi ‘tādattthha vacanicchāyantu ‘iccādinā, icchito rājā, kamma vacanicchāti iminā vacanicchāya padhānattamāha... vacanicchābhimukhattā sabbesaṃ kārakānaṃ, appacurappayogattāti abahuppayogattā, hanute apanayati, upatiṭṭhate upaṭṭhānaṃ upagamaṃ karoti, pihayanti patthenti, kujjha amarisaṃ karoti, duhanādayo kopappabhavā nānantarena te sambhavantīti dūbhādayopyudāhaṭā ‘‘byañjane dīgharassā’’ ti (1-33) rasse aparajjhāmi, issayanti nasahanti, ārajjhati pucchito nemittiko upaparikkhati, bhādattham vibhāveti ‘yasse’ ccādinā, pariya loceti upaparikkhati, kiṃ lakkhaṇo-yamaniyamoccāha-‘nāvassa’ miccādi, yācitusmāyeva [yācituveva (potthake)] chaṭṭhīti nāvassamayanniyamoti attho, kutoccāha-‘sambandhe’ ccādi, aññasmāpīti ayācituloopi, thutikaraṇassa kattubhūtā hotāpotāro ussāhanānujānanānaṃ kammaṃ hotīti āha-‘paccanupubbassa giṇātissa kamme’ ti. Hotupotusaddehiccādinā potusaddassapi chaṭṭhirūpaṃ dassitam, vuttiantu ‘hotu patigiṇāti’ cceva pāṭho dissati, hotvevampityambhākatropekkhā, ussāhayatīyathe giṇāti antogatanyattho. Anāvādoti nāvānnādivajjite. Ettha pana tathā paṭisedhābhāvepi bahulādhikārato ‘na taṃ nāvammaññe nataṃ annammaññe’ ccādi bhavati, attheva hi bahulādhikāratovā tippasaṅgābhāvo, paṭhamantaṃ rūpanti maññamānoti paṭhamantaṃ rūpaṃ, etthaca yadā tiṇāditopi khikaṃsīyate tadā nindāvagamo, tattha ca niyogatova nañpayogo ñāthānupa pattiyaṭi sappatishedhamudāhaṭam ‘na maññamāno’ ti, avadhimhiyeva pañcamītiṇāti, nañpayoge va niyogato nindāvagamā tiṇanti kammeyeva dutiyā, athavā satīpi nindāvagame vacanicchāto savisayeyeva dutiyā, sammutippayogeti sammutisaddassa payoge, catutthiṃ icchantīti mattāyāti ettha catutthiṃ icchanti, puna ruttatte kāraṇamāha-‘atha sotivijjamānattā’ ti, caṇḍassa kukkurassātiādisutte ‘‘atha so’’ ti pāṭhassa vijjamānattā ‘bhiyyoso mattāyā’ ti ettha sokāro punaruttoti adhippāyo, caggahaṇenāti ‘‘silāghahanu...pe... sattamyatthesucā’’ ti sutte caggahaṇena, catutthibhimatāti ‘‘namo yogādisvapicā’’ ti suttena.

26. Pañca

Avadhīyate visilissate etasmātyavadhi, avapubbāya dhādhātuto avadhimhi ‘‘dādhātvi’’ ti (5-45) i.

Yato-vadhīyate kiñci, kriyāpubbam kutoci;
Calañcācalamaññañca, taṃ vadantya vadhimbudhā.

Etthāyamattho ‘‘yatokutoci attho kiñci vatthuavadhīyate saṃyogassa vā kiriyānimittam gamanadānādikiriyāpubbam visilissate sayam vā apeti aññaena vā visum karīyate, tamevaṃvidham calañcā calañca visilesaparicchedabhūtam padatthamavadhiṃ vadanti budhā tabbiduno’’ ti, taṃ yathā dhāvatāssā puriso patati, purisaṃ pāteti vā, rukkhā paṇṇam patati, paṇṇam pāteti vāti, soca tidhāpyuccate visayabhedena, yathā—

Niddiṭṭhavisayo koci, upāttavisayo tathā;
Anumeyyavisayo cāti, tidhāvadhi samīritoti.

Tattha niddiṭṭhā vacanopanīta kiriyā visayo yattha so niddiṭṭha visayo vadhi, yathā-‘gāmasmā āgato’ ti, upāttājjhāhaṭā kiriyā visayo yattha so upāttavisayo, yathā-‘valāhakā vijjotate’ ti, valāhakā nikkhamma vijjobhateti attho, anumeyyā kiriyā visayo yattha so anumeyyavisayo, yathā-‘māthurā pāṭaliputtakehi abhirūpatarā’ ti, ettha abhirūpaṇena ukkaṃsanamanumeyyam, atoyevetthāyameva sañña paripphuṭā viññāyatīti na kācidiha sañña paribhāsīyate byāmahakāriṇī, athāvadhiṃ māti vuccamāne ‘padatthāvadhiṃ mā’ ti kuto-vasīyate yenevaṃ vivaraṇam katantyāsankiyāha-padāna’ miccādi. Yathā gāmasmātiādinā idam dīpeti ‘‘na kevalam kāyasamsaggapubbakova visilesa, kiñcarahi buddhisamsaggapubbakopi, atthi ceha buddhisamsagga pubbako, tathāhi corehi bhāyatityādo yo (bhaya)pekkhaṇa sīlo bhavati, so yadi maṃ corā passeyyum, dhuvam me maraṇanti vicārento te buddhiyā pappoti pappuyya ca tato nivattate, tathā corehi tāyatityādo yo ekassa mitto bhavati so yadyetaṃ corā passeyyum dhuvamassa maraṇanti passanto te buddhiyā patvā tato nivattayatiyavadhittā avadhismāva sabbattha pañcamī’’ ti, parehi pana etādisesu sabbattha paṭipattuvisesānuggahāya sutteheva papañco kato, idha pana sāmāññavacaneneva siddhattā

tadanuggahāya udāharaṇeheva papañcitaṃ, bhītibhāyanatthānanti bhīti tāyanānaṃ attho yesaṃ te bhītitāyanatthā tesanti attho, nanu bhītyatthānaṃ payoge bhayahetu sambhavati natu tāyanatthānanti, nesa doso, tāyanañhi rakkhanamuccate [sāyanāhi rakkhanamuppajjabhe (potthake)] tañca bhayahetuto vetyāha-‘yo bhayahetu’ tiādi, iminā ca “bhītyatthānaṃ bhayahetu” ti (1-4-25) pāṇiniyanamapādānasaññā suttampaṭikkhipati, tatoti bhayahetuto, tesanti bhayatāyanānaṃ, bhayamaniṭṭhapātasānkā, uttāsotyattho, tāyana maniṭṭhapātato parirakkhanaṃ, yathā dassanaṃ hontevātīminā vacanicchāyeva padhānattamāha, ko hi lokiyaṃ vacanicchamativattitūṃ sakkoti, tathāhi sabbeva dabbādayo sabbakārakasattiyuttāva, tatthāyaṃ kārakavibhāgo vacanicchāvaseneva, taṃ yathā ‘valāhako vijjotate, valāhakena vijjotate, valāhake vijjotate’ ti. Parāpubbassātiādīnā “parājissāsayho” ti (1-4-26) saññāsuttaṃ paccakkhāti, asayho atthoti sahitūṃ abhibhavitumasamattho attho, ajjhenasakāsāiccādinā udāharaṇatthamācikkhati, nanucevamattamaṃ vadatā yaññadattassāsayhattaṃ vuttaṃ, taṃ kathaṃ ajjhayanassāsayhattaṃ, yenāsayhattassāvadhittaṃ paṭipādayati tyāsankiyāha-‘yaññadattānabhibhavo’ ccādi, asayhotīmassa paccudāharaṇaṃ paṭipādayati ‘yo paṇi’ ccādi. “Vāraṇatthānamicchito” ti (1-4-27) suttitaṃ, tadāha ‘vāraṇatthāna’ miccādi, vāraṇamattho yesaṃ te vāraṇatthā, avadhimattavacanicchāyanti visesato vidhānamantarenā vadhimatta vacanicchāyaṃ, visesavidhāneti icchitoti visesavidhāne, cittassāvadhivacanicchāyampaṇa cittato pāpaṃ nivārayeti bhavati. “Rakkhanatthānamicchita” nti (2-6-3) suttitaṃ, tadāha-‘rakkhanatthāna’ miccādi, kesañcīti kaccāyanādike dasseti. “Antaradhāne yenādassanamicchatī” ti (1-4-28) saññāsuttamāraddhaṃ, tadāha-‘antaradhāne’ ccādi, ayamupajjhāyo yadi maṃ passatīti sambandho, dassane dosaṃ takketi ‘nuna’ miccādinā, pesanamasakkārapubbako niyogo, ajjhesanaṃ sakkārapubbako, maññamāno sissā ahaṃ kathannāma byavahito bhavāmīti antaradhāne byavadhāna nimittaṃ, yena attano adassanamicchatīti sambandho, antaradhāneti nimittasattamīcāyaṃ, ato āha-‘byavadhānanimitta’ nti, byavahitoti antarahito, māmaṃ upajjhāyotyādīnā udāharaṇatthamāha, byavadhānattham byavahitattham, “antaradhāneti kiṃ core na didikkhatī” ti paccudāhaṃ parehi, tampaṭipādayamāha-‘yattadassana’ miccādi, core na didikkhatī (tya), tra hi yo core na didikkhatī tehi attano adassanamicchatīti na antaradhānanimittaṃ, kintupaghātanivatyattham, kintupaghātanivattiyāti evaṃ maññate “nātrāntaradhāname (vāvaseyaṃ), kintu tannimitto paghātanivattipi, ‘upajjhāyā antaradhāyati’ tyatra vināpyupaghātasambhavamantaradhānasampādānameva sambhavatī” ti. Icchatiggahaṇaṃ kimattham adassanicchāyaṃ sati satyapi dassane yathāsiyā” ti vuttaṃ, (taṃ) paṭipādayamāha-‘adassanicchāyampaṇi’ ccādi, satīpi dassaneti upajjhāyena dassane satīpi, tatoti upajjhāyato, avadhīrūpatā evāti upajjhāyassāvadhīrūpatā eva. “Ākhyāto payoge” ti (1-4-29) paravacanaṃ, tadāha ‘upayoge’ ccādi, niyamaṃpubbakaṃ vijjāgahaṇamupayogo trādhīpetto, upayogavacanasāmatthiyā vijjāgahaṇattham sissavattaṃ niyamo, tatoti ākhyātuto. “Janikattuno pakatī” ti (1-4-30) saññāsuttaṃ kataṃ, tadāha-‘janyatthassā’ tiādi, janino attho janyattho, kintaṃ jananaṃ, tatoti janikattuhetuto, pakatisaddena kāraṇamattaṃ gahitaṃparehi ‘puttā pamodā jāyate’ ccādo puttādītōpi yathā siyā’ ti, duvidhaṃ (hi) kāraṇaṃ upādānakāraṇaṃ sahakārikāraṇaṃ, tattha kāriyēnābhinnadeso ghaṭassa mattikāpiṇḍo upādānakāraṇaṃ, tasseva pana daṇḍacakkādi (kāriyena bhinnadeso) sahakārikāraṇaṃ, tesūpādānakāraṇasseha gahaṇe’ siṅgā saro jāyate’ ccatreva siyā, na tu ‘puttā pamodā jāyate’ ccādo, kārakantaravacanicchāyanti ettha kārakantarādivacanicchāyanti pāṭhena bhavitabbaṃ... etthantare sambandha vacanicchāyapi sambhavato, tatra tiṭṭhantīti tatraṭṭhā, tesam, loko-naññathāvādī vohārikajano, tattha bhavā lokiyā, navattu paṭibaddhāti lokavacanicchamullaṅgiya ahameva vadāmīti sakajjhāsayaena vadanto vattā, tappaṭibaddhā na hotīti attho. “Pabhavo bhavatiṣṣā” ti (1-4-31) suttitaṃ, tadāha-‘bhavatiṣṣā’ tiādi, paṭhamato upalabbhatīti atthakathanena janyattho-tra na sambhavatīti vadati, nahi himavā gaṅgāya kāraṇaṃ, sā hi aññehi evakāraṇehi uppannā, himavati tu kevalaṃ paṭhamato upalabbhati. “Jigucchāvīrāmapamādatthānumupasañkhyānaṃ” ti (1-4-24vā) vuttaṃ, tadāha-‘viramaṇatthe’ tyādi, jigucchāpamādatthadhātuyoge pana kammādhikāraṇavacanicchā dissatīti vuttaṃ, avadhivacanicchāpi pana dissake ‘jigucchati nāhiriko pāpā’ ti, dhammā pamajjatītipi hoteva paṭisedhābhāvā. “Aññārāditararite disāsaddāñcuttarapadācāhi yutte” ti (2-3-29) suttitaṃ, tadāha-‘aññāsaddayoge’ ccādi, yatoti devadattādīto, “aññaitiyatthaggahaṇaṃ, tena pariyāyappayogepi bhavati” ti aññehi byākhyātattā āha-‘bhinnō devadattā’ ti, ārāsaddassa dūrattatthā āsavakkhayato ārā dūro bhavati (tyattho u) pādīyatetyāha-‘ārāsaddo dūrattatho’ ti, niddissamānapaṭiyogīti ‘devadatto sūro’ ti niddissamānassa kassaci yo so dutiyo, so paṭiyogī. Disādesakālavuttīnaṃ disāsaddattena pariggahato āha-‘disā desakālavācīnaṃ yoge’ ti, pubbeva sambodhātīādīni kālavācīyoge udāharaṇāni, añcuttarapadaācāhipaccayayo getviha nodāhaṃ. “Pañcamīvidhāne lyaplope

kammanyupasaṅkhyānaṃ ‘‘adhikaraṇe copasaṅkhyāna’’miti (2-3-28-vā) vāttikaṃ, tadāha ‘yattha’ccādi, lyappaccayassa yatrāppayogo, tassattho ce gamyate, so lyaplopo, tvālopo lyapalopotyaviseso, pāsāda māruya pekkhati āsane upavisitvā pekkhatīti idaṃ visayo padassanaṃ pubbaṃ yassāti kiriyāvisesane samāso, vakkhamānasabbadassanesupi pāsādato-pakkamanalesasabbhāvā pāsādo (yevā) vadhirūpena vattumiṭṭhoti dassetumāha-‘tathāhi’ccādi, apakkamati tato taṃ dassananti tato pāsādato tassa daṭṭhuno dassanaṃ cakkhundriyaṃ apakkamatyapayātīyattho, avadhibhāvo pāsādassāti viññāyati, yesanti vesesikānaṃ, te hyevamācikkhanti ‘‘indriyesu cakkhundriyaṃ cakkhugolaḷakato-ccantasukhumabhāvena nikkhamma visālībhavantaṃ visayadesamupagamma sakalamattanaṃ diṭṭhaṃ passati raṃsirūpena, yathā kāhalā mūle kisā aggemahatī, tathā ñāṇindriyāni’’ti, adhiṭṭhānadesanti indriyādhiṭṭhānabhūtaṃ cakkhugolaḷakadesaṃ, visayappavattīti gocare pavatti, santatiyāti indriyapabandhassa, adhiṭṭhāna manindriyaṃ nāpajjati sambandho, tatoti pāsādato, apakkantyāti apagamanena, yajjapi cakkhundriyaṃ cakkhugolaḷakato bahi niggacchati, tathāpipāsādaṭṭhassacakkhugolaḷakā niggacchatīti pāsādassāpyavadhibhāvo, yesantūti khaṇikavādīnanta, indriyādhiṭṭhānampatte visaye viññāṇalakkhaṇaṃ kāriyaṃ karonti sīlenāti pattakārīni, anindriyādhiṭṭhānadoso neti sambandho, tatoti pāsādato, yesampanāti khaṇikavādīnova dasseti, atra hi cattāro pakkhā pattakārīndriyāni, appattakārīni, cakkhusotāni appattakārīni sesāni vuttaviparītāni, cakkhuyeva pattakārī sesamaññatheti, catusveva tesu paṭṭhamapakkhadvayamupanyasya paṭipāditaṃ... tappaṭipādanenetaresampi paṭipādītā, sabbasāmayikasādhāraṇattāsaddasatthassāti idaṃ ayuttamiva dīssati... saddasatthassimassa buddhavadānānupayogittena sogatasamayānugūṇappavattito, khaṇikavādīno pana nissāyedaṃ sundarameva, manasikārādītiādisaddena cakkhuto [cakkhunā (potthake)] abhedo rūpāpāthagamo ca dassito, yoggadeseti dassanayogge padese. ‘‘Pucchanākyānesu ca pañcamī vattabbā’’ti (2-3-28vā) vuttaṃ, tadāha-‘pucchanasaddato’ccādi, pucchanākyānesu sāmāññena pañcamīvidhāne-tippasaṅgaṃ dassetumāha-‘avassa’miccādi, kassāti pañho, devadattasetyākyānaṃ, koso yañña dattoti pañho vidhirūpovāyaṃ, yo-ṅgadītyādyanuvādarūpamākyānaṃ, aṅgadīkeyūrī. ‘‘Yatocāddhakālanimmānaṃ tato pañcamī vattabbā’’ti (2-3-28vā) vuttaṃ, tadāha-‘addha’ccādi, nimīyate paricchijate yena taṃ nimānaṃ, tadeva nimmānaṃ. ‘‘Addhassa paṭṭhamā sattamī ca vattabbā’’ti (2-3-28) vuttaṃ, tatthāyamatto ‘‘taṃ yuttāti vattate, taṃ yuttā pañcamiyuttā parassāddhassa paṭṭhamā ca sattamī ca vattabbā’’ti, pāṭaliputtasmāti pañcamī yuttaṃ, etāpi na vattabbāti dassetumāha-‘sattayojanāni’tiādi, atra hi yadā rājagahassa yojanañcābhedo vattumicchīyate, tadā pāṭaliputtasmā rājagahaṃ sattayojanāni, bhedavacanicchāyantu ‘‘sabbhāvo’’tyādīnā (2-34) sattamī siddhā ‘sattasu yojanesu’ti. Tathāhi pāṭaliputtasmā sattasu yojanesu satī rājagahaṃbhavattīyayamattho paṭiyate, sattayojanasambandhibhavanaṃ rājagaha (bhavana)ssa lakkhaṇambhavati. Sambandhe chaṭṭhīti iminā ‘‘taṃ yuttā kāle sattamī vattabbā’’ti (2-3-28vā) vacanampāṭikkhipati. ‘‘Karaṇeca thokappacchakatipayassā sattavacanasse’’ti (2-3-33) suttaṃ, tadāha-‘yadā iccādi, kicchādayotiādisaddena thokaappakatipaye saṅgaṇhāti, asattarūpanti addabbarūpaṃ, guṇe hetumhīti guṇapadatthe hetubhūte ‘‘guṇe’’ti (2-21) pañcamīti attho, yathāvuttavidhāneneti ‘‘guṇe’’ti sutte vuttavidhānena, ‘‘guṇe’’ti sutte vuttavidhānena, yadātviccādinā paresaṃ viya karaṇe visuṃ vidhāne payojanaṃ natthīti dasseti. Kattabbarūpassa calanassāti sambandho, samānādhikaraṇattena viśesananti yojanā, samānādhikaraṇattenāti ca ‘rañño puriso’tyādo asamānādhikaraṇassāpi viśesanattadassanato vuttaṃ, samānādhikaraṇattena viśesanabhāvo cāssa thokaguṇānvite calane vattamāno thokasaddo asattavacanova viśesananti, tenevākyāyate ‘thokassa kammattā kamme dutiyā’ti. Pañcamīyanuvattamāne ‘‘dūrantikatthehi chaṭṭhī vā’’ti (2-3-34) vuttaṃ, tadāha-‘dūranti katthehi’ccādi, avadhisambandhalakkhaṇāti avadhisambandhāva lakkhaṇaṃ nimittamāsaṃ pañcamīchaṭṭhīnaṃ tā tathā vuttā, vattumiṭṭhoti iminā vacanicchāyeva padhānattamāha, evaṃ carahi taṃtaṃ kāravacanicchāyamaññāpi vibhattiyo kasmā nappayujjeyyunti āha-‘lokiyā cetthā’tiādi, ettha vibhattīnaṃ niyame lokiyā eva vacanicchā nibandhanaṃ kāraṇanti attho, pañcamīcāyanuvattamāne ‘‘dūranti katthehi dutiyā ce’’ti (2-3-35) vuttaṃ, ‘‘pañcamyadhikaraṇeca’’ (2-3-36) iccitra ca kārena dūranti katthehi sattamī ca vuttā paṭi padikatthe sāsasaṅgahakārādīhi, tadakkhippa aññāpadesena paṭikkhipitum kecīyādi yaṃ vuttaṃ vuttiyaṃ, taṃ dassetumāha ‘kecīti sāsasaṅgahādayo’tiādi. Dūrāpādāvasecananti ayaṃ tesampaṭikkhepana yoti sambandho, itisaddo panettha pariḥīno, nahitantiādisu tasaddenāsattarūpaṃ dūrādi vattumicchitanyavaseyaṃ, na hi taṃ gamyate, na hi tato gamyate, na hi tena gamyate, na hi tasmiṃ ṭhīyate’ti visuṃ sambandho vaseyo. Paṭiyantecāti co vattabbantarasaṃuccaye, atoceti

vakkhamānahetuparāmāso, yanti yasmā atthe nipāto, vākyakāro vararuci,
 taṃsāmānādhikaraṇyatoti dūrādisā mānādhikaraṇyato, taṃyuttatopīti dūrādiyuttā gāmādisaddatopi,
 paccakkhantoti vākyakāravacanaṃ paccācikkhanto, tathāhyatrāyaṃ mahābhāssa pāṭho
 “dūrantikatthehi pañcamīvidhāne taṃyuttā pañcamīpaṭisedho vattabbo dūrā gāmassa, tatrāpi dassanā
 anattako-yappaṭisedho, tatrāpi hi pañcamī dissati—

Dūrasmaṃvasathā muttaṃ, dūrāpādāvasecanaṃ;
 Guruto kupitā dūrā, bhābyaṃ dūrā ca dassuhiti.

Atra dūrantiketyādi vattabbaṃ vākyakāravacanaṃ, dūrā gāmassāti tassodāharaṇaṃ, tatrāpiccādi
 paccakkhānabhāssaṃ, dūrasmaṃvasathāti āvasathassa dūreti atthohi bhāssapādīpe keyyaṭo, paṭhamo
 puriso yassa so paṭhamapuriso bhavati “dūrantikā” di (2-6-5) kaccāyanasutte suddhādiyogopi
 saṅgahito, tenāha—‘suddhappa mocanavivittappamaṇayoge’ ti,
 “dhātunāmānamupasaggayogādīsvapica” iti (2-6-2) sutte caggahaṇato pabhutiyogo ca gahito,
 tenāha—‘pabhuti yogecā’ ti, pabhutiyogecāti iminā pabhutyatthayogopi saṅgahito, teneva ‘yatosarāmi
 attāna’ nti udāhaṭaṃ.

27. Apa

Nanu phuṭova tesam sālādīnaṃ yogoti kimettha pañhena kassa paneteḥi yogo’ tyāsaṅkiyāha-
 ‘vajjanaṃ hiccādi, vajjanānanti kattari ano, vajjane sambandhe vattamānehīti vajjanasaṅkhāte
 sambandhe vatta mānehi aparāhī, yuttasmāti yuttatova ekasmā, nāññato, kimettha vattabanti
 iminā aparāhī yuttasmāva pañcamībhavane pasiddhattamāha, pasiddhampetaṃmāharitvā
 pakāsetumāha-‘kattuno’ ccādi, yadatthoti yosālādi attho payojanaṃ yassa vajjanakiriya rambhassa so
 yadattho. “Pañcamyapāparīhī” ti (2-3-10) āyuttepi pañcamī vidhīyate parehi, tadāha-
 ‘mariyādāya’ miccādi, avadhimā ettha vassanaṃ.

28. Paṭi

Diṭṭhasambandhassāti pasiddhavasena diṭṭhakāriyakāraṇassa mukhyassa, tassa kāriyatthanti
 tassa mukhyassa yaṃ kāriyaṃ, tadatthaṃ mukhyakāriya karaṇatthanti vuttaṃ hoti, tasmīṃ
 paṭinidhimhi vattamānena pabhineti sambandho, vinimayeti parivattana nimittaṃ paṭidānecāti ca
 saddassāṭṭhānappayutti daṭṭhabbā, patinā tassa yogoti sambandho.

29. Rite

Yadi vajjanakiriya sambajjhamānassa kammattā kamme dutiyā, kimatthaṃ carahi puna
 dutiyāvacaṇanti āha-‘paṭipadavidhāne’ ccādi, paṭipadaṃ ujukamevoccāritaṃ vidhānaṃ yassā sā
 paṭipadavidhānā, visesavidhāna vaṭīyattho, yajjatra dutiyāvacaṇaṃ na siyā tadā ritesaddena yoge
 ujukaṃ vidhīyamānāya pañcamiyā dutiyā bādhiyethāti maññate. Yadyatra pañcamiyā dutiyāya
 bādhibhāvo eva payojanaṃ, evañcarahi ‘rite vā’ ti suttayitabbaṃ evaṃ sati pakkhe dutiyā ca
 bhavissati, lahu ca suttapaṇītam bhavati tyāsaṅkiya payojanantaramāha-‘uttaratthañce’ ti, atoyevāti
 uttaratthattāyeva, puna payojanantaramdutyā gahaṇassa dassayamāha-‘vibhatyantare’ ccādi, āhacca
 kaṇṭhādīṭṭhāne vāyunāāhanitvā āharitvā vā vacanaṃ āhaccavacaṇaṃ, ujukavacaṇanti vuttaṃ hoti,
 vibhatyantaram chaṭṭhīvibhatti, tassa byudāsattaṃ, nirāsattattho, aññāpīti dutiyāya aññā
 chaṭṭhīpi, pakatāya pañcamiyā sambandhanattho pakatasambandhanattho.

31. Putha

Na dutiyāpi yogavibhāgatoti evaṃ maññate “tatiyā ceti vattamāne tattha yadi cakārena ‘dutyā
 ce’ ti sambandhiyeyya, tatrāpi ca kārena pañcamītyevaṃ na
 kassāpyapakamsoti ‘vināññatraputhanānāhi tatiyā ce’ tyekayogamakativā yogavibhāgasāmatthiyā
 ‘tatiyā ce’ ti ca kārena jātu pañcamī’ ti, asahāyatthatte sati ‘vinātthe hī’ tyevamavatvā kiṃ visuṃ
 suttaracānāyetyāha-‘bhedo pādānantvi’ ccādi.

32. Satta

Yantaṃ saddānaṃ niccattā sambandhassa yatthāti parāmaṭṭhaṃ soti, yoti parāmaṭṭhaṃ tassāti ca niddisati, yo yatthetyādikañca ‘kiriyaḍhārahūte’ccādivuttigantha vivaraṇanti yoti kiriyaḍheyyabhūtaḍhippetā, etanevāha ‘kiriya cā’ tiādi, tenāyamādhāriyati kattukamma samavetaḍ kiriyaḍsmintyadhikaraṇe vā taṃ ādhārayatīti kattari vā ghaṇantena ḍaṭṭhabbo, kattāraṃ kammañca kiriyaḍnissayabhūtamādhāra yatītyādhāroti vā kattari ghaṇa, vuttaṃ hi—

Ādhārayati yo kattu, kammaṃ kiriyanissayaṃ;
Ādhāraṃ kārakañcāhu, taṃ catubbidhameva ceti.

Nanu ca kiriyaḍdhāraṇeḍādhārotyuccate, taṃ kimevamuccateti ce, nesadoso yadeva hi kiriyaḍdhāraṇamassa, tantanissayabhūta kattukammadhāraṇaṃ, nahyaññatā taddhāraṇaṃ sambhavati tato kiriyaḍ kāraṇeḍādhāraṇeḍādhārotya yamevattho, na kattukammapariccāgeḍādhāreṇa ujukaṃ kiriyaḍ gayhate, teneva vakkhati-‘kiriyaḍyayo ādhāro’ccādi, nanu yadyapyujukameva kiriyaṃ dhārayati kattā kattusamavāyiniṃ, kammamavetañca viktedanādiṃ kiriyaṃ kammaṃ... tathā sati tānevādhāroti, na... loke satthe ca tesamādhāratthe nāppatīti, kattukammatāyeva hi tesampatīti dassetumāha-‘kiriyaḍ ce’ tyādi, tathā ca vuttaṃ—

Kattukamma byavahitaṃ, dhārentamanuju kriyaṃ;
Kriyaḍsiddhupakāri ca, satthe-dhikaraṇaṃ matanti.

Kattukammabyavahitanti kattukammehi taṃsamavetabhāvena byavahitaṃ, anuju pāraṃpariyena, kriyaḍsiddhupakāriti kattukammamavetaḍya kiriyaḍya pasiddhiyaṃ upakāri upakubbantaṃ, nanu ca na kiriyaḍ dhāraṇenevāyamādhāro, kattukammānaṃ dhāraṇeḍādhāroti sakkā vavatthapetunti codanammanasi nidhāyāha-‘na ce’ tyādi, kiriyaḍ nimittassevāti kattukammamavāyiniyaḍ kiriyaḍya nimittasseva, tadevaṃvidhamādhāraṃ catubbidhammatanti dassetumāha-‘ādhāro cāya’ miccādi, cattāro vidhāpakāraḍ assāti catubbidho, ādheyyena sahopasilesa saṃyogalakkaṇa-ssa atthīti opasilesiko ādhāro-‘kaṇeḍisīdati thāliyaṃ pacati’ tyādo kaṭādi, tathāhi devadattasamavetaṃ nisīdanakiriyaṃ kaṭo devadattaṃ dhārayaṃ dhārayati devadattabyavahitaṃ, evaṃ thālipi taṇḍulasamavetaṃ vikledanādikiriyaṃ taṇḍule dhārayaṃ dhārayatītyopasilesikādhāratṭaṃ kaṭādiṇo. Yato-ññatrādhēyyaṃ na vattate sabbathā bhīyyo vā, so vesayiko, visayohyādhēyyassānaññatrābhāvo, yathā cakkhādiḍḍipavattīnamaññatrābhāvā cakkhādiṇaṃ rūpādayo visayāti vuccante, evamākāse sakunayotyādo sakunyaḍādiṇamākāsādiḍo-ññatrābhāvāte tesam visayātyuccante, visayo eva vesayiko. Yo ādhāradheyyānamabhiyāpetyādhēyyamityabhiyāpako, tathā hi ‘tīlesu telam, dadhimhi sappi, tyatra tilādikam telādikamādhēyyaṃ byāpetvā tiṭṭhatīti tilādi byāpakādhāro. Samīpe bhavo, samīpo eva vā sāmīpiko, yassa samīpadese ādheyyaṃ vattate so evamuccate, atrodāharaṇaṃ ‘gurūsu vasati gaṅgāyaṃ ghoso’ ti. Nanu cātrāpyādhāre sattamī vidhīyate ādhāro ca nissayo vuccate, nissayo ca saṃyogasamavāyehi hoti, na ca sissādiṇaṃ guruppabhutīti devadattasakunyaḍādiṇamiva kaṭākāsādiḍi saṃyogo, telādiṇamiva ca tilādiḍi samavāyo vā atthi, tenāyuttaṃ te samādhāratṭanti, netadatthi, yadāyattā hi yassa ṭhīti so vināpi saṃyogasamavāyehi tassa nissayo bhavati, tathāhi purisassa na raññā saha saṃyogosaṃvāyo vātthi, atha pana tadadhīnaṭṭhitittā rājanissayo purisoti byapadissīyate, sissādiṇaṃ guruppabhutina māyattā ṭhītiṭti tesamayaṃ [tenassāyaṃ (potthake) yuttho te pati gurupabhutīnaṃ nissayabhāvo (jinindabuddhi)] yutto guruppabhutinaṃ nissayabhāvoti, ettha pana yajjapi vesayikābhiyāpakānamādhāradheyyopasilesa atthi, tathāpi pakārantarasseva paripphuṭattā tatheva vacanicchā, nāññathā opasilesikena vā [opasilesikeva] visayābhiyāpakānamaggahaṇato upasilesasse vā [upasilesasseva] pariyyattattā tatheva vohāroti na saṅkaro saṅkanīyoti.

33. Nimitta

Nimittabhāvamattetiṇiṇā kammasaṃyogābhāvepi sattamiyā pavatti māha, na paresaṃ viya kammasaṃyoge eva, teneva vakkhati-‘evamaññate’ccādi, bāhirānaṃ hi-‘nimittā kammaṇa’ (caṃ, 2-1-89) iti suttaṃ, tattha kammaṇa yoge payojaṇā sattamībhavattīyatto, ajinaṃhi haññate dīpīdīpinohanaṇassa payojaṇaṃ cammaṃ, tassa dīpinaṃhantīti kammaṇa yo go, sutte

kammenātyavacane payoḥanaṃ vattumārabhate ‘na pane’ccādi.

34. Yabbhā

Yassa kiriyāti yassa gavādyatthassa sambandhinī dohanādikiriyā, kiriyantarassāti gamanādikiriyantarassa, etenāti lakkhaṇanti etena, tato-ccassa vivaraṇaṃ kiriyāvatāti, “kālabhāvesu ce”ti (2-6-43) kaccāyanehi suttitaṃ, tadāha-‘kālatthehi cā’tiādi.

35. Chaṭṭhī

Sāmissarādiyoge chaṭṭhīsattamiyo yathā siyunti “sāmissarādhipatidāyādasakkhipatibhūpasutehi ca “iti (2-3-39) āradhamaṃ parehi, tadāha-‘sāmi’ccādi, atra ca jinindabuddhinā “sāmyādīnaṃ bhedenā pādānaṃ pariyaṇāntarānivatthamāha mā hotu gāmassa rājā”ti vuttaṃ vākyamupanyasya hassāpya yuttattamupadassayamāha-‘sāmissare’ccādi, kena nivāriyate, na kenāpīyattho, visayavacanicchāyaṃ ‘gāme rājā’tyapi bhavitabbamityanenāha, “āyuttakusalehyāsevāya”mīti (2-3-40) āradhamaṃ, tadāha-‘āyutte’ccādi, āsavā tapparatā, byāvaṇo niyutto, tattedamaṃ siyā “āsevāyanti vakkhāmī tyavassaṃ vacanamidamārabhāṇiyamaññathā isamūttepi ‘āyutto go sakaṭassā’ti pasajjati”tyāsaṅkiya natthevetampi payoḥananti dassatumāha-‘vināpi’ccādi, “sāmissarā”tyadikaṃ kaccāyanasuttaṃ, tenevāti kaccāyanasutte pasūtasaddānantaraṃ kusalasaddaniddeseneva, idhāti moggallānavuttiyaṃ. Kaccāyanena “kammakaraṇa nimittatthesu sattamī” (2-6-40) “pañcamyatthe ca” (2-6-41) iti ca suttitaṃ, tenāha-‘kamme’ccādi, gahaṇassa bhāḥā visayoti sambandho, kaccāyanānaṃ ‘bhikkhūsū’tiādīni kammattatthe udāharaṇāni, hatthesūtiādīni karaṇatthe, kadalīsūti pañcamyatthe. “Maṇḍitussukkesu tatiyā ce”ti (2-6-45) kaccāyanasuttaṃ, tadāha ‘pasannatthe’ccādi, pasannattheti maṇḍitatthe, ussukkattheti ussāhatthe.

36. Yato

Visuṃ karaṇaṃ niddhāraṇaṃ, jinindabuddhācariyena “kimatthampunaridaṃ vacanaṃ yāvata niddhāriyamāno-vayavo samudāyabbhantaro, tattha yadā samudāyassā-dhikaraṇattaṃ vattumicchīyate, tadā sattamī siddhāva, yathā rukkhe sākḥāti, yadā tvavayavasambandho tadā chaṭṭhī, yathā rukkḥassa sākḥāti saccametaṃ papañcatthantu vacana”nti vuttaṃ, tañceta mayuttantidassento āha-‘na sālāyo’ccādisūkayuttānidhaññāni sūkadhāññāni, āhitā avaṭṭhitā, ādheyya bhūtāti vuttaṃ hoti. Yatoti āhitattakāraṇā, tatoti yato jinindabuddhivacanamevamayuttaṃ, tasmā kāraṇā. ‘Pañcamī vibhatte’ti (2-3-42) pañinīya suttam, tadāha-‘samudāyato’ccādi, sutato sakāsā sīlaṃ atisayena seyyoti sambandho, “niddhāraṇe chaṭṭhī sattamīsu pattesu tadapavādo, yaṃ yogo”ti parehākyāyate, tattha tāva niddhāraṇamevettha natthi kuto chaṭṭhīsattamīnaṃ tathappavatti, yato tāsaṃ bādhanatthamidamārabhāṇateti dassayamāha-‘nātra jātyādīhi’ccādi, nahiccādīnā jātyādīhi niddhāraṇābhāvaṃ dasseti, jaccādīnanti niddhāraṇe chaṭṭhī, kuto na bhavaticcāha-‘jaccādisambandhene’ccādi, amaṃ byapadesatoti sīlattādībyapadesābhāvato, puna niddhāraṇābhāve hetvantaramāha-‘tulyānañce’ccādi. Sādhunipūnehi yoge pūjāyaṃ gammamānāyaṃ sattamī, tathā asādhuyoge, tathā pasitaussukkehi yoge tatiyāsattamiyo, tathā lopantanakkhattasaddā ca tena tena vacanantarena pañiniyehi vihitā, taṃ sabbaṃ taṃtaṃkāravacanicchāyameva sādhetuṃ ‘mātari sādhu’ iccādayo udāhaṭā kesesu pasito pasatto, avabaddhoti attho, kesehi karaṇabhūtehi pasito bhavati, kattubhūtehi vā pasito katoti attho, phusseninduyuttena lakkhito kālo soyamityabhedenā sambandhā phusse, tena karaṇabhūtena.

37. Paṭhamā

Paṭhamāttamatteti ettake vuttepi vākyattho padattho vā na viññāyate nāmaggaṇānuvattitoti dassatumāha-‘dvedvekānekādi suttato’tiādi, nāmenāttho paṭipādiyamāno nāmasaṅkhāte-ttani abhidheyyattenājjhāropya paṭipādayatyanapekkhita vibhattivisesanti āha-‘abhidhīyati’ccādi, pakatirūpenāti nāmena, tassa abhidheyyassa, mattasaddassātiādīnā sāmāññantidaṃ mattasaddasatthavacananti dasseti, idaṃ vuttaṃ hotīti nāmassābhidheyyamatteti iminā idaṃ vakkhamānaṃ vuttaṃ hoti. “Paṭipadikatthalingaparimāṇavacanamatte paṭhamā”ti (2-3-46) līngādīsū bhedenā paṭhamāvīdhānampaṭipannā, tadāha-‘līngaparimāṇe’ccādi, līngaṃ

itthipunnapuṃsakāni, parimāṇaṃ paricchedo, saṅkhyā ekattabahuttāni, tabbantopi saddatthoevāti līṅgādivantopi sarūpā byatiritto saddattho eva, uccattanīcattasāmaññampurodhāya pavattiyā uccanīcasaddehi paṭhamā hoteva, taṃyuttassāpi saddatthabhāvato ‘uccaṃ gharāni’ tyādīnīpi uccattaṃ guṇaṃ nimittaṃ katvā soyamityabhedasambandha gharesu vattantīti. Palambate ajjhāgacchatītyādo ‘‘asaṅkhyehi sabbāsaṃ’’ti (2-119) lopavidhānasāmatthiyā pādīhyanatthakehipi paṭhamā siddhāyeva.

38. Āmanta

Abhimukhaṃ katvātiādinā yogārambhassa phalaṃ dasseti, nāmattheti saddatthe, padatoti āmantaṇādhikaatthamattappakāsakapadato, honti cettha...

Siddhassābhimukhīkāra [bhimukhībhāva (pottake)], mattamāmantaṇaṃ siyā;
 Attho katābhimukho hi, kriyāyaṃ viniyujjate;
 Āmantaṇaṃ na vākyattho, padatova patītito;
 Natthevāmantaṇaṃ loke, vidhātābbena vatthunā;
 Taṃ yathā bhava rājeti, nippannattho bhaveti ca.

Siddhassāti devadattādinā siddhassa, atthoti devadattādi, kataṃ ābhimukhyaṃ samādhānaṃ yenāti viggaho, kriyāyaṃ viniyujjate gaccha bhūñjāti, āmantaṇaṃ natthi... idāni vidhīyamānattenāladdhasattikassābhimukhayitumasakkarūpattā, vidhātābbenāti nipphādetābbena.

39. Chaṭṭhī

Kiriyaṅkārakeccādivuttiganthassa atthasaṃvaṇṇanaṃ kattumārabhate ‘ekāyaṃ sambandho nāme’ccādi, kiriyaṅkārakehi ca nipphāditoti iminā sambandhassa kiriyaṅkārasambandha pubbakattamāha, tatoyevāyaṃ nākasmiṅkoti na yesaṃkesaṅci dvinnāṃ bhavati, viṣiṭṭhānaṃyeva tu dvinnāṃ bhavattīyatippasaṅgābhāvo, kiriyaṅkārasambandhapubbako hi kārakehi añño sassāmibhāvādiko sambandho, tathā ca vuttaṃ—

‘‘Sambandho kārakehañño, kriyaṅkārapubbako;
 Sutāyamassutāyaṃvā, kriyāyaṃ so-bhidhīyateti.

Tattha assutāyaṃ kiriyaṅyaṃ ‘rañño puriso’ccādo kiriyaṅkārasambandhapubbako-ñño eva sassāmibhāvādiko sambandho patīyateti, ‘sarati rajjassa’ tyādo tu suyamāne kiriyaṅsadde, ettha pana santamāpi kammaṃ vattumanicchitaṃ, viśesaṅbhāvoyeva saraṇampati rajjassa paṭipādīyate’ rajjasambandhisaraṇa’nti, kiriyaṅkāra sambandho hi sabbattha vatthuṭṭhitivasenevatthi, tannimitto ca sassāmi bhāvādi, tattha sassāmibhāvavivacchāyaṃ vijjamānopi kiriyaṅkāra sambandho na vattumicchito, yathā ‘anudarā kaññā’ ti, so cāyaṃ sambandho sassāmibhāvajaññajanakabhāvā-vayavāvayavavibhāvādilakkhaṇo bahuvidhoti vedītabbo, tattha sassāmīsambandhe rañño puriso, jaññajanakasambandhe nigrodhassa bījaṃ, avayavāvayavisambandhe rukkhassa sākā, idāni sambandhassetassa kiriyaṅkārasambandhasañjātattaṃ yathāyogamaññatrāpyavagamayitūṃ kiñci udāharaṇamāha-‘tathā hi’ccādi, paripālanakiriyaṅkato nesāṃ sambandhoti iminā paripālyaparipālanalakkhaṇo-yaṃ sambandhoti dasseti, sā ayamāri pālanalakkhaṇā kiriyaṅ sambandhamassedambhāvahetuṃ janayitvā nivattati, atthappakaraṇādinā tvimāya kiriyaṅyāyaṃ sambandhoti viśeso vaṣiyate, na chaṭṭhiyā viśesāvagamane sāmattiyā... tassā sabbatthekarūpattā, suyamāne eva vā kiriyaṅsadde kārakabhāvassa hetuno vacanīcchāyābhāve assedambhābhāvasaṅkhātasaveva phalassa vattumicchitattā tatheva sambandho jāto chaṭṭhiyābhidhīyate ‘rajjassa saratī’ ti, vuttaṃ hi—

Janayitvāna sambandhaṃ, kriyā kāci nivattati;
 Suyamāne kriyaṅsadde, sambandho jāyate kvacīti.

Paripālayatīti purisamparipālayati, tato pālanādikā upakāra sabhāvā kiriyaṅdvinnampi tesāṃ sambandhinī bhavati, raññā hi kāriyamānā

taṃsambandhinīpurisavisayattāvapurisayoginītyubhinnampikiriyaśambhavati, tato yeva tassa ubhayasambandhiniyā kiriyāya sambhave assedanti buddhiyā hetubhūtaṃsa aññamaññāpekkhasabhāvassa sambandhassa bhāvato kiriyājanitattamaṃsa, aññamaññāpekkhālakkhaṇo... sabbathā nirapekkhatte sambandhābhāvā, sambandhi buddhisabbhavassāti sambandhīsu rājapurisādīsu assedanti evampavattāya buddhiyā sabbhavassa. Paresaṃ viya “guṇe chaṭṭhī”ti vacanantarābhāve ubhayatthapi (cettha) [(yeva) (potthake)] chaṭṭhippa- saṅgoti bodhetumāha- ‘nanu ce’ccādi, saccanti yathā vuttaṃ codanamabbhupagamma codakampati yathāvuttaṃ sambandharūpaṃ tato-ññatrāpyupasaṃ haritvā tatha chaṭṭhippasāṅgaṃ codetumāha- ‘devadatto’ccādi, atheva miccādināsaṭṭipiaññamaññāpekkhālakkhaṇe sambandhe vacanicchāyevettha kāraṇanti codakādhippāyatropānetvā tadeva visesato chaṭṭhiyā abhāve samupānetuṃ ‘yajjevamiḥāpi’ccādikamāha, tatha athāti codakādhippāyappakāsanārambhe nipāto, evaṃ vattabbanti evaṃ yadipiccādinā vakkhamānanayena vattabbaṃ, paṭipādetabbatāyāyādīnā idandīpeti “visessaṃ vidheyatāya na parādhīnanti appadhānabhāvato byatiriccate tato-ttaniṭṭhameva, na rūpantarambhajati ‘purisasse’ti, visesanantu rājādikaṃ tadanāgatāyānuvadiyamānamappadhānattā kārakarūpato byatiriccate, tato rūpantaraṃ bhajati ‘rañño’ti, tato byatireka lakkhaṇo sambandho hoti, ekassa sambandhittāsambhavā vatthuto dviṭṭho visesanagatattena paṭiyate tato chaṭṭhī visesanamevānudhāvati paṭīvisaye saddappavattī’ti, yo hi vikappaṇaṃ visayo so saddānanti, atoyeva sambandho niyamena visesanabhedamanuvidadhāti... vatthuto dviṭṭhassāpi taggatattena paṭīyā yathā bhātūnaṃ dhananti, nāvassambhātūnaṃ dhananticeva bhavati, tathā satyapi visessa bhede visesanagatameva bhedamanu(vidadhā)ti ‘devadattassa assā’ti, tadetaṃ sabbaṃ visesanagatattena sambandhapatīto-vakappīyate, visessagatattenaṃpi tappatīyaṃ niyamena taggatabhedānuvidhānaṃ siyā visesanagatabhedānuvidhānamiva, dviṭṭhattantu vatthuto [cattuno] na virujjhate, vattupaṭibaddhameva ca dviṭṭhattaṃ manasikatvā taṃvādīhi dviṭṭho sambandhobhidhīyate, atoyevāyaṃ byatirekavibhatti (yāgamyate)... byatiriccamānavisesanabhūtasambandhigatabyatirekalakkhaṇasambandhābhi- dhānappavattitoti, nīlādīvisesanantu paratthattenāppadhānampi na kārakabhāvato byatiriccati... nīlādīsaddenuppālādīdabbābhīdhānato, yathā ‘nīlamuppālampaṃsa, nīlenuppālana ṭhitaṃ, nīlassuppālassa gandho’ti, yadā tu na visessapavatti tadā byatiriccateva ‘nīlassa guṇassa uppālannissayo’ti kārakabhāvalakkhaṇā padhānabhāvā byatiriccate eva nīlādī, tato visesanamevānekappakāratāyāva ṭiṭṭhate, tato vise- sanaṃ kiñcīdeva kārakarūpato padhānabhāvā byatiriccateti visesana mattenāpi sesaṃ sabbaṃ tathā siyāti nāsāṅkanīyanti.

Dvepīti rājapurisā dvepi, tatiye gehasaṅkhāte sambandhinī. Sahayuttampaṭicca evanti iminā purisassa appadhānattameva dīpeti, abhimatāti paṇinīyānaṃ suttantarena abhimatā, yato chaṭṭhiyā-mattano mate sambandhanissayā, tenāha- ‘sambandhamevi’ccādi, sambandho cettha mātu saraṇānamavaṭṭhānādīkiriyānimittoti keci, aññe tu saraṇassa kiriyārūpattā kiriyantaramantareneva dabbena sambandhopapattimāhuyathā dvinnaṃ jatukato saṃsilesa, jatuno tu kaṭṭhenāttanāyeva, na jatvantarakato saṃsilesoti. Paresaṃ tatiyatthe dutiyatthe ca kitakappayoge ññatrāpi (pañcamyatthe) sattamyatthe ca (“chaṭṭhī cā”) ti (2-6-20) dutiyā pañcamīnañcā’ti (2-6-29) ca suttantarehi chaṭṭhīmatā, tassāpi vatticchātova sādhitabhāvāṃ dassetumāha-yathācetthātiādi, etthāpyādo udāharaṇadvaye suttantaramantarena sampadānattābhāvā sambandhavacanicchāyameva paresampi chaṭṭhī, tenāha- ‘etthā’tiādi, bahulāntīmassa atthaṃ dasseti ‘yathā dassana’nti, avisaṃvādakālokassatyādikaṃ kamme udāharaṇaṃ, pañcamyatthe pana vatticchātova sabbe tasanti daṇḍassātyādīni udāharaṇāni veditabbāni.

40. Tulya

Anabhimatāti ‘tulyatthehyatuloṃpamāhi tatiyāññatarissa’nti (2-3-72) suttana tulopamāhi aññehi tulyatthehi yoge tatiyāya vidhīyamānattā paṇinīyānaṃ anabhimatā, yasmā sadisā bhāvā tesāṃ nopamāti ‘ajjunassa tulā natthī’tyādīkamuccate, tasmā evaṃ yathāvuttanāyenaṃ tadevantīmassa attho veditabbo, tadevanti vā nipātasamudāyo yathāvuttanidassanatto, tulyesūti sadisesu, tathāvuttāti ajjunassatulānatthīyādīnā tena pakārena vuttā.

41. Ato

Sutte ‘ato’ ti vuttam ‘akārantato’ ti katham vuttīti āha ‘ato’ tiādi, ādesā hontīti seso, yakārānaṃyeva siyūṃ... āeādesānamekavaṇṇattā, lope kateti okārassa lope kate, tanneti yathāvuttam dhacādyappaṭikkhipati, paṭikkhepe kāraṇamāha-‘paralopassā’ tiādi, kāraṇantaram vattumārabhate ‘kiñcā’ tiādi, nīccamparalopova siyā, na pubbalopopi āgamappayogānukūlyenātipi sakkā vattunti āha-‘nacā’ tiādi, nīccamparalopoyevāti na ca sakkā mantunti sambandho, evaṃ santetyādinā tattha virodhamāha, atosambhavāti ādesākārato sambhavā, jhissākāravidhānam “yosu jhissa pume” ti (2-93) etadevayojanantiādinā vuttappayojanābhāve kāraṇamāha-‘aniṭṭhattā’ ti, anabhimatattāti attho, payojanābhāvānabhimatattameva dassesumāha-‘etadatthamevā’ tiādi, imassāti “ato yonaṃ ṭāṭe” ti massa suttassa, jhismātvevāti ‘jhismā’ iti etādisaṃ suttameva, jhismā yonaṃ ṭāṭetivāti “jhismā yonaṃ ṭāṭe” ti suttam vā, atoti ‘ato’ iti suttam, tādisassapayogassāti aggā, agge iti payogassa.

42. Nīnam

Yasmā ekameva rūpamudāhaṭam, tasmā rūpārūpāni rūperūpānīti bhedo veditabbo, tena hi bahuvacane [bahuvacanena (potthake)] paṭhamādutiyāsu ‘aṭṭhīnī’ ti ekameva rūpamudāhaṭanti dasseti.

44. Sassāya

Suṇīti ñakāro kimatthoti āha-‘ñakāro’ tiādi, asati hi ñakāre ‘ñānubandho’ ti ñakārena visesanena sukāro na visesī yeyya satiyeva tasmim tena so visesīyeyya, tasmā “ñakānubandhādyantā” ti sutte ‘ñakānubandhā’ ti visesanaṃ visesanabhāvo attho payojanaṃ yassa so visesanattho, bahulaṃ vacanenānabhimatamanavasesaṃ vavathhāpīyatīti vuttīyam “bhiyyo” tyādikamupadīṭṭhanti dassetumupakkamate ‘sāmaññenā’ tiādinā, chaṭṭhī bhavatīti (se)so, nanuca atthasaddenāññapadatthasamāse katham catutthiyattho-vasīyatīti vuccate, catutthīekavacane attattha’ nti ettha saddhammasavanādikamattanimittanti yo-ttho, so cattho-ñña padatthepi, tassā-ññapadatthabhūtassāpi attā attho payojanambhavati nimittabhāvenāti nātthabhedoti ta eta imavajjitānaṃ sabbādīnanti ta etaīmasaddehi eva vajjitānamaññesaṃ sabbādīnaṃ, paṭisiddhesupi kassaci ādeso dissatīti dassetumāha ‘tasaddassa cā’ ti.

45. Ghapa

Itthiyā vadhuyāti pasaññānamī ūnamudāharaṇāni.

46. Ssāvā

Ghapasaññehīti idaṃ tetimāmūhi tīmassa aññapadatthasamāsenā vā visesanaṃ daṭṭhabbam, vuttīyam katanti ādikaṃ kattādippakāsanattham katam, tāyāti sabbattha vikappodāharaṇam.

47. Namhi

“Āgamā tagguṇībhūtā taggahaṇena gayhantī” ti pari bhāsā vacanametaṃ tattha tagguṇībhūtāti tasmim āgamimhi guṇībhūtā, avayavavasena pacchā bhavanto amukhyabhūtā, taggahaṇenāti āgamiggahaṇena taggahaṇena gahaṇatoti āgamibhūtassa naṃ iccassa gahaṇena gahaṇato, ‘namhi vibhattimhi’ ti tu vattabbam, vipallāso vā ettha daṭṭhabbo.

(49) Ikārassevavātiādinā vuttameva vivarati tissa iccādinā, tassa tissa, niddiṭṭhattāti tissa niddiṭṭhattā, “namhi ticatunnamitthiyam tissa catassā” ti (2-20) tissādeso “namhi nuka dvādīnaṃ sattarasanna” nti (2-47) nuka, tissanaṃ.

51. Suṇa

Vibhattisutteti “dvedvekānekesvi” (2-1) ccādisutte, ssnanti bahuvacanena sahitamekavacanamāha, suttamidanti “suṇassā” ti idaṃ suttam, sutte pana satīti “suṇa sassā” ti

sutte sati.

55. Ratyā

Ratti ca ādi ca ratyādayo, tehi.

56. Suhi

Anukaraṇavasenāti anusadisam karaṇam vacanamamanukaraṇam.

57. Ltu

Tenāti yato Ituiti visesanattena vattumicchitassa paccayassa gahaṇam, tenāti attho, paccayassa gahaṇā tadādigahaṇam labbhate... “paccayaggahaṇe yato so vihito, tadādino gahaṇa”nti ñāyā, visesanattena vattumicchitattā tadantaggahaṇam... “vidhibbisesanantassā”ti (1-13) vacanatoti manasi nidhāyāha- ‘yato’iccādi, so kriyattho ādi yassa so tadādi, so paccayo-nto yassa samudāyassa so tadanto, tādisassa tadā ditadantasamudāyavisesa(ssa) gahaṇam, na tu tadantamattasetyattho, nanu ca ‘Itvī’ti visesanattena vattumicchite bhavatu “vidhibbisesanantassā”ti tadantassa gahaṇam, paccayaggahaṇena pana tadādino gahaṇam katham siyā vacanābhāvāyāha-‘tadavinābhāvittā’ti, yato vihito, tena vinā na bhavati sīlenāti tadavinābhāvī, tassa bhāvo tasmā. “Paccayaggahaṇe yato so vihito tadādino gahaṇa”nti ñāyassa yattha paccayaggahaṇam tattha sādharmaṇattā ‘tadādino’ti vuttam, tadādisamudāyassa gahaṇe panettha viseso na dissati... adhikattāti [adhigatantāvāti (potthake)] ādisu visesadassanāsambhavā, ‘tuṃsmā lopo cicchāyam te’ tyatra (5-4) tu dissati viseso, vakkhatihi tattha “tuṃtāyetave bhāve bhavissati kriyāyam tadatthāya”nti (5-61) tuṃpaccayam vakkhati”ccādi.

58. Ge

Aityevavattabbanti ‘gea’ityeva vattabbanti vuttam hoti, pakkhe dīghavidhānenevāti iminā akārādese kate pakkhe dīghavidhāneneva, aññatthacaritatthatāyāti Itvantādito aññattha bhopurisā bhopurisaiccādo jātipadatthanissayanena katatthatāya, parisa mattatthatāyāti vuttam hoti, avassam dīghabhāve kāraṇamāha ‘yadicākāro’iccādi, yadica ākāroti padacchedo.

60. Ghabrahmā

Ghaitisaññā ghasaññā tāsam, kaññāsaññātiādīsu ghasaññānam bahuttā bahuvacanena niddeso, gharūpassāti ghassāti ghasaddarūpassa, tathā bho brahmāti ettha tathāti iminā brahmātirūpassa niruttiyam niddiṭṭhattāva ettha saṅgahitabhāvam dasseti. Evaṃ vivarantīti tasmā sa sakhatō gassa akāraākārā”tiādīnā evaṃ vivaranti, te hi aca āca ica īca ecāti dvande pubbasarānam lopam katvā ettupasilesaniddesaṃ vaṇṇenti, sāmāññavidhānanti ‘brahmakattuisi sakhatō’ccevamavisesetvā sāmāññena kathanam, kimatthanti kiṃ attho payoṇam yassa tam kimattham. Sāmāññavidhānam kimatthampanevaṃ payoṇanāsānkāyam payoṇanāsānkāvicāraṇam manasi nidhāya ‘āgati gaṇoya’nti vuttattā āha- ‘atthato’ccādi, atthatoti sā matthiyato, anenāti ‘āgatigaṇoya’nti iminā vacanena, idaṃ vuttam hoti ‘āgatigaṇoyanti iminā tadākārasānkāhātājātipadhānagaṇattappakāsanena yadi sambodhane ekārantākārantalābhīnam kattu isi sakha muni bhadantādīnam gahaṇam payoṇam na siyā, aññathā anupapajjanam siyāti evamaññathānupapattilakkaṇasāmatthiyato sāmāññavidhāne payoṇamāhe”ti, soyanti iminā vuttiam ‘āgati gaṇoya’nti vuttam vacanam nidasseti.

63. Ghossam

Ssañca ssāca ssāyoca añca tiñcāti itarītarayoge cattha samāso,ssam ssā ssāyam tiṃsu.

64. Eka

Ghoca oca gho ghāntaokārantā, natthi gho yesante agho, tesam, sāmāññavidhānatoti kassaci

liṅgassa aparāmāsā sāmāññena vidhānato, nādekavacanesūti nādīsu ekavacanesūti attho, hi hetumhi, yasmā kassaci evaṃ duṭṭhādhippāyo siyā, tasmā dutiyamudāharaṇanti attho, dutiyopi hetumhi, yasmā sabbesaṃ saṅgahaṇatthaṃ, tasmā na ca tathādhippetanti attho, sabbesamekavacanānaṃ saṅgahaṇābhāve suttānaṃ viracanappakāramāha-‘aññathā’tiādi, uparicātyādīsvayamadhippāyo ‘‘suttassa ‘aṃyosvaghona’nti viracitattā sāmāññene-kavacanesvaghassa narassattappaṭīti tappaṭisedhābhāvā’daṇḍi kula’nti rassattaṃ ‘sismiṃ napuṃsake’ti vidhisuttaṃ vadeyyā’’ti, okārantappaṭisedhanti ‘aghona’nti okārantappaṭisedhaṃ, ādesantaraṃ ‘‘gossā gasihinaṃ sugāvagavā’’tyādinā (2-67) karīyamānaṃ gāvādesādikaṃ, ettha pana napuṃsake ekavacanantaṃ daṇḍi kulanti vakkhamānattā nodāhaṭṭaṃ, yosu pana ‘‘yolopanisudīgho’’ti (2-88) adīghassāpi dīghavidhānasāmatthiyā paṭhamameva dīghassa rassābhāvekāva kathāti nodāhaṭṭaṃ, daṇḍīdaṇḍīni icceva tu bhavati, nossavāti pāṭho dissati, ettha vijjamāne ge pare okārantassa vā rassāpajjanadosampasaṅgato nossā’ti pāṭhena bhavitabbaṃ.

67. Gossā

Gāvena gavenāti karaṇepi samānaṃ, gāvassa gavassāti chaṭṭhiyāpi.

69. Gavaṃ

Senāti sutattā seiti vuttiyaṃ nimittaṃ parikappitaṃ.

72. Gāvu

Saddantarattena koci dosoti sambandho, ādisitabbā ādesā kātabbā.

73. Yaṃ

Pena pasaññāya yuttā ipī, paca so icāti vāpī abhedaggaṇaṇena, aññassāti ikāra ukāraukārassa.

77. Smi

Loke devadatto dattoti ekadesena samudāyavohāra dassanato sminofīmassa smiṃ vacanassātyayamattho dassitotyāha-‘smiti iminā’tiādi.

81. Jhalā

Brahmādīsu ‘ito kvaci sassa ṭānubandho’ti pāṭhāti sambandho, brahmādīsūti ‘‘ghabrahmādīte’’ti (2-60) sutte vuttābrahmādīsu, pāṭhāti ‘ito’tyādīno gaṇasuttassa pāṭhā, ṭānubandhoti iminā (eṭādesaṃ) niddisati.

85. Kū

So [bhasmā] anto yassa so tadanto samudāyo, tassa, ‘‘cānukaḍḍhitaṃ nottaratrānuvattatī’’ti viññūvacanaṃ, viduno vidūti kūpaccayantassa udāharaṇaṃ, viññuno viññūti ‘‘vito ñāto’’ti (5-39) sabbaññuno sabbaññūti ‘‘kammā’’ti (5-40).

86. Lo

Lopotveva siddhattāti vomuttapakke lopotīmināva siddhattā.

87. Nano

Amuyāti itthiyaṃ yādeso, nanotīmassidaṃ paccudāharaṇaṃ.

88. Yolo

Paṭhamādutiyāyonaṃekato udāharaṇāni aṭṭhī aṭṭhīnīti, tānica yolopanilātisṣeva dassitāni, tathāyevāññānīpi ñāyantīti.

92. Ntassa

Ṭamuttapakkhōti asantaṃ kubbantassāti ṭadesena muttapakkho,ntussacevanti pasiddhattāva ṭadesamuttapakkhāṃ upameti, ‘sañjātaṃ tārakādītvito’ ti (5-45) ito andhitā.

93. Yosū

Ṭadeso-tippasajjātīti kasmā vuttaṃ nanu tadantassa samudāyassa patte ‘chatṭhiyantassā’ ti (1-17) antasseva hoti, tathāsati nevātippasaṅgo, tasmā kasmātippasajjātīti vuttanti, saccaṃ, tathāpi ‘jhissā’ ti vuttaṃ sakkuṇeyyatte issāti vuttatta [vuttanthi] sāmattiyato tadantassa ṭadeso-tippasajjātīti tathā vuttanti, nanu ‘jhissā’ ti vuttepi sovātippasaṅgo tadavattahoyevāti saccaṃ, tathāpi yadī samudāyassa ṭadeso-bhimato siyā ‘tathā sati kiṃ jhaggahaṇena issatveva vadeyyāti nātippasajjātīti, jhaggahaṇe nāmaṃte ikārasseva jhasaññātīti idaṃ pana viṣesaṇattena vattu manicchite yujjati.

94. Vevo

Sahacaritañāyassāti ‘tamsahacaritā taggahaṇena gayhantī’ ti ñāyassa.

95. Yomhi

Hetukurusaddehi yosū iminā ṭadeso ‘lopo’ tīminā yolope vā sampatte ‘paccayanissitaṃ bahiraṅga’ nti yolopato ‘pakatinissitamantaraṅga’ nti ‘antaraṅgabahiraṅgasu antaraṅgavidhi balavā’ ti paṭhamāṃ ṭadeso nimittābhāvāva lopā bhāvoti dassetumāha-‘hetukurusaddehi’ ccādi.

99. Sabbā

Nanu katarādayova sabbādisaddavacanīyā hontī samāsenābhīhitattā, na tu sabbasaddo [saddasse (potthake)] tyāha-‘avayavene’ tyādi, yadipi ‘sabba saddo ādi yesa’ nti avayavena viggaho, tathāpi samudāyovāssattho bhavati... yesantyanena samudāyassa parāmāsāti bhāvo, itīti hetumhi, ko bhavantānaṃ dvinnāṃ bahunnaṃ vā eko deva datto kaṭṭhādīhi vā atthe dvīhi bahūhi vā ekassa niddhāraṇe sati kimhā niddhāraṇe ratara ratamesu ṇādivuttiyaṃ ‘ekattatāyā’ nti (2-119) vibhattilope ‘rānubandhentasarādissā’ ti (4-132) antasarādīlope kiṃsaddassa rūpasiddhīti dassetumāha katamā’ tiādi, ubho aṃsā assāti atthe ‘ayubhadvītihaṃse’ ti (4-49) aye ‘saro lopo sare’ ti (1-26) saralope rūpasiddhīti āha-‘ubho aṃsā’ iccādi, kāyaṃ vavattā nāme tyāha-‘sābhidheyyā’ tyādi, avadhiccādinā tassevātthāṃ vibhāveti, adhaṃso abhaṭṭhatā avadhībhāveyyevāvattānaṃ, sābhidheyyā pekkhāti ettha so sako abhidheyyo attho disādi sābhidheyyoti gahitoti āha-‘pubbādīna’ ntiādi, sābhidheyyanti kammato parā apapubbā ‘ikkha=dassane’ tīmasmā ‘kvacaṇa’ itī (5-41) aṇpaccaye sābhidheyyāpekkho, so vāvadhiniyamoti dassetumāha-‘tamapekkhati’ ccādi, tatthādhīppāyaṃ vivarati ‘tathāhi’ ccādinā, ettha ca parādisaddābhīdheyyo-ttho disādesādi pubbādisaddābhīdheyyassātthassa disāya desādino vāvadhībhāvena niyamavasena pavattati, yo cāvadhībhāvo niyamavasena pavattati, socāvadhībhāvo niyamavasena pavatto pubbādisaddavacanīyaṃ disādesādi mapekkhatīti sābhīdheyyāpekkhovadhīniyamoyeva vavattāti vuccatītyayamadhippāyo, na tu abhidheyyāyanti asambhavā, asambhavameva dassento āha-‘yo hi’ ccādi, kosallena nimittēnāti kusala saddassa pavattinimittena kosallena, uttarākuravo uttarakurudīpa vāsino, deso vā, ‘nāññaṇca nāmappadhānā’ ti (2-136) aneneva saññāyaṃ sabbādikāriyassa nisiddhatte kimsaññāyaṃ bhyanenetyāha ‘nāññaṇce’ tyādi, kiñci pubbādikamuddissa kesañci pubboparotyādikā atthānugatā saññā anvatthasaññā.

104.Ti

“Vānekaññatthe”’ti (3-17) vikappānuvattanato ayuttattābhāvaṃ dasseti ‘nayidamayutta’nti, yuttatā cāssa pāṭhe byabhicāra dassanatoti vattumāha-‘napuṃsake’ccādi, pāṭhānugatā hi suttaracānā, vikappānuvattiyā anapuṃsakamidameva vacanaṃ tassa kvaci byabhicāratte ñāpakanti vattumāha-‘tassa cā’tiādi, avassamevamettha attho gahetabbo, aññāthā yathāvaṭṭhitapāṭhānukkamenāthaggahaṇe sati suttassa [suttassā (potthake)] mukhyattappatīto kathantamaññassa ñāpakaṃ bhavyeṃ, mukhyabhāve hi ñāpakatthaṃ na yujjeṃ.

108. Ate

Nanu ca “lakkhaṇapaṭipadavuttesu paṭipadavuttasseva gahaṇa”’ntīmāya paribhāsāya lakkhaṇikassākārassa gahaṇaṃ na pappotīyāsāṅkiya paṭipādayamāha-‘rassākāre’ccādi, paribhāsāya cassāyamattho “lakkhīyateneṇeti lakkhaṇaṃ, sādhasādhujānana hesuttā sutta [sattha] muccate, paṭigatampadaṃ paṭipadaṃ, uccāritamañjasetyattho, lakkhaṇaṇca paṭipadaṇca lakkhaṇapaṭipadāni, tehi vuttāni rūpāni lakkhaṇapaṭipadavuttāni, tesu, vuttasaddo paccekamparisamāpīyate ‘lakkhaṇavuttesu paṭipadavuttessū’ti, tatrāñcasā yamaniddiṭṭhaṃ, kevalaṃ lakkhaṇadassanenāsmiṃ lakkhaṇe satyavassamanena rūpena bhavitabbanti lakkhaṇena paṭipāditam, tam lakkhaṇavuttamityuccate, yantvañjasā saddeneva paṭipāditam, tam paṭipadavuttanti vuccate, tasmim lakkhaṇavutte paṭipadavutte ca rūpe sati paṭipadavuttasseva gahaṇaṃ, netarasse”’ti, paṭipadavuttassevetyavadhāraṇena niyamarūpabhāssā paribhāsāyāvagamyate, so ca niyamo aniyamapubbake sandehe satyavatiṭṭhate, tasmā yatra lakkhaṇavuttameva kevalaṃ, na paṭipadavuttam, tatra nāyaṃ paribhāsā vatiṭṭhate, yatrāpi paṭipadavuttameva kevalaṃ, na lakkhaṇavuttam, sopyetissā avisayo, yatra dve rūpāni sambhavanti tatrevā yamparibhāsā sandehāpākaraṇamukhena pavattāti ñāyappattoyevā mattho imāya paribhāsāyānuvādyate, tathāhi sandehāṭhānesu yadyapyekarūpamevamabhinnamubhinnaṃ, tathāpi lakkhaṇavuttam rūpaṃ lakkhaṇe nonnīyamānaṃ dhūmaggi viya jalabalākā viya cānu mānikaṃ, yantu paṭipada vuttam rūpaṃ, tam paccakkhasiddhaṃ, paccakkhānumānesu ca paccakkhambalavantaram pamāṇanti ato paṭipadavuttameva gayhatīti.

110. Kvace

Napuṃsakaliṅge ekārena na bhavitabbanti sambandho.

114. Lopo

Akārasantaraṅgatte kāraṇamāha-‘pakatinissitattā’ti, pakatiyā idaṃ pākataṃ “ṇo”’ti (4-34) ṇo, lopassa bahiraṅgatte kāraṇamāha-‘paccayanissitattā’ti, antaraṅgeccādinā “antaraṅgabahiraṅgesvantaraṅgavidhi balavā”’ti paribhāsamupalakkheti, aṅgasaddo-vayavavācī, ante saddo sattamyatthe, aṅge bhavamantaraṅgaṃ vibhatthyatthe-saṅkhyasamāso “eonaṃ vaṇṇe”’ti (1-37) attam rāgamo, aṅgato bahi bahiraṅgaṃ “payyapābahitiro purepacchā vā pañcamyā”’ti (3-5) asaṅkhyasamāso, atra cāntaraṅgaṃ bahiraṅganti nāṅgebhavamantaraṅgaṃ, apitvantaraṅganissitaṃ kāriyamantaraṅgaṃ, nāpyaṅgato bahibhūto samudāyo bahiraṅgaṃ, kintu bahiraṅganissitaṃ kāriyambahiraṅgaṃ yathā mañcanissitesu saddāyantesu ‘mañcā saddāyanti’ tyuccate tam viyeti atoyevā saṅkhyasamāsepi liṅgavibhattivacanantarayogo ‘antaraṅgo antaraṅgā’ti, saṅketiko hyayamasāṅkhyasamāso, na pubbapadatthappadhāno, yathā-paccakkhassākkhanissitattāvabodhattham ‘akkhamakkhampati vattate’ti vicchāya-masaṅkhyasamāsepi kate paccakkha ñāṇassākkhanissitattañāpanattham saṅketavasena kato-yamasāṅkhyasamāso, na pubbapadatthappadhānoti ‘paccakkho paccakkhā’ti liṅgavibhatti vacanantarayogo, tathēvāya-mantaraṅganissito-yaṃ samudāyanissitoti ñāpanattham saṅketavasena kato-yamasāṅkhyasamāsoṭi liṅgavibhattivacanantarayogo na virujjhate, athavā antaramāṅgamassa kāriyassāthīti “saddhāditva” (4-84) tathā bahiraṅganti, antaraṅgaṇca bahiraṅgaṇca antaraṅgabahiraṅgāni, tesvantaraṅgo balavāti. Antaraṅga kāriyassa balavattam sādhetum ‘sabbapaṭhamam vidheyattā’ tiādi vuttam, idampana antaraṅgakāriyassa balavabhāvasādhane kāraṇaṃ na hoti, antaraṅgattā balavabhāvoyeva hi sabbapaṭhamam vidheyatta kāraṇaṃ, tathā cāha-

‘yo lopato akārassa paṭhamameva bhavane kāraṇamāha antaraṅgattā akārassā’ ti, tasmā nāyaṃ pāṭho ghaṭate, antaraṅgabalavabhāvasādhanaṃ pana lokato icchitattā ayamevatthe pāṭho ghaṭate’ antaraṅgameva kāriyambalavaṃ loke tathādiṭṭhattā, tathā hi loko pātovā’ tyādi, loke tathādiṭṭhattāti antaraṅgabalavabhāvassa loke evaṃ vakkhamānanayena diṭṭhattā, athavā kenaci vidhurappaccayopanipātena kāraṇave kallena vā kadāci kattumasakkuṇeyyattepi antaraṅgassa avassaṃ vidheyyattaṃ dassetumāha sabbapaṭhamam vidheyyattā’ ti, satisambhaveti nimittassānupahatattā kāriyassa sambhave sati.

116. Ye

Ivaṇṇassāti vuttattāti ‘ye passivaṇṇassā’ ti ettha ivaṇṇassāti vuttattā.

118. Asaṃ

Liṅgavacanabhedepe byayarahitattā abyayavantaupasaṅganipātānaṃ pubbācariyasaññā, asatī saṅkhyā yesantyaṅyasaṅkhyānītyāha- ‘ekatte’ ccādi, ekānekesūti vuttattā saṅkhyāvisese vidhiyamānāsyaḍayo kathamasāṅkhyehi uppajjitumussahante iccāsāyenaṅha- ‘kathamasāṅkhyehi syādīnaṃ sambhavo’ ti. Atha nissaṅkhyehi hotusyādīnamasambhavo uccaṃ rukkhassiccādotu saṅkhyāsambhave bhavitabbameva syādīhiccāha- ‘saṅkhyāsambhaveve’ ccādi. Vuttiganthassādhippāyaṃ vivarati ‘aññathe’ tyādīnā, kimesamuppattiyampayojanaṃ yenāsaṅkhyehi taduppatti no-numīyate ccāsaṅkiyāha- ‘tassaṅca satiya’ ntyādi, asati hi syādīnamuppattiyamuccamādīnamasaṅkhyānampadattaṃ natthīti yo ādisu padasmā paresaṃ tumhāmasaddānaṃ savibhattīnaṃ vonoādikaṃ padanimittaṃ kāriyaṃ na siyāti ‘uccaṃ vo, uccaṃ no’ tiādayo payogā na sijjhanti, sati tu syāduppattiyam luttasupī tesu padattanipphattiyāyeva taduppattito padatte siddhe padalakkhaṇaṃ kāriyaṃ sijjhatevāti bhāvo. Parehi ettha ‘tassaṃ sālāya’ nti vacanicchāyaṃ ‘tatra sālāya’ nti yathā siyāti ‘‘abyayatvā syādino’’ ti (pā, 2-4-82) abyayato parassitthiyamāppaccayassāpi lopo vihito, tenāha- ‘asaṅkhyehi’ ccādi, tadayuttanti āppaccayassa lopavidhāna mayuttaṃtyattho. Atha kenātra āppaccayo vidhiyate yenāssāpi lopo-nusāsīyate ‘‘itthiyamatvā’’ ti (3-26) ce netadatthi, itthiyamāppaccayassa vidhānato-saṅkhyānañcāliṅgattā, tasmā asaṅkhyehi āppaccayassa sambhavoyeva natthīyanatthakamāppaccayassa lopavacananti nānatthakam itthiyanti (3-26) hi guṇippadhāno niddeso itthattavati āppaccayādayo vidhiyante ‘tassaṃ sālāya (micce tasmim padatthe) tatre’ ti asaṅkhyamidamitthattavati vattate, tasmā siyāye vetasmā āppaccayotyavassamāppaccayassa lopo vidheyyoti yo maññate, tampati āha- ‘yadīpi’ ccādi, visesābhidhānātyupagame vatta mānoyamasāṅkhyasamudāyo ‘niddeso vattate’ ti cobhayamikkhate, itthiyanti niddesassa guṇippadhānattaṃ sādhetum ‘itthattavati hi āppaccayādayo’ tiāha, tatretimassāsaṅkhyassa sālāyaṃ vattanato āha- ‘itthattavati cā’ ti, ayampasiddhirūpena na vattateti sambandho, yadi ayampasiddhirūpena vattate, kuto carahi itthattāvasāyotyāha- ‘itthattāvasāyo’ ccādi. Idāni jinindabuddhivacanamānīya tassā yuttattamubbhāvayitumāha- ‘yopyāhi’ ccādi, yadīpiccādi jinindabuddhivacanaṃ, tassāti itthattassa, padattho ca itthattaṃ siyāti yopyāheti sambandho, gammamānatthattā itisaddāppayogo, tassāyuttanti tassevaṃ vādino jinindabuddhino vacanamayuttaṃtyattho, kutoccāha- ‘evaṃ hi’ ccādi, yadi itthattassa vākyatthattā itthippaccayanivattikatā, evaṃ sati sālāyamiccādisaddantarāpekkhā itthattappatīti tatretyādīsū siyāti attho, neva tathā patīyatīti bhāvo, vuttamevatthaṃ phuṭṭayitumāha- ‘tathāhi’ ccādi, aviddasuayanti diṭṭhanto paññāso, aviddasu ayanti ubhayatrāpyatrekavacanasissa nivattiyā kataṃ yamekattaṃ, taṃ saddantarādyanapekkhameva patīyatetyattho, itthatta vuttinā sālādisaddena sāmānādhikaraṇyaṃ tatretyetassāti etāvātā āppaccayo uppajjatīti ca na sakkā vattunti dassento āha- ‘sāmānādhikaraṇattampi’ ccādi, sāmānādhikaraṇattampīti (itthi) vuttinā sālādisaddena sāmānādhikaraṇyampi, āppaccayādīnaṃ nānganti sambandho.

119. Eka

Evāti anuvattateeva, ekottho yassa pakatyādisamudāyassa so ekattho ‘assa cekatthasaddassa pavattinimittaṃ iyādi vidhānantiyāha- ‘ekatthattā iyādividhāna’ nti, iyādivuttiyanti vattanaṃ vutti iyādīnaṃ vutti, iyādividhāne satiyattho, samāsātoti samāsītā, tenevāti ‘‘dissantaññepi paccayā’’ ti (4-120) sutteneva.

120. Pubba

Yadā cātrādhisaddappayogo tadā teneva vibhatyatthassa vuttattā na sattamī payujjate, yadā sattamī, na tadādhisaddo, tenā sakapadeneva viggaho evaṃ dassaniyoti āha- ‘itthīsu kathā pavattā’ ti, itthisaddato sattamībhavane kāraṇamāha- ‘taṃsamānādhikaraṇattā’ ti, tena adhisaddena samānatthattāti attho.

121. Nāto

So ca amādeso, ādesassevāti amādesasseva, apañcamiyāti pañcamim vajjetvā. Aññatra vidhīyamāno-yamamādeso pañcamiyampaṭisiddhattā pañcamiyā paṭisedhena sayampi paṭisiddho nāma hotītyāha ‘ādesassevāyaṃ paṭisedho’ ti, lopapaṭisedhassa ‘nāto’ ti pubbavākyena vuttassa ayampaṭisedho neti sambandho, atha kathamidamapañcamyātyamādesenevātisambandhati na lopa paṭisedhenāti paribhāsamāha- ‘anantarassa vidhi vā hoti paṭisedho vā’ ti, ettha antarasaddassānekatthatepīhāntarālavācīti na vijjate antarammajjhamassetyanantaro, antarālamattapaṭisedhe payojanam natthītyantarālagatassa vidhino paṭisedhassa cābhāvānantarotyupa carīyate anantarā gāmātyādi viya, diṭṭhatte pana majjhassa na vijjate-ntara mesanti viggāhe suttepyanantarassa vidhānantarassāpi diṭṭhattā dvinnamēkopyanantarotyuccate, tenevānantarassāti paribhāsāyameka vacanam, itisaddo idamatthe, iti imāya paribhāsāyādesenābhisambandhatīyattho, tenāti yathāvuttaparibhāsāya vasena, yena kāraṇenādesenābhisambandhati tenātyattho, alopoti lopa paṭisedho, sāmattiyaḷaddhanti dvinnamatthānam vidhānāya dve vākyāni bhavanti, tatra ‘nāto’ tīdam paṭisedhavidhāyakamekaṃ vākyam, ‘amapañcamiyā’ ti dutiyamamādesassa, tatrāpañcamiyātyādesenevāti sambandhati, vuttavidhānā na lopapaṭisedhena, tathāsatyamapañcamiyātidam vākyam yadi na visesatthamālambate tamantarenānupapattito-ññathā kintyanenātthabalena laddhanti attho, alopoti jotetīti sambandho, vākyabhedena vivaraṇam katam, na ekavākyattenāti byatireko ekavākyatāyañhi kāriya dvayassapi pañcamiyampaṭisedho siyā ‘pañcamim vajjetvā taṃ kāriyadvayam veditabba’ nti, yadipi siddhāti sambandho, yena nāppattiyāyanena ‘yena nāppatte vidhirārabbhate, tassa bādhanambhavatī’ ti mamparibhāsamupalakkheti, kimatthamihāyam paribhāsā paṭhyate iha satthe-pavādā ussagge bādhaneti niyamo, tatra cussaggā duvidhā niyatappattayo aniyatappattayo ceti, ye sabbatthāpavādavisayampavisanti, te niyatappattayo vuccante, ye kvacidevāpavādavisayamavagāhante, te aniyatappattayo vuccante, evaṃ duvidhesussaggesu ye-niyatappattayo, tesameva bādhanamicchīyate, na niyatikānam, tena tappadassanattamayamparibhāsā paṭhyateti, yenetyussaggassa niddeso, neti paṭisedhavācī nipāto, appatte asamphuṭṭhe visaye ityajjhāhāriyam, yena ussaggena nāppatte patteeva samphuṭṭheeva visayetyattho... ‘dve paṭisedhā pākatamattham gamentī’ ti katvā, vidhīyatīti, paṭisedho vidhānañca, ārabbhate vidhī

Yate paṭhyatetyattho, anenāpavādavidhindasseti, tasseti ādoyeneti niddiṭṭhassaussaggassabādhanambhavatyapavādena, yena tvappatte visaye ārabbhate tassa bādhanam na bhavatiyattho, kutoti ce anavakāsattā, tathāhi yadi ussaggena sabbo visayo gahito siyā, ko-pavādassaañño visayo siyā, tasmā anavakāsattā (na) apa (vāde) pana tassa bādhanambhavatīyavaseyam, yena tussaggena koci devāpavādavisayo-nuppattosiyā, nasabbo, tampati sāvakā sattā tambādhateti vuttam hoti, ‘pañcapūlimānaye’ tyatra pañcannam pūlanam samāhāroti visesanasamāso ‘‘nadāditovī’’ (3-27) samāharaṇam samāhāroti samāhārassapi bhāvarūpattā āha ‘bhāvappadhānattepi’ ti, guṇabhūtaḍḍabbāni pūlāni.

125. Ima

Sutte anitthiyanti kimatthiya (manena) paṭisedhavacanena, yato imassetvevānitthilingena niddesoti manasikatvā āha-nāmaggaḥaṇe’iccādi, ‘‘nāmaggaḥaṇe liṅgavisiṭṭhassāpi gahaṇa’’ nti paribhāsāyam, tattha liṅgena sutte niddiṭṭhato aññena kenaci visiṭṭham nāmam liṅgavisiṭṭham, tassa, yattha saddasāmaññasannissayanam, tattha nāmaggaḥaṇe satiliṅgavisiṭṭhassāpi gahaṇam hoti... sāmāññe sabbavisesānuppave satotyadhippāyo, idamevāti anitthiyanti vacanameva, ñāpakanti patti pubbako paṭisedho, so itthiyampattiyam sati anitthiyanti kato siyāti anitthiyanti paṭisedhavacanamevam paribhāsam ñāpetīti attho, iminā imissā paribhāsāya sāmattiyaḷaddhatam

dasseti.

127. Simha

Anapūṃsakassāti pariyudāsoti anapūṃsakassāti ettha nañsaddassa pariyudāso-tthotyatto.

129. Massā

Tannetiādinā katthaci paribhāsāvataniccati sūceti.

130. Kevā

Hotu sito-ññatrake sati sādeso, simhi tu kappaccayā paṭhamameva kato massa sādesoti tappaccaye sati ‘kevā’ti kiṃ sāmāññaena sādesavidhānena tyāsañkiya suttassa sāmāñña vidhāne phalaṃ dassetuṃ ‘kenekattatāyaṃ’tyādimāha, kenekattatāyanti kappaccayena saha ṇādivuttiyaṃ, pubbabhāgassāti asubhāgassa padattābhāvāti ‘ekattatāyā’ti (2-119) vibhattiyā padattasādhikāyāpagamena padattābhāvā, padasañkhāranibandhanoti pada siddhi hetuko, ‘nimittābhāve nemittikassāpyabhāvo’ti ñāyassāyamatto ‘nimittāṃ kārāṇaṃ hetūyanatthantaram, nimittassa abhāvo nimittābhāvo, tasmīṃ nimittābhāve hetuvināsetyattho, nimittā āgato nemittiko, phalabhūto dhammo, nimitte bhāvo vā nemittiko, nimittassābhāve taṃ hetuto pavattassa nemittikassa phalassāpyabhāvo bhavati’ti, tathāhi chattanimittachāyā chattāpāyena bhavati, padīpanimittadassanaṃ padīpāpāye na bhāti, tatthehāpi nimittato pavattānaṃ nimittābhāve abhāvoyeva yutti māti maññate, aññatracāti sito aññatra ca.

131. Tata

Tyaetānaṃ takārassa pariccāgāya ‘tatassā’ti vuttaṃ.

132. Ṭasa

Imissāyātyādīsu ‘ssaṃ ssā ssāye’tyādinā (2-52) i, ‘‘tadādesā te viya hontī’’ti paribhāsato sādyaḍesīnaṃ gahaṇāssāyādesādīnaṃ gahaṇasambhavepi kiṃ ssāyādiggahaṇe na suttagurukaraṇe tyāsañkiya ‘ssāyādiggahaṇa’miccādi, vutti gantho vuttoti dassetumāha-‘nanu ce’tyādi, ṭasasmādikāṃ ‘ṭasasmāsminnannāsvimassa cā’ti vattabbaṃ, namādīnampi vidhiggahaṇāya [[nādīnampaviggahāya \(potthake\)](#)], tassā

Desino ādeso tadādeso, tassa, tassa ādesino gahaṇaṃ taggahaṇaṃ, tena.

134. Duti

Aññathāti guruniddesamakavā aññaena lahuppakārena niddisane sati, ekavibhattiniddiṭṭhattāti ‘dutiyaṃyossā’ti ekavibhattiyā niddiṭṭhattā, aññathātiādinā nekadesotivacanapariyantētena ‘na tvekavibhattiyuttāna’nti paribhāsekadesassa adhippāyo pakāsītōti ñātabbaṃ, etadevānuvattatīyanena tu ‘‘ekayoga niddiṭṭhānampekadeso- nuvattate’’tīmassa, ekavibhattiyuttānaṃ ekadeso nānuvattatēti yojanā paribhāsāyaṃ, ñāpetīti pubbe viya sāmattiyena ñāpeti.

139. Nāññaṃ

Appadhānappaṭisedhato sabbādīnaṃ tadantavidhinā bhavitabbaṃ, aññathā hi sabbādiggahaṇe ko pasaṅgo piyasabbādīnaṃ, yato appadhānappaṭisedho, kariyate tena paramasabbeccādi hotīti dassetumāha-‘appadhānappaṭisedho’iccādi.

140. Tati

Yatthāti yasmiṃ kattari karaṇe vā, kattari tatiyāsiddhimāha-‘karoti’ccādi, karotimhi karadhātumhi gammadāne, māsenā katāti pāṭhena bhavitabbaṃ... māsenā katānaṃ pubbānanti vattabbatā, pubbabhāveti pubbabhavane māssā karaṇattaṃ, ettha tu māsenā karaṇabhūtena pubbabhūtānanti attho, tenevetthāpi bhavanti pāṭhena bhavitabbaṃ.

141. Cattha

Cassa attho cattho, soyevāti ettha samāsassa parāmāso, cattho ettha sambhavati kintu sabbādi na catthasamāsavisayoti pāṭhena bhavitabbaṃ.

144. Manā

Kim bahulaṃvidhānā ‘vuddhyabhāvo’ [otthābhāvo (pañcīkāyaṃ)] ti pāṭhena payojanaṃ yene tadatthameva “sumedhādīnamavuddhi ce”ti gaṇapāṭho kato, hemasaddena hemamayāni gahitānyabhedenatyāha- ‘hemamayāni’ti, kappāna saddena sīsālaṅkārajālāni gayhanti, tāniyeva vāsāni paṭā taṃsarikkhatāya, sakatthepi yathāgamambhavanti sambandho, bāṇādīsu abhidheyyesu manādīsu na paṭṭhīyanti yojanā, bāṇādīsuti bāṇa saddakkhayādīsu, ahasaddassa manādīkāriyāsambhavā ahasaddo manādīsu na daṭṭhabbo, raṣāti nipātattā ikārassa ca asabbhavā raṣādo ca manādīsu na daṭṭhabboti sajjhāhāro sambandho veditabbo, ikārassa kaccāyane smino kāriyāmanassa ikārādesassa ca, raṣādo raṣādo nipātattaṃ sabhāvato pakāsetuṃ ‘raṣāyādi’ māha, raṣādoti ettha raṣādoti pāṭho-vagantabbo, tenāti yena ahasaddassa manādīkāriyāsambhavo raṣātica nipāto, tena, ihamanādīsu.

146. Bhava

Geti gasāñṇe pare, kuto-nuiccādo bho’iti bahuvacananto nipāto, tathāsatī ‘tayojanā’ti yujjati, tañca nipātattaṃ samattheti [nipātamatteti] dassetuṃ māha- ‘bahutte’ccādi.

148. Ntassaṃ

Sattamyantaṃ bhavati seso, nanucantassāti vutte ntantuppaccayovāvasīyati, na tadantavidhīti [ntantuppaccayova nāvāsīyati, tadantavidhipīti pāṭhena bhavitabbaṃ] āha- ‘ntappaccaya sseve’ccādi, sutattāti sotaviññāṇena gahitattā paccakkhattāti vuttaṃ hoti, anumitassa “vidhibbisesanantassā”ti (1-26) liṅgato tadantasākhāta atthadassanasākhātanumānaññāṇena viññātassāti attho.

154. Rāja

Daḷho dhammo dhanu assa daḷhadhammā. Rājādīsvimappaccaye paṭhite

Tadanto paccayaggahaṇa paribhāsāya gayhatī tyāha- ‘iminā iccādi.

162. Ltu

Paccayaiccādinā “paccayaggahaṇe yasmā so vihito tadādino tadantassa ca gahaṇa”nti nīyaṃ dasseti, tattha yato vihito taṃ vinā na bhavati paccayotyānena nīyena pattoyevāttho ākhyāyate ‘paccayaggahaṇe yasmā so vihito, tadādino gahaṇa’nti, “vidhibbisesanantasse”ti tadantaggahaṇaṃ tyākhyāyate ‘tadantassa ca gahaṇa’nti, so pakativiseso ādi yassa samudāyassa so tadādi, so paccayo-nte yassa samudāyassa so tadanto, tādisassa tadādītadantasamudāyavisesassa gahaṇaṃ, na tu tadantamattasetyattho, iha tu tadantaggahaṇamevānurūpanti’ dassetuṃ māha- ‘kattari ltuṅakā’ti iminā tyādi, tadādītadanta samudāyassa tu gahaṇe phalaṃ ‘byajigisī’tiādīsu daṭṭhabbaṃ, tañca “tuṃsmā lopocchāyaṃ te”ti (5-4) sutte sayameva vakkhati.

165. Salo

Kaccāyane “sakamandhātādīnañce”ti (2-3-44) suttitaṃ, sopi Itvantoyevātyabhimatasiddhīti dassetuṃ vuttiamudāhaṃtyāha- ‘sakamandhātu’iccādi, Itvanto mandhātusaddo atthīti ‘sakamandhātu’ saddopi Itvantoti sajjhāhāro padasambandho daṭṭhabbo, tatopīti na kevalaṃ kattutova, mandhātusaddassa Itvantataṃ sādhetvā sakamandhātusaddampaṭipādetuṃ ‘sabbesa’ntiādīmāha.

169. Ṭapa

Saṅkhyāsaddo yaḍīpi saṅkhyāne vattate, tathāpi saṅkhyānavārenidhasaṅkhyeyye vattatītyāha- ‘cuddasahi saṅkhyāhi’ti pāṭhena bhavitabbaṃ, cuddasasaddavacanīyāva pañcādisaṅkhyā, yato saṅkhyāsaddo neha pariggahitoti.

175. Divā

Divasato smino ṭimhi pubbasaralope divi.

181. Yonaṃ

Dutiyaḅḅgahaṇenāti ‘dutiyaḅḅyossa ne vā’tyevaṃ sutta racanāyaṃ dutiyaḅḅgahaṇena.

185. Nāmhi

Enādesassāsambhavāti nāssa smādesattā.

187. Gassaṃ

Ubhayavikappoti samāsāsamāsapakkhadvayavidhānaṃ, kaccāyanavutti kārassa vipṭipattimāvīkattumāha- ‘kaccāyane’ccādi, itthipumanapūṃsaka samūhoti etthāyantesaṃ sādhanakkamo ‘dvandachaṭṭhihi samāse itthipumanapūṃsakasamūho’ti ṭhite “samāse ca vibhāsā”ti (2-2-35) pumantassa amādesa “vaggantaṃ vā vagge”ti (1-42) niggahītassa vagganto.

192. Puma

Kammādittā enassāpi abhāvapakkheti “nā sse no”ti (2-80) kammādito nāssa enādesakaraṇato vuttaṃ.

197. Ime

Ādeso kathanāṃ, anvādeso-nukathanamiccāha- ‘anvādeso kathitānukathana’ mīti, kathitassānukathanaṃ kathitānukathanaṃ, anena ca neha pacchā uccāraṇamattamanvādeso, kiñcarahi ekassābhidheyassa pubbasaddena paṭipāditassa dutiyampatipādanamanvādesoti vadati, teneha na bhavati ‘devadattaṃ bhojaya, imaṇca yaññadatta’nti, kenaci visesantarayogena kathitassānukathanaṃ anvādesoti sambandho. Kathampana visesantarayogo gamyateccāha- ‘sāmatthiyā’ti, kenaci visesenāyoge vuttasseva punabbacanānupapajjanaṃ sāmatthiyaṃ, tenevāha- ‘aññathe’ccādi.

198. Kissa

Navirujjhatīti iminā “itthiyamatvā”ti (3-26) sāmāññena vidhānato syādyantamajjhepi itthiyampaccayo navirujjhatīti vadati.

204. Namhi

Nanu yathākkamaṃ naṃvibhattikkamenāpi sambhavati, tathāsati ‘dvinnaṃ saddānaṃ dveādesā

kamene'cceva kasmā vuttaṃ tyāsaṅkiyāha 'na naṃvibhattikkamenāpī'ti. Kāraṇamāha- 'tassānapekkhitattā'ti, iminā nissayakaraṇamekā satthiyā yuttīti dasseti, apekkhite kathaṃ bhavēyyā tyāha- 'yadi hi'ccādi, apekkhiti yathākkamaṃ, evamaññate "kiñcāpi jātiniddesena dvepi naṃ rūpāni gayhanti, tathāpi 'ticitunna'nti viya byattiniddesova yathākkamopakāriyamānāna, manudesassa tathā viññāyamānattāti naṃsuicceva vadeyya, na tathā vuttaṃ, tato-vasīyate 'na yathākkamametthāpekkhita'nti.

205. Nta

Nanu ntantūnanti tadantā gayhanti paccayaggahaṇaparibhāsāya, tathā sati kāriyittena tadantāva gayhanti kathaṃ ntantūyevā tyāsaṅkiyāha- teyeva'ccādi, paccakkhatāyāti [sutathāya-pañcīkā] sutattā, balavattā teyeva kāriyittena gayhantīti sambandho, na tadantā, dubbalāti byatirekaṃ vatvā dubbalatte kāraṇamāha- 'anumittattā'ti, anumittattaṃ sādhetumāha- 'anumittāhi'ccādi, bhavibhattīnanti pāṭho yutta taro, tassa antādesa akāreti sambandho.

219. Yomhi

Yomhīti sattamyantajātiniddesā labbhamānatthavasena 'pacceka'nti vuttīyaṃ vuttaṃ, tenevāha pañcīkāyaṃ- 'kathamidamavasīyate yomhīti niddesā'ti, tassadāni atthampakāsetuṃ 'paccekanti ekekasmī'ntiādi vuttaṃ. Ekekasmīṃ yomhi dvinnāṃ ādesānaṃ sambhavā ādesīnampi bahuttasambhavoti sutte 'dvinnā'nti bahuvacananiddeso, vuttīyampāna paccekaṃ yomhi paccekaṃ dvisaddasambhavā 'dvissā'ti vuttaṃ, dutiyāyampi duve dve.

228. Nāsmā

Pakatavasenāti tumhāmhanamādesānamadhikatavāsena, kamamanatikkamma na bhavantīti sambandho.

230. Caṃvā

Kaccāyanācariyo tumhāmhehi parāya catutthī chaṭṭhī savibhattiyā "sassam"ti (2-3-3) suttēna amādesaṃ vidhāya 'tumhaṃ amha'nti bahuvacānarūpāni sādheti... ekasmīmpi attani guruādike ca gārava vasena bahuvacānarūpadassanatoti dassetumāha-tumhaṃ amha'ntiādi, tassāyuttattā 'tamayutta'nti vatvā ayuttataṃ sādheti 'evaṃ hi'ccādinā, imasmīmpāna satthe ekasmīmpi sabbathā bahuvacāna rūpasādhanakkamaṃ dassetuṃ 'idha panā'tiādimāraddhaṃ.

232. Apā

Nenāti nakārena, padasaññāvidhāya kavacānābhāvepīti pāṇini yānamiva syādityādyantānaṃ padasaññāvidhāyakassa suttassa abhāvepi, anvatthavasena padanti gayhamāne atippasaṅgopi siyāti āha- 'ruḥhiyāvātippasaṅgā bhāvo'ti, ākhyātaṃ sābyayakāraka visesaṇaṃ vākyanti keci, ekākhyātikaṃ vākyantypare, taṃ sabbaṃ ekato saṅgahetvā 'padasamūho vākya'nti vuttikārena vuttanti dassetumāha- 'sābyaye'ccādi, ākhyātaṃ tyādyantamāhu, abyayamasāṅkhyāṃ, ākhyātaṃ sābyayaṃ sakārakaṃ savisesaṇaṇca vākyesaññaṃ bhavattīyattho, visesaṇanti kārakavisesaṇassa kiriyā visesaṇassa ca sāmāñña gahaṇaṃ, sābyayaṃ-saddhiṃ vacati, sakārakaṃ odanaṃ pacati devadatto pacati, sakārakavisesaṇaṃ-mudum visadamodanampacati, dassanīyo devadatto pacati, sakiriyāvisesaṇaṃ- mudum pacati, mandaṃ pacati, padasamūho vākyanti vutte ayampi adhippāyavisesavasīyatīti vattumāha-vattu'miccādi, yathecādinā anekākhyāti kampi guṇappadhānabhāve nopakārato vākyamekambhavati... pada samūho vākyanti vuttattāti vadati, yathā vākyanānattanti sambandho. Ihāpīti vattumicchitatthetyādopi.

233. Yonaṃ

Higgahaṇe pañcamīhissāpi gahaṇambhaveyyāti sutte 'apañcamyā'ti vuttaṃ, tumhehi puññaṃ

pasutaṃ anappakanti gāthāpāde tumhehitiādisū tattā na voādeso, tumhe tiṭṭhatha nagareti pubbavākyato vākyantarattā ekavākyatā natthi, tumhe viya diya dissanti amhe viya dissantīti viggayha ‘disa-pekkhaṇe’ iccasma ‘samānaññabhavantayādi tūpamānā disā kamme rīrikkhakā’ ti (5-43) kappaccaye ‘nate kānubandhanāgamesū’ ti (5-85) ettābhāve ‘syādisyādinekattha’ nti (3-1) samāse ca ‘ekatthatāyaṃ’ ti (2-119) vibhattilope ca ‘sabbādīnamā’ ti (3-86) ā ‘tumhādisāna’ miccādi.

235. Anvā

Pacchā ādeso anvādesoti gahite kathitānukathananti kathaṃ nāyatīti āha- ‘pacchā kathanañca kathitāpekkhanti katvā’ ti.

236. Sapu

Saha vijjamāno pubbo yassa so sapubbo.

237. Naca

Aparamparayogappatipatyatthanti ‘gāmanagarānaṃ cenā’ tiādinā vuttassa paramparayogassa aggahaṇatthaṃ.

240. Nasā

Jaṭā assa atthīti jaṭilo, sova jaṭilako, jaṭilakāti ekatthe nidassitavisesavacanaṃ, māṇavakāti viya na sāmāññavacanaṃ, asatte sampatteti idaṃ ‘āmantaṇaṃ pubbamasantaṃ vā’ ti (2-239) suttassa sāmāññatā vuttaṃ, sāmāññavacanaṃ paṭisedhoti iminā visesavacane jaṭilakaiccatra ‘āmantaṇaṃ pubbamasantaṃ vā’ tīmassa pattindasseti, devadattādisāmāññavacane devadatto devadattasaddo ādi yassa, tañca taṃ sāmāññavacanañca, tasmim devadattādisāmāññavacane māṇavake māṇavakasadde parabhūte sati, ubhinnaṃpi asatteti iminā idaṃ dīpeti ‘devadattāti visesavacanaṃ paṭisedhābhāvā pubbaparānamubhinnaṃpi ‘āmantaṇaṃ pubbamasantaṃ vā’ tīdaṃ pappoti’ ti.

Iti moggallānapañcikāṭīkāyaṃ sārattavilāsiniyaṃ

Dutiyakaṇḍavaṇṇanā niṭṭhitā.

3. Tatiyakaṇḍavaṇṇanā

1. Syādi

Yassātikamāvaṭṭhitassayoādiakkharasamudāyassa, kintanti āha- ‘ida’ miccādi, idanti yathāvuttaṃ syādisamudāyarūpaṃ, avayavena viggaho samudāyo samāsatto, samudāye pavattā saddā avayavesupi vattantīti syādisaddo siādike avayavepi vattate, vidhiggahaṇaṇāyenāti ‘paccayaggahaṇe yasmā sa vihito tadādino tadantassa ca gahaṇa’ nti nāyena. Syādi ante yassa taṃ syādyantaṃ. Nanu ca ‘syādisyādinekattha’ nti sāmāññena vuccamāne yaṃkiñci syādyantaṃ yenakenaci syādyantena sahekattībhāvamarahati, tathāhi yathā gāmagatotiādo, tathā passa devadatte gāmaṃ, gato yaññadatto gurukulanti ādopi samāso tyāsañkiyāha- ‘sāmāññena vuttepi’ ccādi, yassa syādyantassayena syādyantena sambandho, tena syādyantena sahatam syādyantamekatthambhavatīti sambandhato viññāyati avasīyatīti yassātyādisvattho, tathā ca gāmagatotyatrattīmesa-maññamaññāpekkhālakkhaṇo sambandhotyekattībhāvo, tatoyevettāhu-

Niyataṃ sādhanam sādhye, kriyā niyatasādhanaṃ;
Sannidhānena metesaṃ [cethissā (potthake)], niyamo-yampakāsātīti.

Ayamettha attho ‘yato gāmamiccetaṃ sādhanam sādhyam kiriyam

taṃbyapadesajānanayogyamapekkhate gatoti, ato sādhanam kāra kam sādhye kiriyāya niyatam, yato ca kiriyā sayam sādhanamapekkhate kiṃ gatoti, ato kiriyāpi niyatam sādhanametissāti niyatasādhanā hoti ayam yathāvutto niyamo aññamaññāpekkhāvasena vattamāno etesam sādhyasādhanānam sannidhāna mattena aññamaññato pakāsati’ ti. Passa devadatta gāmaṃ, gato yaññadatto gurukulamtyatra tu gāmanti sādhanam passeti sādhyamapekkhate, gatoti gamanakiriyā tu gurukulamapekkhate, tato ca gāmagatānam vākyantarāvayavānam natthevāpekkhāti na bhavati samāso, sabbatthevamūhanīyam, sambandho hi aññamaññāpekkhālakkhaṇo sambandhyantarato- navatthitam nivattetvā visese niveseti, tathāca vuttam—

Tassa tvākaṅkhato bhede, yā pariplavamānatā;
Visese taṃ nivesento, sambandhovāvachindatīti.

Bhede visese gāmantetaṃ sāmāññaṃ visesāpekkham ‘gāmamāsīsati, jahāti, gato’ ti, tathā ‘gato gāmaṃ, vanaṃ, gurukula’ nti vevamākaṅkhato-bhilasato tassa tu padhānapadassupasajjanapadassa ca yā pariplavamānatā anavatthitatā taṃ visese viṣiṭṭhe sambandhini nivesento paṭiṭṭhapento sambandhovānekappakāro kvaci sādhyasādhanabhāvalakkhaṇo kvaci pakativikārabhāvasabhāvo kvaci sassāmi sambandharūpo avachindati sambandhyantarato nivattetīti attho, yato-yamapekkhā vākyakāleyeva nirūpyate, tato yatthātthi padānamapekkhā, tattha samāsāvagama, yatra tu natthi, tatra na bhavatiyanupadiṭṭho visayavibhāgo ñāyateti bhāvo, bāle abudhetu nissāya vicitto samāsavidhānalopādīnānekappakāro paṭipattiyā sādhusaddaparijānanatthamupāyo sambhavati, paramatthato tu saddantarattā accantaṃ [aññattaṃ] vākyasamāsānam bhedo, na hi vākye diṭṭhapadāni samāse santi, tathā ca vuttam—

Bāle nissāyupāyo-yam, vicitto paṭipattiyā;
Bhedo vākyasamāsānam, ccantaṃ [ññattaṃ (potthake)] saddantaram yatoti.

Atoyevāti yato sāmāñña vuttepiyassayena sambandhotena saha tadekatthambhavatīti sambandhato viññāyatīti nāniṭṭham kiñcipīha hoti, atoyeva hetutoti attho. Byapekkhā sāmattiyapariggahāyati padānamaññoññākaṅkhā byapekkhā, sāva sā matthiyam, tassa pariggahāya. Samatthavacanaṃ na katanti pāṇinīyehi viya ‘samattho padavidhī’ ti (pā, 2-1-1) samatthavacanaṃ na kataṃ. Samattho pada vidhīti paribhāsāyamamattho ‘vidhīyate [vidhīyatīti (potthake)] vidhi, padānam vidhi padavidhisamāsādi, yokocīha satthe padavidhi, so samattho viggaha vākyatthābhidhāne (satti) veditabbo’ ti, tādīsaparibhāsāya byāpārato tesam ‘passa devadatta gāmaṃ, gato yaññadatto gurukulam’ tyādo nāniṭṭhappatti, sāmattiyāñcetta dvidhātyupagamyate vākye byapekkhāvuttiyamekatthībhāvo ceti [vuttiyamekatthībhāvo vākye byapekkhāceti (potthake)]. Tattha paṭhamassa pariggaham vacanamantarena paṭipādiya dutiyassa pariggahamidāni vacanena paṭipādayamāha- ‘ekattī bhāvo’ ccādi, ekattībhāvo bhinnatthānam sādharāṇatthātasena pavattiviseso, vākye hi sādharāṇatthāta natthi bhinnatthattā, atoyevetta bhedanibandhanā chaṭṭhyupajāyate ‘rañño puriso’ ti, vuttiantūbhayapadabyavacchinnatthābhidhānato sādharāṇatthāta bhavati, idaṃ vuttam hoti ‘samāse visesaṃ visessamanupavīsati ekībhavati visesaṃ, vākye tu visesaṃ visessato visumyevā vatiṭṭhate’ ti. Dvandasamāsassa tu padānam visesaṃ visessābhāvepi sakalapadatthappadhānatā ‘rañño go ca asso ca puriso cā’ ti vākyato ‘rañño gavāssa purisā’ ti samāsassa viseso ekattī bhāvalakkhaṇo bhavatyeva, tathāhi tattha vākye bhinnatthanibandhana samuccayapaṭipādanāya casaddo payujjate, samāse tu nappayujjate, ekattha vacanenevāti ‘syādisyādīnekattha’ tyekatthavacaneneva, ekattībhāvoyeva bhavatiṭṭhe seso, evakāro na vākye tathāhi dīpeti. Vākye kathanti āha- vākye’ tiādi.

Vākyeti viggahavākye, visesena gayhati ñāyatyaneneti viggaha- ho, so ca taṃ vākyam ceti viggahavākyam, visesena vā gahaṇam viggaho, tadattham vākyam viggahavākyam, tasmim, kāyam byāpekkhāti āha- ‘bhedaḍilakkhaṇā’ ti, ādisaddena saṃsagga bheda saṃsaggānaṃca gahaṇam.

Tattha sātārehi sāmāntarehi ca byāvutti chedo, saṃvisesa sāmivisesānam sambandho saṃsaggo, tadāha- ‘tathāhi’ ccādinā, bhedako byāvattako, atthagahitoti kāraṇavasena bhedaḍvādīnā gahito, yadecādinā saṃsaggavādīno-dhippāyamāha yadā tūbhayampiccādinā ubhayavādīno, abhimatoti ‘pākkaḍārāsamāso’ ccanena (2-1-3) pāṇinīnā icchito. Pākkaḍārāti ‘kaḍārā

kammadhāraye’’ccanena (2-2-38) kaḍārāsamsaddanā pagevāti attho.

‘Putha bhinno attho yesaṃ padānaṃ tāni puthagatthāni, vākye hi rañño puriso tettha rājasaddo rājatthameva vadati, purisasaddo purisatthameva, vuttiantu rājapurisotettha rājasaddopi purisatthameva vadatīti dvinnamekatthībhāvo bhavati, aññoyevāvayavatthānvito samudāyattho pātubhavatīti tadapekkhāya cekatthībhāvo vuccate, jahamānasakatthavuttimabhyupagamma vuttaṃ- ‘visesanassa sakattha pariccāgene’ccādi, atoyeva paro codessati ‘nanu ce’ccādinā. Ekatthībhavanam samasananti iminā ekatthanti samāsoti nāttantantanti dīpeti.

Jahamānāni padāni sakattham yassaṃ (sā) tathā vuttā, nāccantāya jayātīti evammaññate “pariccāgamattamabhisandhāya jahamānasakatthamtyuccate, na tu sabbathā pariccāgoparopakārāya tassopādānato, sabbathā ca sakatthapariccāge paropakārāsampādānato-nupādānameva payoanābhāvā tassa siyā’’ti, thapati vaḍḍhatī. Atthanti rājasaddavāccam. Accantapariccāgepi na doso... vākye diṭṭhassupasajjanassa vuttiam soye vāyantyanvayāvasāyato tadatthāva gatiyāti dassento āha- ‘atha ve’ccādi.

Soyevāyantyaḥjhasāyo-nvayo, soye vāyam rājasaddo yo vākyatāle diṭṭhoti vohārīnamekattāvasāyenāsatyapi (rājasaddassa)ttthe purisassa visesanambhavissatīti bhāvo, ettheva diṭṭhantamāha- ‘yathe’ccādi.

2. Asaṃ

Abyayanti yadaññesaṃ pasiddhanti liṅgavacanabhedepi byayarahitattā upasagganipātānaṃ parehi abyayasaññākaraṇato abyayanti paresaṃ pasiddham, tesantvayam samāso abyayatthapubbaṅgamattā anabyayam abyayambhavatīti abyayībhāvo pasiddho, asaṅkhyassa sutattā tasseva vibhatyatthādayo visayabhāvena visesanāntīti viññāyantītyāha- ‘asaṅkhye’ccādi, iminā nemesamāsattāti dīpeti.

Tāvasaddassa kamavuttiam yo-ttho sampajjate tamāha- ‘vibhatya’ccādi, vibhatyatthe udāharitvāti vibhatyatthavisaye vattamānassasaṅkhyassa itthisaddena samāsamadhitthīti uvāharitvā, nīccayamāsāna maviggaho, asakapadaviggaho vā yutto, aññathā anīccatāpattītyāha- ‘nīccasamāsattā’iccādi.

Asakapadena anattaniyapadena aññapadena viggaho asakapadaviggaho, tena, ettha hi yathā kumbhassa samīpaṃyaññapadavākye samīpa saddenupasaddavacanīyassa vuttattā upasaddo nappayujjate, yathā itthī sūti ethādhisaddavacanīyassā (dhā)ratthassa sattamiyā vuttattā nādhisaddoti ‘itthīsū’’ti aññapadavākyam vuttaṃ, kathāpavattāti tvādheyyo padassanaṃ, evaṃ sabbatthoneyam, asakapadaviggahenāttova vutto,

Adhisaddassa pana puratovaṭṭhitassādhāre vattamānassa taṃsamānādhikaraṇena sattamyantenitthisaddena saha samāsoti dassetumāha- ‘adhisaddo’ccādi.

Syādilopoti adhisaddato itthisaddato ca paresaṃ sattamī bahuvacanānaṃ lopoti attho. Atta (bhāva) sampattīti sarīrasampatti adhippetāti brahmasaddassa sarīraṃ atthoti āha- ‘brahmaṃ sarīranti, katthacī uttarapadatthappadhānattāvāsaṅkhyasamāsassa ‘sampannaṃ brahma’nti viggaho vutto.

Samāsavibhattiyāti samāsato uppannavibhattiyā, sakalo padesasakalo, pariggahāpekkhāti abhyupagamāpekkhāyāti attho, abhyupagamepi hi pariggahasaddo-

Sapathe parivāre ca, mūlābhyupagamesu ca;
Ravimhi rāhugahite, dāresu ca pariggaho’’ti nighaṇṭu.

Sakalassa bhāvo sākalyam-sakalasaddappavattinimittam, tampana nissesa [\[matanissesa](#)

([potthake](#)) ggahaṇā puthu bhavatītyāha- ‘asesaggahaṇa’nti, tiṇānaṃ sākalyanti viggaho, tiṇasaddena hi tiṇasahitāni gahitāni, teneva vakkhati byatirekanaye- ‘taṃ sabbaṃ tiṇasahitamajjho-harati’ti, satiṇamajjoharatitettadhippāyattha māha- ‘yāvā’tiādi.

Tiṇasaddo upalakkhaṇaṃ sesā-najjohāriyānaṃ, tenāha ‘tiṇādikampī’ti. Pariggahāpekkhāyantabhūtassa gahaṇatthaṃ ‘‘abyayaṃ vibhattisamīpā’’disutte ‘sāgyadhīte’ti nipphādanatthamantavacana mudāhatampāṇinā, tampi sākalyeyevāharitum [[sākallenodāharitum](#)] sāgyadhītetyūdāhaṇanti dassetuṃ ‘tato’tyādi vuttaṃ.

Tatoti yato sakalasakale na vattati, pariggahāpekkhāya samattiyā antato sakāsā sākalyaṃ na bhijjati sambandho, samattiyampi ante udāharaṇanti seso.

Aggipariyantanti aggiattho gantho tādatthiyā aggi, sopariyanto-ssa ajjheyassāti aggipariyantaṃ, yattakassājjeheya pariggaho, tassa aggi pariyanto, agginā pariyantabhūtena sahito sakaloti viggaho, agginā sākalyanti vā.

Saddikānanti byākaraṇaññūnaṃ. Atthābhāveityatthaggahaṇaṃ itaretarābhāve dhammābhāve ca mā siyāti, atoyeva coccate ‘athetaretarābhāve’iccādi, itarasmim itarassa abhāvo itaretarābhāvo, go asso na bhavatīti hi atthantarattaṃ nisedhīyate, na vatthubhāvo, brāhmaṇo na bhavatītyatrapibrāhmaṇattadhammo nisedhīyate, na vatthubhāvo, parattātiādinā vippaṭisedha visayamāha.

Atikkamābhāveti ettha atikkamāti pañcamiyā asamāsaniddesoti āha- ‘atikkamā’ti, na panuppannassa pacchāti iminā atikkamābhāvo nāma uppannassa pacchā abhāvoti dasseti.

Nittiṇanti uttarapadatthappadhāno-saṅkhyasamāso. Sampatisaddassa sāmāññavacanattepi idhāhippetam kālam dassetuṃ māha- ‘upabhogasse’’ccādi, upabhogo kammāsādhano lahupāvuraṇassa nāyamupabhogakāloti viggaho, (ati) lahupāvuraṇanti rūpasiddhīti dassetuṃ lahupāvuraṇassātiādi vuttiyam vuttaṃ.

Yoggaṃ rūpanti viggaha anurūpaṃ, nanu cātra niccasamāsattāsapadaviggahena bhavitabbaṃtīyāsāṅkiyāha- ‘vicchāya’miccādi, anusaddena hi yoge vicchāyaṃ ‘‘anunā’’ti (2-10) dutiyā vidhīyate, vākyeyevāssa ca payogo nāññatreti vākyampi bhavatīti maññate. Sakikhīti etthāpi ‘‘akāle sakatthe’’ti (3-81) sahassa so.

Sadiso kikhīyāti ettha kikhīyā pasiddhabhūtāya sādhiyassa sādhanabhāvena gahitāya sadhammattena koci sādhiyo sadisoti vuttoti kimidha sadiso appadhānaṃ [[padhānamevāti attho](#)] tathā sati puppapadatthappadhānenāsāṅkhyasamāsenā sakikhīti ettha na bhavitabbanti āha- ‘nanuce’tyādi, kikhīyāti sambandhe chaṭṭhī, ettha pana sadisattassa kikhīyā-ppaṭibaddhattappadhānattaṃ. Netadatthītiādinā yathāvuttaṃ codanaṃ pariharati.

Yathā devadattoti ettha yadi samāso bhavye, devadattena sadiso yathādevadattanti bhavye, paṭisiddhattā pana (na) samāsoti, kikhīti makkaṭassābhidhānaṃ. Jeṭṭhānukkamenāti vuttattā anujeṭṭhanti tatiyantatā gamyate. Cakkena yugapadi sacakkaṃ.

4. Yāvādhāraṇe

Amattānaṃ yattako paricchedo yāvāmattaṃ.

5. Payyapābahitiro purepacchāvāpañcamyā

Pañcamyāti kasmā vuttaṃ nanu avuttepi tasmim vakkhamānanayena pañcamyantattā pañcamyanteheva samāso viññāyatītyāsāṅkiyāha ‘yadi’ccādi. Tathāpiccādinā pariharati, hotu kāmam ‘paripabbataṃ vijjotate’ti dutiyānisedhāya, aññatra kathanti āha ‘iha ce’tyādi.

Ācattāro vāti āsaddo vākye, saraṇe vā, **gāmo** bahi tiṭṭhatīyattho, purato gāmampassāti vadanto puretyatthappaghānoyanniddeṣo, nasarūpappadhānoti dasseti, abhimukhe gāmampassātyattho. Avuttānametānyupalakkhaṇāni, tasmā ‘tiro gāmampassā’ tipi vuttaṃ hoti, tīriyato gāmampassa, pacchato gāmampassāti attho.

Apasaddayoge niccapañcantassa vikappena samāsavidhānāvābhavanenodāharaṇaṃ dinnam (ettha) pañcamyāti payoḥjanābhāvepi aññadattham kariyamānamihāpyatthavantaṃ hoti.

6. Samī

“Anu yaṃ samayā” ti (2-1-15) ca “yassa cāyāmo” ti (2-1-16) ca pāṇinino vacanadvayaṃ, ayametesamattho “yassa samayā samīpavācī anusaddo, tena saha samassateti ca, anu yassāyāmvācī, tena syādyantena saha samassate” ti ca. Vatthuto tu sāmīpyāyāmvantānamaniddeṣepi sāmattihiyā tadākkhepoti dassento āha-‘sāmīpyāyāmāna’ miccādi.

Sambandhittāti sambandhisaddā sakatthamiva niyatapaṭiyoginamākkhapanti... tena vinā tesam sakatthābhāvā. Āyāmo dīghatā, “yassa sāmīpyāmesvanu” ti yathāvuttasuttadvayamākkhepenupadisati, vanassa sāmīpyamanuvanaṃ, “asaṅkhyam vibhattisampattisamīpa” icceva (3-2) siddhepuna sāmīpaggahaṇam vikappattham, tena vanassānuti vākyenāpi bhavitabbaṃ.

Gaṅgāya āyāmo anugaṅgaṃ, bhāgavuttikāro “lakkhaṇene” ti vattate. Yassāyāmvācī anu, tena lakkhaṇena samassate anugaṅgaṃ bārāṇasī, gaṅgāya lakkhaṇabhūtāya pasiddhāyāmaguṇāya bārāṇasī lakkhīyate yāvāyatāyāmā gaṅgā tāvāyampīti sabhāvato tūpamānopameyyabhāvo samāse paṭiyate gaṅgā viya dīghā” ti lakkhiyalakkhaṇabhāvaṃ vaṇṇeti. Evaṃ sati bārāṇasīti paṭhamā nopapajjati maññamāno āha-‘gaṅgāyā mena yuttā “tyādi. Anugaṅgaṃ bārāṇasiyāti bārāṇasiyā gaṅgāyāmo lakkhaṇanti attho.

7. Tiṭṭha

Akatasamāsācāti anena iminā katasamāsataṃ dīpeti, tiṭṭhantīti idaṃntappaccayantassātthapadanti dassetumāha-“ntokattari vattamāne” ticcādi, (5-64) āyatītimassāttapadaṃ āyantīti, pumbhāvābhāvo nīpātanā, akāro ca nīpātanā “gotva catthe cā lope” tyatra (3-46) ‘nāññāsāṅkhyatthesū’ tyanuvattanato.

Lūnayavādīnamettha nīpātanā kālepi napuṃsakaliṅgattaṃ, saṃhaṭāyavā yasmim kāle saṃhaṭāyavaṃ, ummattagaṅganti saññāyamaññāpadatthe vādhikārepi niccasaṃsāso, na hi vākyam saññāti, ādisaddena ‘samassa sobhanattaṃ susama’ miccādīnaṃ saṅgaho, pabhāvanaṃ pakāsaṃ.

8. Ore

Oram gaṅgāya, pāram yamunāyāti samāse kate nīpātanā ekāro, teneva vuttiyaṃ vuttaṃ ‘ekārantattaṃ nīpātanato’ ti, vuttivikappanatthototi vuttiyā vikappo attho yassāti viggaho.

10. Amā

Socekattībhāvo viṣiṭṭho-bhimatoti sambandho, muhuttanti accantasamyoge dutiyā, pādīsamāsaṃ katvāti āsaddassa harasaddena vuttisaddena [vuttipadena (pañcīkā)] kiriyākyāpyateti asatyupasecanādīkiriyaṃ saṅkhāraṃ saṅkhāriyaṃ vā na bhavati, atthiceha tadubhayaṃ, tato tesam sambhavāyeva samāsantobhūtākiriyaṃ gamyateti maññate, tathāhi dadhibhojanamtyādo vutte adhyādīno saṅkhārakattaṃ bhojanādīno ca saṅkhāriyattaṃ paṭiyate, na copasekādimantarena saṅkhāriyasaṅkhārabhāvo-tthīti sāmattihiyāyevupasekādīppatīti.

Tadapekkhāyāti gammamānopasecanādīkiriyaṃpekkhāya. Pāṇiniyehi atthena ‘etassida’ nti atthe

niccasamāso-bhimato sabbaliṅgatā ca, tathā vacanābhāvamiha manasikatvā ‘katha’miccādinā vutti yaṃvuttaṃcodakavacanamāharitvā tatthādhippāyaṃvivarati ‘evamaññate’ccādinā, vidhānaṃ katanti evamaññateti sambandho, tattheccādinā añña padatthe bhavissatīyettādhippāyaṃvivaranto niccasamāsataṃ sabbaliṅgatañca paṭipādayati, vākyanivattisiddhāyevāti.

Atthasaddenāvagatatthātāya etassāti vattumayuttanti ‘etassa attho’ti vākyanivatti siddhāyeva, kathañcipi catutthiyantā bhinnatthassa samāse katepi tattha virodhamāha- ‘catutthiyantasse’tyādi.

Vacanampīti “atthena niccasamāso sabbaliṅgatāca”iti (3-1-36) vākyakārena paṭiṭṭhitavacanampi, pāṇinīyānaṃ ‘etassa ida’nti atthe samāse kate yo-ttho sampajjati, aññatthasamāsepi soyevatthoti dasseti ‘yo’ iccādinā, anupādāparinibbānanimittam vāyāmocchādinā yojetabbaṃ... taṃnimittatā vāyāmādinam, tesam kathādīnanti ettha tesam vāyāmādinanti vattabbaṃ... vāyāmotyādinā vuttatā so ca tannimittam hoteva, ayametthādhippāyo “etassa idanti vākye atthena samāse sabbaliṅgatā ca ‘etadattho etadatthā etadattha’nti vāyāmādayo ca samāsattā honti, etaṃ anupādāparinibbānamattho payojanametassa etissā etassāti aññapadatthepe esaṃ padānaṃ soyevatthoti nātthabhedo”ti.

Idaṅca “avippaṭṭisāratthāni kho ānandaṃ kusalāni, avippaṭṭisāro pāmojjatthāya...pe... vimuttiñānadassanaṃ anupādāparinibbānatthāya etadattho vāyāmo etadatthā kathā etadatthā mantanā etadattham sotāvadhāna”ntiādi (tikaṅguttara, ānandavagga) pāḷiṃ nissāya vuttam.

Pāṇinīyehi “kattukaraṇe kitantena bahula”nti (2-1-32) kitantena tatiyāsamāsavidhānā tattheva bahulaggahaṇena ‘gāmaniggaṭā’ dīsu samāso vutto, tenetthāntodāharaṇānaṃ dvinnamadhikattam, samāsābhāvo-bhimatoti pāṇinīyehi “pūraṇaguṇasuhitattahasadabyayatabbasamānādhikaraṇene”ti (2-2-11) sutte guṇa itivacanenābhimato, saditi saññā tesam ntamānānaṃ.

So kathanti iha ‘bhāvatittatthehī’ti bhāvappaccayanteneva samāsapaṭṭisedhavidhānā ‘brāhmaṇassa sukkā’ iccādo so samā sappaṭṭisedho katham sijjhatīti attho.

Guṇattaniyevāti guṇasabhāve eva, abhimatoti vāttikakārassābhimato “tadavaṭṭhehi ca guṇehī”ti, tasaddenāssa guṇassa parāmāso tasmimyeva guṇe avatiṭṭhantīti tadavaṭṭhā, guṇeyeva guṇātiṭṭhanti na kadācipi soyamityabhedā dabbavuttayo sukkādayo viya te tadavaṭṭhā guṇā gandhādayo, tadavaṭṭhitehi guṇehi chaṭṭhī samassateti vattabbanti attho.

Ābhimatoti “pūraṇā”disutte abyayaggahaṇena, devadattassāti chaṭṭhiyā gurumhi sāpekkhattepi gurusaddassa sambandhisaddatā sakatthe [vākye] viya vuttiyam byapekkhā-yāhānito vuttisabbhāvaṃ vacanantarena sādhetumāha- ‘tathācāhū’ti.

Sātthevāti sakatthe viya, assāti sambandhisaddassa, sāmattiyam gamakattañcatthīti padānamaññoññāpekkhālakkhaṇam sāmattiyam sāmattiyābhāvepi viggahavākyatthassa gamakattam vā atthīti attho, guruno kulaṃ dāsassa bhariyāti viggaho, athātra brāhmaṇassa ucce’iccādo sāmattiyam gamakattam vā natthīti kuto-vasitam, yena tadābhāvātra samāsābhāvo vaṇṇiyateccāha- ‘sāmattiyādinotvi’ccādi.

Samāsābhāvo-bhimatoti “pūraṇā”disutte samānādhikarassāpi upādānato. Sehīti attaniyehi, nābhimatoti “cayuttehi sehi asamāsītehi chaṭṭhīsamāsappaṭṭisedhovattabbo” (vā) tyanena, puthagattatāya [bhinnatthātāyaṃ-vutti] miccassavivaraṇam gavādīnamasamāseti, evamassādīnam samāsenānti sambandho.

Yogīnanti itarītarayogīnam, anenaretarayogacattasamāsam vadati. Vuttihotītyassa vivaraṇam chaṭṭhīsamāso bhavatīti, ekatthībhāveiccassa vivaraṇam gavādīnañca cattasamāse satīti.

Ruḷhittāti samāsasseva kīlavācakattena jīvikāya ca paccāya kattena pasiddhattā, na vākyassāti ‘uddālapupphabhañjikā’tyādo ruḷhivasena niccasamāso bhavissatīti tatra kiṃ vacaneti maññate, sarasi ruḷhanti viggaho.

Ayampana amādisamāso kammadhārayadigusamāsāti sabbepi paresaṃ tappurisasadisattā tappurisa, yathā hi tassa puriso tappurisoṭi uttarapadatthappadhāno, tathā te siyuṃ, saṅkhyāpubbatta napuṃsakattasāṅkhātehi dvīhi lakkhaṇehi gacchati pavattatīdigu.

11. Vise

Kintaṃ visesana micchāha-‘yami’ccādi, yaṃ avatthāpayati taṃ vuccatīti sambandho, kintaṃ visessamicchāha-‘yadaneke’ccādi, yaṃ avatthā piyate tamabhidhiyateti sambandho, nanvekatthenetyuccamāne visesseneti kathamavagamyate, yato evaṃ vivaritavā tyāsaṅkiyāha-‘yadipi’ccādi.

Sambandhisaddattāti evaṃ maññate “sambandhisaddā sakatthamiva niyatampaṭi-yoginamākkhipanti... tena vinā tesāṃ sakatthassāsambhavāti, vivaritavāti vivarittha, ekatthenetiṃmassa samānādhikaraṇena saha samāso hotīti evaṃ sājjhāhāro attho veditabbo, atthasaddassānekattattā viseseti ‘attho abhidheyyo’ti. Kathaṃ tenattho vuccatītyāha-‘adhikariyati’ccādi.

Visessassa samānādhikaraṇattaṅca visesanāpekkhanti sambandho. Visessasaddassa visesanena saha samānādhikaraṇattaṃ visesana saddāpekkhanti evamettha attho daṭṭhabbo, tattha kāraṇamāha-‘sambandhā’ti, adhikaraṇassa samānattaṃ nāma bhinnānaṃ sambandhīnaṃ bhavati, sambandhino ca sambandhamantarena na hontī [hoti (potthake)] ti visesanavisessānaṃ sambandho viññāyate, evaṃ viññātā tasmā sambandhāti attho.

Saddabyatirekena hettha atthānaṃ visesanavisessabhāvo na sambhavati, tathā hi ‘nīlamuppala’nti pañca vatthūni sannihitāni nīlanti nīlattaṃ guṇasāmaññaṃ, nīlo guṇo, tadādhāro dabbanti tīṇi, uppalanti uppalattaṃ uppalajāti, dabbāṅca tannissayoti dve.

Tattha uppalajāti guṇajātīnaṃ [nīlajātiuppalajābhaddhanaṃ (kātantaṭikā)] tāva na sambhavati visesanavisessabhāvo jātiyā nigguṇattā, nīlattaṃ ca nīlaguṇe samavāyino, uppalattaṃ ca uppaladabbe samavāyino samānādhikaraṇattampi natthi, uppalajātiyā nīlassa ca guṇassa atthi samānādhikaraṇattaṃ... nīla muppalanti pavattinimittānaṃ uppalajātīnīlaguṇānamekamadhi karaṇaṃnissayoti, visesana visessabhāvo tu natthi jātiyā anīlattā, guṇadabbānantu sambhavatīvisesanavisessattaṃ dabbassānekaguṇattā, samānantu tesamparamadhikaraṇaṃ tatiyaṃ natthi, yena samānādhikaraṇattaṃ siyā, evaṃ nīladabba uppaladabbānampi aññaṃamaññaṃparihārena vattumicchitānaṃ na visesana visessabhāvo, nāpi samānādhikaraṇattaṃ, kasmā aññaṃamaññaṃsambandhato apekkhābhāvato, vuttapaṭipakkhato pana vakkhamānanayena saddānameva samānādhikaraṇaṃ visesanavisessattaṅca veditabbaṃ, tenevāha-‘atoyeve’ccādi.

Atoyevāti yato visessassa samānādhikaraṇattaṃ visesanāpekkhaṃ, atoyeva hetutoti attho, bhinnanimittappa yuttānamevāti sāmāññaṃ nīlaguṇādhāre dabbe guṇeyeva vā nīlasaddassa, uppalasaddassa ca sāmāññaṃ guṇavati dabbe vattamānattā aññaṃamaññaṃsu bhinnesu saddappavattiyā kāraṇesu payuttānaṃ saddānameva [niṭṭhānameva (potthake)].

Samānādhikaraṇattanti nīluppalasaddānaṃ visuṃvisuṃ yoge viṣiṭṭhadabba vācittassāsambhavā, nīlaṅca taṃ uppalāṃ ceti sāmānādhikaraṇe sannipatite satī sambhavā evaṃ tattha viṣiṭṭhe vatthumhi pavattānaṃ tesāṃ samānatthātā, evakārena byavacchinnamatthaṃ dassatumāha-‘natvabhinne’ccādi.

Nanucetyādi codyaṃ, sīsampātīti sīsapā rukkhaviseso, nayida mevamiccādi parihāro.

Atha tucateiccādinā parassa vacanāvākāsamāsāṅkate, visesavuttīti phalassa rukkhassa ca sāmāññasaddattā bhāvena visese vutti, imesanti sīsapādīnaṃ na samodhāritāti na nicchitā, sāmāññavuttiyeva samodhāritāti adhippāyo, avasitā nicchitā vutti yesaṃ sīsapādīnaṃ te avasitavuttayo, payatanaṃ vinā tadā pappoti cāti sambandho, payatananti ‘sāmatthiyaladdhepivisesse’tivacanaṃ. Tañcanatthiccādi parihāro, sarūpamattakathanāyāti vuttatthānampi sarūpamattakathanāya ‘pūpe bahū ānaye’ti yathā, evaṃ jātiyakanti

sarūpakathanappakārayuttam. Upasaṃharamāha-‘tadeva’ miccādi, nipātasamudāyovāyaṃ vuttana pakārenetyassa atthe vattate.

Aññatarasambhavepi tannivattiyā vacanasabbhāvaṃ dassetumāha- ‘athapi’ccādi, aññatarasambhavepīti visesanassa visessassa vā sambhavepi, yatrāpyubhinnamatthi visesanavisessabhāvasambhavo tatthapitāva bahulaṃvacanatova nivatti hoti, kimpanā-ññatarasambhaveti dassetumāha-‘yathā puṇṇo’iccādi, ettha pana aññepi puṇṇanāmākā santīti byabhicārasambhavā ubhinnampi visesanavisessabhāvasambhave bahulaṃvacanameva samāsaṃ nivatteti, evaṃ vidhepīti aññatarasambhavepi, na kevalaṃ visesanavisessabhāvasambhave, atha kho evaṃ vidhepyañña tarasambhavepityavisaddassa attho.

Yajjevamiccādi paccekaṃ visesanavisessabhāve sati anīṭṭhā pādanacodanā, paccekaṃ visesanaṃ siyā ubhinnampi visesanattā, tattha dosamāha-‘visessassaca pubbanipāto’ti, co-vadhāraṇe, vattabbantarasamuccaye vā, kutoccāha- ‘nāggahite’ccādi, iti kāraṇe, ato kimaniṭṭhamāyāta miccāha-‘uppalanīlantipi siyā’ti, itthañcarahi kintyāha- ‘nīluppalanti ce’ccādi. Parihāramāha-‘nesadoso’ccādi, upapattyantaramāha- ‘atha ce’ccādi.

Aññamaññānupakārittāti aññamaññassa visesanavisessatte nānupakārittā sappadhānattāti attho, atha dvinnampi appadhānattaṃ kasmā na siyā tyāha- ‘appadhānattepi’ccādi, sakasakappadhānāpekkhāvantaṇanti sakesake padhāne attani apekkhāvantaṇaṃ. Atha kuto dabbasseva padhānattamasitaṃ, na tu guṇasseyāsaṅkiya ñāyamupanissayati ‘atha ce’tyādinā. Chāgotyajo vuccate, taṃ setavaṇṇamālabhetha māreyya, phusanaṃ vā kareyyāti attho, āpubbo labhi hi māraṇe phusane ca vattate, desanāyanti [codanāyanti codanāvākya (potthake)] vedavākyeti attho, kuto chāgato-ñño nālabbhateccāha- ‘na hi’ccādi.

Chāgābhāveti setaguṇayuttassa chāgassābhāve, piṭṭhapiṇḍimālabbhāti setaguṇayogena viṭṭhapiṇḍim ālambha, na ca nālabbhate tasmā guṇo appadhānanti ajjhāharitabbaṃ.

Puna codento āha- ‘nanu ce’ccādi, athetyadhippāyamāsankate, anīṭṭhamāpādayati nīlasaddepi pasaṅgo’ti, kutoccāha- ‘sopihi’ccādi, idaṃ vuttaṃ hoti- ‘‘uppalasaddo jātivācī, na tu dabbavācī, jāti visitṭhadabbavācittā yadi dabbavācīti vuccate, tadā nīlasaddopi guṇavisitṭha dabbavācittā dabbavacanamāpajjati imesaṃ na koci viseso’’ti, pariharanto āha ‘nedamatthi’ccādi, apāyino apagantāro dabbāti gamyate, kutoccāha- ‘satīpi’ccādi, iti kāraṇe.

Visesanamekattheneti siddhepi papañcatthaṃ paripphuṭatthañca udāharaṇabahuttaṃ dassetum pāṇiniyehi bahuṃ suttitaṃ, sabbassetassa paccakkhātabhāvaṃ dassetum vuttiyamudāharaṇamattaṃ dassitaṃ, tadidāni byākhyātukāmo āha- ‘pubbakāle’ccādi, chinnoca visesanantī sambandho ‘‘pubbakāleka sabbadhurapurāṇanavakevalāni samānādhikaraṇene’’ti (2-1-49) te samettha suttam, tatthekādīnaṃ vuttiyamudāharaṇāni na dassitānyupalakkhaṇatova viññāyantīti dassetumāha-‘eke’ccādi, eko ca so purisocātyādinā viggaho upalakkhaṇattāyeva ca ‘satta ca te isayo ca sattisayo’ccādikañca daṭṭhabbaṃ.

Upamīyate paricchijjate-nenetyupamānaṃ, upamīyatītyupameyyaṃ, tesam upamānopameyyānaṃ sādharmaṇo yo dhammo sāmātātena visitṭhaṃ yadupameyyaṃ, taṃ vacanenetyattho upamānopameyyaccādi kassa, samāso bhavatīti seso, kāraṇamāha- ‘visese’ccādi, visēpariggahāti visesanantyeva sāmāññena pariggahā, evambhū tassāpīti upamānarūpassāpi. Nanu satthīsaddassasatthiyaṃ vutti sāmāsaddassa tu devadattāya, ato byadhikaraṇattā kathamettha samāsoccāsaṅkiyāha- ‘yade’ccādi, samāno dhammo sāmattādi yassa so sadhammo, tassa bhāvo sādhammiyaṃ sāmattaṃ, tasmā devadattatthe vattate upacārasena, sāmāsaddopi guṇavacanopi sāmattaṃ vatvā saddhādittavasenābhedopacārena vā devadattāyaṃ vattate, nanu ca sāmāsaddassa devadattābhidhāne caritatthatāya satthī guṇena niddiṭṭhātyaniyataguṇappatītippassaṅgo nekaguṇādhārattā satthiyātyāsaṅkiyāha- ‘yadipi’ccādi.

Ihāti niddhāraṇe, etesaṃ guṇānaṃ majjheti attho, iha vā satthiyaṃ, sāmāguṇavantatāya sāmāyāti gamyate, pasiddhivasenāti satthisāmātyatropamānaṃ satthī, upameyyā devadattā,

pasiddhantupamānaṃ bhavati nāppasiddhaṃ... pasiddhasādhhammiyā sādhyu sādhanamupamānanti katvā satthiyeva sāmāṅguṇena pasiddhā na devadattā, tasmā sāmāṅgappasiddhiyāti attho. Sādhyute upamīyatēneti sādhanamupamānaṃ, sādhyate upadhīyateti sādhyamupameyyaṃ, pasiddhassa sādhammiyaṃ tena, sādhyassāppasiddhassa kassaci sādhanam sādhyasādhanam. Yatratviccādinā bahulaṃvacanasāmatthiyā sāmāññavacaneneva samāsasabbhāvaṃ vatvā aññenāsabbhāvamudāharaṇena phuṭayituṃ ‘phālā iva taṇḍulā’ tyādi āradhaṃ.

Taṇḍulasaddoti upameyyabhūtataṇḍulasaddo, taṇḍulattampi vatvā dabbe pavatto sāmāññavacano natu bhavatīti sambandho, dabbeti taṇḍuladabbe phāladabbe ca.

Upamānopameyyasādhāraṇasūrattādidhammavacanāppayogeti upamānopameyyānaṃ sādharāṇo yo visāradattādidhammo tabbacanassa ‘muni ayaṃ sīho viya visārado’ tyādo visāradādisaddassāppayogeti attho, kesañciti kesañci saddānaṃ majjhe, visessattameva phuṭayati. ‘Tathā ce’ tyādinā, visesanavisessānaṃ yathiṭṭhattā niccaṃ sīhādīnaṃ visessatāyeva vacanicchāti pubbanipātattāppasaṅgoti bhāvo, upapatyantaramāha-‘visesanasseve’ccādi, yadipi sīho visesanameva na visessaṃ, tathāpi bahulādhikārā visesanassāpi paranipātoti bhāvo.

Athātrāpi visesananteva samāsappaṭipādane’ muni ayaṃ sīhova visārado’ccādo sāmāthiyatova samāsāppasaṅgepi upamāno pameyyānaṃ sādharāṇavisāradattādidhammavacanāppayoge sati tappasaṅgābhāvattamaṃ vacanamārabbanīyanti codeti ‘nanuce’ tyādinā, sāmāthiyatoti sāmāññavacanāppayoge sāpekkhattā samāsāppasaṅgoti sāmāthiyaṃ tasmāti attho. Sāmāññāppayogattanti samāsavākye sāmāññavacanassa sūrattādi(no), appayogattamaṃ, tathā hiccādinā sāmāññasaddāppayoge sāmāthiyato samāsāsabbhāvā suttantarassānārabbanīyabhāvaṃ sādheti.

Visesānantabbhāvāti sāmāññassa samāse antobhāvepi tikhīṇattādito visiṭṭhassa sūrassādivacanīyassa visesassa samāse anantogadhāttā appasaṅgo sāpekkhamasamatthanti. Atheti ‘saccameta’ntiādiṃ paravacanamāsañkiya vadati, evamādisijjhanatthamaṃ samāsoti (ñāpanatthamaṃ) ārabbanīyambhavatīti sambandho.

Padhānassāti ‘raññopuriso-bhirūpo’ tettha abhirūpasāpekkhassa purisassa visesanattenevā [visesanam tenevā (potthake)] ppadhānaṃ, samāsāvayavabhūtaṃ rājānaṃ pati visessabhāvenāvīphalītasakatthatāya padhānabhūtassa purisassa. Ādisaddena ‘rājapurisassa dassanīyassa geha’nti saṅgaṇhāti.

Ettha hi gehampati visesanabhāvenāppadhānattepi rājānampati padhānabhūtassa purisassa sāpekkhassāpi samāso hoteva. Idañcañāpanatthamaṃ vacanārambhappayojanañca, kāraṇamāha-‘gamakattā’iccādi.

Gamakattāti viggahavākyatthassa vuttīyampatiyamānattā gamakattaṃ tasmā, naceha gamakattamatthīti ‘muni sīhova sūro’ tyatra tu vākyato yottho patīyate, nāyaṃ ‘muni sīho sūro’ tyato gamyateti gamakattaṃ natthī-ti attho, tathāhi munisīhasaddenevo pamānopameyyabhāvanimittassa visāradattassa sabhāvenevopādānato visāradasaddassa tena sambandhābhāvo.

Apavaggo nibbānaṃ, vākyameveti evakārena byavacchinnamatthampadassayamāha-‘vuttinivatte’ti bahulādhikārato viññāyati, nanu cātra visessabhāvāsambhavāppasaṅgoyeva vuttīyāti codeti. ‘Nanuce’ tyādinā.

Puṇṇatābyabhicārāti puṇṇatāsankhātassa bālādiavattāvisesassa avināppavattito byabhicārī hi visessambhavati yathā nīlatāyuppalaṃ, pariharati ‘nedamatti’ccādinā, mantāṇiputtānaṃ anekattāti kevalaṃ mantāṇiyā putto puṇṇoyevāti abhāvā tesamaṃ bahubhāvato, attano attano gahassa patayoti gahapatīnaṃ bahuttaṃ pākāameva.

Vuttīyeveti evakārena byavacchinnamatthamāha-‘vākyamaṃ nivatte’ti. Visiṭṭhajātivacanāti vuttaṃ kaṇhasappaṭijāyā lohitasālijāyā ca visiṭṭhattā.

Tacchako sappoti byākhyeyamupanikkhippacodayamāha- ‘nanu ce’ccādi. Tacchakabhāvānapetoti bālayuvattādisaṅkhātatacchakabhāvato abyāvutto, atthināmadheyoti tacchako nāma koci tannāmo atthi, kiriyāsaddoti tacchatīti tacchakoti evaṃ kiriyāya pavattinimittattenopādinno vaḍḍhakīvacī tacchakasaddo, evaṃ maññate ‘yathāvuttanayena viśesanavisessasabbhāvā samāseṇa bhavitabbaṃ, tathā sati kimidaṃ paccudāharaṇaṃ kata’nti. Atra kenaci na nāmadheyassetyādi nopajāyatevātyetadavasānaṃ vuccamānāmanudyataṃ nirākattukāmo āha-‘yopā he’ccādi.

Imassāyamadhippāyo ‘vuttanayena tacchakasaddassa kiriyā saddassāthavisayāpekkhāyābhāvato viśessatābhāvā paccudāharaṇamidaṃ kata’nti.

Kasmā ayuttamiccāha-‘yato’ccādi, nāmadheyassa kiriyāvācino ca atthābhīdhānasāmatthiyaṃ tulyaṃ vā na vā, avayavappasiddhiyā samudāyappasiddhi balavati vā navetyetaṃ vicāretuṃ yato nādhikatantyatto, kiñcarahi adhikatantyāha- ‘apitvi’ccādi, tacchakasaddonekatthavutti nānekatthoti vicāretumadhikatanti yojanā.

Evaṃ maññate- ‘viśesanavisessabhāvāvacintāyaṃ saddānamatthābhīdhānasāmatthiyāvacintā na yujjate ‘sati sambhave byabhicāre ca viśesanaṃ sātthakaṃ hotī’ti viśesanaṃ maggiyate, nāsambhave nābyabhicāre yathā sītaṃ (hīmaṃ) uṇhoggīti, tasmā sambhavabyabhicāracintā viśesanavisessabhāvāvacintāyāpuyujjātīti tacchakasaddo-nekathavuttivā na vetyetadeva vicāretumadhikatanti katthacipi viśesanavisessa sabbhāve samāso hotevā’nti, yadipi nāmadheyakiriyāvācīnamatulyamatthābhīdhānaṃ samudāyappasiddhiyā ca balavatitṭaṃ, tathāpi vakkhamānanayena samāsasabbhāvā na kāci hānīti dassetumāha- ‘ettha cā’tiādi.

Etthacāti keci pakkhe ca, kañci pīlamāvahatīti sambandho, kutoccāha ‘tathāhi’ccādi. Evaṃ maññate- ‘yadīpi samudāyappasiddhiyā sati kiriyāsaddatthavisayāpekkhā nopajāyate, tathāpi nāmadheyasseva tacchakasaddassāpyanekatthavuttittamattheva... sappavisesse manusse ca tannāmake nāmadheyassa tacchakasaddassa pavattisabbhāvā(ti) viśesanavisessasabbhāvato samāsappasaṅgo tadavattho yevā’nti, na kevalaṃ sappavisesasseva tacchakasaddo nāmadheyamapītu manussānampīti pisaddattho. Tacchakasaddassānekatthavuttitṭepi na samudāyappasiddhiyā avayavappasiddhībādhdhāti dassetumāha- ‘nacā’tiādi. Co-vadhāraṇe, kutoccāha ‘kiriye’ccādi. Kamenatthappasiddhīti yaṃ, etampāna sakkā viññātunti yojanā.

Yanti yaṃ pasijjhaṇaṃ, kamenāti bādhdhāvato anukkamena. Evañceti iminā nacetyādinā vuttaṃ paccāmasati... kimpaṭivihitaṃ siyā parihaṭaṃ siyāti attho, iti iminā kāraṇena ‘tacchako sappo’ti paccudāharaṇaṃ na yuttaṃ... tacchakasappoti samāsasabbhāvato adhippāyo, nedamevamiccādinā pariharati, yadā carati yathā vuttena viśesanavisessabhāvasambhavo, tadā kathaṃtyāha- ‘yadā viśesane’ccādi. Tadāpi kathaṃ vākyena bhavitabbamiccāha- ‘idañce’ccādi. Bahulaṃvacanatoyevāti adhippāyo.

Aññassāti kammani sambandhavacanicchāyaṃ chaṭṭhī. Avacchedakattāti ettha kattunā bhavitabbanti kāḷassāti kattari bhāvayoge chaṭṭhiyā ajjhāharitabbaṃ. Pattāpannehi dutiyantassa jīvikampatto jīvikā pannoti samāso ‘kāraṇaṃ bahula’nteva (caṃ-2-2-19) vihito dutiyantena tu tesāṃ samāsattamaṃ suttantaraṃ kataṃ parehi, atthañca tesamitthilingānampi samāseṇeva, kāranivattiyā, tathā māso jātasāti viggāhe parimāṇivācīnā chaṭṭhiyantena parimāṇavacanānaṃ kālasaddānaṃ, tadāha- ‘pattāpannāna’ miccādi, parimāṇaṃ māsādi paricchedo tamassatthīti parimāṇī jātādi.

Ettha hi māso parimāṇaṃ paricchedakattā, jāto parimāṇī paricchejjattā, pattā jīvikānenāti [patto jīvikanti pāṭhena bhavitabbaṃ] vacanicchāyaṃ yo-ttho so- ñāpadatthasamāsepyatinno vacanicchābheda mantarenāti dassetuṃ ‘aññāpadatthe bhavissatī’ti yaṃ vuttiyaṃ vuttaṃ, taṃ byākhyātukāmo āha- ‘vānekaññatthe icceva’tiādi. Aññattha samāse kate sabbattha ‘itthiyaṃ bhāsīte’ccādinā (3-67) pumbhāvo. Māso jātasāti vacanicchāyaṃ yo-ttho, so- ñāntatthasamāsepyabhinno vacanicchābheda mantarenāti dassetumāha- ‘yassa jātādino’ccādi.

Jātasaddassattamaṃ sampannoti, sampuṇṇotyatto, iminā ca māso jāto-ssāti viggahassa attho

dassito, aññathāti yadi māso tassa aññapadattassa jātādino sampuñño na bhātīti attho. Tattavantūnaṃ niṭṭhāsāññaṃ vidhāya tadantassaññatthasamāse “niṭṭhā”ti (2-2-36) suttena pubbanipāto vutto, tadāha- ‘nace’ccādi, pubbanipātappasaṅgo naca siyātisambandho, kutocāha- ‘jāti’ccādi. Kesañciti vākyakāramāha, naca yuttanti sambandho, kāraṇamāha- ‘visesana’meccādi, tathāhiccādinā visesanassa sātthakatte samāsabbhāvamabhāve cābhāvaṃ sādheti... chaṭṭhīsāmāse ‘sati sambhave byabhicāre ca visesanassa sātthakambhavatīti visesanassa sātthakattā.

Avacanepīti niyamavacane (a)satīpi, chaṭṭhīsāmāsappasaṅgo carahi vuttanayena byavacchejja byavacchedakattābhāvena visesanānatthakyā na bhavēyya ce vākyenāpi na bhavitabbanti āha- ‘vākyam tvi’ccādi. Ayampana visesanamāso parehi kammadhārayoti ñāyati... yathā kammaṃ kiriyaṃ payojanañca dhāreti evamayaṃ samāso kammamiva dvaṃyaṃ dhārayatīti.

12. Nañña

Etthevāti “ṭa nañssa”iti (3-74) sutteeva. Pāmanaputtotipāmā kuṭṭhaviseso assa atthīti pāmasaddā “dissantaññepi paccayā”ti (4-120) nappaccayo, pāmanassa putto, yadi hettha ñākāro visesanattho na karīyetha, tadā “ṭa nassā”ti suttaṃ karīyetha, tathā ca satyuttarapade parato pāmanasadde nakārassāpi ṭo

Siyāti bhāvo, nanu ciha samāsavidhimhi ña kāroccāraṇā ña lopa rahitassa samāso na bhavatīti vattumucitaṃ, na tu “ṭa nañssā”ti visesanatthoti [ññākāro etthova visesanattho, ti bhavitabba] saccam, kintvīha samāsavidhimhi ña kārassa byavacchajjaṃ na dissate.

Pariyudāsavuttīti pari tulitamuggayha nisedhanīyassa asanaṃ khepanaṃ vajjanaṃ pariyudāso, tena pariyudāsena viṣiṭṭhe-tthe vutti asseti pariyudāsavutti, pasajjappaṭisedhavuttīti paṭisedhanīyameva pasajja patvā taṃsadisamanapekkhiya nisedho, tena vutti asseti pasajjappaṭisedha vutti.

Yattha brāhmaṇā aññova bhavatītyevaṃ vākyenātthantaravidhānā vidhino padhānattaṃ, atthantaravidhānasāmatthiyeneva brāhmaṇassa paṭisedho paṭiyate, brāhmaṇassa [brāhmaṇassā (potthake)] nivattane tadapekkhāyāññassa vidhānayogato sakapadena nañkhyena vidhibhāgī na vuccate, kiñcarahi aññasaddena... pariyudāsaniṣṣayinoññasaddasseva vākye payogato’ añño brāhmaṇā abrāhmaṇo’ti, nañssaca syādyantena sāmatthiyaṃ, na tyādyantenetyekavākyatā... añño brāhmaṇā abrāhmaṇoti tattha tattha pariyudāsavuttittā.

Pasajjappaṭisedhetu paṭisedhassa padhānattā brāhmaṇo na bhavatīti vākyena brāhmaṇassa paṭisedho vidhi atthagammo vākyabhedo, sakapadena ca nañkhyena paṭisedhabhāgīvācī sambajjhate. Ko so brāhmaṇā aññoti āha- ‘brāhmaṇattāññāsito’ccādi.

Itarasminti pasajjappaṭisepekkhe, kenaci saṃsayanimittenāti upavītadassanādinā kenaci saṃsayakāraṇena, sabbampi padaṃ sakatthe payogampati ñāṇamapekkhate, tañca ñāṇaṃ dvidhā sammāñāṇaṃ micchā ñāṇaṇca. Ubhayampetabrāhmaṇasaddaṃ pavattayati. Tattha sammāñāṇa pubbake abrāhmaṇasaddappayoge natthi nañssa byāpāro, na hi tattha tena kiñci karīyati. Micchāñāṇapubbake tu vijjate tassa byāpā ro tattha hi tena micchāñāṇappabhavatā parassākhyāyate, micchāñāṇaṃ cendriyahetukaṃ, vinā sadisattaṃ na bhavatīti paṭisedhe sati uttarapadattasadiṣo samāsatto jāyateccāha- ‘tattha sadisattaṃ vine’ccādi. Rajjuyam hi sappabuddhi sadisattā.

Payogasāmatthiyāceti abrāhmaṇamānāyācēdīpayogasāmatthiyā ca. Evamaññate- “yadyatra brāhmaṇamattassānāyanaṃ siyā pubbapadassuccāraṇamanatthakaṃ siyā, atha na kassaci ānāyanaṃ evampi sabbassevā brāhmaṇasaddassānatthakattaṃ, tasmā payogasāmatthiyāpi sadisappaṭipattī”ti.

Taggatāti sadisatthagatā. Yathāvuttassevā-tthassupabrūhanāya viññūvacanamupaññassati ‘atoyeva vuccate’ccādi. Ayañcetha attho “nañvacanena ivasaddena ca yaṃ yuttaṃ tadanñāsmiṃ tappadattasadiṣe-tthe paṭipattiṃ janeti, tathāhyatthasampaccayo loke dissati ‘abrāhmaṇamānāyā’ti brāhmaṇasadiṣo khattiyādi ānīyatīti, adhikarīyati niyujjate saddo-smintyadhikaraṇaṃ. Yathāvuttena

ca byākhyānena kimitṭhaṃ siddhantiyāha- ‘tadeva’miccādi. Keci pana uttarapadattappadhānattamiha vaṇṇenti.

Samatthavādīnanti “samattho padavidhi” (pā 2-1-1) tvevaṃ vādīnaṃ. Samattha vādīnaṃ samāso vidheyoti sambandho, vidheyoti vacanantarena vidheyo, tathāhi apunageyyāti gāyanena nañssa sambandho, na tu punasaddatthena. Anokāsaṃ kāretvāti karaṇena sambandho na okāsenā. Amūlāmūlaṃ gantvāti gamanena, na mūlenāti asāmatthiyaṃ. Gamakattavādīnoti asāmatthiyepi yatra gamakattaṃ tatha samāso hoteva, tato gamakattañca samāsassa nibandhananti yo vadati tassetyattho. Etthāpīti apunageyyātyādopi, nanvayamapyācariyo gamakattavādī, tathāsati gamakattāiccanabhīdhāya bahulādhikārāti kasmāvuttanti āha-‘so ce’ccādi.

Kehicīti vuttigganthena byavacchinnamatthaṃ dassento āha- ‘kehiciyeva na sabbehi’ ti, apunageyyāti “ṭa nañssā” ti (3-74) nassaṭo, atippasaṅgābhāvato ti suttantarena samāse avihitepi anabhimatattānampatīyā abhāvato.

13. Kupā

Syādividhinoti kārakavibhattividhānato visuṃ itthambhūtādīsuvīdhānā syādividhītisaṅkhaṃ gatassa syādividhino, asyādividhimhīti pariyudāso-natthakoti codento āha ‘nanvi’ccādi, anattakam bhaveyya... lakkhaṇādyatthānaṃ samāse guṇībhūtattā samāsato kiriyāsambandhānurūpavibhattiyatthassa padhānabhāvato, pariharati ‘nayidameva’miccādinā. “Anunā” ti (2-10) vicchāyamanunā yoge dutiyā vidhānasāmatthiyā vākyampi hoti, aññathā nīccasamāse dutiyā vidhānamanattakanti bhāvo, nigamayati tasmāiccādinā, “ku pāpatthe” ti paresaṃ gaṇapāṭho, evamuparipi “dunindāyaṃ” tyādi vedītabbaṃ.

14. Cīkri

Cīsaddoti ettha cīti iminā cīppaccayantaṃ parāmasati, cīppaccayanta saddoti attho.

15. Bhūsa

Pītisambhamoti pītiyā sambhamo pītipubbikā paccuṭṭhānāsana dānādivisayā turitatā, alaṃbhutvā pariyattaṃ sampuṇṇaṃ bhutvā.

16. Aññe

Purobhūya aggatobhūya. Tirobhūya antaradhānībhūya. Anaccādhāneti imassa attho ‘upariyādhānato aññatā’ ti, ādhānaṃ patīṭṭhāpanaṃ, icchantīti pāṇiniyādayo icchanti, urasi katvā pāṇinti pāṇiṃ urasi katvā.

17. Vāne

Anekaggahaṇassa payojanaṃ vattumupasakkati ‘idhe’ccādi, vivacchitekasāṅkhyāsāmaññanti vivacchitaṃ ekasāṅkhyāya sāmāññaṃ, evaṃ maññate “yadi ‘syādi syādine’ ti vattumicchitekasāṅkhyāsāmaññassa pariggaho na siyā tadā ihānatthaka (maneka)ggahaṇaṃ siyā tenehāne kaggahaṇasāmatthiyāyeva ‘syādīsyādine’ ti vattumicchitekasāṅkhyā sāmāññampariggahitanti viññāyate” ti teneccādinā idaṃ dasseti “tena yathāvuttena pubbe vutto sabbopi samāso pubbaparānaṃ dvinnāṃyeva syādyantānaṃ hoti” ti.

Yajjevaṃ kathaṃ ‘tadahujāto’ ti bahulādhikārena visesana samāsagabbhakāraṅkasamāsena vā sījjhati, ayaṃ aññapadattasamāso. Catthe bahunnamiṭṭhattā tadatthañcānekaggahaṇaṃ, tena ‘hotu potu pitā puttā’ ti hoti uttarapade (yoni) sambandhe parato pubbapadassa ‘putte’ ti (3-65) suttanātena, aññathā dvinnāṃdvinnāṃ samāse sabbattha uttarapadasambhavana “vijjāyonisambandhānamā tatra catthe” ti (3-64) “putte” ti ca suttadvayenātena ‘hotā potā pitā

puttā'ti āpajjeyya. Anekanti paṭhamantattā syādītīdamevānuvattate, tenevānekaṃ syādyantamicceva vuttaṃ. Athaññattheti vutte-ññassa vākyassattheti avatvā padasseceva kasmā vuttantyāsaṅkiyā ha- 'syādyantasse'ccādi, tassevāti sāmattihiyaladdhassa syādyanta padasseva samāso viññāyatīti sambandho.

Tassa guṇā tagguṇā tasseccanenāññapadattho niddisīyate, tassa aññapadatthassa ye guṇā yāni visesanāni, tesam samviññāṇaṃ gahaṇaṃ tagguṇasamviññāṇaṃ, athavā so guṇo yassa so tagguṇo, tagguṇassa tagguṇayuttassāññapadatthassasamviññāṇaṃ, na guṇavirahitassā(ti) tagguṇasamviññāṇaṃ, ettha pana 'aññapadatthe tagguṇasamviññāṇaṃ pyatthī'ti paribhāsīyati, tattāyamattho 'aññapadatthe samāse-ññapadattho visesanena saha viññāyati navisesanarahito'ti, kvaci atagguṇasamviññāṇassāpi dassane nāpisaddo, yatrāvayavena viggaho samudāyo samāsatto tattheva tagguṇasamviññāṇaṃ bhavati, tagguṇasamviññāṇato aññaṃ atagguṇasamviññāṇaṃ, tasmim, yatrāvayavoyeva samāsatto tatrātagguṇasamviññāṇaṃ.

Ettha pana bahudhanasaddo purisassa upalakkhaṇabhāvena katattā. Abhimatoti pāṇinīyānaṃ abhimato dasannaṃ samīpe āsannā dasannamiccādivākye.

Parimāṇamevasaṅkhyeyanti parimāṇalakkhaṇameva saṅkhyeyaṃ, tañca parimāṇalakkhaṇaṃ saṅkhyeyañca.

Saṅkhyānarūpanti saṅkhyānasabhāvaṃ.

Parimāṇenāti pañcasāṅkhyāya paricchijjamānena saṅkhyeyasaṅkhātena parimāṇena.

Saṅkhyānavuttīti tena anativattiyamānatapparicchedaka saṅkhyānarūpa saṅkhāte saṅkhyāne vutti yassā sā saṅkhyānavutti-pañcasāṅkhyā.

Diṭṭhanteniminā imaṃ dīpeti 'yathā pañca parimāṇamesanti pañcakāti ettha parimāṇarūpo-vayavabhedasamudāyasabhāvo pakatīyattho samudāyino sakunā paccayattho, tathā tidasāti etthāpi'ti, kappaccayo pakatippaccayatthabhedasambhavana.

Keci panāti iminā pāṇinīye dasseti.

Pakatippaccayatthabhedasambhavāti iminā paresaṃ pakatippaccayatthānaṃ bhedābhāvassa icchitattā saññāyaṃ sakatthe kappaccayassa vidhānaṃ dasseti.

Syādyantassāti iminā vāsaddassa padattaṃ dasseti.

Tadatthepīti tassa vāti aññapadassa atthepi, tadattho cettha vikappattho vā siyā tadā pana dvinnaṃ gahaṇe na tiṇṇaṃ, tesantu gahaṇe na dvinnaṃ, saṃsayo vā, tadā tu saṃsayaṃsobbhayā lambanarūpattā dvevāti vutte tayo, tayovāti vutte dve apekkhīyantīti buddhivisayā pañca atthā samāsābhidheyyo honti.

Nāmattenāti ruḥhināmattena, abhimato pāṇinīyānaṃ, vikappitaṃ suttantarena vibhāsā sabbanāmasaññāvidhānena.

Avayavadhammenāti avayavasāṅkhātena sabhāvena.

Nanu ca samānādhikaraṇānaṃ bahubbīhi vutto pāṇinīyehi 'pañcahi bhuttamasseti byadhikaraṇānaṃ na siyā'ti, tathā paṭhamatthaṃ vajjetvā sabbavibhatyatthesu iṭṭho 'vuṭṭhe devegatoctrā vuṭṭhadevoti na siyā'ti tasmā kathamatra byadhikaraṇānaṃ paṭhamatthe samāso vaṇṇīyateccāsaṅkiyāha-'byadhikaraṇānampi'ccādi, byadhikaraṇānampi yathābhidhānaṃsamāsasabbhāvato pañcahi bhuttamassetyādo bahulādhikārā anabhidhānato vā na bhavissati, tatoyeva ca pañca bhutta vanto-sseti samānādhikaraṇānampi kvaci na bhavissati, tathā

paṭhamatthepe kvaci na bhavissati vuṭṭhe deve gato'ti. Tulyayoge gamyamāneti attho.

Aññatracāti tulyayogato-ññatra salomakotyādīsu ca, vijjamānāni lomānyassa, vijjamānā pakkhā assāti viggaho. Upasañkhyāto ‘‘syādyadhikāre-tthikhīrādīnamupasañkhyāna’’nti (2-2-24-vā) sabhāvato eva nivatto na suttantarato, gatatthassāpi hi payoge anavaṭṭhānaṃ siyā piṭṭhapesane viya, kathañcarahi brāhmaṇe bahū ānaya, ahaṃ pacāmīti nāvassamevaṃ payogo, katthaci pana vacanasiliṭṭhatādippayojane sati hoteva.

Kaṇṭhe sambhavoti kāḷassa kaṇṭhe sambhavo. Ṭṭhasaddatthoti kaṇṭhatṭhasadde ṭṭhasaddattho. Oṭṭhasaddova mukhavuṭṭīyanena gammamānatthattā dutiyassa mukhasaddassāppayogamāha, tasmā oṭṭhova mukhamassāti viggayha oṭṭhamukhoti samāso, na ca pāṇi pāṇyantarassa mukhaṃ, mukheneva ca pāṇimukhassa sadisattaṃ pasiddhanti sāmattihiyā oṭṭhamukhamiva mukhamassetyattheva tiṭṭhate, upanyasyantetyupanyāsā, visayadassanatthāti iminā'kaṇṭhe kāḷo yassā'tyādīkameva vākyanti dasseti. Samudāye vikārecāti samudāyasambandhe vikārasambandhe ca. Taṃsamāsassāti tassā chaṭṭhiyā samāsassa, tadabhidhāyinanti saṅghāta vikārābhidhāyīnaṃ, kesānaṃ saṅghāto iccādi paresaṃ vākyam. Dhātuto jātaṃ dhātujaṃ, uttarapadaṃ patitasaddādi, tassa payogoti patitasaddassa payogo.

‘‘Nañsmāṭṭhyatthāna’’nti (2-2-24) vāttikaṃ, etanāha-‘ñā kārānu bandhā’iccādi. Pāṇiniyā tu avijjamānasaddo nañsamāso, padantare nāssa bahubbīhi vottarapadalopo, avijjamānā puttāssa aputtovijjamānaputtoti sādheti, icchate pāṇinīyehi... dakkhiṇapubbā saddānaṃ nānatthattā byadhikaraṇattā, vacanepīti sutte vijjamānepi, aya maññapadatthasamāso parehi bahubbīhīti vuccati tathāhi bahavo vihayo yassa so bahubbīhi, yathā bahubbīhīti aññapadatthappadhāno tathā ayampi.

19. Catthe

Samuccīti piṇḍīkaraṇaṃ, ko soti āha- ‘sādhanameka’miccādi. Ekaṃ sādhanam ekaṃ kiriyaṃ vā paṭicca cīyamānatāti sambandho, kesanti āha- ‘kiriyaśādhanāna’nti, kenāti āha- ‘attarūpabhedenā’ti. Tattha devadatto bhūñjati tiṭṭhati pacaticāti sādhanampaṭicca kiriyānaṃ attarūpabhedenā cīyamānatā veditabbā, dhava ca khadire ca palāse ca chindāti kiriyampaṭicca attarūpabhedenā sādhanānaṃ cīyamānatā veditabbā.

Soti samuccayo bhavatīti seso, kesanti āha- ‘tulya balāna’miccādi.

Tulyabalānanti iminā visuṃ padhānabhāvena kiriyābhisambandhā aññamaññānapekkhattamāha.

Aniyatakkamayogapajjānanti kamo ca yogapajjañca, aniyataṃ kamayogapajjaṃ yesaṃ saddānaṃ tesam, yathetyādīnā tatthodāharaṇaṃ dasseti, etthāyamadhippāyo ‘‘ettha gavādīnaṃ visuṃ padhānabhāvenānayanakiriyābhisambandhā tulyabalatā gavādīnaṃ vuttakkameneva nayanābhāvā aniyatakkamatā gavādīnaṃ yugapadi nayanābhāvā aniyata yogapajjatā ca hoti, tathā aññaṃ tādisampī’’ti. Anu pacchā padhānānurodhena (cayanaṃ) anvācayo, taṃ byañjayati ‘yatthe’ccādi, tadanurodhenāti tadanugūṇena, udāharati ‘yathe’ccādi, bhikkhāgamanamettha padhānamantaraṅgattā, netaraṃ bahiraṅgattā, taṃ karaṇe yadi gāvopi passati tāpyānayaṭi, ettha tu gossānayaṇaṃ bhikkhāṇamapekkhate, netaramitarassa... vināpi tena tadanuṭṭhānato. Itarassa itarena yo go itaretarayogo, so ca etādisoti āha- ‘aññamaññe’ccādi.

Avayavappadhāno cāti sābhāvikābhidhānasāmatthiyenāputhubhūto ca, vuttivayena sārīputtasaddo moggallānattho hoti moggallānasaddo sārīputtatthopīti aññamaññatthe padhānato yugapadyadhikaraṇavacane sati cattha samāsoti so-yamadhikaraṇa samudāyo ubhayapadānugataubhayatthavasena catubbidhopi yugapadi buddhiyā gayhamāno kadāci ubbhūtāvayavabhedo teneva sābhāvikābhidhānasāmatthiyenecevavayavappadhāno ca, nanu ca janāmarāñānīti viruddhānaṃ kathamekenābhidhānanti vuccate- sabbopi saddo payujjamāno (itarī) tarenāvadhāraṇaṃ vattate, tena ekeko saddo ekekassatthassa vācako, tathāpi yathā sārīputtamoggallānāti ettha bahuvacanassaññāthānupapattiyā yugapadyadhikaraṇavacanaṭā hotī, tathātrāpi bahuvacanassaññāthānupapattilakkaṇena sāmattihiyena ekenāpyabhidhānaṃ hoti. Iti

hetumhi, yato evamavayavappadhāno tatoti attho.

Bahuttāti kiñcāpi vākye nesam [vākyenevesam (potthake)] visum bahvatthatā, na hi sārīputtamānāyāti vutte moggallānassāpi sampaccayo bhavati, tathāpi yato vuttivisaye sahabhūtānamevesam visum bahvatthatā, tato tattha vacanīyassa atthassa sañkhyātedena bahuttam. Samāharaṇam piṇḍikaraṇavasena samharaṇam samāhāro, so cevaṃ veditabboti dassatumāha ‘aññamaññe’ccādi.

Ettha ca kiñcāpi itarītarayogassa samāhārassa ca bhāvarūpattā adabbarūpatā, tathāpītarītarayoge tu yathā guṇavaca nānam sukkaṃ vattham sukko kambalo sukkā gāvīti nissayabhedato liṅgavacanasiddhi, tathā taddhammānamabhidhānato nissayato liṅgavacana siddhi veditabbā, samhatippadhānattācekavacanananti yadā bahunnam samudāyo tirohitāvayavabhedo samghāto pakkamīyate, tadā samāhāroceva samhatippadhānattā ekavacanaṃ hotīti attho. Tadanuṭṭhānatoti tassa karaṇato. Byatikaro missatā, byatikaram dasseti pañiccādinā, paccekam parisamattiyam vākyabahuttam dasseti ‘tattha hiccādi.

Cakkuhaṇca sotaṇca, mukhaṇca nāsikā ca, hanu ca gīvā ca, chavi ca maṃsaṇca lohitaṇca, nāmaṇca rūpaṇca, jarā ca maraṇaṇcāti viggayha samāso, ‘samāhāre napuṃsaka’nti (3-20) sabbattha napuṃsakaliṅgam, syādīmhi mukha nāsikantiādīsu ‘syādīsu rasso’ti (3-23) rasso. Alabhatā gomukham diṇḍimo bherivisesā, ālambaram paṇavo, murajo mudaṅgo, maddavo mudaṅgo. Maddavavādanam paṇavavādanaṇca sippamassa maddaviko paṇaviko, sammam kaṃsatālam, tālam hatthatālam, alasatā ca ālambaro ca, murajo ca, gomukho ca, saṅkho ca diṇḍimo ca, maddaviko ca, paṇaviko ca, gītaṇca vāditaṇca, sammāṇca tālaṇcāti viggaho. Yugassa hitā yoggā goṇā, tesamidam yoggam kasikkammaṃ, tassa aṅgam. Tenāha- ‘kasibhaṇḍāna’nti, phālokaṇca, pācanaṃ patodo, yugo ca naṅgalaṇcāti viggaho. Piṇḍamāyudhaviseso, asi ca satti ca tomaraṇca piṇḍaṇcāti viggaho. Cammam saravāraṇaphalakam, kalāpo tūṇīram, paharaṇaṇca āvaraṇaṇcāti viggaho. Ahi ca nakulo ca, bīlāro ca mūsiko ca, kāko ca ulūko ca, nāgo ca supaṇṇocāti viggaho. Sañkhyā ca parimāṇaṇca sañkhyāparimāṇam, tattha parimāṇasaññānam yathādīgho ca majjhimo ca dīghamajjhimaṃ. Ekakaṇca dukaṇcāti viggaho, dukatikādīsipi esevanayo.

Khuddajantu siyā- natthi, athavā khuddakova yo;
Sataṃ vā pasate yesam, keci ānakulā api.

Kīṭo ca pataṅgo ca, kuntho ca kipilliko ca, ḍaṃso ca makaso ca, makkhikā ca kipillikācāti viggaho. Pacanaṇcādalāti o rabbhikādīnam ruḥisaññā. Urabbhe hantvā jīvatīti orabbhiko, evam sesesu. Sānam sunakham pacatīti sapāko, venā tacchakā, rathakārā cammakārā. Sādharaṇā samānā, caraṇasaddo- yaṃ idha gayhatīti sambandho, yathā sakamajjhayanāya carīyanti vatānyetesūti caraṇāni, kaṭhādīvājhānyajjhayanāni sākhāsaññākaṇi. Yasmā etehi carati ariyasāvako gacchati amataṃ disaṃ, tasmā caraṇāni sīlādayo paṇṇarasa dhammā. Tenāha- ‘kaṭhādīhī’tiādī, kaṭhādīhīti pasiddhivasena kamātikkaṇeṇāpi vuttam, tato ādisaddena atisādayo gayhanti. Atisena bhāradvājena kaṭhena vuttam vidantyaḍhīyanti vāti ‘aññasmi’ti (4-121) ṇo, ‘lopo’ti (4-123) lopo atisā bhāradvājā kaṭhā. Kalāpinā vuttam vidantyaḍhīyanti vāti, teneva ṇo, kalāpā, kaṭhā ādi yesam te kaṭhādayo, tehi ajjhenavisese ca purise ca upacārāti sambandho.

Sīlādayotiādisaddena indriyasamvarādayo gayhanti. Sīlaṇca paññāṇaṇca, samatho ca vipassanā ca vijjā ca caraṇaṇcāti viggaho. Ekato ajjhayanametesūti ekajjhayanāni, pakathāni vacanāni pāvacaṇāni saddhammo, ekajjhayanāni ca tāni pāvacaṇāni ca tesam, dīgho ca dīghāgamo ca majjhimo ca majjhimāgamo ca, ekuttaro ca aṅguttarāgamo ca saṃyuttāgamo ca, khandhako ca vibhaṅgocāti viggaho.

Tesanti iminā liṅgavisesānanti chaṭṭhiyantatam dīpeti, itthī ca pumā ca, dāsī ca dāso ca, cīvaraṇca piṇḍapāto ca senāsanaṇca gilānapaccayo bhesajjaparikkhāro ca, tiṇaṇca kaṭṭho ca sākhā ca palāso cāti viggaho. Cheko dakkho, pubbā ca parācātiadinā viggaho.

Pubbadakkhiṇantiādīsu ‘byañjane dīgharassā’ti (1-33) rasso. Kāso ca kuso ca usiro ca

bīraṇaṇca, muñjaṇca babbajaṇcāti viggaho. Khadiro ca palāsocātiādīnā ca, gajo ca gavaḷo cātiādīnā ca, hatthī ca goca asso ca vaḷavācāti ca, haṃso ca balāvā cātiādīnā ca, bako ca balākācāti ca. Hiraññaṇca suvaṇṇo ca, maṇi ca saṅkho ca muttā ca veḷuriyo ca jātarūpaṇca rajataṇcāti ca, sāli ca yavakocātiādīnā ca, sākaṇca suvaṇcātiādīnāca, kāsiyo ca kosalācātiādīnā ca viggaho, janapadavācinā ca bahuvacanantā.

Ekavīsaticcādino ekaṇca taṃ vīsaticāti vīsesanasamāso vā siyā, ekaṇca vīsati ca ekavīsati cātthasamāso vā, samāhāre napuṃsakattantu na pappoti, “nānusāsaniyaṃ līṅgaṃ sokanissayattā līṅgasse”ti loke napuṃsakalīṅgassehānabhīdhānato napuṃsakalīṅgaṃ na bhavissatiyadhippāyo, sabhāparisāyāti nīpakato vā samāhāre napuṃsakalīṅgamatra byabhicaratīti datṭhabbaṃ.

Pubbappayogo-bhimatoti upasajjanasaññakassa syādīti paṭhamāya niddiṭṭhassa samāse pubbanipāto “upasajjanaṃ pubba”miccanena (2-2-31) iṭṭho kamassa padhānabhāvena vattumiṭṭhattāti “syādisyādīnekatta”nti (3-1) ettha syādīti paṭhamāniddiṭṭhassāsāṅkhyādīno pubbamavaṭṭhānato syādineti tatiyāniddiṭṭhassa pacchāvaṭṭhānato “syādisyādīnā”ti sutte paṭipāṭiyā padhānabhāvena vattumiṭṭhattā.

Parappayogo-bhimatoti heṭṭhā vuttasuttena pubbanipāte patte “rājadantādīsu para”ntīminā (2-2-30) paranipāto-bhimato, vacanenāti- “bahula”nti vacanena, pubbakā layuttassa parappayogo-bhimatoti rājadantādīpāṭhato evā-bhimato.

Kamampaccanādarāti iminā padhānabhāvenā-kkamassa vattumiṭṭhattamāha. Saro ādi yassa taṃ sarādi, saṅkho ca dundubhi ca vīṇā ca, udukkhalaṇca musalo ca, dhanapati ca rāmo ca kesavocāti viggaho. Jaṃdaṃsaddā jāyāsaddasamānatthā asaṅkhyā-jaṇca pati ca, daṇca paticāti viggaho, avantayo ca assakāca, aggi ca indocāti viggaho, taṃnivāsīmhi gahite avanti ca assakocāti ekattenapi viggaho vattati. Dvandasamāso- yaṃ dvandasadisattā dvando, dve ca dve ca padāni dvandānīti hi ubhayatthappadhāno- yaṃ dvandasaddo.

21. Saṅkhyā

Atha “samāhāre napuṃsaka”nti (3-20) vijjamāne kiṃ “saṅkhyādī”ti iminā satthagāravakarenāti āsaṅkiya codeti ‘nauce’ccādi. Tathāhiccādīnā “samāhāre napuṃsaka”nteva sijjhanam samattheti. Yathāvuttacodanācālāne parādhippāyaṃ parikappento’catthe’tiādīmāha.

Neti iminā cattetiādīnā kataparikkappanā na sijjhatīti dasseti, tattha hetumāha- ‘sambandhassa purisādhīnattā’ti, saticeccādīnā ‘samāhāre napuṃsaka’ntettha vīsesanaggahaṇe payojanaṃ vatvā ‘saṅkhyādī’ti imassa niratthakattameva thirīkaroti.

Payojaneti lāghavappayojane;
Sambandhīyatīti vīsesanaggahaṇaṃ sambandhīyati;
Etthāti etasmim ‘saṅkhyādī’sutte;
Tanneti iminā yathāvuttaṃ codanaṃ nivatteti.

‘Saṅkhyādī’ti suttassa sātthakattamāha- ‘cātthasamāsānantara’miccādīnā. Ekattabyapadeso kātabboti “saṅkhyāpubbo dīgū”ti (2-1-52) saṅkhyāpubbassa samāsassa dīgusaññaṃ vidhāya tadatthassa “dīgurekavacana”ntīminā (2-4-1) ekattabyapadeso parehi viya kātabbo.

Samāharaṇaṃ samāhāroti iminā bhāvasādhano-yaṃ samāhārasaddo. Yadi samāharīyatīti samāhāroti kammaśādhano siyā, tadā paṇca kumārīyo samāhaṭṭāti vākyassatthe vutti siyā paṇcakumārīyetta sakapadatthappadhānattā bahuvacanaṃ siyā “ghāpassāntassāppadhānassā”ti (3-24) appadhānarassattaṇca na siyā... samāhaṭṭānameva kumārīnaṃ padhānattā, tasmā paṇca gāvo sa māhaṭṭāyetasmiṃ vākye samāsova natthi kammaśādhanassānupagamato. Paṇcannaṃ gunnaṃ samāhāro, catunnaṃ pathānaṃ samāhāroti vākye pana atthi, samāhārassekattā tu sataṃ yūthaṃ vananti ettha viya sābhāvīkamekavacanaṃ siddhameveti viññāpeti.

22. Kvace

Kvacisaddassa payoganiyamanattho “paro kvicī”ti (1-27) ettha vuttanayena veditabbo. Avisesena udāharaṇepīti paresaṃ viya “chāyā”ti (2-2-73) suttayitvā vikappena (kuḍḍacchāya) kuḍḍacchāyāti ca “bāhulle”ti (caṃ, 2-2-74) suttayitvā niccaṃ ‘ucchucchāyaṃ salabhacchāya’nti ca nodāharitvā sāmāññaena ‘salabhacchāyaṃ sakuntacchāya’nti udāharaṇe dassitepi. Aññatthāti bahulabhāvato aññattha. Viggahasamattassāti viggahasāmāññaassa, yathāsambhavanti pāsādassa chāyāiccādinā sambhavānatikkamena, saddāti saddato parāya.

23. Syādi

Nanuceccādinā vuttaṃ codanaṃ nisedheti ‘tanne’ti. Tattha kāraṇamāha- ‘ghasaññattā’tyādi. Aghonanti ghaokāravajjitānaṃ, nanu itthi yamākāro gho, tathāsati napuṃsake so (na siyāti) parikappeti ‘napuṃsakattā ghattameva natthīti cedi’ti. Tampi neti yathā vuttampaṭikkhipitvā attheva napuṃsake ghattanti [napuṃsakattanti (potthake)] dassetumāha-chaṭṭhīsamāsasse’ccādi. Napuṃsake ghattassa [napuṃsakattassa (potthake)] sabbhāvameva samattheti napuṃsakattaṃ hi’ccādinā, pāribhāsikanti ettha suttamevādhippettaṃ, pāribhāsāya nibbattaṃ pāribhāsikaṃ suttikanti attho. Ārabhitabbamevidaṃ suttam (napuṃsakassāpi) rassattavidhānāyāti adhippāyo. Ghanissitampi kāriyanti “ghabrahmādīte”tyādinā (2-60) vidhiyamānamekārādīkāriyampi. Etaṃ ghanissitaṃ kāriyaṃ naca yuttanti sambandho. Ayuttatthepi doso-yamāpatatevākyāsankiyāha-‘nāyampidoso’ccādi, na rassassa ettheva laddhāvasarattā paṭhamam tena pavitthe... (ghani)ssitampi kāriyanti nāyampi doso pāribhāsāva senāti mantabbaṃ. Salabhacchāye iti padacchedo.

24. Ghama

Atoevacātiādi heṭṭhā vuttanayāvalambena vuttaṃ.

25. Gossu

Sakatthapariccāgena kule pavattattāti iminā chaṭṭhīsamāsassa uttarapadattappadhānattamāha.

26. Itthi

Itthividhīsu “puthussa pathavaputhavā”ti (3-39) suttapariyantesu. Itthiyanti idaṃ nāmavisesanaṃ vā siyā paccayatthavisesanaṃ vā, tattha nāmavisesanamevidaṃ na paccayatthavisesananti dassetumāha- ‘nāme’ccādi. Akārantato nāmasmāti ekattādimahantatthavācīto akārantato nāmasmā. Itthattanti ettha itthīti itthiliṅgaṃ vuccati. Itthiyeva hi esāti liṅgīyati saṅketīyātīti liṅgaṃ. Itthiyā esāti pasiddhimato atthassa bhāvo sāmāññaṃ bālayuvattādi lakkhaṇaṃ itthattaṃ. Kimettha liṅgaṃ nāma-

Eseso etamiti ca,
Pasiddhi atthesu yesu lokassa;
Thīpuṃ napuṃsakānīti,
Vuccante tāni nāmāni.

Atthesu yesu esā eso etanti pasiddhi lokassa hoti etāni yathākkamaṃ itthipurisanapuṃsakaliṅgānīti lokena vuccantīti attho. Evañcakatvā vuccate “liṅgaṃ nānusāsaniyaṃ lokanissa yattā liṅgassā”ti. Tattha goiccādīsvesā esoti pasiddhiyā itthiliṅgattaṃ, acciādīsvesā etanti pasiddhiyā itthinapuṃsakattaṃ, taṭobhaṭī taṭamiccādīsveso esāetanti pasiddhiyā pumitthinapuṃsakattaṃ, mālāiccādīsvesāti pasiddhiyā itthattaṃ, rukkhoccādīsvesoti pasiddhiyā pulliṅgattaṃ, kulamiccādo etanti pasiddhiyā napuṃsakattaṃ. Samāsassāpyevaṃ daṭṭhabbaṃ, jotakāti dassetīti sambandho. Jotakā itthattasseti pakaraṇato viññāyati. Tato veccādinā paccayatthabhāvino ye dosā tesametthanāvākāsoti dasseti. Samānādhikaraṇattaṃ bahuvacanampi hotītisambandho. Iminā idaṃ dīpeti “itthattassa paccayatthatte sati padhānattāssa

byatirekalakkhaṇāya chaṭṭhiyā ‘kumārittaṃ (devadattāyā’tibhavitabbaṃ, tato ca na siyā kumārī) devadattā’ti samānādhikaraṇattaṃ, tathā kumāriyoti bahuvacanampi itthattassekattā. Pakatīyattha visesanapakkhe tu pakatīyā itthattavisiṭṭhaṃ dabbamevocate, āādayo tu jotakatāti tattha byatirekābhāvā chaṭṭhiyā appasaṅgo ca bahuvacanampi anekattāva dabbassa yuttanti yathāvuttadosāvasarābhāvā iṭṭhatthasiddhī’ti. Aññeti jayādicca jinindabuddhyācariyādayo dasseti.

Itthiyamabhidheyyāyanti itthilingasāṅkhāte itthatte atthabhūte, yathevahītiādinā upamāvasena yathāvuttamevatthaṃ vibhāveti. Tattha itthattamiccādinā paropavaṇṇitapakkhassāyuttattannicchindeti, no papajjate [nopapajjeyya (pañcīkā)] devadattāsaddavacanīyassāpi itthattato abyatirittattā ‘itthattaṃ devadattāyā’ti bhinnādhikaraṇatā na yujjate, anupapattimeva samattheti ‘devadattāyāti’ccādinā. Samānādhikaraṇattameva siyā itthisaddavacanīyato anaññattā devadattā saddavacanīyassa itthī devadattāti.

Atoevāti itthatte āvidhānatoyeva. Tabbatotthassāti idaṃ jayādiccādimatānugāminā [nugāmī pana (potthake)] vuttaṃ, tathā hi te evaṃ liṅgalakkhaṇa māhu (pā, 4-1-3 kāsīkāyaṃ) “sāmaññavisesā itthattādayo gottādayo viya bahuppakārabhyattiyoti [sāmaññāni ca tulyajātiyapadatthasādhāraṇattā tāni visesā ca añña maññehi vijātiyeti ca visissante byāvattanteti sāmaññavisesā. byañjīyantiā etehīti byattiyō sāmaññavisesānaṃ nissayā, bahuppakāra byattī yo yesaṃ sāmaññavisesānaṃ te tathāvuttāti– (kāsīkāvivaraṇa pañjikā.)] te hyevaṃ maññante “yathā gottādayo samānajātiyēsu sabbesvanuvattante, vijātiyehī pana nivattante, tathā itthattādayopi. Vicittattā pana sāmaññavisesanissayānaṃ byañjakānaṃ kociyeva sāmaññaviseso kenacideva nissayena byañjate, na sabbo sabbena (pati) niyatavisayattā bhāvasattīnaṃ, tattha yenatthena itthattameva byañjate na pumattaṃ nāpi napuṃsakattaṃ, sā itthiyeva bhavati na pumā nāpi napuṃsakam. Yena pumattameva byañjate, so pumāyeva. Yena tu napuṃsakattaṃ taṃ napuṃsakameva. Yo tu dvinnam tiṇṇam (vā) byañjako, so dvilingo tilingo ve”ti (pā, 4-1-3 kāsīkāvivaraṇapañjikā) tasmā pabbato yathā vuttaitthattavato atthassa abhidheyyassāti evamettha attho daṭṭhabbo.

Atheccādinā yathāvuttadosaparīhārāya jinindabuddhinā yadupavaṇṇi taṃ taṃ parikkappeti. So eva carahiccādinā upahāsapubbakamuttara mācikkhate. Masimakkhitakukkuṭoviyāti yadā koci aññakukkuṭo aññasmā bhīto siyā, tadā vijayino kukkuṭassa mukhaṃ masiyā makkhetvā upanenti so paṭṭhamam tato bhītopi puna aññoti mantvā yujjhitumussahate. Yathātra sova kukkuṭo byāje nopadassito, tathā trāmīyattho.

29. Ārā

Puṃyogena bhariyāyaṃ vattamānatova niyamena “mātulādītvānī bhariyāyaṃ” (3-33) tyānī, iminā tvaniyamena bhariyāyamabhariyāyañca inītyaniyamena vattumāha- ‘ārāmīkassa bhariyā’iccādi.

31. Kti

Ttimhāti ettake vuttepi ttipaccayantatoti vacane kāraṇamāha-kevalassa aññapadatthe payogābhāvā’ti. Iminā paccayaggahaṇaparibhāsamantarenāpi sāmattihiyenevāyamatthaviseso labbhatīti dīpeti.

32. Ghara

Taṃsanniyogāti tena nīppaccayena sanniyogā ekībhāvā, ayametthādhippāyo ‘yattha nīppaccayo tattheva yalopo’ti.

33. Mātu

Bhariyāyanti pakativisesanattā māha- ‘bhariyāya’ntiādi. Punnāmadheyyāti purisassa

samaññābhūtā, puṃyogenāti purisena saha sambandhena hetunā. Itthiyaṃ vattantīti soyamityabhedavacanicchāyaṃ yadā bhariyāsāṅkhātāyamitthiyaṃ vattante, nadādipāṭhāti vutte viññāyati ‘ākatigaṇattā nadādipāṭho honto evaṃ hotī’ti dasseti, punnāmasmāyogāpālakantāti nadādipāṭhatoti atthoti seso. Idañca nadādīsu gaṇasuttanti vedītabbaṃ, tassa atthaṃ vadati- ‘pumuno’iccādi, apālakantāti kiṃpasupālikā khetpālikā.

39. Puthu

Puthusaddato saññāyaṃ vīppaccayaṃ samattheti ‘puthubhūtā pathavīti hi mahī vuccatī’ ti, puthubhūtāti hi iminā pathavīsaddassa puthusaddabhūtattaṃ viññāpeti, mahī vuccatīti iminā nadādipāṭhā saññāyaṃ vīppaccayattaṃ, puthubhūtā patthaṭṭāti attho.

40. Samā

Parādhikārato paccayassa paravidhināva sāmīpyassa siddhattā sādhipyavacanassantasaddassa gahaṇamanatthakaṃ siyāti mantvāvayavavacano yamantasaddo gayhatīti dassento āha- ‘tassa anto’iccādi. Avasānavati+avayavoti padacchedo, samāsaggahaṇena gahaṇe kāraṇamāha- ‘avayavatā’ ti. Yathāvuttacodanāya niddosattamupamāvasena dassetumāha- ‘nāyaṃ doso’ ccādi. Pallavitassa rukkhassa pallavānamavayavattaṃ viya samāsato uttarakālaṃ vidhīya mānassa akārassa samāsāvayavattaṃ na virujjhatīti attho.

44. Asaṃ

Atikkantaṅguliyo viggho. Dve aṅguliyo samāhaṭṭāti paraviggahenāṭṭhamāha, dve aṅguliyo pamānamassāti vigghanevaṃ samāso tato mattappaccaye tagghappaccaye vā tassa ‘lopo’ ti (4-123) iminā lope kate visesanamāsā akāroti dassetuṃ ‘katha’ miccādinā yaṃ vuttaṃ taṃ dassetuṃ ‘aññapadatthe’ ccādi vuttaṃ. Samāsavidhānaṃ atopīti mattādippaccayalopaṃ katvā ‘‘visesanamekatthene’’ ti (3-11) samāsavidhānā, atha nāyamaṅgulisaddenevaṃ samāso, māne paccayalopavasena vināva appaccayena niṭṭhappattīti mantvā ‘aṅgulasaddo vā’ ccādinā yaṃ vuttīyaṃ vuttaṃ tatha āsaṅkaṃ viracayati ‘athe’ ccādi. Dvaṅgulasaddassa pamāṇivattanato kathaṅcipi aññapadatthātā siyāti ‘yathā tathā aññapadatthe vattatū’ tivuttaṃ. Nanu niraṅgulantyādi sabbamaṅgulasaddena sādhetuṃ sakkā, tathā sati kimaṅguli saddā appaccayavidhānenetyāsaṅkiya payojanantaraṃ apadisitumāha- ‘sabbatthe’ ccādi. Aṅgulisaddato appaccaye avihite niraṅguliccādi pi siyā tannivattanamettha payojananti dasseti ‘aṅgulisaddanivattanattha’ nti.

45. Dīghā

Dīgharattantyādo nānusiṭṭhattā līṅgavisesassa kathaṃ napuṃsakattameviccāsaṅkiya codeti ‘nanuce’ ccādi. Nāyaṃdosocādinā pariharati. ‘Līṅgaṃ nānūsāsanīyaṃ lokanissayattā līṅgassā’ tīdamālamba vadati ‘loke’ tīdi. Athavāti pakkhantaropadassanatthe nipāto, vibhajjāti vibhajjivā. Kvacīti yogavibhāgenāti adhippāyo.

Ahorattanti samāhāre (cattha) samāsā napuṃsakattaṃ. Atirattoti pullīṅge pādīsamāso, samudāyasaddassāpyavayave vutti sabbhāvato ekadesavacano pubbarattādo rattisaddocāha- ‘pubbā ca sā ratti cā’ tīdi. Evamekarattanti pāṭhena na bhavitabbaṃ... tassa samāhārena samāsattābhāvā. Napuṃsakalīṅgampana lokasannissa yattā viññeyyaṃ.

Asamāsantapakketi samāsantaappaccayassābhāvapakke. Pubbā atikkantā ratti pubbarattī (ti ratti saddo) nekadesavacano ti samāsantābhāvo.

46. Gotva

Nanuceccādinā yathāpādītadosaṃ nāyaṃ dosoti pariharati. Syādīlopassiccādinā sulabhasyādi lopato pyasulabhataddhita lopova alopetīmīnā parāmatṭhuṃ yuttoti dasseti.

47. Ratti

Rattindivam̐ bhuñjatīti payoge ādheyye bhojanasaṅkhāte apekkhite ratyādayo ādeyyasāpekkhā, tesampi iminā nipāta nenevātīmatā samāsassa siddhīti dassento āha- ‘rattandiva’ntiādi, ratti ca divācāti viggaho, catthasamāse tu ra(ttindi) vā.

50. Dāru

Samāsatto (ettha) dāru, nāssa mukhyāhi aṅgulīhi sambandho yujjati, nanu dve aṅgulī pamāṇamassa dārunoccādiṃ mukhyo aṅgulisaddogahitoti sambandho sambhavati kimevaṃ vuccateccāsaṅkiyāha- ‘yadipi’ccādi, pamāṇavacanenāti mattādīpaccayatthabhūtapamāṇavācakena, aṅgulī saddassa dāruno pamāṇavācakkatā vuttaṃ- ‘dāruno sambandho atthī’ti. Visēsanasamāsato paraṃ tadatthavisaye tasmīṃpamāṇatthavisaye ‘mānematto’’tiādinā (4-46) mattādīpaccayenabhavitabbantiattho, lopenabhavitabbanti sambandho, ‘‘asaṅkhyehi cāṅgulyā naññāsaṅkhyatthesu’’iccatra (3-44) yadākhīyātaṃ, tadīhāpyatīdisamāha- ‘pubbe viyasiddha’nti, anakārantānanti bhūmiādīnaṃ, tabbīdhāne tassa appaccayassa vidhāne payojanaṃsissokārotisambandho. Iminā kaccāyanānaṃ pakaraṇe payojanaṃ dassitaṃ. Athaca panettha ‘‘kvaci samāsantagatānamakāraṇto’’ti (ka, 2-7-22) iminā akārantassa samāsante kate sāmattiyā ‘syāca’iti (ka, 2-3-29) sissākārādesābhāvā nīccamokārantarūpaṃ sampajjati parīkappiyatassāyuttabhāvaṃ dassetaṃ yaṃ vuttaṃvuttikārena, taṃ dassetaṃmāha ‘akārantassapi’ccādi, yaṃ-vuttaṃ sissākārā desanivattane akāraṇe sāmattiyā, tadabhāvā sissākārādeso na nivāriyati tīti dassetaṃmāha- ‘nace’ccādi. Caritattatāya niṭṭhitappayojanāyā, teneva kaccāyanavuttikāreneva appaccayanta mudāhaṭaṃ sakkataganthānusārena, abyañjanantattāti iminā tiṇṇamesaṃ saddānaṃ sakkate byañjanantattameva bodheti, niratthakanti pubbeva akārantattā niratthakaṃ, ākāravīdhānēnevāti (ka, 2-7-25) ‘‘dhanumhāca’’ ityākāravīdhānēneva.

51. Civī

Aññamaññakiriyeti kiriyāparivattanamāha, iminā sutte kiriyā saddābhāvepi vītihaṇasaddeneva kiriyābyatīhāreti labbhatīti dasseti.

52. Latvī

Paṭimukkakambū āmukkavalayā.

53. Vāñña

Kāpekkhehīti kappaccayamapekkhitehi.

54. Utta

Āparicchedāvasānā na pare [parena (potthake)] tato paraṃ ṇādikāriyavidhānā.

57. Ṭanta

Ṭādesa pubbasaralopo, atīsayena mahantīti viggāhe ‘‘taratamissikiyīṭṭhātīsaye’’ti (4-64) tarappaccayo ṇādivuttīyaṃ vibhattīlopo. Mahattarasaddā ‘nadāditovī’ (3-27) mahato bhāvoti vākye ‘‘tassa bhāvakkammesuttatā ttana ṇya ṇeyya ṇiya ṇiyā’’ti (4-56) tto, vibhattīlopo, chaṭṭhīsamāso, tenāha ‘rattaññūna’miccādi.

58. A

Nto neti sambandho.

60. Para

Parāsaddo ettha adhikatthoti āha-‘adhikā’ti.

63. Klu

ApavāDavisayepīti “vijjāyonisambandhānamā tatra catthe”ti (3-64) imassa apavādasuttassa visayepi.

64. Vijjā

Atha vijjāyonisambandhānamityuccamāne vijjāsambandhīnaṃ yonisambandhīnanti kathaṃ vivaraṇamiccāha-‘vijjāyoni’ccādi, vijjā ca yoni ca vijjā yonī tāsamaṃ sambandho, so yesamaṃ atthi te hotādayo mātādayo ca abhedopacāreṇeḥa vijjāyonisambandhisaddena gayhantīti adhippāyo, tasaddenāti tatretyatra. Te ca ltupitādayoti tasaddena parāmaṭṭhā ltupitādayo ca, atthe kāriyā sambhavā taṃvācako saddo gayhati.

65. Putte

Ltupitādī (ti pubba) sutte tatreti gahitaltupitādī.

66. Cismiṃ

Paccayaggahaṇaparibhāsāya cippaccayanteti vuttaṃ.

67. Itthi

Itthisaddena itthilingaṃ gahitaṃ na itthī, taggahaṇe sati ‘itthiyaṃ vattamāne’ti vuttiganthassa itthisankhāte atthe vattamāneti attho gayheyya, evamaṃ sati ‘kalyāṇippadhānā’ti etthāpi pumbhāvo pasajjeyya... padhānasaddassa kalyāṇiyaṃ vattamānattāti āha- ‘itthiyanti itthilinge’ti. Atha itthiyanti ettake vutte kathaṃ taggahaṇaṃ siyāti āha-‘visesane’ccādi, ekattheti vuttepi itthiyaṃ vattamāneti ayamatto viññāyatīti itthiyanti vacanamantathaṃ siyāti samatthamaññathānupapattiyanti itthiyanti visesanamitthilingasseva gahaṇeti āha- ‘visesane’ccādi, itthiyanti itthilingasseva gahaṇanti sambandho. Byavacchejjābhāvā visesanamanatthakaṃ siyāti ekattheiccaneneva itthiyaṃ vuttiyā (gamma) bhāvatoti bhāvo. Pume pulliṅge vattamāno saddo pumāsaddo, sakaloti padesasakalo hi gayhati... kassaci suttatthassa puthabhūtattā, tenevacāha- ‘itthiyantu na vattatte’ti.

69. Sabbā

Vattanaṃ ekasmiṃ atthe adhitthiccādo itthivisiṭṭhe sattamiyatthādo, vāsiṭṭhoccādo vasiṭṭhādivisiṭṭhe apaccādo, puttīyaticcādo puttādivisiṭṭhe icchādyatthe pavatti, tenāha- ‘ekatthībhāvo’ti. Sāmañña gahaṇatthanti iminā mattasaddassa kasiṇatthe pavattimāha.

70. Jāyā

Evanti iminā itarītarayoge catthasamāsaṃ vibhāveti. Jānijāyā, saddantarenāti jānisaddena tathāsaddopadiṭṭhena daṃ jaṃ saddantarena ca, kesañciti kharīgatantiādīsu ‘kharī’tiādīnaṃ kesañci, kharīti kharatthe vattamāno-yaṃ saddo niyatavisayo... gatasaddaṃ vinā aññattha adiṭṭhattā, nāyampayogoti tudampatippayogaṃ nivattetvā hetumāha- ‘āgame’ccādi, aññehi cāti iminā rūpasiddhiṃ gaṇhāti.

75. Ana

Nanu sutte‘sare’ti ettakaṃ vuttaṃ‘sarādo’ti kathaṃ laddhanti āha-‘sare’tiādī, vaṇṇe

yantantadādōti siṭṭhavacanam, vaṇṇe parabhūte yaṃ kāriyaṃ vidhīyate taṃ so vaṇṇo ādi yassa taṃ tadādi, tasmim̄ tadādo uttarapade sampajjātīti attho, khādhātuto ktappaccaye vihite rassenākārenevāyampayogo, na visuṃ akārenāti dassetuṃ na ākkhātaṃ anakkhāta “byañjane dīgharassā”ti uttarapadādi sarassa rassatta’nti vuttaṃ.

76. Nakhā

Saññāsaddesucātiadinā avayavatthanirapekkhānampi yathākathañci nipphattim̄ dassento sabbesameva saddānaṃ nipphanavācitañcāttano dīpeti, yathākathañci nipphatti, ruḷhiyā atthanicchayo, tena saññeccādo-dhippāyaṃ vivarati ‘yaṃkiñci’tyādinā, itthī ca pumā ca itthipumaṃ, na itthi pumanti samāse nipātaneniminā napuṃsakādeso [napuṃsakaniddeso (potthake)] ti dasseti ‘na itthi’ccādinā. Khī-khaye, khara-vināse cāti hi etehi ‘na khīyati na kharatī’ti atthe “bhāvakārakesva ghaṇa ghakā”ti (5-44) appaccaye’ na khaya na khara’iti ṭhite khattādesoti āha- na khīyati’ccādi.

77. Nago

Evanti iminā gacchatīti vākye kvippaccayādim̄ dasseti, viseso panettha nañssa(ṭo) vasalo caṇḍālo, sītena karaṇabhūtena.

78. Saha

Tattha tasmim̄ parabhūte, yassa ca jhattanti sambandho.

80. Apa

Appaccakkhaṃ paccakkhaññānenānupalabbhanīyaṃ tampanāttatho-numeyyameva. Tasmim̄ gammamāne yamādesoti kenaci liṅgenādhigatenānumānaññānenānumeyuttamagyādinoti dassetuṃāha- ‘kapote’ccādi. Kapotādibhāveti katthaci gharādo kapotavātamaṇḍalikādīnaṃ dassanavasena sabbhāve satī. Agyādidassanatoti aggipisācādidassanato, aññatrāpīti gharādīto aññatra, kapotavātamaṇḍalikādīno liṅgassa, agyādiyoganti aggīādīhi anumeyyehi sambandhaṃ. Mantvāti anumānaññānena jānitvāpayogoti sāggisapisācāti payogo.

81. Akā

Sakatthe vattamānassa sahasaddassāti vattabbe vattamāno tappadhānoyevāti āha- ‘sakatthappadhānassa sahasaddassā’ti, vutti bhavatīti sambandho, yugapadi dhurā sadhuraṃ. Aparāṇhena sahitam̄ sahā paraṇham̄.

82. Gantha

“Aṭṭhādasā nimesā tu, kaṭṭhā tiṃsantu tākalā”ti vacanato āha- ‘kalā kālaviseso’ti. Kalādisaṅkhātaganthassānte sahasaddo vattatītisamāsavākyam̄ niddisati ‘kalanta’miccādi. Ganthanteccādinā āsaṅkatoyamadhippāyo “kālatthapariccāgena ganthante vattamānattā akālattho”ti. Ganthavuttipi kalādi kālāsaddattham̄ nātikamatīti adhippāyenāha- ‘ganthavuttipi’ccādi. Adhiko māsaako assāti samāsako, vikappena siddheti “sahassa so-ññatthe”ti (3-78).

83. Samā

Samāno pati yassā sapattinī sapattī iti nipphanānamekadeso ‘pattinī pattī’ti dassitoti vattumāha- ‘yakkhādi tvini’ccādi. Vayasaddassa “saravayāvāsacetā jalāsayākkhayalohaṭaṃmanesū”ti gaṇapāṭhato akkhaye vattamānasso manādittā okārantattanti dassetuṃāha- ‘vayo’tiādi. Yappaccayantoti iminā nipātanena takayappaccayanto.

84. Uda

“Aññasmi”nti (4-121) iyappaccayavidhāyakam suttaṃ.

88. Tumhā

Tumhe viya dissantīti tumhādī amhādīccādiṃ “sabbādīnamā”ti (3-86) ā.

90. Vidhā

Gabbhenāti iminā kucchigatena gabbhena saha dvihadayattamassāti dasseti, pubbapadeti dusadde.

92. Digu

Guṇā paṭalā [dve padāni assa iti bhavitabbaṃ] dve pādā esaṃ dve satāni assa, dve sahaṣṣāni assa, dvinnaṃ satānaṃ dvinnaṃ sahaṣṣānaṃ vā samāhāroti viggaho.

93. Tīsva

Dvattipattāti paṭhamantā‘pūra-pūraṇe’iccasma karaṇatthe “bhāva kārakesva ghaṇa ghakā”ti (5-44) appaccaye syādisamāsoti dassetu māha- ‘dvattipatta’iccādi.

94. Āsaṃ

Dve ca tiṃsā ca, dvīhi vā adhikā tiṃsāti viggaho.

96. Cattā

Sampattavibhāsāyanti ayaṃyogo (sampattavibhāsāti) dasseti, sampatte vibhāsā vikappoti attho, tayo ca cattālīsā ca, tīhi vā adhikā cattālīsāccādinā viggaho, tisso cattālīsā assa ticattālīsaṃ gaṇo.

97. Dvissā

Sampattavibhāsattāti “āsaṅkhyāye”ccādinā (3-94) ākāre sampatte vibhāsattā.

Iti moggallānapañcikaṅkāyaṃ sārathavilāsiniyaṃ

Tatīyakaṇḍavaṇṇanā niṭṭhitā.

Catutthakaṇḍa

1. No vāpacce

Nanu ca ‘no vāpacce’ti vacanato kathaṃ pakativisayāvagamo siyā. Yathākathañci pakativisayāvagamepi sāmāññavacanato pana dhammenāpaccantyaḍo yato kutoci dhammeniccāditopi siyā nā dipaccayotyāsankiyāha ‘apaccavatā’ccādi. Apaccassāti apaccatthassa, apaccavatāti “no vāpacce”ti vasiṭṭhādyatthasseva pariggahaṇāya sāmāññavacanato yo apaccavā tato, atthato pana asambhavā dabbācakasaddāva sāmattiyena chaṭṭhiyantā sabbalingavacanā jāyate ti viññātabbaṃ. Dhammasmāpaccantyaḍīsu ṇādiappaccayo (na jāyate) ti sambandho.

Dhammenāti dhammena karaṇabhūtena. Dhammāyāti dhammatthaṃ, dhammasmāti dhammahetunā, tato asambhave kāraṇamāha ‘sāpekkhattā’ti. Sāpekkhattameva samattheti

‘apaccavāhi’ccādinā, dhammenāpaccam kassāti pucchitvā devadattassāti apekkhiyamānam vadati. Devadattassāti apaccavā devadattādi apekkhiyateti sambandho, hisaddo hetumhi. Na hettha ñādivutti aññattha [\[nahetakāmantattha \(potthake\)\]](#) sāpekkhattā kambalo vasiṭṭhassāpaccam devadattassāti ettha pana vasiṭṭho-paccavāti tato chaṭṭhiyantā hoticcāsankiyāha- ‘na ce’ccādi. Na ca hotīti sambandho.

Kāraṇamāha- ‘asambandhā’ti. Na hettha sambandho vasiṭṭhassa kambalāpekkhattenā apaccassa ca devadattāpekkhattenāthantarāpekkhāya vasiṭṭhassāpaccena sambandhābhāvāyeva vasiṭṭhassa apaccam vasiṭṭhoti ñādivuttiyā bhāve sāmattiyaṃ natthi, samatthañhi vasiṭṭham rājapurisādi samāsavuttiyamekatthattamiva vasiṭṭhādiñādivuttiyaṃ ñādippaccayamupajanayati, nāsamattham, tato sabbamevetammanasi nidhāya vuttaṃ- ‘asambandhā’ti.

Yadi panettha ñādippaccayo sabbathā sambandhamapekkhate, tadā visesato yassāpaccena sambandho tatova janakato so siyāti dassetumāha- ‘yajjeva’miccādi.

Yo janakoti yoyo yassa yassa apaccassa janako. Tatoyevāti tasmātas mā janakato yeva. Siyāti tasmim tasmim apaccatthe ñādippaccayo siyā. Tattha hetumāha- ‘tassevāpaccena yogā’ti. Yogāti apaccasambandhato, na mūlappakatitoti paramappakatito na hotīti vuttaṃ hoti. Hetumāha- ‘ayogā,ti, vacanābhāvampettha dassetum ce’tyādi vuttaṃ.

Vacananti suttaṃ, sambandhābhāvā (tādisavacanābhāvā) ca mūlappakatito ñādippaccayassābhāvam dassetvā idāni mūlappakatitovāssābhimatābhāvam dassetum ‘mūlappakatito’ccādi vuttaṃ.

Kathampanidaṃ viññāyaticcādinā janakassevābyāhitassāpaccena mukhya sambandhamānīya idamayuttantiyādinā byavahitajanitassāpyapaccayassa paramappakatiyābhisambandhasabbhāvam vatvā taṃ sādhayitumārabhate ‘katha’miccādi, evaṃ hiccādi kathampanidamiccādinā yathāvuttassa samattha navākyam, hiyasmā taṃ disvā tathā pucchito devadattassavātiādinā uppādetārameva niddisati, nāttānam pitāmaho, tasmā uppādetāyevāpaccena sambajjhāti na pitāmahoti yojetvā adhippāyo veditabbo. Idaṃ yathāvuttamuppādetuniddisanaṃ, tena apaccena saddhim uppādetuyeva janakasseva yogo sambandho paṭipādetum na sakkāti sambandho.

Tantitaṃ [\[tattha-iti \(pañcīkāyam\)\]](#) pucchānimittaṃ, tenāti apaccena. Apatananti narake apatanaṃ bhavati, soti yoso yassātyaniyamaniddiṭṭho so ñātuṃ na icchitoti sambandho. Iminā idaṃ dīpeti- ‘‘napatatyanena naraketyapaccanti vuccati apaccenānena yassakassaci avisesenāpatanambhavati narake soso tāya pucchāya ñātuṃ na icchito’’ti. So vāti kassāyaṃ puttoti pucchāyānurodhane so uppādetāyeva ñātumicchitoti sambandho. Tusaddo cethāpaccena narakāpātasabba janajānanicchāvisesajotako, yadi siyāti sambandho, attānampi niddiseyya na kevalamuppādetāram, atthiccādi pitāmahassa attanopi niddese kāraṇavacanaṃ, taṃ apaccam nimittaṃ kāraṇam, yassa taṃ taṃnimittaṃ tasmā [\[katvā \(potthake\)\]](#) evaṃ diṭṭhiko hiccādinā yathāvuttaṃ samattheti.

Byavahitajanitenāpīti byavahitena kattunā janitenāpī, karaṇe cāyaṃ tatiyā, hetumhi vā. Kasmā evaṃ diṭṭhikoti āha ‘yaṃ nimittaṃ hi’ccādi. Hisaddo yasmādatthe. Yassāti pubbajassa, tena apaccena apatanaṃ tadapatanaṃ tato, idaṃ vuttaṃ hoti ‘‘tena byavahitajanitenāpī pumunā pubbajopi narakam na patati so pubbajassāpya paccam bhavati yathāvuttana nibbanenā’’ti. Tasmācassa pubbe vuttayasmātyanenābhisambandho veditabbo. Upapatyantaramāha-‘upacāratove’ccādi. Pubba pubbhāve satīti pubbassa pubbassa vijjāmanatte satī. Byavahitena janite apaccepi nimittaṃ apāyāpatakāraṇabhāvo atthiye vāti sambandho. Kesanti āha-‘pubbesanti pubbajānanti attho, ke nāti āha- ‘pārampariyenā’ti. Abhedopacārenāti pubbapubbabhāve saticcādinā vuttanayena janakassa viya pārampariyenapubbesampinimittatā vato janakasadisattā janakāva nāma te siyunti evamabhedena upacāraṇato cintanatotī attho. Ubhayathāti ñāyena upacārenacāti ubhayena pakārena, evamubhayathāpi mūlappakatiyā paccenābhisambandhā kathamānantara [\[manantarādi \(potthake\) \(tattha\) potthake\]](#) janitenāpaccenādi purisasambandhoyena tato ñādippaccayo siyāti nāsankniyaṃ.

Tato cāti mūlappakatito ca, apaccasāmaññavacanicchāyanti itthi punnapuṃsakattavisesopaggāhi apaccasāmaññassa vacanicchāyaṃ.

Evammūlakatito- paccasāmaññena ṇāḍippaccayaṃ vavatthapetvā idāni apaccāditopi hoteva ṇādi sāmāññavidhānā. So ca bahulādhikārato gurujanāyattattā tanniyogācaraṇena pasatthe yevāpacce byavahitajanitepi itthivajjite siyāti dassetumāha ‘nattādīhi’ ccādi. Satiyeva gurujane sappadhānabhāvena kucchite-pacsetu nattādīvuttīhi vasiṭṭhādīhi ṇāḍippaccayo hoti vāsiṭṭhotiādi, itthiyañca na hoti vāsiṭṭhītiādi.

Atthatoti sāmattiyaṃ. Apacce vidhīyamāno paccayo apaccavatā jāyamāno tassāpaccanti atthe jāyati. Socāya matthaviseso cha(ṭṭhiyanta) tābhāve kathaṃ siyāti idamettha sāmattiyaṃ. Anantare vāpacce putte-bhidheyya nattādo vāpacce-bhidheyyāti sasambandho. Kutoci apaccavatā nattādo eva. Idañca sabbambahulavacaneva sampajjati āha- ‘bahulādhikārā’ ti. Apacceti ekavacanena niddese pumunā napuṃsakena kariyati, tene kasmim yevāpacce siyā, na bahūsu vasiṭṭhassāpaccāni vāsiṭṭhāni, na citthi vāsiṭṭhāni, na citthiyaṃ vāsiṭṭhītyāsaṅkiyāha-‘idañce’ ccādi. Idañca apaccavacanañca. Iminā cettha tathā nissayakaraṇaṃ dasseti. Tassa vacanicchābhāvatoti tassa līngavacanassa sutte vattumicchāyābhāvatoti attho.

Kiṃ pana kāraṇaṃ sutte līngavacanāvacanicchāyaṃ tassāppadhānattā yenakenaci līngādīnā niddeso-vassaṃ kattabboti nānantariyakattā tassehopādānaṃ, yathādhāññatthinopalālādīnopyappadhānassopādānanti. Tatoyevāha-‘upalakkhīyassettha padhānattā’ ccādi. Itthipumattayuttajaññaviseso upalakkhīyo, apacceti damupalakkhaṇaṃ, sayanti yathāvuttamupalakkhaṇaṃ sayāṃ. Kāriyappaṭipattiyāti pume napuṃsakepacce-bhidheyye vidhi hoticcevaṃ kāriyappaṭipattiyā vattum na iṭṭhaṃ.

Vacnantarepi aññasmiṃ vacane. Āṇīti ṇippaccayasuttaṃ vadati. Agottāditoti yogottasādībhūto na hoti, tato, teneva “āṇī” ti sutte (4-5) vakkhati-‘akārantamattatovāyaṃṇina gottādībhūtato’ ti. Vākyasamāsāpīti yathāsaṅkhyenāha. Tasmim attheti tasmim vākyopadassite atthe, tanti vākyam. Samāsavuttiñca nivatteyyunti sambandho.

Satipānāti vākāre sati tu aniccattā ṇappaccayassa. Sopīti samāsopi, samāsotiādīnā pakkhantaramāha. Tena vākyasijjhanena. Pakkhe vākyasamāsāpi siyunti pakkhe samāsavuttiyā eva bādhitattā pakkhantare ṇādivutti na bādhiyātīti vākyavuttiyopi siyunti attho.

2. Vacchā

Vacchakaccādīnā kaccādigaṇaṃ dassetvā tassa vibhāgena nipphattiṃ dassetum ‘vacchādīhi’ tiādīmāha. “Kaṇho brāhmaṇe” ti gaṇasuttaṃ. Tattha kaṇhasaddo brāhmaṇe vattamāno ṇānaṇāya nappaccaye uppādayati attho. Evamādīhiccādīnā ākatigaṇattamassa dasseti. “Katāṇiyove” ti gaṇasuttaṃ, dīccādīsūti yatonyo dissati “ṇya dīccādīhi” ti (4-4), te dīccādayo, tesu pāṭhāti taṃsuttappadese “katā ṇiyove” ti pāṭhābhāvepi dīccā dīnamākatigaṇattā pāṭhitameva nāma tanti vuttaṃ.

Ṇyete ṇyappaccaye kate. Gottādisaddāti gotte vaṃse ādībhūtā saddā. Vaṃsoti anvayo. Soyeva gāvaṃ saṇṭhīti sādharāṇaṃ vijātivinivattanaṃ sakaṭādivacanaṃ tāyati gottanti vuttaṃ, tenāha-‘gottaṃ vaṃso’ ti. Tassāti gottassa, tassādayo gottādayoti seso. Kete gottādayoccāha- ‘saññākārino’ ccādi. Vacchādayo nattādīno apaccassa apaccaṃ tadapaccādi cāti dassetumāha-‘nattādīno’ ccādi.

3. Katti

Ghapasaññantāvettha bhīyyo kattikādayoti gayhanti. Yadi panettha aññepi gayhanti, atthi pañhiādayo keciyeva kattikādīsū antogadhā hontīti vattumāha- ‘etthā’ tiādi. Vinatā supaṇṇamātā, teḥīti vidhavādīhi. Vidhavādigaṇaṃ dasseti ‘bandhaka’ ccādi. Vigato dhavo pati assāti vidhavā, bandhakī abhisāriṇī.

4. Nyadi

Yassa ca cavaggoti sambandho, kevalam gaggyoti ettakamevā dassetvā parasatthāgatagaggādigaṇekadesabhūtakunḍaṇisaddatopi koṇḍaññoti mudāharanto so gaggādigaṇopyatrābhūpagatoti viññāpeti. Tasmā tasmim gaggādikepi parasatthapaṭhite yoyo payogo āgame dissati vaccho aggivessocādi. Sopīha veditabboti dassetumāha-‘gaggādi’ccādi. Gaggādīti gaggādi ayam. Gottassa gaggavaṃsassa ādibhūtena gaggena upalakkhito gaṇo gottādigaṇo, tena gaggo nāma koci, tassatvapaccam gaggīti bhavati. Paputtādoṇvāti avadhāraṇam gaggassāpaccam gaggicceva yathāsiyāti.

5. Āṇi

Pakatassāti ‘‘māgadham saddalakkhaṇa’’nti vā ‘‘nāmasmā’’ti vā pakatassa. Āti nāmavisesanesati ‘‘vidhibbisesanantassā’’ti tadanta vidhinā akāranto gayhatīti āha-‘visevana cā’tiādi. Anantaramapaccanti sambandho.

6. Rāja

Paccayantenāti rājāññoti paccayantena. Rājāññotimassattho khattiyajātīti, rājāññajātīti attho. Rañño apaccam rājāpaccam.

8. Manu

Samudāyenāti paccayantasamudāyena, jātiyanti manussajātiyam. Jātisaddāeteti idaṃ manusso mānusoti ettha apaccatthābhāve hetuvacanam. Apaccattho ettha nathevāti ca idaṃ visum manussamānusa saṅkhātassa paccatthassābhāvadassanattam vuttam. Ṅovāti manuno apaccanti atthe ‘‘ṇo vāpacce’’ti (4-1) ṇappaccayova. Na jātīti byatirekamāha.

9. Jana

Rājasambandheti raññeti vuttarājasambandhe. Pañcālānam khattiyānam apaccam, pañcālānam janapadānam rājāti vā evamettha vi(bhāgo) veditabbo okkākaṇam apaccam rājā vā okkāko.

11. Nārā

Sāmaññena rattasaddassāthamāha- ‘kunkumādinā’ti. Aññathā ‘rāgo kusumbhādī’ti vuttatā kusumbhādināti (vuttam) siyā, rañji aya matthi abhisāṅge ‘bhojane ratto’ti. Atthi vaṇṇaviseva ‘rattogo’ti, lohitotyattho, atthi sukkasaja vaṇṇantarāpādane ‘ratto paṭo’ti. Iha tu tatiye-tthe vattamāno gayhatīti vuttam- ‘vaṇṇantaramāpādita’nti. Rāgāti.

Atthaggaṇanti atthappadhānattā niddesassa vuttam. Tañcācariyāna mupadesato avicchinā (cariya) pārampariyāvagamyate, rāgāti kasāva saṅkhātaatthaniddeso. Tenāti paṭassa rattabhāve rāgassa karaṇaniddeso, rattanti paccayatthaniddeso, paccayo cāyam kasā vatthato bhavatyasambhavā, tena sutte rāgāti vuttepi tabbācakā kasāvasaddāti viññāyati, rāgāti pana tenāti rāgasseva niddiṭṭhepi tabbhāvenā [tabbāvākabhāvenā-ti bhavitabbam] ttho niddiṭṭho, tabbācakā ca honto ‘tena ratta’nti atthe hotīti kasāvena rattanti viññāyātīti rāgavācino tatiyantattam sampajjati, tena ‘ṇa rāgā tena ratta’nti vuttepi labbhamānatthavasena vuttam- ‘rāgavācitatiantato’ti. Sutte pana rāgena rattantasmim atthe rāgā rāgavācīsaddā tatiyantā ṇappaccayo hotīti attho. Abhidhānatoti upacāravasena kathanato. Vināpi tenāti tamppaccayam vināpi.

12. Nakkha

Tatiyantato vijjhattham tenāti anuvattateti sambandho. Sutte ayamattho ‘‘induyuttana nakkhattena lakkhito ce kālo, tadā tena lakkhite kāletyasmim atthe tatiyantato nakkhattā ṇo hotī’’ti.

Suttavivarane tu tañcetyādikamadhippāyavasena vuttaṃ. Tenātyanuvuttiyā tatiyantatoti labbhati nakkhattenāti sutattāti, kāleti pana atthaniddesato ñappaccayādheyyassa kālo ādhāroti viññāyatīti ‘lakkhite kāle’ ti vuttaṃ, visessagatavibhattiyā vicāritāya visesana gatā ca (vicāritā) nāmāti āha- ‘nakkhattene’ ticcādi, iha keci khandhapañcakasañkhātaṃ kiriyāsabhāvamicchanti aniccaṃ, apare tu dabbasabhāvaṃ niccaṃ. Tasso bhayassapi kālassa candayuttana phussādīnā lakkhiyabhāvā lakkhaṇe tatiyā yuttanti vattumāha- ‘kiriya rūpo kālo’ ccādi.

Visesāvāsāyoti kālassa visesāvadhāraṇatthameva hi ‘phussī ratti’ ccādi. Loke payujjate. Gurunāti ettha guru jīvo, na nakkhattaṃ, candayuttatā panettha atthi... candayuttana gurunā rattiyā lakkhitattā. Kattikāya lakkhito muhuttoti ettha candam vinā kattikāya tu kevalāya muhutto kālo lakkhito ‘kattikā muhutto’ ti. Phussena lakkhitā atthasiddhīti ettha phusseninduyuttana atthasiddhi lakkhitā na kālo phussoti. Nakkhattayuttassa kālassa ratyādivisesāparāmāsena nakkhattavācīto uppanassa paccayassa suttantarena lopam vidhāya puna aññena suttana yuttāti desavidhānena sakalīngasañkhyāyuttehi-ṭṭhamabhidhānaṃ parehi, tadāha- ‘aho ratto’ ccādi.

Ratyādivisesāparāmāsēnāti phussī ratti phusso ahoti evaṃ ratyādivisesassa aparāmāsena asammassena aggahaṇena. Sakalīngasañkhyāyuttēnāti phussakattikādīnaṃ yaṃyaṃ līngam yāyā sañkhyā, attaniyehi tehi tehi līngehi tāhitāhi ca sañkhyāhi yuttana nakkhattasaddena. Na tadupalakkhito kāloti kattikā saddobahuvacananto bahutārakattā kattikāya, tāyakattikāya lakkhitokāloparehivīya na kathīyatīti attho. Atha tadupalakkhitassakālassevakkattikāsaddenābhidhāne ko doso ye nevamuccateccāha- ‘ajjeti’ ccādi. Iminā ca paramate doso ubbhāvito, tadatthatte satīti tadupalakkhitakālatthatte sati.

Sattamī siyāti nakkhattasaddā taddhitalopantā phussena pāyasaṃ bhuñjeyya, phusse pāyasaṃ bhuñjeyyā’ tyādo ādheyyantarāpekkhā siyā sattamī, yā suttantarena vidhīyati pāṇinīyehi, tato ‘ajjakattikā’ tetthāpyādheyyantarāpekkhā sattamī siyā lopantattā ‘ajjakattikāsū’ ti, na paṭhamā. Paṭhamāyeva panāyaṃ payogo ‘ajjakattikā, ti. Ajjetyadhikaraṇappadhāno ahorattakālavācī saddo, kattikāsaddopi taddhitalopena takkālabhidhāyako, tato yevaubhinnampisāmānādhikaraṇyā kattikāyopyadhikaraṇaṃ sampajjante, tañca na vinādheyyena hotītyādheyyantarāpekkhāyaṃ tesu sattamīyeva siyā, na paṭhamā (upa) pajjeyyātyadhippāyo. Attanodāni dassane sattamiyā appasaṅgaṃ paṭhamāyevopapattim dassumāha- ‘cande panūpacārene’ ccādi, nādheyyantarāpekkhāccanena sattamiyā appasaṅgamāha. Evañcarahi vacanamantarena paresaṃ vīya sattamīvidhāyakaṃ kathaṃ kattikāya jātoccāsāñkiya tampaṭipādetumāha- ‘kattikāya jāto’ ccādi. Bahuvacanantatpepi kattikāya jātiyameka vacanantaṃ. Pakārantaramāha- ‘lopoti’ ccādi. Lopenāti kattikāhi induyuttāhi lakkhito kāloti viggayha katanappaccayassa lopena.

13. Sāssa

Seti paṭhamantāti sāti niddiṭṭhapaṭhamantā, yaṃ paṭhamantanti sāceti dassitaṃ paṭhamantamāha. Paṭhamantassa devatāpuṇṇamāsittabhāvato tadatthamabhedenāha- ‘sā’ ti. Kā sā devatāccāha- ‘lokappasiddhāyeva devatā’ ti. Yāgasampadānampi loke devatāti pasiddhanti yāgassa yajitabbassa puroḍāsādino sampadānampi paṭiggāhako pindādi loke deyyassa puroḍāsādino devatā sāmīti pasiddhantayatho, indo devatā assa indaṃ, ādicco devatā assa ādiccaṃ, havi puroḍāsādi yāgadabbaṃ.

Mantathomanīyampi devatāti pasiddhanti yena manthena yo thūyate so tassa mantassa devatā sāmīti loke pasiddhantayatho mahindo yamo varuṇo devatā assāti viggaho. Vuttanaya mevāti “nakkhatteninduyuttana kāle” ti sutte vuttanayameva. Jātyekavacanaṃ maghāyāti, tārakarūpanampana bahuttā maghāsaddo bahuvacananto. Pāṇinīyā “sāsmiṃ puṇṇamāsīti saññāya” nti (4-2-21) suttayitvā phussī puṇṇamāsī asmiṃ phusso māso phusso addhamāso phusso saṃvaccharoti saññāyaṃ paṭipādentī, tena tesam phussī puṇṇamāsī asmiṃ pañcadasaratteti ettha ca bhatakamāse ca taddhito na bhavati. Idha pana ‘saññāya’ nti vacanābhāve bhatakamāsepi chaṭṭhyatthe bhavatiyāsañka viracayati ‘bhatakamāsepi’ ccādi. Puṇṇo mā iccitra māsaddo candapariyāyoti āha- ‘māsaddene’ ccādi. Puṇṇo mā assanti nibbānāti ettha puṇṇamāsīsaddassa puṇṇo mā assanti nīharitvā vacanāti attho. Vuttiyā atthassa phūṭikaraṇāya vuttaṃ- ‘so puṇṇo tiādi. Tassanti

puṇṇamāsiyaṃ. Sāpuṇṇamāsi, bhatakassa bhatiyā kammakārakassa yo tiṃsati ratto māso paribbayaniyamito, tassa sambandhinī neti sambandho.

Yassañcatithīyanti aniyamena paṭipadādīmāha. Atoeva ca nipātanāti imasmāva nipātanā, tenevāha- ‘sutte vacanameva nipātana’nti. Māsasutiyāccādo sādhippāyamattamaṃ vivarati ‘yadipi’ccādinā. Assāti sāmāññavacanepi ‘sāssa devatā puṇṇamāsi’ti sutte assāti avisesavacanepi soyeva puṇṇamāsisadde sūyamāno māsoyeva chaṭṭhyattho viññāyatīti sambandho.

Pañcadasarattādoti paresaṃ saññāgahaṇena nivattitapañcadasarattādo. Atha addhamāsasamvaccharānampi udāharaṇatte nopaññāso kasmā na katocchāha- ‘addhamāsasamvaccharāna’miccādi. Evammaññate “addhamāsasamvaccharānaṃ na paccayenokamabhiddhānamapi tu samvaccharepi phussādīmāsasambhavāsmiṃ samvacchare phussena māsenā sambandhā phussotyupacārīyate, yathā ca phussādīmāsasassa sambandhī addhamāso phusso addhamāso tyupacārīyate, na panojukanti tesamudāharaṇatte nānupādāna’nti.

14. Tama

Nākaḍḍhanatthoti ṇassākaḍḍhanattho na hoti. Yadyākaḍḍhanattho assa, tadā cānukaḍḍhitamaṃ nottaratrānukaḍḍheyyāti maññate, kociyeva hotīti hontīti ito bhindivā ānetabbaṃ. Tadā desassāti iminā “tadādesā taggahaṇena gayhanti’”ti paribhāsamupalakkheti. Katayādesassāpīti kato yādeso yassa tassa katayādesassāpīti. Ikārassāti yādesato pubbe ikārassa, iminā cādesādesīnamabhedo dassito. Tasadde nekenāpi paccekābhisambandhe siddheti evamaññate- “yathā’tena kataṃkīta’ (4-29) ntyādisutte ekova tasaddo bahūhi paccayatthehi sambajjhate, tathihāpi ekameva tasaddaggahaṇaṃ ‘tamadhīte taṃjānāti’ti paccekamabhisambajjhate, tasmā kimetadatthena dvitaggahaṇene’”ti. Dvitaggahaṇe payo janattayaṃ vuttaṃ, tattha paṭhamamaṃ dassento jānaniccādinādhippāyamāvīkatvā dvitaggahaṇamiccādinā padatthamāha.

Tattha-‘yo yamadhīte jānāti cā’ti iminā dvitaggahaṇābhāve paccayatthāvayavassa samuccayappasaṅgamāha. Samuccaye sati(yo) yamadhīte jānāti ca, tattheva siyā, yo pañadhīte kevalaṃ, na (jānāti) tattha na siyāti bodhayitumaṃ byabhicāramāha’na paccekāti sambandhene’ti. Yathā “tena kathaṃ kīta’”miccādo “tena jītaṃ jayati’”ccādi paccekasambandhena bhavati evammāvīññāyīti yathecchādi kassāttho. ‘Tena kataṃ kīta’”miccādīhi avatvā “tena jītaṃ jayati’”ccādisutte kadesavacanamatthabyatti tathā vutte hotīti vuttaṃ, tena jītamiccādo jayanādikā kiriyāne kadabbasamavāyittena pasiddhāti yutto tattha paccekābhisambandho, nevamajjhena vedanā pyekadabbasamavāyittābhiyyotyadhippāyo.

Idāni dutiyaṃ dasseti ‘jānana’ miccādi, nimitta miṭṭhāniṭṭhabodhakāraṇaṃ muhutto kattikādi, uppāto iṭṭhāniṭṭhasūcakaṃ pathavisamuddādīnaṃ sabhāvapariccāgenāññatattagamaṃ. Jānanasāmāññeti nimittādīnaṃ jānana sāmāññe. ‘Yathāvuttajānanassa ajjhena visayatte hetumāha- ‘taṃ jānāti’ti tasaddena adhīyamānaparāmasato’ti. Tatiyaṃ dasseti ‘yato ce’ccādinā. Yato ca uppanna vidhinā ajjhena ñātu abhidhānampasiddhanti sambandho, potthakesu pana ajjhetuñātūsuti pāṭho dissati, etthāyamadhippāyo “kathaci pasiddhivisayo hoti tasaddo, tathā ca vuttaṃ subodhālaṅkāraṭīkāyaṃ pakkantavisayo tathā pasiddhivisayo anubhūtavisayo ca taṃsaddo yaṃ saddamaṃ nā pekkhate’ti, tasmā pasiddhivisayena tasaddena puthageva pasiddhiyā upasaṅghatthamaṃ dvitaggahaṇamaṃ kattabba’nti. Atthattaye vattamānassa tu tasaddassa savisayo viseso tatovātthikehi veditabbo.

15. Tassa

Visayasaddo gāmasamudāyepi vattate, gāmasamudāyo ca nāma desoyeva, tenāha visayopi gāmasamudāyattā desoyevā’ti, iminā visayadesasaddānaṃ samānādhikaraṇattamāha. Vasāti desavāsino vasātayo, anuvāko ganthaviseso.

16. Nivā

Tannāmeccādinā na kevalaṃ nivāseyeva, athakho vakkhamānesu pīti dasseti. Paccayantaṃ sebbādi. Desanāmambhavati catūsu atthesūti viññāyati, tenāha-‘nivāsādo vidhī’ti. Nivāsādoti nivāsa adūrabhavanibbattaatthiatthesu. Saṃhitanāmaṃ nāma lokiyasaddavo hārāppasaṅgamaññasaddavohārenupāttanāmaṃ.

17. Adū

Nagarampi desoyevāti āha- ‘adūrabhava’nti.

18. Tena

Yathāyogathoti vuttiyaṃ vuttayathāyogasaddassa attho.

19. Tami

Paccayantanāmeti paccayantanāmaṃ yassa sattamyatthabhūtassa desassa hasminti attho, nāññasseti bhūmādivisiṭṭhatthayuttato aññassa paccayantanāmaṃ na hotīti attho. Badarā babbajā asmiṃ dese santīti viggaho.

21. Ajjā

Hīyattanoti “saramhā dve”’ti (134) dvittaṃ.

23. Amā

Amāsaha bhavo amacco.

24. Majjhā

Majjhe bhavo majjhimo, ante bhavo antimo iccādi.

25. Kaṇa

Magadhesu araññe gaṅgāyaṃ pabbate vane kule bārāṇasiyaṃ campāyaṃ mithilāyaṃ sambhavoti viggaho. “Dissantaññepi paccayā”’ti (4-120) eyyakoti seso. Paccayantaradassane sati imināva suttana ito aññatrāpi paccayantarāni hontīti seso, gāme bhavo udare bhavo pañcālesu bhavo bodhipakkhe bhavoti viggaho.

26. ņiko

Sarade bhavo, bhavā vāti viggaho.

27. Tamassa

Sippasaddatthamāha-‘losalla’nti. Tameva byañjayati ‘kiriye’ccādinā, karaṇaṃ kiriyā vādanādikassa abhyāso, so pubbo yassāti samāso, viñādisaddehi kimuccateccāha- ‘viñādi’ccādi, dabbaṃ taṃtaṃsamudāyarūpaṃ. Sippañcāti vatvā tadatthaṃ vibhāveti ‘kiriyaṃ viseso’ti. Vādanādikiriyāya visiṭṭho jānanakiriyāvisesoti attho, iminā viñādisaddā dabbatthavuttino vādanādikiriyāṃ kiriyā visesañca sippamupacārena vadantīti dīpeti. Itisaddo hetumhi. Sāyeveti abhyāsītā jānanakiriyāvisesassa pubbabhūtā vādanakiriyā, visesetuṃ yuttā viñādisaddenāti adhippāyo.

Yuttatā cettha... viñādivādanavasena sippassa gahetabbabhāvato, kathaṃ viñādisaddehi dabbavuttīti vādanā vuccatīti āha- ‘viñādi visayattā’ti, vādanavuttivīñādisaddānaṃ sippavuttittāṃ

yathāvuttasso pamāvasena vattumāha- ‘yathe’ccādi. Vīṇādivādananti yatheti sambandho. Vuttameva phuṭayanto vuttiganthassa mukhaṃ vivarīyati ‘kiriye’ccādinā. Kiriyaṭyāsapubbakaṃ ṇāṇakkhamaṃ kosallaṃ vādanakiriyaṃ visayattā vīṇāvādanamiccānena kiriyāsaddena vuccatīyattho. Muddaṅgaṃ muddaṅgavādanaṃ sippamassa, vaṃso sippamassāti viggaho. Sīlamaddabbaṃ kathaṃ paṃsukūlādi(no) sīlatthasamānādhikaraṇattenābhidhānantiyāha- ‘paṃsukūlādhāraṇa’miccādi. Taṅca sīlanti sambandho.

Appicchataṭṭhāyāti paccayappicchataṭṭhāyā. Santuṭṭhitāyāti catūsu paccayesu dvādasavidhasantuṭṭhiyā. Anuvidhīyamānaṃ kariyamānaṃ. Phalanirapekkhanti iminā idha loke cīvarādihetu paṇidhāya paṃsukūla dhāraṇādiṃ paṭikkhipati, sīlaṃ tapparabhāvena sevanā. Idaṃ vuttaṃ hoti “paṃsukūlādhāraṇaṃ paṃsukūlādivisayanti paṃsukūlādisaddenopacārenābhidhīyate, sīlaṃ paṃsukūlādhāraṇavisayanti paṃsukūlādi saddenopacārenoccatī”ti. Ticīvaraṃ sīlamassāti viggaho tesam guḷo paṇyamassāti viggaho tomaraṃ, muggaro paharaṇamassāti viggaho, upadhīyatupariādhīyatīti rathaṅgaṃ vuccati. Kāmakkhandaḥkilesābhisaṅkhārā vā upadhi upadadhāti sukhaṃ dukkhaṃvāti katvā.

28. Taṃhanti

Bahumhi bhūtānagatesupi paccayabhāve kāraṇamāha-‘saṅkhyākālānamavivacchittā’ti, sutte vuttāya ekasaṅkhyāya vuttamānakā lasseva ca vattumanicchittatīti attho.

Tadupādānantūti tesamekavacanādīnamupādānantu. Taṃ nānantarīya kattāti upalakkhaṇavasena tesam vacanakālantarānamavinābhāvittāti adhippāyo. Hanticcādityādyantassa kiriyāppadhānante kathaṃ ṇādīnaṃ tadatthe jāyamānaṃ sādhanappadhānatta miccitra hetumāha ‘sabhāvato’ti. Mīne hantīti meniko. Ajivhā animisā ca macchā, diṭṭhova sandiṭṭhanti iminā saṃsaddassa viṣuṃ atthabhāvaṃ dasseti. Lokuttaradhammoti navavidho lokuttaradhammo, phaladhammopi heṭṭhimo sakadāgāmi vipassanādīnaṃ paccayabhāvena uparimaggādhigamassa upanissayabhāvato pariyaṭto dissamānova vaṭṭabhayaṃ nivatteti, bhāvanābhisaṃmayavasena maggadhammo sacchikiriyābhisaṃmayavasena nibbānadhammo.

Vaṭṭabhayaṃti kammakilesavipākasaṅkhātāṃ tividhavaṭṭabhayaṃ. Vidhāna vacananti appatte-tthe niyogasaṅkhātavidhino pakāsataṃ ehipassa vacanaṃ. Parisuddhattāti kilesamalavirahena sabbathā visuddhattā. Amanuññaṃpi kadāci sappayojanaṃ yathāsabhāvappakāsanena dassetabbaṃ bhaveyyāti tadabhāvaṃ dasseti. Tenāha ‘vijjamānaṃpi ce’ccādi. Nanu ca ehipassāti tyādyantā, tasmā neteti paccayo pappoti, tathāhi pāṭipadikato paccayavidhānampaṭipāditaṃ, na tyādyantato nāpi vākyato, tasmā kathamehipassikoti hotīti āha-‘ehipassasaddocāya’miccādi. Padasamudāyassānukaraṇoti padasamūhassa anukaraṇabhūto eko ehipassasaddo. Athavā ehi āgaccha imaṃ dhammaṃ passāti yo appatte-tthe niyogasaṅkhāto vidhi, tabbācako yannipāto ehipassāti, ehipassavidhiṃ arahatīti ehipassiko, athavā ehicceva nipāto, dassanaṃ nāpanaṃ passo, ehitī passo nāpanaṃ ehipasso, ehipassaṃ arahatīti ehipassiko.

29. Tena

Ekībhāvoti muggehi saṃsaṭṭhānaṃ māsānamiva missībhāvo. Esoti saṃsaggo, ukkaṃsenāti ukkaṃsādhānena [utkaṃsasādhānena (potthake)] ca bhavitabbanti sambandho.

Saṃsaggaukkaṃsānaṃ sahabhāvassa anekanti katte kāraṇamāha- ‘asucidabbe’ccādinā. Byatirekamāha- ‘nukkaṃso’ti yattha saṃsaggarahitaṃ kevalamabhisaṅkhattamatthi, tattha paccayamudāharaṇena dassetvā vijjāya saha saṃsaggassāvijjamānante kāraṇaṃ vadati ‘rūpī dhammattā’tiādi. Rūpaṃ bhūtopādāyabhedamassa atthīti rūpī, ghatādi saṃsaṭṭhaṃ bhattādi. Tassa dhammo sabhāvo saṃsaggo, tassa bhāvo tattam, tasmā, tassāti saṃsaggassa, vijjātvarūpī... yathāvutta rūpasabhāvābhāvā, tenāha- ‘vijjāya ca arūpittā’ti caraiccandhātuyeva carati.

Vācasikaṃ mānasikanti “manādīnaṃ saka, yaṃkiñcīti satādikaṃ yaṃkiñci. Bāhulakenevetthāvadhāraṇaṃ labhatīti vuttaṃ- ‘tato vā’ti, devadattena kītoti so attho tadattho, tassa appatīti abhidhānasattivekallena vuttiyamanavagamo, devadattikoti hi vutte devadattena

kītyayamattho nappatīyate... tādīsa saddasattivekallena tadatthassānamidhīyamānattā, avagamo ca nāma sati sāmattiye siyāti imamatthaṃ saṅkhepato dassatumāha- ‘tadatthāppatīyā’ tiādi.

Abhidhānalakkhaṇattanti abhidhānaṃ sati sāmattiye vākye vacanīyassāttassa vuttīyā kathanāṃ lakkhaṇaṃ sabhāvo yesante abhidhānalakkhaṇā, tesam bhāvo tattaṃ, tabbādisamāpyevameva daṭṭhabbā. Maricena abhisankhataṃ saṃsaṭṭhaṃ vāti, salākāya jītaṃ viggaho.

30. Tassa

Yo “dissantaññepi paccayā” ti (4-120)

34. No

Pavuttepīti kaccāyanena pavuttanti atthe “aññasmim” tismimño hotevāti adhippāyo.

35. Gavā

Duno rukkhassa.

38. Mātā

Mātāpitunnaṃ mātāpitaroti mātuyā mātāpitaro pitussa mātāpitaro, na ekamekato dvīsūti ekato ekato vuttanayena dvīsudvīsu atthesu na bhavātīti attho.

39. Hite

Mātu hito, pitu hitoti viggaho.

40. Ninda

Sena rūpena ñātepi visesarūpena aññāto aññātaviseso. Kaṭṭhādīmayā yā paṭimā tampaṭicchandaṃ. Sambandho sassāmīlakkhaṇo assa atthīti sambandhi kassāti kiṃ saddaniddiṭṭho, sova viseso, sambandhiviseso visayo assa aññāñassāti samāso. Payogāsambhavāti ayamassoti vutta assappakatiyāpi payogā sambhavā. Tathāhi yadi yassācantaṃ jānanaṃ siyā tathā sati sabbathā vatthujānanābhāve pakatiyeva na siyā, na hi sabbathā aviññātattho saddo payogamaharati, tasmā sarūpena ñātassa yassa viseso aviññāto, soyevidha aññāto-timatoti viññāyate, aññāto-ssokassa [aññāto sesaññassa (potthake)] vā kutotivā kiṃ sabhāvo veti hi assakoti. Kappaccayanto hatthikaicayannāmadheyyaṃ nāmaṃ yassa hatthiviyāti dassitapaṭibhāgassa so kappaccayantanāmadheyyo. Abhinivesena vā sijjhanti yathā ajjunādivesadhārini ajjunādisaddenāti adhippāyo.

Paṭimāyāti ettha pūjanattā eva paṭimā gahitā, morasamāna nāmattā moroviyāti yojanā, cañcā tīṇapuriso, idha pana taṃ sadiso puriso manusso cañcā. Akasmā eva ākasmikaṃ “sakatthe” ti (4-122) ṇiko. Yaṃkiñci abuddhipubbakaṃ, tamākasmikaṃ, tasmim ākasmikebhidheyyo sati ivasaddatthe vattamānato iyo hotīti attho. Kāko ca tālañca phalaṃ kākatālāni, tesamiva milanaṃ. Ajākhaggānamiva milanaṃ yadākasmikaṃ, kiñci tama jākhaggīyaṃ, ṇo ivatthe. Sakkaranti “saṃyoge kvaci” ti (4-125) vuddhyabhāvo. Munīva, bālova, kulisamiva, ekasālāivāti viggaho, lohitova lohitiko phaṭikamaṇi.

41. Tamassa

Doṇādītyādisaddena khārasatādayopi parimāṇavisesā gayhanti. Saṅkhyā asītipaṇcādayo, aññaṃ

vā yaṃkiñcīti upaḍḍhakāyādi, soḷasa doṇā ekā khārī. Nanu pañcakaṃ ganthajātanti vatvā aññaṃ vā saṅghādikanti vuttaṃ taṃ kathaṃ paṇiniyehi viya “saṅkhyāya saññāsaṅghasuttājjhayanēsū”ti (5-1-58) suttitattābhāvāti manasi nidhāya ‘saṅkhyāvācīhi’ccādi vuttaṃ. “Ādasahi saṅkhyeye vattantī”ti pañcasaddassa saṅkhyeye vuttattā āha- ‘pañcāvayavā’ti. Parimāṇasaddasannidhāne saṅkhyānepi pañcasaddoti maññaṃāno āha- ‘pañcasāṅkhyānañce’ti. Pañcā vuttayoti pañcavārā, rūpānīti ca pariyāyantarena āvuttisaddasse vātthaṃ byattaṃ karoti.

44. Kimhā

Nanu sutte saṅkhyāyanti na vuttaṃ katyādayo ca payogā saṅkhyā parimāṇeyeva dissanti kathaṃ nāmetthāyaṃ vidhīti āha- ‘bahule’ccādi. Saṅkhyāparimāṇeyevāyaṃ vidhīti kiṃ sadde saṅkhyāparimāṇa visayeyeva vattamāne ayaṃ ratyādiko vidhīti attho, nanu cetttha kiṃ saddo pañhe vattamāno kathaṃ saṅkhyāparimāṇe vattateti vuccate, yajjapi saṅkhyāparimāṇe na vattate, tathāpi saṅkhyāparimāṇassa pucchiyamānattā saṅkhyāparimāṇavisaye vattate vāti. Bahulādhikāra payogasāmatthiyahetunidassane phalamāha- ‘yatratvi’ccādi, paricchadakattena parimāṇakattena. Ayamethādhippāyo “yadākimidaṃ saṅkhyā parimāṇamesaṃ dasannaṃ na kiñci appakamevetanti saṅkhyāparimāṇameva kiṃ saddena nindīyate, tadāpi saṅkhyā parimāṇassa nindīyamānattā saṅkhyāparimāṇavisayattameveti khepe vattamānāpi kiṃ saddā raticcādi siyā, bahulādhikārāditova panettha na siyā”ti. Rakārānubandhā isaddalopatthāti yojanā.

45. Sañjātaṃ

Bubhukkhāpipāsappakatīhi khasantāhi akammavacanicchāyaṃ “gamanatthā kammakādhāre cā”ti (5-59) kattari kte ñimhi ca bubhukkhito pipāsītōti siddhepi vattamāne payogatthaṃ bubhukkhāpipāsāti pāṭho.

46. Māne

Sabbamparicchedarūpanti ummānaparimāṇādikaṃ sabbam paricchedarūpaṃ. Tatra ca uccattena mānamummānaṃ, sabbato mānaṃ parimāṇaṃ.

47. Taggho

“Pamāṇaparimāṇehi saṅkhyāyacāpi saṃsaye mattovattabbo”ti (5-2-37) paṇiniyavattabbakāravacanaṃ, tattha pamāṇa māyāmo. Saṅkhyāyāti pañcamī. Etehi saṃsaye matto vattabbōti attho. Vidatthimattaṃ ratanamattaṃ vātīādīni kamena tatthodāharaṇāni.

Na vattabbanti yathāvuttavattabbavacanaṃ paṭikkhipati. Paṭikkhitte tasmim vidatthimattaṃ ratanamattaṃ vātīādī(nā) yaṃkiñci daṇḍapubbaṇṇādikaṃ [paṇṇādikaṃ (potthake)] saṃsayitaṃ, tena mānasāṅkhātassa paricchedassābhāvā kathamete payogā siyunti āsaṅkiya tattha kāraṇamāha- ‘tathābhyūhanato siddhattā’ti. Tathābhyūhanatōti vidatthimānampamāṇamassa ratanamāna massātyādinā tenappakārena abhyūhanato abhyupagamatōti attho. Saṃsayo ca nāma ubhayapakkhapaṇāmasane sati siyāti yathāvuttamabbhūhanaṃ sādhetumāha-nāntarene’ccādi. Pakkhadvayehīti vidatthi mānamassa ratanamānamassāti evamādihehi pakkhadvayehi. Abhyūhanaṃ saṃsayassāti gamyate. Jaṇṇu mānamassa jaṇṇutagghaṃ.

48. Noca

Puriso pamāṇamassāti viggaho.

49. Ayū

Upādhyantaropādānāti ‘amse’ti nimittantaropādānā nivattatīti yojanā.

50. Saṅkhyā

Saccutīsāsadasantāya saṅkhyāya paṭhamantāya asmiṃ sataśahasā adhikā saṅkhyāti atthe ḍo bhavatīti suttattho. Saccutīsā sadasantāti paṭhamāvacaṇaṃ paṭhamantato vidhiñāpanatthaṃ. Nanu ca sutte ‘sataśahassa sataśahasā ḍo’ti na vuttaṃ, tathā sati vuttiyaṃ kathaṃ ‘sataṃ sahaṣsaṃ sataśahasāṃ vā’ti vuttantyāsaṅkiyāha-ubhayathāvagamā’tiādi. Ubhayathāvagamāti sataṃ sahaṣsanti ca sataśahasanti ca ubhayappaḥārenāvagamā, ubhayathāvagamā payoga dassanañcetha evaṃ vivaraṇe kāraṇanti adhippāyo. Paccayatthena samānajātiye pakatyatthe satīti yenakenaci suvaṇṇakahāpaṇādīna paccayatthena samānajātiye. Suvaṇṇamāsakadīna [\[suvaṇṇakahāpaṇādīnaṃ \(potthake\)\]](#) masamāna jātiyānaṃ. Akevalaṃ codāharaṇaṃ dassetuṃ ‘ekavīsa’nti vuttaṃ. Anipphannattā saddānamidha paccayaggaṇaparibhāsāvātāro natthi.

51. Tassa

Nanu ca saṅkhyāsaddo saṅkhyāne saṅkhyeyye ca vattate, kathamettha saṅkhyānevasitā vutti yenevaṃ vivaraṇaṃ katamiccāha- ‘yadipi’ccādi, paccāsannaṃ saṅkhyāsaddassāti adhippāyo. Iminā ca karaṇasādhano-yaṃ pūraṇasaddoti viññāpeti. Yatoti vuttayaṃ saddasambandhinā taṃsaddena seti ulliṅgitassa saṅkhyātiatthamupadassiya sāyeva pūrīyatetiṃmassa kammabhāvena tiṭṭhatīti dassetuṃ tena pūraṇena pūrīyate’ti āha.

Sampajjate pūrīyatetyassatthamācikkhati. Anenetaṃ dasseti “(na) ghaṭikādīnamiva dabbānaṃ dabbantare nātirittikaraṇaṃ saṅkhyāya pūraṇaṃ kiñcaraḥi tassa samappattiyevā’ti. Atha kāyaṃ vacoyutti ‘sāsaṅkhyā pūrīyate yene’ti, yāvātā sāti yasmā paccayo vihito tassa saṅkhyāsaddassa parāmāso tassa ca pūraṇena abhedoccāsaṅkiyāha- ‘abhedenoccate saṅkhyā pūrīyate yene’ti’ abhidhānābhidheyyānamabhedopacārena vuccatīyattho, saṅkhyeyyapūraṇe ḍo na hotīti vatvā tadatthaṃ vibhāvetumāha- ‘dvādasanna’miccādi. So ghaṭo tāsāṃ ghaṭikānaṃ pūraṇo dabbānaṃ dabbantare nāti rittikaraṇavasena. Vīsatīyā pūraṇotiādinā viggaho.

54. Chā

Kaccāyanena “dvitīhi tiyo’”ti (2-8-42) suttena dvitisaddehi tiyappaccayaṃ vidhāya “tiye dutāpi cā’”ti (2-8-43) dvitīnaṃ dutādesena dutiyaṃ tatiyanti ca “catuḥchehi thaṭhā’”ti (2-8-41) suttena catuto thappaccayaṃ vidhāya dvittena catutthanti ca nipphāditāṃ. Idha tathā bhāvena kathaṃ te sījḥantīti āsaṅkiya vuttiyaṃ ‘katha’miccādi vuttanti dassetuṃāha ‘saṅkhye’ccādi. Vuttiyaṃ ‘dutiyaṃ’tiādinā suttekadesā dassitāti tāni sampuṇṇaṃ katvā dassetuṃ ‘dutiyaṃ’tiādinā ‘catutthatatiyāna’miccādinā ca vuttāni.

55. Ekā

Saṅkhyāvacanassa gahaṇe ko dosaccāha-‘saṅkhyāvāci’ccādi. Bahuttavisaye payogo na siyāti saṅkhyāvacanassa ekatthe niyatattā vuttaṃ. Ekākīhiccassa atthamācikkhati padhānabhūteheva’ccādinā. Upapajjake bahuttavisaye payogotyapekkhate.

56. Vacchā

Taro hotīti vuttepi tehi taro hotīti viññāyati, vacchādīhīti sutattā pana vacchādīnanti ca viññāyatīti vacchādīnantiādinā vuttiganthopadassanaṃ. Nanu tanutte vavacchādīhi paccayo vidhiyate, ye ca sarīrena kisāvaccādayo, tatrāpyavisesena payogo pasajjati [\[payopasajjane \(potthake\)\]](#) vīsānupādānato, tasmā kathamatra sabhāvasseva tanuttaṃ viññāyate yenevaṃ vivaṭamiccāha- ‘vacchādisaddāna’ micca-di, vacchādīhi pakatīti paccaye vidhiyamāne tāsāṃ pavattinimittaṃ vayovisesādi, yasmīṃ sati vacchādayo saddā dabbe-bhinivisante, taṃ paccayā-sannaṃ, na ca kisattassa bhāvā dabbe vacchādisaddā pavattante. Ato tasseva saddappavattinimittassa tanutte yuttaṃ paccayena bhavituṃ, (na) tanuttamatteti maññate. Pavattinimittaṃ sambandhi āsannanti samānādhikaraṇāni.

Vaccho paṭhamavayo, tassa tanuttaṃ dutiyavayappatti. Dutiyāñhi vayo pappontassa vacchassa paṭhamo vayo vacchasaddassa pavattinimittam kiñcimattāvasesam bhavati amumevāha- ‘susuttasse’ccādinā. Ukkhotaruṇodutiyavayappatto vuccate, tassa tanuttaṃ tatiyavayappatti. Tatiyāñhi vayappattakāle dutiyassa vayo ukkhasaddappavatti nimittassa kiñcimattā vasesato [vasissate (potthake)] jātisāṅkarattā gaddabhajātiyā vaḷavajātiyā ca missattā. Bhāravāhakattampati yo samattho, so usabhotyuccate, yadātu tassa bhāravāhakatte sāmattiyaṃ mandam bhavati parikkhīṇam, tadā tanuttambhavatīyāha- ‘sāmattiyaṃ tanuttaṃ appabalaṭṭā’ti.

57. Kimhā

Samudāyo nāma dvyavayavo vā siyā bahukāvayavo vā, tattha dvyavayavasamudāyā niddhāraṇe sāmattiyaṃ ekasseva niddhāraṇam viññāyati tamevānuserati. Bahukāvayavasamudāyāpye ‘kassa niddhāraṇe’ti sutte ekassāti vacanābhāvepi ekasseva niddhāraṇam viññātabbam teneva katāro bhavataṃ devadatto’tyādikamudāharaṇamadāsi. Katāro bhavataṃ devadatto katāro bhavataṃ kaṭhotyādyudāharaṇabahuttana niddhāraṇavācīnamabahutthepe niddhāriyamānavācīhī’ti bahuttana vuttaṃ. Apaccaparamparāya pavattaṃ gottaṃ vaṃso, tadabhi dhāyino apaccappaccayantāpi abhedopacārena gottaṃ, tevāpaccā paccavantasambandhadvārenāpacce pavattāti sambandhisaddā bhavanti, caraṇasaddā ca kaṭhā yo kiriyāsaddā bhavanti kaṭhādīhi vuttajjhayanattham yathā sakaṃvatacaraṇakiriyānimittattenājjhetūsu pavattāti tesam sambandhisaddānaṃ kesañci atthassa kiriyāsaddānaṃ cātthassa asatyapi jātite jātinibandhanaṃ loke kāriyamittham taduttaṃ ‘‘gottañca cara- ñehi sahā’’ti. Tatthāpi jātittamparibhāsitaṃ, tenāha- ‘kaṭhassa caraṇattā jātittam gotattā jātitta’nti ca.

58. Tena

Lokiyāti parasaddasatthakāre sandhāyāha. Iha tu avisesena vuttanti sambandho. Niruttiyaṃ sāmāññaena vuttattāti yojanā. Sāmāññaena vuttākāraṃ dassetuṃ ‘katha’ntiādi vuttaṃ. Deveni datto brahmunā dattotiādīni kattari karaṇe vā viggahavākyāni. Devadatto devadattiko deviyo devalotiādīni vuttipadāni.

Tattha niruttiṭṭakāgatānaṃ ‘devadattā devadattiko’tiādīnaṃ vuttipadānaṃāññathā nipphattimupadassiya devalo deviyotiādīnaṃpana vacanantareneva nipphattim dassetuṃ ‘deveni datto’tiādi vuttaṃ. Parasaddasatthakārānampi devalo deviyoti vacanantareneva sādhanam sādhanākāraṇa tesam dassetuṃ ‘kecīhī’tiādi vuttaṃ. Ekadesatoyeva paccayamicchanti tena tesam devalo deviyo datti loccādi bhavati. Kappanāgāravoti dattasaddalopanāmekadesavasena kappanāgāravo.

59. Tassa

Na ca sabbetiādīnā bahulādhikāre phalaṃ vuttaṃ. Bhāvasaddo katthaci kiriyāyaṃ vattate ‘bhāve ayaṃ vidhī’ti. Katthaci adhippāye ‘ayametesam bhāvo [bhāvodhippāyo]’ti. Katthaci padatthe ‘ime bhāvā’ti. Katthaci sattāmatte’tiñānaṃ bhāvo’ti. Tenāha- ‘bhāvasaddasse’ccādi. Rūpasādhana dvārenāti bhāvasaddassa rūpasādhanadvārena, sappanti pakāsenti attha manenāti saddo. Sova abhidhānaṃ abhidhāyate-nenatthoti katvā. Bujjhati atthasarūpanti buddhi, sāva patiyate-nenattho paccehi attha miti vā paccayoti vuccati.

Nanu ca ‘bhavanti etasmā buddhisaddā’ti vuttaṃ tasmā pavattinimittamubhinnaṃpi bhavati, tathāsati ‘saddappavattinimittā’nti saddasseva pavattinimittatā kasmā vuttāti vuccate. Pākaṭṭabhāvena abhidhānābhidheyyasambandhassa saddasseva pavattinimittatam vatvā visum buddhiyā nimittassa rūpānugatattam visesetvā pavattinimittatamassā dīpetum ‘nimittavasāhi’ccādimāha. Dabbeguṇoti dabbe vuttiyaṃ guṇo nimittanti sambandho. Guṇasaddasseva jātisaddattenodāharaṇadvayaṃ dattam... guṇassa jātiyā visum jātinimittasābhāvato [nidhittassa bhāvato]. Kiriyādītiādisaddena dabbādīnaṃ gahaṇam, keci pana kiriyāsaddānaṃ kiriyā pavattinimittantyāhu. Tesam devadattādīnaṃ avatthāvisesena avatthābhedenā sāmāññaṃ tadavatthā visesasāmaññaṃ. Tenāha- ‘devadattassā’tiādi. Vijjamaṇo padattho visayo yesam devadattādīnaṃ saññāsaddānaṃ tesam pavattinimittam

jātilakkhaṇamācikkhitampaṭipādītanti attho.

Anena ca devadattādayo saññāsaddāpi samānā jātisaddāti vuttaṃ hoti. Yadi carahi saññāsaddāpi jātivacanā siyuṃ, pañcavidhattamesaṃ parihāyatīti. Nedamevaṃ viññeyyaṃ... pasiddhatarajātyābhīdhāna kaṭhagovīhiyavādisaddā jātisaddattena visuṃ pariggayhanti.

Sambandhibhedatoti ghaṭṭādisambandhīnaṃ bhedato. Abhāvassabhedatoti ghaṭṭapaṭādīnaṃ sambandhīnaṃ bhedena abhāvassa bhedato abhedepi bheda upacaritā santīti yojanā. Yassa sāmāññassa vasā, tesu upacaritabhedesvākāsādīsu. Niravayavāvijjamānavisayanantiye ākāso viya niravayavā abhāvo viya asantā ca, te visayo yesaṃ saddānaṃ tesanti attho. Sāmāññaṃ bhāvoti puthujjanādisāmāññaṃ bhāvoti attho. Alasassa bhāvo kiriyāsambandhitaṃ, brahmaññaṃ jāti cāpalyaṃ nepuññaṃ guṇo vā. Vuttiyaṃ sakatthekantāti “sakatthe”ti (4-122) iminā sakatthe katakappaccayantāti attho. Na daṭṭhabbanti sambandho. Pattakālova pattakallaṃ. Karuṇā eva kāruññaṃ.

62. Aṇvā

“Ekayoganiddiṭṭhānaṃ saḥavāpavatti saḥavā nivattī”ti ‘bhāva kammesū’ti anuvattate. Tathāpi bhāvetīmināvettha sappayojanattaṃ dassetumāha- ‘bhāvakammesu’ccādi.

64. Tara

Yajjapi sīdhātussa kevalassa supane pavatti, tathāpyatipubbassa ukkaṃse pavattīti āha- ‘atisayo ukkaṃso’ti. So ca atisayo kassa sambhavaticcāha- ‘so ca kiriyāguṇāna’nti. Kathaṃ tesamatisayoccāha- ‘ādharabhūtaḍḍavāsā’ti. Kutoccāha- ‘anapekkhite’ccādi. Anapekkhito kiriyāguṇānaṃ nissayo dabbasaṅkhāto yesanti viggaho, dabbassa nissayabhūtaḍḍa-tisayatam hontampi nissitānaṃ kiriyā guṇānaṃ vaseneva siyā nāññathāti vattumāha-‘paccadhikaraṇa’ntiādi.

Nanu ca yadi kiriyāguṇānamevātisayo, tadā na sijjhati ‘gotaro’ti nesa doso, no cettha jātiyātisayo, kassa carahi guṇassa go ayaṃ yo sakaṭaṃ vahati, gotaro-yaṃ yo sakaṭaṃ vahati sirañcāti, jātiyā hi niccāyekarūpāya nokkaṃsāpakāṃsayogo sambhavatīti dabbassāpi nātisayasambhavo. Tathāhi tulyappamāṇassa guṇakatova mūlato ukkaṃso dissati samānepi hi āyāme vitthāre ca paṭassa kāsikassāññovāggho bhavati māthurassāñño vāti. Dabbassāpi sātisayehi yuttatāmattena sātisayattasupatṭhāpitattā vuttaṃ- ‘tenevāhā’tiādi. Yadaggena kiriyāguṇānaṃ nissitānamatisayavasena nissayabhūtampi dabbam kathañcidapyatisaye vattati nāma, tadagge tabbācīkāpi pakati attano vacanīyatthavasena tatha vattatiyeva nāmāti ‘atiyaye vattamānato’ti pakativisesanavasena vuttaṃ, tenevāha- ‘iminā pakati visesanattañcāhā’ti. Sakatthikānaṃ pakatiattho jotaniyo hotīti sambandho.

Sakatthikānanti kattari chaṭṭhī sambandhavacanicchāya, sakatthikehīti attho. Hetumāha- ‘pakativisesananti’ti. Itisaddo hetumhi, yasmā ‘atisaye vattamānato’ti, pakativisesanaṃ, tato pakatyatthabhūte-tisaye jātatā sakatthikehi yathāvuttanayena pakatyatthabhūtetisayo jotaniyo hotīti attho. Tatha nābhidheyoti byatirekamāha, tathā ca vakkhati- ‘atisayajotakātarādayo’ti.

Atha pakativisesanatte kasmā nābhidheyo jotaniyoccāha ‘pakatiyāyeva’ccādi. Ukkāṃso samānaguṇavisayeyeva loke diṭṭho [paviṭṭho (potthake)] tena sāmāññavacanepi tādithavisayeyeva [soyeva] kāraṇa vasena hotīti dassetumāha- ‘atisayene’ccādi. Dvinnamekassā-tisayeccādinā ‘dvibahūsukkaṃse taratamā’ti (caṃ 4-3-45) sakkatasuttatthassādhippāyaṃ vivarati. Taraiyāti sakavohārena vuttaṃ, tesantu īyappaccayo. Evamihāvidhānaṃ sukhasānettanti sambandho.

Ayametthādhippāyo ‘yathāvuttasuttatthavasena dvinnamekassa ukkaṃsābhāvā ‘māthurā pāṭaliputtakehi sukumāratarā’ccādo tarappaccayo na hotīti eko māthuro dutiyo pāṭaliputtako imesaṃ sukumārānaṃ dvinnameko māthuro-tisayena sukumāro sukumārataro, ekamaññesaṃ dvinnamukkaṃsetathāññesaṃ dvinnamekassāti evaṃ dvinnaṃdvinnamekekassa ukkaṃse tarappaccayo bhavati, ubhayatra tvavayavāpekkhambahuvacanaṃ, tathāhi

sukumārattenukkaṃsiyamānānaṃ samudāyānamavayavā māthurā bahavo pāṭaliputtakāpi nikkāṃsiyamānā tathevāvayavā bahavo honti, evaṃ māthurā pāṭali puttakehi sukumāratarā'ti tarappaccayena sijjhati. Imasmiṃ gāme aḍḍhatarā vāñijjāccādopi kathitena ñāyena dvinnamdvinnamekekassa ukkaṃse tarappaccayo bhavati, bahuvacanantu katthaci avayavāpekkhanti sabbaṃ sakkate kicchena sādheti. Iha tu tathāvidhassa suttassā vidhānā "taratamissikiyitthāsisaye"ti tarādīnamatisaye sāmāññena vidhānā sabbattha tarappaccayena sukhasādhanam hoti'ti.

Avatthābhedenāti paṭutarāvattahāvato paṭuavatthāya bhinnattā vuttam, tathāhi tamevāvattantaratayuttam vattāro bhavanti aññe 'bhavaṃsūvattho'ti. Pakārantarenapi sādhanē hetumāha- 'atisayamatte vā vidhānato'ti. Anavatthitattamāha- ('atisayavāpi'ccādi). Pañcasvetesūti etesaṃ yathāvuttānaṃ tarādīnaṃ pañcanaṃ majjhe, rūpāni guṇavacanassa vuttiyamudāharitāni. Kiriyaṇavacanassa tu 'atisayena pācakataro pācakatamo'ti. Issika iyaitthā sarādī tato (aññato) na honti bahulādhikārā.

66. Tassa

Tassāti sāmāññena vuttepi vikārasambandhīyeva chaṭṭhiyanto gayhati, chaṭṭhiyantasambandhīyeva ca vikāro gayhati sambandhavasāti dassetumāha 'yassā'ccādi. Kosakārapāṇavisesehi kato koso. Pāṇayo sattā, osadhyophalapākantā, rukkhā pupphaphalūpagāti rukkhosadhīnaṃ lakkhaṇam vadanti tallakkhaṇenettha rukkho sadhaya na gayhanti, kiñcarahi osadhisaddena latādipi gayhati, rukkhāsaddena (vanappa)tayopi, vanappatayo hi phalavantā na pupphavantā. Katham gāvassa vikāre purise mayocāha- 'aññasmi'ntiādi. Gāvassa idaṃ gomayam.

67. Jatu

Upapatyantaranti paccayalopato yutyantaram.

68. Samū

Tīsuttāresu ca vattateti sambandho. Rājāññamanussānampi jātiyāmapacce ññassappaccayānaṃ vidhānā vuttam 'gottappaccayantā'ti āha- 'rājāññānaṃ samūho'ccādi. Ukkho usabho. Ottho kharato, urabbho meso, evamiccādinā 'ukkhānaṃ samūho'ccādi. Vākyāmapadisati. Kākānaṃ samūhoti viggaho, ñikaacittāti iminā ñiko acittavāca keheva dissatīti ñāpeti. Apūpo piṭṭhapūpo, saṃkulanti (guḷa) missakakhajjakaviseso.

69. Janā

"Tadassaṭṭhānamīyo cā"ti (2-8-13) kaccāyanasuttassāya mattho "tadassaṭṭhānamiccetasmim atthe chaṭṭhiyantato iyappaccayo hoti'ti. Tena madanassa ṭhānaṃ madanīyam bandhanassa ṭhānaṃ bandhanīyamtyādikaṃ sādheti. Idha pana tathāvidhassābhāvā katham tam sijjhatītyāsañkiya 'madanīya'ntiādikaṃ vuttam, tam dassetumāha- 'madanīyādippasiddhiyā'ccādi. Sādhanakkamaṃ dassetumāha- 'evamaññate'ccādi.

Ṭhānanti kāraṇam. "Upamatthāyitatta"nti (2-8-14) kaccāyanasuttassāyamattho "upamatthe āyitattappaccayo hoti'ti tena dhūmo viya dissatīti dhūmayitattam timiramiva dissatīti timirāyitattamtyādikaṃ sādhetīti vuttanayameva. Tampihaccādikaṃ dvīsu sādhanakkamadassanaṃ, dhūmo viya dissatīti dassito yo kammattho sopi dhūmayīti kattuvāsena sakkā parikappetunti kattusādhanato dhūmayitasaddā sakatthetappaccayepi dhūmo viya dissatīti atthe āyitattappaccayepi nātthabhedo-ññatravacanicchābhedaṭi daṭṭhabbaṃ, bhāvattā pana tesam bhāvappadhānavāsena labbhati, dhūmasseva dassananti viggāhe āyitattena vā.

70. Iyo

Aññasminti aññasmimpi atthe iyoti yojanā.

74. Kathā

Pavāse dūragamane sādhu pavāsiko, upavāse ratyabhojane sādhu upavāsiko.

75. Pathā

Pathe sādhu upākārakaṃ pātheyyaṃ, maggopakaraṇaṃ, sapatimhi dhana patimhi sādhu upakaraṇaṃ sapatheyyaṃ dhanam.

77. Rāyo

Tumantakiriyāyāti ghātetuṃ (tyādītu) mantakiriyāya. Vā saddo samuccayo, ghātetuṃ vātiādīnā yojetabbo.

78. Tame

Itisaddena byavacchinnamatthamupadassayamaññanāpekkhaṃ sappadhānaṃ mantvādi vidhimhidamatthadvayaṃ byāpārīyaticcāha-‘ettha assa atthī’ti. Nanu ca yaṃ yassa hoti taṃ tasmimpi hoti (yaṃ yasmim hoti) tassāpi taṃ hoti teneva vuccate- ‘chaṭṭhīsattamīnamaviseso’ti, tatrañña taraniddeseneva siddhe kimatthamiha chaṭṭhīsattamīnaṃ bhedenopādānaṃ karīyatīti vuccate-yatrāvayavāvayavibhāvo, tattheva chaṭṭhīsattamīnamatthassa aviseso [vatthuto (potthake)] yathā ‘rukkhesākhā rukkhasa sākā’ti. Sassāmibhāvajaññajanakabhāvādo tu nāvassamādhārādheyyabhāvoti dvinamevatthānamupādānanti.

Nanu ca sambhave byabhicāre ca sati visesanaṃ sātthakaṃ bhavati yathā ‘nīlamuppala’nti, nevātthittassātthi byabhicāro, tathā ca vuttaṃ- ‘na sattaṃ padattho byabhicaratī’ti, tasmā byavecchejjābhāvā niratthakamatthītivisesanantyāha- ‘padatthasse’ccādi. Sattāyaṃ abyabhicāre pīti sambandho. Kālantarā byabhicāratthamatthītivisesananti dassetumāha- ‘kāle’ccādi.

Nanu ca suttesu kālo padhānaṃ na hoti, ‘‘tena kataṃ kītaṃ’’tyādīnā hi paccayattho dassito, tathā hi kāyikaṃvācasikaṃ tyādo na kālasampaccayo, evamihāpi sattāmatte bhavitabbaṃ, atthīti tu vattamānasattāya eva pariggaho kathamavasiyate yena kālavisesanaṃ siyāti. Saccam, kintu padatthassa sattābyabhicārābhāvepi atthītivisesanopādānasāmatthiyātra visiṭṭho sattā atthīti visesanattenopāttā, na sattāmattanti patīyate, sā pana visiṭṭhā sattā sampatisattā, atthi ca tassā byabhicāro sāmāññasattāyāti yujjateva visesanavisesabhāvoti maññate. Upādhitī visesanaṃ.

Na bhuñjaticcādiviyāti yathā na bhuñjatīti nañssa paṭisedhattā viruddhatthapadassa sannidhāne-tthantarassa paṭisedharūpassatthassāvagati padanibandhanassa vidhino abādhikā bhavati, tamivākyattho. Adhippāyattha māha- ‘atthivacanicchāya yo visayo tassa niyamo’ti. Kati payasambhave na pana gomā rukkhavāti yojanā, tehīti pasamsāpahūtehi. Kakude āvatto kakudāvatto, nindito kakudāvatto assa atthīti kakudāvattī. Kathaṃ ninditattamassiccāha-‘kakudā vatto’ccādi. Samsatto daṇḍo assa atthiccanena gehatthitena vijjānānenapi daṇḍena daṇḍīti nābhidhīyatīti vadati. Dabbebhidheyyeti jātisannissayagopiṇḍaassapiṇḍādisaṅkhāte dabbe-bhidheyye, bhavaṃ bhaveyyāti yadākadāci bhavanto yadi bhaveyya.

79. Vantva

Paññavā ‘‘byañjane dīgharassā’’ti (1-33) rasso.

80. Daṇḍā

Dve hontīti iko iceti dve honti, ekamekaṃvāti ubhinnaṃ. Vāsaddo dve hontīti etthāpi

daṭṭhabbo. Uttamīṇeva dhanā ikoti gaṇasuttaṃ vivarati ‘uttamīṇevā’tiādi. Kenettha samāsoti āha- ‘syādisyādinekatthanti samāso’ti. Uttamīṇo dhanasāmī. Asannihite atthāti gaṇasuttaṃ, asannihitetimassa atthaṃ vivarati ‘appatte’ti. Asampatteti attho. Asannihiteti ca attho iccassa viśesanaṃ. Atthanaṃ asannihite atthe āsisaṇaṃ attho, so assa atthīti atthiko atthī. Tadantācāti gaṇasuttaṃ, asannihitetyanuvattate, asannihitopādhikā atthantā ca ika ippacayo bhavattiyattho. Vaṇṇantāiyevāti gaṇasuttaṃ, brahmānaṃ devānaṃ vaṇṇoti vā samāso. Hatthadantehi jātiyanti gaṇasuttaṃ.

Jātiyanti paccayaviśesanaṃ. Vaṇṇato brahmacārimhīti gaṇasuttaṃ. Brahmasaddena niyamaviśeso vuccaticcāha-‘vijje’ccādi. Tasmīñcaniyamaviśesacaraṇe tiṇṇaṃ brāhmaṇādīnamevādhikāro, nasuddassāti dassento āha- ‘tañce’ccādi. Tevaṇṇiko vaṇṇīti vuccatīti sambandho. Tīsu vaṇṇesu bhavo tadantogadhattā tevaṇṇikoti bhavathe ṇiko. Vaṇṇasaddo brāhmaṇādīvaṇṇavacano. Tatra brahmacārimhityanena suddo byavacchijjate.

Athavā brahmanti nibbānaṃ tadattho ganthopi, taṃ brahmaṃ nibbānaṃ dhammaṃ vā teṭṭakamaṃ caratīti brahmacārī, yati. Yatayopi hi vaṇṇīti brahmacārinoti vuccanti. Vaṇṇīlingīti hi vutte tilingavāti attho. Vaṇṇa saddo panettha yathāvutta brahmapariyāyo. Pokkharādito deseti gaṇasuttaṃ. Deso cettha yattha(tthi pokkharādīni so). Padumagaccha pokkharāṇīnaṃ vācakassāti iminā padumāni assaṃ santīti paduminīti pokkharāṇīpi vuccatīti dasseti. Nāvā atthīti nāviko, yāgame nāvāyiko. Sukhadukkhā ī, balā bāhūrupubbā ceti ca gaṇasuttāni.

82. Mukhā

Ihāpi pasajjeyya madhu asmiṃ ghaṭe atthīti etthāpi payoge madhuranti rappaccayo pāpuṇeyya madhumhi abhidheyyati adhippāyo. Na gacchantīti nagā. Yajjapi ūsavāccādo pahūtādivisayāyātthitāya sambhavo, tathāpi ṇusādivato paccaya(ttha)ttena vacanicchābhāvā ṇusavā ghaṭocādi na sijjhati tasmā pahūtādivisayātthitāsambhavepi taṃvato-tthassa paccaya(ttha)ttena ṇusaro desoti vattu micchāyaṃ paccayo yathā siyā aññatramābhavicevamattho veditabboti āha- ‘itī’ccādi. Kuñjavātiattha kuñjasaddo tiṇalatādyacchāditapabbatekadese vattate.

87. Picchā

Parehi vācāsaddā ālo vihito nindāyaṃ, neha tatheti codanamubbhāvayati ‘nindāya’miccādinā.

88. Sīlā

Sīlamassa atthi, kesā assa santīti viggaho. Aṇṇā niccanti niccavidhyuttaṃ gaṇasuttaṃ. Gaṇḍīrājīhi saññāyanti saññāvisayaniamanattaṃ gaṇasuttaṃ. Gaṇḍassa gaṇḍamigasingassa ayaṃ gaṇḍī, sā assa atthīti gaṇḍīvo.

90. Sissa

Samassa atthīti suvāmī,saṃ sakiyaṃ.

91. Lakkhyā

Akāraḍeso ca ṇasanniyogenāti iminā yattha ṇakāro tatthevāyamakāraḍesoti dasseti. Upādānatoti iminā nissayakaraṇameko satthiyo ṇāyoti dasseti. Antassa avidhānasāmatthiyācāti iminā satipi pubbalopena payoga nipphattiyaṃ akāraṃ vidhāya tassa lopo niratthakoti dasseti. Lakkhī sirī assa atthīti lakkhaṇo.

94. Imiyā

Kappo yogyatā assa atthīti kappiyo, jaṭā hānabhāgo, senā assa atthīti viggaho.

95. Topa

‘Ohāka cāge’ iti sakakārassa hādhātuno payoge toppaccayaṃ nisedhetvā‘satthā hīyate satthā hīno’ ti udāharaṇaṃ dassitaṃ. Tenāha- ‘sakkateccādi. Dassetuṃ tatiyaṃpanudāharaṇanti sambandho. Cīppaccayāvasānānanti “‘abhūtatabbhāve karāsabhūyoge vikārācī’” ti (4-119) vutto cīppaccayo avasāne ye santi viggaho. Jātiyavajjitānanti “‘tabbati jātiyo’” ti (4-113) suttena jātiyappaccayena vajjitānaṃ. Kaccāyane tu toādīnaṃ vibhatti saññattā na tato puna vibhattuppatti.

96. Ito

Vuttiyaṃ ‘etassa ṭa eta’ iti atoiccatra etassa ṭadeso etto iccatra etaādesoti attho.

97. Abhyā

Nanu ca kiṃ iminā suttena, pañcamyantā “‘to pañcamyā’” ti (4-95) bhavissati, apañcamyantātu “‘ādyādīhī’” ti (4-98) netadevaṃ daṭṭhabbaṃ. “‘To pañcamyā’” ti (4-95) pakativisesānamaparāmāsato kutoci pañcamyantā hotu, apañcamyantā pana “‘ādyādīhī’” ti sutte sasaṅkhyassādisaddassa gahaṇena taṃsadisā sasaṅkhyāevopalakkhīyantītipi viññāyeyya tato apañcamyantehi abhyādīhi to na siyāti abhitocādi na sijjhatīti “‘abhyādīhī’” ti suttanti daṭṭhabbaṃ.

98. Ādyā

Nanu ca toicceva sāmaññena suttite yatokutoci pañcamyantā vā apañcamyantā vā bahulaṃ vā tomhi iṭṭhappasiddhīti kiṃ ādyādīhīti suttenti saccāṃ, tathāpi vibhāgena dassite vibhāgaso visesāvasāyo siyāti na dosoti. Yanti paṭhamantā tomhi yato.

100. Katthe

Pubbenevāti “‘sabbādito’” (4-99) ccādināva. Etassāti etasaddassa, imassāti imasaddassa.

101. Dhi

Vāvidhānāti vikappena dhippacayassa vidhānā.

102. Yā

Yatrāti vutte yatthāti uppalakkhitameva siyāti na vuttaṃ. Evamuparipi.

104. Kuhiṃ

Hiñcanaṃ vidhīyate “‘hiṃ haṃ hiñcana’” nti (2-5-9) suttena. Hiñciādīnanti hiñciādīrahaciādīnaṃ.

105. Sabbe

Etasmim kāle ekadāiccādi daṭṭhabbaṃ.

106. Kadā

Kudāsaddo canaṃsaddayogeva dissati kudācananti.

107. Ajja

Nimittanimittīnanti kāraṇakāriyānaṃ, samāneti sādharmaṇe. Samānameva bodheti

‘taṃyathe’ccādinā. Ettha pana mammatāḷanaṃ nimittaṃ pāṇa haraṇaṃ nimittī, tassāti anajjatanassa. Upari tyādikande karahasaddo tu cisaddasaṃyuttova dissati karahacīti.

110. Dhāsaṃ

Saṅkhyāvācino saddā saṅkhyāsaddena gahitāti āha- ‘atthe’ccādi. Pakāro dabbaguṇadhisayopi atthi, tattha yadi sopi gayheyya dabba guṇaṇaṃ līṅgasaṅkhyāhi yogā dhāppaccayanta(mpi tabbisayoyeveti) [cettha (potthake)] (pakāravācakalīṅgasaṅkhyāhi yogā) alīṅgamasāṅkhyāñca [dhāppaccayantamālīṅgamasāṅkhyāñca-iti kāsikāvuttipaṇḍakāyaṃ] na siyā, evaṅca satyabyayattamabhimatantassa na siyā, tañciṭṭhaṃ, kiriyāvisaye tu tasmim gayhamāne ekadhābhūñjati dvidhābhūñjati dvidhāgacchaticcādo bhojana gamanādikiriyāya sabbathā līṅgasaṅkhyāhi yogābhāvā yathāvutta doso na siyāti pāṇinīyavuttikārena jayādiccena kiriyā visayoyevettha pakāro gahito. Tampi āha- ‘dabbe’ccādi. Kasmā panevamāhāti āha- ‘navadhā dabbā’miccādi. ‘Navadhā dabbāṃ, bahudhā guṇo’ ti vesesikānaṃ saṅketo.

Tattha puthabyāpotejovāyavākāsakālādisāttamanānīti nava dabbāni. Rūpa rasa gandha phassa saṅkhyāparimāṇa puthuttasaṃyogavibhāga parattāparattabuddhisukhadukkhecchādosapayatanā ca guṇā, casaddena gurutta davattasinehasāṅkhārādharmādharmasaddā ceti catubbīsati bahudhā guṇo. Atrāpi yathāvuttakāsikāvuttīyā pañcīkākārena jinindabuddhinā navadhā dabbāṃ bahudhā guṇotyatrāpi ‘kiriyājjhāharitabbā navadhā dabbāṃ bahudhā guṇo upadīyati viññāyati byākhyāyate vijjatevā’ ti kiriyāvisayoyeva pakāro paṭipādito, payogadassanato byavacchejjabhāvā sabbattha kiriyeveti visesanopādānamayuttanti sambandho.

Navadhā dabbāṃ bahudhā guṇoti payogadassanato dabbaguṇavisayānampakārānaṃ gayhupagattā byavacchedayitabbānaṃ dabbaguṇavisayānampakārānaṃ bhāvā sabbasmim dabbaguṇavisaye jinindabuddhinā vuttanayena kiriyā atthevāti kiriyāvisayova pakāro gayhatīti vuttikāra pañcīkākārānaṃ visesanopādānamayuttanti attho.

Tatoyevāti yato visesanopādānamayuttam tatoyeva dvīhiccādikamāheti attho. Ayametthādhīppāyo ‘dvidhā karotīti kiriyāpayogepi pakāro dabbaguṇavisayo... dabbavisayassa guṇavisayassa vā dvidhābhāvassa karīyamānattā, natu kiriyāvisayo... dvidhābhāvassa karaṇakiriyāvisayassettha vattumanicchitattā. Tatoyeva kiriyāpakāropādāne [pakārotisayane (potthake)] atra dhāppaccayantappayogo na siyāti viññāpetuṃ ‘dvīhi’ccādikamāhe’ ti tenāha ‘atre’ccādi.

Dabbaguṇavisaye pakāre gayhamāne yoyaṃ doso sambhāvito parehi, taṃ dāni nirākattumāha ‘satipice’ccādi. Sabhāvato alīṅgamasāṅkhyāñcāti sambandho, saṅkhyāntarāpādane gamyamāne dhāppaccayo vihito pāṇinīyehi, tadāha- ‘dabbasse’ccādi saṅkhyāntarāpādane pīti pubbaṃ yā vavattitā saṅkhyā, tato- ñīṇaṃ saṅkhyāntaraṃ tassāpādanaṃ karaṇaṃ saṅkhyāntarāpādanaṃ, tasmimpīti attho.

113. Tabba

So pakāro assāti tabbā, tasaddena pakārassa parāmaṭṭhattā tabbatītettha pakāravatīti attho vuttoti āha- ‘tasaddene’ccādi. Pakāravatīti pakāravati atthe. Muduppakāravā mudujātiyo.

115. Kati

Kim saṅkhyānamparimāṇamesanti atthe ‘kimhā rati rīvarīvataka rittakā’ ti (4-44) suttana ratippaccayaṃ vidhāya katīti siddhattā vuttaṃ- ‘saṅkhyāparimāṇavisaye sādhitattā’ ti, kati ca so saṅkhyā parimāṇavisayattā saṅkhyā ceti katisaṅkhyā, tāya.

116. Bahu

Paccāsattīti sambandhimhi ekamhi dassite dviṭṭhattā sambandhassa paro sambandhī viññāyamāno parova viññāyati vuttitoti ‘sambandhatovā’ti vuttaṃ.

117. Sakim

Nipātanassāti sakinti nipātanassa.

118. So

Khaṇḍaṃ khaṇḍaṃ khaṇḍaso, puthu pakāro puthuso.

119. Abhū

Nanu ca abhavanannāma sabbathā anuppattiyā vā avatthantarena vā, tathā satyabhūtasaddo-nuppannamattavacanopīti kathamabhūtasaddo-vatthantare nābhūte vuttoccāha- ‘abhūtassi’ccādi. Kathamavatthāva tasaddena parāmasīyatīti ce abhūtasaddo yadyanuppannavācī siyā, tadā tasaddappa yogoyeva na siyā... tasaddenābhūtasasseva gahaṇato, abhūtabhāveccādinā suttitaṃ siyā, tena tasaddappayogasāmatthiyā avatthāva tasaddena parāmasīyati, tapparāmaṭṭhañcāvathantaramabhūta saddo apekkhate, tenāha- ‘tabbhāvetivacanā’iccādi. Bhavanam bhāvo tāya avatthantare bhāvo tabbhāvo tasmim. Tenāha ‘abhūtasse’ccādi. Bhāveti visayasattamī, saṃsattamī vāti āha- ‘visaye gammamāne vā’ti. Kuṇḍalattenāti kuṇḍalasabhāvena.

120. Dissa

Dissantīti vutte payoge dissantīti ayamattho viññāyatīti āha ‘disi’ccādi, idaṃ suttaṃ vijjhaṅga paribhāsā bhavatīti seso. “Ṅovā-pacce”tiādinā (4-1) suttana vuttessvanekavidhesu atthesu pari samantato bhāsātīti paribhāsā, vidhino paccayassa āngabhūtā paribhāsā vijjhaṅgaparibhāsā. Vidhiyevāti suttamidanti sambandho. Vakkhamānasuttadvayanti “aññasimṃ sakatthe”ti suttadvayaṃ.

125. Saṃyo

Antarasaddo-nekatthopihāntarālavācī majjhavācī gayhati, na vijjatentaramesanti antarālamattapaṭisedhepayojanaṃ natthīti katvāntarā laṭṭhassābhāvāntarālam natthītyupacarīyati, evaṇhi loke payujjate ‘anantarā ime gāmā anantarā ime pāsādā’ti antarālagatassa ñhassa gāmassañhassa pāsādassa vābhāvā tathā byapadisīyate, tathevamihāpyantarālagatassañhassa byañjanassābhāvā anantarā ityuccante, athavāntarasaddo byavadhānavācī byavadhānābhāvato-nantarā itī vuccante. Antaram karotīti vā khādiippaccayaṃ [nippaccayaṃ (potthake)] vidhāya antarāyati byavadhānaṃ karotīti kattari appaccayaṃ vidhāya antaro byavadhāyako natthetesanti anantarā. Yathā ‘rukkhā vanante’ttha rukkhā samuditāvekavanabyapadesaṃ labhante, tathātrāpi byañjanā samuditāvete saṃyogabyapadesagocarattaṃ paṭipajjante.

Saṃyogoti hi samudāyappadhāno niddeso byañjanātyavayavappadhāno, tasmā byañjanāti bahuvacanena saṃyogoti ekavacananiddeso ghaṭate, nanu ca vaṇṇānamuccāritappadhamsittā yogapajjamaṭṭhitamānānaṃ na sambhavati samudāyattanti samudāyattamayuttanti nāyuttaṃ, tathāhi uttaruttaraggāhīni buddhi pubbaparibhūte byañjanāvayave samudāyarūpena saṅkappentī samudāyavohārampavattayīti.

Ṅānubandheti ditisaddassa saṃyogāvisayattā deccoti ‘sarānamādissā’ti visayo, uḷumpasaddassa saṃyogavisayattā oḷumpikoti etassa visayoti tattha rāghavo venateyyo meniko decco dosaggānti rūpāni. Idha tu oḷumpiko koṇḍaññoti yujjanti. Teneva ca tattha pañcikā ettha, ettha ca pañcikā tattha upanetabbāti.

127. Kosa

Kosajjanti ettha tassa jattañca nipātanā, ajjavanti etthha “uvaṇṇassā vava sare”ti (4-129).

135. Jovu

Yakārassa dvitte jeyyo.

137. Kaṇa

Atisayena appo, atisayena yuvāti viggaho.

139. Ḍesa

Satissāti vutte satisaddo viññāyati satyantepi visesanattena vattumicchitesatyanto katham viññāyaticcāsankiya “sankhyāya saccutīsāse”ccādinā (4-50) satyantādīhi ḍo vihito, tasmīṇca ḍetiniṃmittenopādinne tadupādānasāmatthiyāsatyantova viññāyatīti dassetumāha- ‘ḍeti nimittopādānā’ tiādi.

142. Adhā

Dhātuto añño saddo adhātu tassa. Pañcikāyampana pakatipi saddoyevāti dhātutoiccādinā adhātusaddassa atthamattam vuttam.

Tassāti adhātuppakatiyā, adhātusaddassāti vuttam hoti. Tenacāti kakārena ca, tasmāti tena kāraṇena. Pubbaggaṇamantarenātipāṇinīnā ikārādesavidhāyake imasmimyeva suttekakārato pubbassa ikārādesavidhānattham pubbaggaṇam kataṃ, tam pubbassātivacanam vināti attho. Sacetiādinā kathayatīti sambandho. “Byañjane dīgharassā”ti (1-33) rasso vutto, assāti jātiniddese tu ākārassacikāro bhavatyeva, siyā etanti bahuparibbājakāti etaṃ rūpaṃ hoti. Syādyatra byavahito... kakārato pubbe syādi, na syādi kakārā paroti.

Nanu ca asyāditoti ettha pasajjappaṭisedho naṇa kasmā gahito, na pariyudosoti āsankiya pariyudāsesmiṃ gahite sati dosaṃ vattumārabhate ‘pariyudāse’iccādinā. Syāditoti syādyantato paribbājakasaddato. Paribbājakasaddoḥi syādyanto vākye syādyantattā, teneva vakkhati- ‘paribbājakasaddato ettha syādyuppattī’ti. Asyādismā paroti katvā bahuparibbājakasaddato na syādyuppattīti sambandho.

Tatocāti bahuparibbājakasaddato ca. Pasajjappaṭisedhena naṇasaddena aññapadatthasamāsepi siyāva dosoti dassento āha- ‘avijjamānosyādi’ccādi.

Iti moggallānapañcikāṭikāyaṃ sāraththavilāsiniyaṃ

Catutthakaṇḍavaṇṇanā niṭṭhitā.

Pañcamakaṇḍa

1. Tija

Khamāvīmaṃsāsūti pakativisesanameva kathamicchitanti āha- ‘sambandhassi’ccādi, padānamaññamaññasambandhassa purisādhīnattāti attho, pakati visesananti tijamāha saddānam visesanam, kimpana pakativisesane phala miccāha- ‘pakativisesanopādāna’miccādi. Yajjatra ‘khamāvīmaṃsāsū’ti pakativisesanam, kasmim atthe carati khasā vidhīyanticcāha- ‘atthantarassā niddeśā’iccādi. Atthantarassāti nisānādiatthantarassa. “Sutānumitesu sutasambandhova balavā”ti paribhāsamupalakkheti ‘sutānumitāna’miccādinā. Tenevāti kiriyārūpāsu khamāvīmaṃsu khasānam vidhāneneva, sakatthe vidhāneneti vuttam hoti. Titikkhakiriyattāti iminā paresam viya khādyantānam dhātusaññāvidhāna manatthakanti dasseti.

Titikkhā khamā, titikkhati khamati, vīmaṃsā upaparikkhā, vīmaṃsati upaparikkhatīti attho. Sutte tijaiti niddesā bhūvādikassa gahaṇaṃ. Niccaṇyantassa curādikassa hi tādise payojane sati bahulaṃ vidhīyamānepi niccattamattano nātivattati. Athavā curādimānenābyabhicārinā sāhacariyā tijopi curādikova, taṃ yathā ‘gāvassa dutiyenātho’ti. Vutttegoyevopādīyate, nāsso, na gadrabho. Kadāci pana assādinopi dutiyassa gahaṇaṃ siyā atthappakaraṇā dippabhāvato.

Nanu ca vīmaṃsāyaṃ sappaccayavidhāna manupapannamitaretaranissayadosa duṭṭhattā, tathāhi siddhe vīmaṃsāsaddhe sappaccayo uppajjate, sati ca tasmim vīmaṃsāti rūpaṃ sampajjati itaretaranissayo, itaretara nissayāni ca kāriyānī nopakappantīti tenāha- ‘anuvādarūpāna’miccādi. Anādikālasaṃsiddhasaddānuvāto natthi itaretaranissayo dosoti bhāvo. Payojakabyāpāraṇippaccayābhāve tejjateti rūpaṃ.

2. Kitā

Pubbeviya pakativisesanādītyanena ‘sambandhassa purisāyattattā ‘tikicchāsaṃsayesū’ti pakativisesananti āha- ‘tikicchāya’miccādi’tyādikam sabbaṃ yathāyogametthāpi vattabbantyatidisati. Vissatthoti visaddassa attho. Atha kimitthaṃ chappaccayantasessa dvidhodāharaṇantyāsaṅkiyāha- ‘atthabhedā dvidhodāharaṇa’nti. Niketo nivāso, saṅketo lakkhaṇaṃ.

3. Nindā

Ninda=garahāyaṃ tato ‘itthiyamaṇattikayakyā ce’ti (5-49) appaccaye tato ‘itthiyamatvā’ti (3-26) āppaccaye rūpaṃ. Bandhatīti badhako.

4. Tuṃsmā

Tuṃsmātiha paccayaggahaṇamācikkhati ‘tuṃtāye’ccādinā. Tato ceti yato tuṃsmāti paccayasessa gahaṇaṃ yato ca visesana niddeso, tatoti attho. Paccayaggahaṇe tadādigghahaṇaṃ viññāyate... ‘paccayaggahaṇe yasmā so vihito tadādino gahaṇa’nti nāyato. Visesanattena vattumicchitattā tadantaggahaṇaṃ... ‘vidhibbisesanantassā’ti (1-13) vacanābhi manasi nidhāyāha- ‘yato kiriyatthā’iccādi. So kiriyattho ādi yassa samudāyassa so tadādi so paccayonte tassa (so tadanto). Tadāditadantasamudāyavisesassa gahaṇaṃ, (natu) tadantamattasse tyattho. Nanu ca tuṃsmāti visesanattena vattumicchite bhavatu ‘vidhibbisesanantasse’ti tadantaggahaṇaṃ paccayaggahaṇe tu kathaṃ tadādino gahaṇaṃ vacanābhāvatocchāha- ‘tadavinābhāvittā’ti. Yato vihito tena vinā na bhavati sīleneti tadavinābhāvī tassa bhāvo tasmā. Imāya yuttiyā viññāyate-ttho, yamākyāyate ‘paccayaggahaṇe yasmā so vihito tadādino gahaṇa’nti. Bhavatvevaṃ tadādino tadantassa ca gahaṇaṃ, tato kipphalaṃtyāha- ‘tene’ccādi.

Sapādītōti pādisahitato. Kha cha suppatābhāvāti kha cha sānaṃ uppattiyā abhāvā. Vuttappakārasessa tuṃppaccayantassa pakatibhāvena gahaṇaṃ sapādīto kha cha sānāmanuppattīti adhippāyo. Vipubbā ‘ji-jaye’iccasmā tuṃppaccayantā ‘vijetumicchati’ti atthe ‘tuṃsmā’iccādinā(so), tuṃssaca lopo, nemittike ekāre nivatte ‘jisa jisa iti dvitte anādibyañjanalopo ‘jiharānaṃ gī’ti (5-102) gī. Jigīsappakatito ‘bhūte iūṃ’iccādinā (6-4) ī. Tasmim āha. ‘Ā ī ū mhā ssā samhānaṃ vā’ti (6-33) īssa rasse byajigīsī. Yadi tu sapādīto sassa uppatti siyā, tadā byajigīsīti ettha dvibbacanaṃ kariyamānaṃ sappaccayantassa paṭhamassekassarassa dvibbacanaṃ bhavati ‘kha cha sāna’miccādinā (5-69) vijjiya iti samudāye ādibhūtassa visaddassa siyā imhi ca vihite sapādīno pakatibhāvoti visadda pubbe añāgamo siyā, tato ca avivijisīti anīṭṭhampasajjeyya.

Tuṃsmā icchāyanti ca pakatippaccayatthānamupadiṭṭhattā tena sabhāva liṅgena kha cha sappaccayā tadanto ca anumito na pana tuṃ, tumiha sutoti āha- ‘na tadanto, nāpi cha chasā’ti. Jighacchāiccatra dvitte pubbassa ghaṇa ‘catuttha dutiyānaṃ tatiyapaṭhamā’ti (5-78) go. Tassa ‘kavaggahānaṃ cavaggajā’ti (5-79) jo. Pāṇinīnāpīha sappaccaya vidhāyake sutte vākyampi yathā siyāti vāvacaṇaṃ kataṃ, tadayuttanti nirākattumāha- ‘vākyampi’ccādi. Pakatyādityatra ādi saddena atthaviseso gahetabbo, pakati viseso tumanto, icchattho-tthaviseso. Idaṃ lakkhaṇanti ‘tuṃsmā lopo cicchāyaṃ te’iti idaṃ lakkhaṇaṃ. Niyogatōti niyamena. Āsaṅkāyamupasaṅkhyāna’nti (3-1-7)

vākyakārena vuttaṃ nirākattumāha- ‘āsankāya’ miccādi.

Acetanattā kūlassa icchāyāsambhavoti ‘kūlappatitumicchati’ ti
vākyamevecchāpakāsanamasiddhaṃ, tenāsiddhena vākyenāsiddhānaṃ kha cha sānaṃ sādhanam
asiddhenāsiddhasādhanam. Icchāvacanicchāti icchāya vattumicchā. Icchāyapavattito upaladdhīti
icchāya upaladdhi upālambo pari jānanam pavattitoti attho. Cetanāvaticāti vuttaṃ tasmā cetanāvati
pavattito upaladdhiṃ dassetvā tadapadese nācetanepi dassetuṃ ‘yopesā’ tiādimāha. Devadatte rajju
khīlādipāṇinā uyyogo, kūle mattikāvīkīraṇādi. Rajju guṇo. Khīlo [kīla (pañcīkā)] saṃkvādi.

Pulo tiṇādīnaṃ saṅghāto. Sā sunakho mimarisatīti mara=pāṇacāge’ icchāyaṃ tumantā so. ‘Ñi
byañjanasse’ ti (5-170) ñi. Dvitte pubbato-ññassa lopo ‘kha cha sesvī’ ti (5-76) dvitte pubbassāssa
imimarisati. Tathā pipatisatīti ‘patapatha=gamena’ iccassa. Sā mimarisatīti satipi sacetanatte
visattajīvitassa sunakhassa maraṇicchā sambhavatīti paṭipāditaṃ. ‘Icchāsantā paṭisedho vattabbo’ ti
(3-1-7) pāṇiniyavāttikakārena vuttaṃ, tannirākattumāha- ‘bubhukkhitu’ miccādi.
Jātipadatthanissayena nivuttimpaṭipādayamāha- ‘jātipadatthe’ ccādi. Itaro icchattho.

5. Īyo

Karīyati sambandhīyatīti kammaṃ. Tañca nāma jāti guṇakiriyādabba sambandhato pañcadhā
bhavati. Tattha nāmakammaṃ’ dītho ḍavittthoti nāmena piṇḍassa sambandhā. Jātikammaṃ goassoti
gottādijātiyā piṇḍassa sambandhā. Guṇakammaṃ sukkoṇīloti sukkādīnā guṇena dabbassa
sambandhā. Kiriyākammaṃ pācako pāyakoti pācakādīkiriyāya dabbassa sambandhā. Dabbakammaṃ
daṇḍīvisāṇīti daṇḍādīnā dabbena piṇḍassa sambandhā. Evaṃ kammaṃ
pañcappakārasambhavepicchāyamattthe īyassa vidhānato icchāsambandhiyeva kammaṃ gayhatīti
kiriyākammamevātra gayhate amukamevatthamupadassento āha- ‘yadi’ ccādi. Ayañca nipāta
samudāyo visesābhīdhānamittāsyupagame vattate.

Tathāpītilokavuttirayaṃ visesābhīdhānārambhe. Taṃ sambandhiyevāti icchāsambandhīva.
Attanoputtamicchatītyādivacanicchāyamattasambandhiniputtādo
attanotyānuvattiyasuttantarenapaccayo vidhīyatepāṇinīnā, ettha tva(tta)ggahaṇamantarenāta
sambandhīyeva puttādo kathaṃ viññāyate visesavacanābhāve hi parasambandhīyapi
pappotīti māṃcodyamubbhāvaya māha- ‘attasambandhini’ ccādi. Īyassa parasambandhīyapi
pasaṅgoti sambandho. Kutocāha-īyassāitidhānā’ ti. Atthaggahaṇassāvācane īyassānabhīdhānāti
bhāvo.

Appattiyāti karaṇe hetumhi vā tatiyā. Etthāti attano puttamicchatītetthāpi. Na iṭṭhoti
īyappaccayo nābhīmato. Nevettha bhavītabbanti vadato-dhippāyāmāha ‘sāpekkhatta yeveti bhāvo’ ti.
Yadi attano puttamicchatīti vattumicchāyaṃ sāpekkhettepi siyā, tadāyamaṇiṭṭhappasaṅgoti
dassetumāha- ‘yadicettha’ ccādi.

Aniṭṭhappasaṅgassa sarūpamāha- ‘attano puttīyatīti siyā’ ti. Uppajjamānena īyeneva
attatthassābhīhitattā attasaddassāppayogoti cetampi na saṅgatanti paṭipādayamāha ‘na ca sakkā’ tiādi.
Kasmādevaṃ vattuṃ na sakkāti āha- ‘pakati’ ccādi. Apūpādīkāya pakatiyā samānatthasseva
visesanassa vuttipade antobhāva dassanāti attho. Kvapanevaṃ diṭṭhantīyāha- ‘taṃyathe’ ccādi.
‘Tamassa sippaṃ sīlaṃ paṇyaṃ paharaṇaṃ payojanaṃ’ ti (4-27) ṇike āpūpiko. Natu bhīnatthassāti
byatirekaṃ dassetvā taṃ diṭṭhantena sādhetumāha- ‘devadattassi’ ccādi. Kāraṇamāha-
‘sāmyantare’ ccādi. Devadattassa dhuruno kulanti sāmyantarabyavacchedāya devadattasaddasso
pādānato gurukulanti vuttipadena devadattatthassānto bhāvoti attho. Tametthopi
samānantūpadassento āha- ‘tatthehāpi’ ccādi. Athāttano puttamicchatīyetasmim vākye
padassānvākhyānato attasaddassāppayogo kinna siyāti dassetumāha- ‘nacāpi’ ccādi.

Padassāti puttīyādino padassa. Nacāpi appayogoti sambandho. Kāraṇamāha- ‘īyantassā’ tiādi.
Īyanto puttīyādi, niyogato na pappotīti sambandho. Tabbācīsaddappayoganti aññavācīsaddayogaṃ.
Sutaggahaṇanti asuttatīti vuttasutaggahaṇaṃ. Atthappakaraṇādyupalakkhaṇantyanena atthato
pakaraṇāditopi puttassatta niyatā gamyate, sutasaddassa tu gahaṇamupalakkhaṇatthanti vadati.

Nanu ca sutte kammāti vuttattā kammasamudāyatopīyo siyā tyāsaṅkiyeva (mabhā)vaṃ sādhamāha- ‘kammā’tiādi. Vattuṃ iṭṭhā ekasakhyā yassa kammasāmaññaṃ taṃ tathāvuttaṃ. Vattumiṭṭheka saṅkhyassa gahaṇamāha- ‘kammasamudāyato’ti. Kimpanāvayavato na siyā mahantamputtamicchatī’ccatra puttamiccatoccāsāṅkiyāha ‘avayavatopi sāpekkhattāyevā’ti. Na bhatīti sambandho. Evañcarahi idampi na sijjhatīti codento āha ‘carahi’ccādi. Mahā cāyaṃ puttoceti mahāputtamīchatīti yadevaṃ karīyati tadāyampayogoti dassento āha- ‘bhavitabbameve’ccādi.

6. Upamā

Upamīyate paricchiṇṇati sādhiyātīyattho. Kīdisantamupamānamiccāha- ‘pasiddhasādhamyā’iccādi. Pasiddho gavādi, tassa sādhamyā samāna rūpatāya yampasiddhassa gavayādino sādhiyassa sādhanam tamupamānantyattho. Samāno dhammo-sseti sadhammo, gavādiyeva. Tassa bhāvo sādhamyaṃ. Sādhiyate upamīyate-neneti sādhanamupamānam gavādi. Sādhiyate upamīyateti sādhiyo, gavayādi. Tassa sādhanam sādhiyasādhanam.

Puttamivācaratīti ettha ‘āvasathamāvasati’ccādo viya ādhāratthassa viññāyamānattā putte viya māṇavake madhurannapānadānādīkamācaraṇam karoticcevatthasambhavana dvinnampi upamānopameyyabhāvotyavagamayitumāha- ‘putte’iccādi. Pasiddhena sādhanabhāvenupamānabhūte putte ācaraṇampi pasiddhanti āha- ‘tampasiddha’nti. Tadācaraṇena tena ācaraṇena puttamāṇavakavisayamācaraṇam vā puttamāṇavaka saddenupacāro gahetvā visayīvasena visayabhāvavohārotipi yujjati. Vākyattho panetasmim pakkhe ‘puttamiva puttavisaya māṇavakamiva ācarati māṇavakavisayamācaraṇam karotī’ti, vuttiyantu yathāvuttamatthadvayaṃ yathāyogaṃ yojetvā vedītabbāṃ.

Nanu ca yajjatropamānopameyyabhāvo vuttiyam īyeneva jotitoti ivasaddo nivattate, tadopamānopameyyabhāvo putta saddeva vattate, taṃ kathamupameyyavacanassa māṇavakasaddassa vuttatthassa payogo yuttoccāsāṅkiyāha- ‘upamānavacanato’ccādi.

Tabbisiṭṭhācaraṇeti tenopamānena visiṭṭhe ācaraṇe. Upamānopameyyabhāvassānivattattāti etthāyamadhippāyo ‘upamāna visiṭṭhācaraṇe upamānavacanato īyassa vidhāne nopameyyavacanamantarenopamānavacanassa pavattīti upamānopameyyabhāvassānivattī’ti. Aññathāti yadyupamānopameyyabhāvassa īyeneva jotitattā tadantassupameyye vuttī siyātyattho. Pabbatāyatīti ‘kattutāyo’ti (5-8) āyo. Upameyyassānivattattā upameyya kattusāmaññaṃ tippaccayo.

7. Ādhā

Yathānantarasutte upamāne upameyyassa māṇavakassa payogo upapanno, tathātrāpi ‘pāsāde kuṭiya’nti copameyyassapayogoti atidisanto āha- ‘heṭṭhāviye’ccādi. Upamāne upameyyassānantobhāvāti attho. Nanu kimatthamidamuccate yavatāyo pāsāde ivācarati so pāsādānivācaratītipi vattuṃ sakkāti nātthabhedo-ññatra vacanicchābhedaṃ pubbenevetthāpi īyo siddho, tato nāttho-nena vacanene ccāsāṅkiyāha- ‘yadi’ccādi.

8. Kattu

Ettha kattutoiti vacanā kammāti nivattate, āyaggahaṇā īyo. Kadā pana kattuvīseso-vasīyaticcāha- ‘yatthyādisaddasamānādhikaraṇatte’tiādi. Pabbatāyatīti hatthicevamādinā hatthyādi saddena samānādhikaraṇatte satīti attho.

9. Jhatthe

Koyaṃ cyatthoccāsāṅkiya ‘‘abhūtatabbhāve karāsabhūyoge vikārācī’’ti (4-119) cīssa abhūtatabbhāve karādiyogesati vidhānā ‘abhūtatabbhāvo karādivisiṭṭho’ti āha. Abhūta tabbhāvassa karādivisiṭṭhattā karotyatthānivattiyāvassam pāṇiniyā viya bhuviggahaṇam kattabbamaññathā karotyatthepi siyātyāsāṅkiya nivattīhetumāha- ‘tenevā’tiādi. Yeneva karotyādivisiṭṭho

abhūtatabbhāvocyattho teneva hetunāti attho. Bhavatyatthe-nena kāraṇena laddhe karotyatthopyaniṭṭho labbhaticcāsaṅkiya tannivattimpaṭipādayamāha- ‘karotyatthe’ccādi. Adhavalam dhavalam karoti dhavalīkaroticceva cīppaccaye kattabbe kammeneva karotissābhisambandhassa diṭṭhattāti attho. Kāraṇantaramāha- ‘iha ce’ccādi. Itisaddo hetumhi yasmā iha kattutoti vattate tatoceti attho.

Asatyatthassa pana bhavatyattheyevāntobhāvā na tannivatti paṭipādītā. Tappakaraṇeti dhātuppaccayappakaraṇe. Dvibbacananti paṭaiccassa dvibbacanam tato ‘‘dissantaññepi paccayā’’ti (4-120) rāppaccayo. ‘‘Rānubandhentasarādissā’’ti (4-132) antasarādissa lopo. Cyantā paccayābhāvattham- ‘acīto’ti paccayavidhānasutte paṭisedho na kato, tenāha-‘acītoti paṭisedhābhāvā’ti. Cīti bhusoiti

Paṭhamantācī. Nādivuttittā ‘‘ekatthātāya’’nti (2-119) vibhattilopo. Iheceti ‘cyatthe’’ itīmasmiṃyeva. Na ca vuccateti sambandho.

10. Saddā

Nanu ca asatī sutte dutiyāggahaṇe dutiyantehiccāyaṃ viseso kuto labbhate yena ‘saddādīhi dutiyantehī’ti vivaraṇaṃ katanti saccam, tathāpi paccayavidhimhi yuttepi pañcamiyā niddese ‘saddādīni’ti dutiyāyopādānasāmattiyā tathā vivaraṇaṃ kataṃ.

Sabbatthāti ‘‘tamadhīte taṃ jānāti kaṇikācā’’do (4-14) sabbattha. Kiriyāvātyavadhāraṇena yaṃ byavacchinnaṃ, tamupadassento āha- ‘na kāle’ccādi. Yādīpi adhīteccādīsu vattamānakālena kattunā ekavacanena ca niddeso, tathāpi tesamappadhānattā aññasmimpi bhūtādike kāle kammādo sādhanē bahuvacanena ca paccayo siyā eveti bhāvo.

Nanu ca ‘‘dhātvatthenāmasmī’’ti (5-12) ippaccaye patte-yamārabhate assapī dhātvattheyeva vidhānaṃ, tato ca saddādīhi dhātvatthe ippaccayena na bhavitabbaṃ, dissate ca ippaccayapayogoccāsaṅkiya ‘nāyamippaccayassa bādha’ko’ti paṭipādetumāha- ‘dhūvaṃ karoti’ccādi. Nānābhinnaṃ vākyam nānāvākyam, tassa bhāvena, tena bhinnāvākyabhāvenāyassa ippaccayassa ca samuccayatoti attho. ‘‘Dhātvatthenāmasmī’’tyekaṃ vākyam, ‘‘saddādīni karotyā’’paraṃ. Etāni dve bhinnāvākyāni- ‘dhātvatthe nāmasmā ippaccayo bhavati, saddādīni karoticcasmim atthe āyo bhavati’ti paccekamākhyaṭāpekkhāya vākyaparisaṃmattiyā bhinnatā, abhinne hi kiriyāpadekavākyatā, bhinnetu nānāvākyatā, nānāvākye ca satī samuccayo. Na hi sāmāññavisesabhāvena vidhānameva bādhaṇetu, kiñcaraḥi ekavākyatāpi, taṃ yathā- ‘brāhmaṇānaṃ dadhi diyyataṃ, takkaṃ koṇḍaññāye’ti. Nānāvākye tu samuccayo, taṃ yathā- ‘brāhmaṇā bhojīyantu, māḍharāya vatthayugalaṃ dīyatū’ti māḍharo brāhmaṇabhāvena bhojīyate vatthayugalaṃ labhate, tenojukaṃ vuttana vatthayugaladānena sāmāññavuttaṃ bhojanaṃ na bādhiyate, tathēhāpi ujukaṃ vihitenāyena sāmāññavīhito ippaccayo na bādhiyate lakkhiyānurodhena satthakārassa vākya bhedaḍbhedoti nānavatṭhitidosoti maññate. Timhi le ca siddhanti sambandho.

Yappaccayo na vihito paṇinīdādihi viyāti adhippāyo. ‘Jala dala- dittiyaṃ’. ‘‘Māno’’ti (5-65) māno, ‘‘kattari lo’’ti ‘‘parokkhāyaṃ ce’’ti (5-70) caggahaṇena ‘dala dala’itidvittaṃ ‘‘loponādībyañjanassa’’ (5-75) ‘‘saramhā dve’’ti (1-34) dassalassa ca dvibhāve daddallamānā. Jalamānāti atṭhakathāvācanatoti iminā kiriyāsamabhihāre yappaccayābhāvaṃ dasseti. Iminā ca sakkate viya bhusābhikkhaññepi kiriyāsamabhihāro kiriyāparivattanaṃ, tañca yadā kiriyamañña kattabbamañño karoti, tena kattabbañcetarō, tadā bhavati viññeyyaṃ. ‘‘Sāmāññavīhitā vidhāyo payogamanusaranti’’ti iminā lakkhaṇena ‘dala-dittiya’nti imasmā ‘‘māno’’ti sāmāñña vihito mānappaccayo bhusatthe ābhikkhañña ca bhavissati. Daddalla mānāti ettha bhusaṃ jalamānā, punappuna jalamānāti ca attho veditabbo.

11. Namō

Namo karoti namosaddamuccāreti, saddaṃ karoti saddamuccāretīticcevatattho (na) gahetabbe anissayanato anabhidhānato vā.

12. Dhātvā

Aparinipphannoti anipphanno asiddhāvatthoti attho. Kāraśāsādhīyoti yathālābhaṃ kāraśehi sādhiyo. Asatvabhūto adabbabhūto. Ayantu kiriyārūpo padattho pacatyādīnaṃ vikledanādīpadhānakiriyārūpo ca tadavayavarūpā pubbaparībhūtauddhanāro panādīkādayo tādatthiyā ca pacatyādivacanīyā. Tasmā yathā vuttalakkhaṇe dhātvatthe dhātuto vidhīyamāno tyādippaccayo tathābhūtaeva vadatīti bhedābhāvā abhedasāṅkhyāyekavacanenoccate, ‘na bahuvacanena, tenettha ‘ṭhīyate devadattena, ṭhīyate devadattehī’ ti bhavati. Na yatokutocītiadinā yato yattha na dissati, tato tattha na hotīti dīpeti. Yato yattha vidhi, sa tassa sambandhī bhavatīti nāmehi vacanīyatthato-tthantarabhūto yoyaṃ dhātvattho kamādīnamatthabhūto, so sakatthoti sakattheyevāyāmpaccayo curādīṇiviyāti vedītabbo.

Tassacāti ekārassa ca. Atha atihatthayaticcādo pādīvisiṭṭhe eva dhātvatthe ippaccayassa vidhānā tadatthavīhiteneva ippaccayena pādīvisiṭṭho dhātvattho vutto, tena kimattho ippaccayantassa pādīyogoccāsāṅkiya payojanamākhyātumāha- ‘atihatthayati’ ccādi. Na sāmattiyanti samattatā natthīti attho.

13. Saccā

Atthamācikkhati, vedamācikkhatīti viggaho. Sukhāpeticcādo sukhaṃ vedayaticcādinā viggaho. Vāpāṭhāti vikappena pāṭhato.

15. Curā

Asati sutte sakattheti kathaṃ labbhatīti āha- ‘atthānati desā’ ti. Atthā-natidesāti atthavisesassa kassaci sutte aniddesāti attho. Atthavisesassā-natidesamattena sakatthoyeva ṇinā vāccoti kathaṃ viññāyateccāha- ‘sakatthassa ca sutattā’ ti. Cura=theyye iccādīsu theyyādīkassa sakatthassa sutattāti attho. Yogavibhāgatoti ‘ṇī’ tiyogavibhāgato, rajjaṃ kāretīti ettha sāmīyamaccādikam sattaṅgaṃ rajjaṃ pavattetīti vā attho, payojakabyāpāre ṇi.

16. Payo

Payojako codako byāpārakoti attho nanu ca vuttīyaṃ ‘kattāraṃ payojayati’ ti vuttaṃ kathaṃ payujjamaṇassa kattuttaṃti āha- ‘payujjamāno’ ccādi. Nāvassaṃ kiriyāpavattakatteneva yoggatāmattenapi kattuttaṃ siyāti dassento āha- ‘kiriyāya yoggo’ tiādi. Pāsāṅbalenuṭṭhāpeti’ ccādīsu hi yogyatāyapi kattuttāvasāyosiyā, kopanāyaṃ payojakabyāpāroti āha- ‘pesane’ ccādi. Dāsādīno hīnassa katthaci atthe niyojanaṃ pesanaṃ. Guruādīno sakkārapubbaṃ byāpāraṇamajjhesanaṃ. Taṃ pesanajjhesanādīkam lakkhaṇaṃ sabhāvo yassa so tathā vutto.

Ādisaddena ānukūlyabhāgīno byāpārassa gahaṇaṃ, tathā ca ‘bhikkhā vāsāyati kārīso-jjhāpesī’ ti sījjhati. Bhikkhā hi pacurabyañjanavati labbhamānā vāsānukūlaṃ tittivisesamupajanayati. Kārīsoṇi nivāte padese suṭṭhu pajjalitojjhayanavīrodhi sītakatamupaddavamapanayanto-jjhayanānukūlasāmattīyamādadhāti tato tesampi yuttampayojakattanti.

Payojakabyāpāretīdaṃ paccayavisesanaṃ vā siyā pakativisesanaṃ vā. Tattha yadi pakativisesanaṃ siyā, tadā payojakabyāpāre vattamānā ṇīṇāpī vidhīyantīti (gamaṇaṃ) pati yo niyogo tadattho gami, na gatyattho, tassa cāyaṃ payojjoti ‘gamayati māṇavakaṃ gāma’ nti gatyatthassa payojje ‘gatibodhāhāre’ ccādinā (2-4) vīhitā dutiyā na pappoti, tato pakatyatthavisesanapakko duṭṭhoti paccayavisesanapakkaṃ dassetumāha- ‘paccayavisesanaṃ vedaṃ na pakativisesana’ nti.

Payojakamattaggahaṇeti mattasaddo sāmāññāvācī, yathā ‘kaññā mattaṃ vārayati’ ti. Kattāraṃ yo payujjati yo ca karaṇādīnaṃ payojako tesam sāmāññena gahaṇe satīti attho. Byāpāretvevāti payojakaggahaṇamantarena byāpāreicceva vacanaṃ kattabbaṃ siyāti bhāvo, tanti payojakaggahaṇaṃ, visiṭṭho visayo yassa payojakaggahaṇassatamattatthāvuttaṃ. Kopanāyaṃ visiṭṭho

visayoccāha- ‘yo loke’iccādi. Itovāti vakkhamānassa hetuno parāmāso. Tanti curādīhi ñividhānaṃ. Evaṃsaddo vakkhamānāpekkho. Taṃ viṣuṃ curādīhi ñividhānameva vakkhamānappakārena saphalaṃ siyā nāññathāti attho. Tameva pakāraṃ dasseti ‘yadiminā’ccādi.

17. Kyotā

Kattari vihitesupi mānantatyādīsū parabhūtesu kyo bhavatīti viññāyeyyāti ‘bhāvakkammesū’ti na kyassa viṣesananti āha- ‘mānantatyādīna’miccādi.

Yadi hi kattari vihitesu siyā, tathā sati tesamubhinnaṃ padhānattenābhīdhīyamānānaññāmaññānapekkhattā asambandho siyā, na ce vambhūtānamabhīdhānamatthi, na hi ‘ñhīyate’ccasmā bhāvo kattā ca patīyate, nāpi ‘gamyate’ccasmā kammaṃ kattāca. Api tu bhāvakkammāneva gamyante, tenāha- ‘tasmā’iccādi.

Tesamevāti mānantatyādīnameva. Parasamaññābhi paresaṃ kaccāyanā naṃ parokkhāicceva nāmaṃ. Tabbajjitesūti parokkhāsaññipaccayavajjitesu. Aparokkhesūti ettha parasamaññāvasena parokkhāiccanena saha samāsaṃ dassetvā idāni aññathāpi paṭipādetuṃ ‘athavā’tiādīmāha. Parokkheti indriyāvisaye kāle. Parokkhevihitā paccayāti iminā upacārena taddhitappaccayavasena vā parokkhāti saddanipphattimāha. Te pana ‘a u’ iccādayo. Tatoti parokkhappaccayato.

Nanu pubbapakke ‘aparokkhesū’ti ettha ‘parokkhāvajjitesū’ti attha vacanaṃ yujjati, dutiyapakke pana ‘parokkhāvajjitesū’ti, tathā sati kathamettha ‘parokkhāvajjitesū’ti atthavacanaṃ yujjati āha- ‘tepanā’tiādi. Idhāti aparokkhesūti imasmim. Nanu ca ‘‘parokkhe a u’’iccādisutte (6-6) ‘parokkhe’ti pakativisesananti paccayānaṃ parokkhe vihitatā kathanti manasi nidhāyāha ‘parokkhe’iccādi. Bhavanaṃ bhāvo kiriyādhātvattho.

Sādhīyamānāvattthoti iminā siddhāvattthā nirassate. Pubbaparībhūto padhānakiriyāvayavabhūto kiriyārūpo attho lakkhaṇaṃ sabhāvo yassa dhātvatthassa so tathā vutto. Satvabhūtoti ettha patīyatīti seso. Bahuvacanampi hoti pākāpāketi adhippāyo, karīyatīti kammaṃ, tañca yadipi nāmādikammamatthi, tathāpi kriyatthāiccādhikāro mānādīnamaññatthālabbanato ca kiriyā sambandhova gayhate, su-savane sūyamānaṃ.

Pāṇiniyehettha ‘‘bhindati kusūlaṃ’’tyādo yā bhedanādikiriyā kammani dissate, sā yadā sukarattamattena sappadhānattavacanicchāyaṃ kattuttepyupalabbhati ‘bhijjate kusulo sayameve’ccādinā, tadāssa kattuno suttantarena kammasarikkhabhāvo vidhīyate ‘kammanissayaṃ kāriyaṃ yathā siyā’ti. Tannissāyāha- ‘yadā kammameve’ccādi. Yadā kammameva kattubhāvena vivacchīyateti sambandho. Kathaṃ katvā tathā vivacchīyateccāha- ‘attasamavētāya’iccādi. Attasaddena kammamatra vivacchitaṃ, attani samavētā ekadesībhūtā attasamavētā, tassā kiriyāya kammaṭṭhakiriyāyāti vuttaṃ hoti.

Subhedattādineti hetumhi karaṇe vā tatiyā. Atthatoti ‘kammeyeva kyo’ti (na sakkhi) [tasmā] vuttanti adhippāyo. Tathāhi ‘bhijjate’ti savanā kammaṭṭhāvagamyate’ti iminā atthato kammeyevakyotipaṭipāditameva. Vuttameva phuṭṭikaramāha- ‘bhijjate iccasmim pade’iccādi. Aññathāti yadi kammeyeva tepaccayo na siyā. Atoti bhijjate iccasmā. Upasaṃharamāha- ‘tasmā’iccādi. Kiṃ vacanenāti pāṇinīyānamiva kiṃ suttattarenāti attho.

Vacanābhāvepi kammakattari padasaṅkhārakkamopadassanamukhena vutti ganthaṃ vivaritamāha- ‘vākyato’iccādi. Vākyato uddharitvā padesaṅkharīyamāneti ‘bhijjate kusulo sayameve’ti vākyato viṣuṃ katvā bhijjate’ti pade saṅkharīyamāne nipphādīyamāneti attho. Tadevāti padatthasāmaññameva. Tannipphādaneti tassa saṅkharimānassa padassa saṅkharāṇe. Sayantīmassātra attanāti attho. Na kevala manenetadeva vuttaṃ- ‘kammeyeva paccayo’ti, kiñcarahi aññampatthīti dassetumāha- ‘anena ce’ccādi. Co vattabbantarasamuccaye. Anenabhijjate’ti savanāiccādinā idañcāhāti attho. Kintadiccāha ‘kamma kattuno’ccādi, na padamudāharaṇanti kammakattuno vākyamevodāharaṇaṃ... vākyeneva tassa patītiyā maññate. Padamevodāharaṇaṃ kasmā na siyāti āha- ‘padehi’ccādi. Dutiyamudāharaṇaṃ dassetumāha- ‘kattunissayo pi’ccādi.

Asmiṃ pakkheti asmiṃ kattuttena vivacchite pakkhe. Tabbisayattanti kammavācīsayam saddavisayattam. Bhāvakkammesūtīmassa kattariccassa ca paccayavisesanathe sati sāmattiyaladdhampayojanam dassetumāha- ‘bhāvakkammesū’ tiādi. Iminā anena ca visesisattāti sambandho. Kintam visesitanti āha- ‘mānanta tyādīsū’ ti. Kintampayojananti payojanam dassetumāha- ‘tyādīna’ miccādi. Yadi bhāvakkammesu kattari ca tena tena [dhānena] suttana mānādayo na siyūṃ, kathantam visesitesu mānādīsū paresu kyādayo siyuntīminā sāmattiyena () [(sati)] bhāvakkammesu kattari () [(ti)] ca ‘vattamāneti anti’ ccādippabhutikehi (6-1) suttehi yathālābham bhāvādīsū paccayā hontīti viññāyatīti bhāvo.

Natadattham vacanamāraddhanti bhāvakkammesu kattari mānantatyādividhānattham pāṇiniyehi viya suttantaram nāraddhanti attho. Atha bhāvakkammesu kattari ca mānādividhānattham vacanam nāraddham dhātuniyamanam [dhātuniyamattam] tvassa vattabbanti tañca sāmattiyāva (labbhateti) dassetumāha- ‘kiriyaṭṭhanīyamopi’ ccādi. Akammakā dhātuto bhāve kattari ca sakammakā kamme kattari ceti kiriyaṭṭhanīyamo yathāvuttana sāmattiyā labbhateti sambandho. Akammakānam kammavirahā, sakammakānañca satopi bhāvassāppadhānatā akammakā kattari bhāve ca bhavanti na kamme, sakammakā kammāsabbhāvā kattari kamme ca bhavanti na bhāvetīdam sāmattiyam.

Kammamapekkhateti pacādito kattari paṭhamapurisekavacane kate pacaticcādīsū pacādīno pacanādīkiriya odanādīkam kammamapekkhate. Kattuttamapekkhateti bhavaticcādīsū bhūādīnam bhavanādīkiriya kattumattamapekkhate.

20. Niṇā

Yadatthanti yaṃpayojanam.

23. Jyā

Jinantoti ‘byañjane dīgharassā’ ti (1-33) rasso. Sabbattheva yattha kattari paccayo tattha vikaraṇāpi kattariyeva, yattha bhāvakkammesu tattha vikaraṇāpi bhāvakkammesuyeva, ... ekāya pakatiyā kārakabhede(na) paccayassāsambhavato. Tasmā sahābhīdhānānam mānādivikaraṇānam kathannāma sahāsambhavam gaccheyyunti vidhīyante.

27. Bhāva

Vivacchābhedenāti sakammakāmakavacanicchābhedenā. Ubhayatthāti bhāvakkammesu. Kārīyatīti kattabbo karaṇīyo. ‘Apavāda visaye ussaggo nābhīnīvisatī’ ti eso ussaggadhammo. Tabbādīnantu kesañcussaggānampi apavādavīsaye pavatti hoti bahulādhīkāra. Yathā ‘bhāvakkammesu tabbānīyā’ ti ussaggo, ‘vadādīhiyo’ ti (5-30) apavādo tamvisayepi tabbānīyā honti ‘gantabbo gamanīyo’ ti veditabboti.

28. Dhyāṇa

Kārīyam ‘ñi byañjanassā’ ti (5-170) ñi.

30. Vadā

Annatoṭīminā ‘bhoggamañña’ nteṭṭha aññaṃ nāma annavatā aññanti atthamāha.

31. Kicca

Kammakaro bharitabbatāyeccādīnā kiriyāsaddattam bhaccasaddassa dassento saññābhāvamapākaroti. ‘Saññāyam bharā’ ti ca gaṇasuttanti daṭṭhabbam, tenāha- ‘saññāyam bharā’ tiādi.

Abharitabbāpiccādinā idaṃ dīpeti duvidhā saññāsaddā keci daccanta vigatāvayavatthā yathā dīthhādayo, kecidavayavatthānugatāyathā sattapaṇṇādayo, tatha bhariyāsaddassa kammampavattinimittam ‘bharitabbā bhariyā’ ti, yathā satta paṇṇāni assāti sambandho pavattinimittam sattapaṇṇasaddassa, etañca pavattinimittam saddanipphattikiriyaamevopadisīyate, kvacideva tvatthavisesa satyasati vā tasmim nimitte saddo vattati’ ti. Okārasāti ‘yuvāṇṇāname oppaccaye’ ti (5-82) kataokārassa.

32. Guhā

Saddikānanti pāṇiniyakaccāyanādivēyākaraṇānam. Pesanam sakkārapubbakam vā niyojanam. Kāmacārānuññāti kattumicchato yathiccha manujānanam atisaggonāmāti attho. Nimittabhūtassāti ‘bhotā kaṭo kattabbo’ ccādisu kaṭakaraṇādino kāraṇabhūtassa.

Nanu ca sāmāññaena vihitā e(te), tathā ca sati vijjhatthavihi tehi eyyādīhi te bādhiyanticcāha- ‘nace’ ccādi. Vidhivisesatte pīti vidhānam vidhi niyojanam kiriyāsu byāpāraṇā, tassa vidhino pesādīnam visesatthepi, nāvassantiādi jayādiccabyākhyānam nissāya vuttam, vuttañhi tena ‘kimattham pesādīsu kiccasaññino tabbaanīyaṇyatyappaccayā vidhiyante, na sāmāññaena bhāvakkammesu vihitā, evamete [vihitāeva, vo-kāsikāvutti] pesvādīññasvatra ca bhavissantīti visesavihitena vidhiyādīsu paccayena bādhiyante, vāsārūpavidhinā bhavissantīti evañcarahi etaṃ ñāpeti ‘itthīadhihārato parena vāsārūpavidhi nāvassambhavatī’ ti [kimatthamiccādi codya, vicasasavihiteccādi parihāro, kiccā hi sāmāññaena vihitā, pañcamī tu pesādīnāthavisesena, ato tena visesavihitena kiccā pesādīvisaye bādhiyeranti punabbiyate, vāsārūpeccādinā parihāram vighaṭayati. evam carahiccādinā pesādīsu kiccavidhānassa ñāpakattham dassayati. (jinindabuddhinu 21 sa)]. Asārūpavidhi asārūpāpavādappaccayo vā vikappena bādhiho hoti ussaggassāti etaṃ avassam na hotīti ñāpanatthampi na vidhiyateti yojanā. ‘Vā-sarūpo-nitthiyam’ ti (pā, 3-1-94) parasuttam. Dhātavadhihārevihito asārūpo apavādappaccayo ussaggassa bādhiho bhavati itthi adhihāre vihitappaccayam vajjayitvāti attho. Heṭṭhā vuttānusārenedaṃ viññātabbam.

Bhotā khalu kaṭo kātabbocādi pesane. Tvayā kaṭo kātabboti anuññāyam. Pattakāle paramudāharaṇam. Ettha pana kaṭakaraṇe kālārocanaṃmattameva viññāyati, na pesādi. ‘Sattarahesveyyādī’ ti (6-11) suttam visesavihitam, tenāha- ‘sāmāñña vidhānato’ ccādi. Sattivisiṭṭheccādinā vuttamattham vivarati ‘satti’ tiādīnā. Katham sattivisiṭṭhatā kattunoti āha- ‘taṃyogā’ ti. Tāya sattiya yogo taṃyogo. Avassakādhamīnatāvisiṭṭhe tu kattari kiccānam tadaññesañca bhāvāya viṣuṃ- suttitam, tena, vuttam ‘āvassakādhamīnatā visiṭṭheva kattarī’ ti. Sabbatthevettha ‘uddham muhuttato’ tiādīnā ekekamudāharaṇam kamena dassitam. Bhotā rajjam kātabbanti arahe, bhavatā rajjam kātabbanti attho. Bhavam arahoti pana arahakattuttappakāsanattham vuttam. Evamuparipi. Sabbametam bahulaggahaṇānubhāveneti viññeyyam.

33. Katta

Galecopakoti alopasamāso. Abhimato parehi. Arahādīsu vihitappaccayehīti ‘sattarahesveyyādī’ (6-11) ca ‘sīlābhikkhaññāvassakesu ñī’ ti (5-53) ca arahādīsu vihitappaccayehi. Upādānasīlo sikkhāpanasīlo. Muṇḍanam dhammo sabhāvo yesam te muṇḍanadhammā. Vadhum katapariggaham sāviṭṭhāyanā muṇḍayanti etesam kuladhammo.

35. Āsiṃ

Kāpanāyamāsimsā nāmeccāha- ‘appattasse’ ccādi. Kiriyā visesakattuvisayāti kiriyāvisesassa yo kattā so visayo yassā sā tathā vuttā. Kiriyāvisesakattuvisayattameva phuṭī kattumāha- ‘assā’ iccādi. Assā jīvanakiriyāya nandana kiriyāya bhavanakiriyāya vā kattā taṃkiriyam sampādentō bhavēyya bhavatūti attho. Jīvatu nandatu bhavatūti āsimsāyam payogena jīvaka nandaka bhavakasaddānam taṃsamānatthatā dassitā.

Akēnevāsiṃ sanatthassa gamitattāti āsimsanā eva attho, tassa akappaccayeneva gamitattā avabodhitattā. Nāsiṃ sanatthassa payogoti āsimsanā attho yassa jīvatu nandatu bhavatviccādinō

saddantarassa, tassa nappayogoti attho.

36. Karā

Karoti attano phalanti kāraṇaṃ.

37. Hāto

Jahanti udakanti vīhīsu hāyanasaddassa pavattinimittaṃ dasseti. Jahāti bhāve padattheti imināpi saṃvacchare. Bhāveiccassatthamāha ‘padatthe’ti. Nipphattimattaṃ kiriyoṇānanti keci.

39. Vito

Nanu ca vitoti pañcamīniddiṭṭhattā ‘vito parasmā ñāicasmā’ti vattabbaṃ kathaṃ vipubbāti vuttanti āha- ‘vito paro’iccādi. Vipubbo yassaso vipubbo. Visaddato dhātumhi parabhūte sati visaddo pubbo nāma hotīti attho.

40. Kasmā

Sabbaṃ jānāti, kālaṃ jānātīti viggaho.

41. Kvacā

Nāmajātiṅgaṇakiriyaṃ dabbasambandhato pañcavidhattepi kammaṃsa kriyatthassāvadhiraṃyamupādinnoti kriyatthasambandhā kiriyākammasseha gahaṇaṃ. Tañca nibbattivikātipattibhedena tividdhaṃ, tividdhassāpyetassa visesānupānato gahaṇanti kamaṇudāharanto āha- ‘karakaraṇe’iccādi.

Lokavidūtiādidassanato kvaciggahaṇe payojanaṃ vattumāha- ‘kammato’ccādi. Nanu ca kvaciggahaṇeneva ‘ādiccaṃ passati’ccādopi (nivatti) vattum sakkā kasmā ‘bahulādhikārā’ti vuttanti āha ‘tene’ccādi. Tenāti yena kvaciggahaṇaṃ kutociyevāti dassanattaṃ kataṃ tenāti attho. Tenāti vā kvaciggahaṇena. Atha ādiccaṃ passaticcādo viya kammakarādīsopi nivattimadassetvā ‘kvacīti kiṃ kammakaro’ti kasmā vuttanti āha- ‘yajjeva’miccādi.

Tassāti bahulavacanassa, mahādhikārattāti mahāvisayattā. Kutociyevāti kutoci dhātutoyeva. Atheha kasmā na hoti devadatto sayati dātena lunāti sunakhānaṃ dadāti nagarā apeti thāliyaṃ pacati mātu saratī’ti, sabbamevedaṃ kiriyā (yā) bhisambandhīyatīti yadipevaṃ, tathāpi kammatteneva yaṃ vattu micchitaṃ na kārakantarattena nāpi sambandhabhāvena, tasseva kammaṃsaddena gahaṇaṃ kammavacanasāmatthiyā, aññathā syāditocceva vadeyya kiṃ kammāti vacanenāti.

42. Gamā

Vedanti ettha atthamāha vittinti, tuṭṭhinti attho.

43. Samā

Tañceti upamānassa parāmāso. Bhedena vivaraṇanti samānādīhīti avatvā bhedena vivaraṇaṃ. Tulyatāyupalabbhamānassa sadisādisaddavacanīyattā avayavatthānugamenāttano-bhidheyye sadisādisaddānampavatti veditabbā.

44. Bhāva

Kāraṃ sādhaṃ nibbattakanti anattantaraṃ. Karoti kiriyāṃ nibbatteti nimittabhāvenāti kāraṃ. Kattādīnaṃ kiriyānimittattantu sayameva ‘tatha kattā’tiādīnā bhedena pakāsayissati.

Kiriyānimittaṃ... nibbattakesu kattādīsu chasupi ruḷhattā tenettha kattāvāttappadhāno, karaṇādayopyappadhānā kārakabyapadeso labbhante... aññathā kārakasaddena tesam gahaṇaṃ na siyāti. Kimidaṃ kārakantyāha- ‘sattikāra’nti. Evaṃ carahi dabbādīnaṃ kathaṃ kārakattamiccāha- ‘tadadhikaraṇā’tiādi. Tassā sattiya ādhārā nissayāti attho, puṃ napuṃsake adhikaraṇasaddo. Tesu dabbā dīsu tiṭṭhatīti tatraṭṭhā, satti. Tassā bhāvo tatraṭṭhatā, tāya. Atha dabbādīnaṃ mukhyato kārakatte sati kimāyātantyāha ‘yadi’ccādi.

Tesanti kattādikāraṇānaṃ. Aññamaññabyāvuttarūpattāti aññamaññato byāvuttaṃ nivattaṃ rūpaṃ karaṇādisabhāvo yesaṃ kattādi kāraṇānaṃ te tathā vuttā, tesam bhāvo tattaṃ tasmā. Karaṇa rūpanti karaṇaṃ rūpaṃ sabhāvo yassa adhikaraṇassa taṃ tathā vuttaṃ. Evañcasatikko dosocāha ‘tathā ce’ccādi. Kenaci sukarattena sappadhānattavacanicchāyaṃ ‘thālī pacatī’ti bhavati. Tatrevukkamaṃsavaca nicchāyaṃ ‘thāliya pacatī’ti.

Evañcakatvāti nipātasamudāyo-yaṃ hetvattho. Tasmāti attho. Kattā nimittanti sambandho. Kattuṭṭhakiriyānimittaṃ kattuno udāharaṇaṃ ‘hasati naccatī’ti. Tadattheti tāya kammaṃsamavāyiniyā pacanādikiriyāya atthe adhissayanādayo pavattento kiriyāya nimittanti sambandho. Evamuparipi.

Odanaṃ pacati devadattoti kammaṭṭhakiriyāya nimittabhūtaṃ kattuno udāharaṇaṃ. Bhājanasaṅkharāṇamadhissayaṇaṃ. Ādisaddena taṇḍulavapaṇaṇaṇāpāharaṇādayo gayhanti. Dvidhāpattiyanti rukkhādīnaṃ dvidhā pavattiyānaṃ.

Byāpaneti sambandhe. Giradhātuto appaccaye- ‘‘eonama vaṇṇe’’ti (137) sutte ‘avaṇṇeti yogavibhāgato gakkāre ikārassa attamaṃ hotīti dassetumāha- ‘avaṇṇeti yogavibhāgā attamaṃ issā’ti. Aññathāpi paṭipādetumāha- ‘essa vā’tiādi. Essāti ‘‘lahussupanthassā’’ti (5-87) kataessa. Sakalenāti ‘eonama vaṇṇe’’ti sakalena suttena. Purīti nipāto.

Īsakaroti bindulopo, dvittamaṃ, sāmāññena vidhānatoti paresamaṃ visesavidhānasabbhāvamāha. Gaṇikālayamaṃ gaṇikānaṃ gehamaṃ. Nephayamākappo. Dattoladdhoti paccayassa kammaṃsādhanattaṃ dīpetumvuttaṃ. Vināliṅgavacanehi paṭipadikatthamaṃ niddisitumaṃ na sakkāti bhāveti sabbaliṅgasaṅkhyāsambandhayoggaṃpaṭipadikatthasāmāññe paccayanimittaṃtanna gahitepi sāmāññe caritattattā liṅgavacanaṃ nappadhānanti iṭṭhiāvudhanti itthi napuṃsakebhāve, pākāti bahuvacanehi bhāve bhavati eva.

45. Dādhā

Sapādīhi apādīhicāti pādisahitehi pādirahitehi ca dādhāhi.

46. Vamā

Sāpānadoṇiyanti sārāmeyaṇaṃ bhuñjanaṃkaambaṇe. Ṭhitasupāna vamaṭhuviyāti pavattasunakhacchaddanaṃ viya.

47. Kvi

Yathādasānanti ācikkhatīti yojanā. Tena kutoci dhātutoti. Gaṇhantīti gaha=upādāneccassa. Salākāsaddassa salākanti. Sabhāsaiccassa antabyañjanaṃlope sabhāpakatito ‘‘itthi yamatvā’’ti (3-26) āppaccayo. Pabhātīti ā=dittiyamiccassa.

48. Ano

Calanādīnaṃ sīlādīsu nipphādanattaṃ visumaṃ suttamaṃ parehi, idha pana bahulaṃ vacanenevāti dassetumāha- ‘calanādīsū’tiādi.

49. Itthi

Klikayakiccatra kakārabahuttā kakārāti bahuvacanaṃ. Titikkhā iccādo titikkhanamiccādinā viggaho ‘‘itthiyamatvā’’ (3-26). Apari paṭhitoti dhātupāṭhe aparipaṭhito. Pāṇivisesoti sattaviseso. Iminā ca ‘‘yathākathañci nipphatti, ruḷhiyā atthanicchayo’’ti dasseti.

Āsiṃ sāyaṃ gammadānāyaṃ saññāvisaye dhātūhi tippaccayo kiccappaccayo ca yathā siyāti ‘‘tikiccāsitthe’’ti (7-2-3) suttitaṃ kaccāyanena. Tamiha sāmāññaena vidhānāva siddhanti nirūpayitumāha- ‘kaccāyanena pane’ccādi. Tappa anīyaṇa teyya riccappaccayānaṃ ‘‘te kiccā’’ti (7-1-22) kiccasaññaṃ vidhāya sesānaṃ ‘‘aññekiti’’ti (7-1-23) kitsañña katā kaccāyanena. Tenāha- ‘kita sañño’ti.

Tabbādippaccayo ca vihitoti sakiyavohārenāha. Sakiya satthe avuttadosaṃ [suttadosaṃ] parihaṛitvā vakkhamānāyena yutyabhāvā tathā vidhāne ayuttataṃ dassento ‘nacāsiṃ sāya’miccādimāha. Guhanaṃ, rujanaṃ, modananti viggaho. Sayanaṃ vā seyyā. Vajadhātuno vassa bakārena bhavitabbaṃ, so kathaṃ yakāre parabhūte asaṭṭi āha- ‘cavaggabayañātiyogavibhāgā vassa bo’ti.

51. Karā

Ririypaccaye ādirakārassa anubandhattā āha- ‘antasarādi lopo’ti.

52. Iki

Atha sarūpeccetāvati vutte- ‘kiriyaṭṭhassa sarūpe’ti kathaṃ viññāyaticcāha- ‘kiriyaṭṭhā’ ticcādi. Nanu ca lo-yaṃ kattari vidhīya mānokathamettha siyātyāha- ‘akattari’ccādi. Abhimato kaccāyanassa. Paṭipādayitumāha- ‘tathā’ tiādi. Karaṇaṃ uccāraṇaṃ, assa karoti samāsavākyāṃ. Na hi eva dīhi kāro vihitoti akkhare heva kārassa vihitattā akkharasamudāyato na pappotīti bhāvo. Atha ceti matappadāne. Evādisaddavācakā evakārādayo sādhavoti atha matanti attho.

Tatthāti tathā abhimate tasmim. Niyamahetuno abhāvāti akkhareheva kārappaccayo vidheyyo na pana evādhicassa niyamaṃ so hetu tassa hetuno abhāvā.

53. Sīla

Kimidasīlamiccāha- ‘sīlampakatisabhāvo’ti. Tañca sīlamanumānena viññāyaticcāha- ‘tañce’ccādi. Kiriyaṅvisayarucivisesānumitanti uṇhabhojanasañkhātā kiriyā visayo yassa so (kiriya) visayo ruciviseso, tena anumitanti attho. Kimidamābhikkhaññanti āha- ‘ābhikkhañña’ miccādi. Punappunabhāvo ponopuññaṃ. Āse vā tapparātāti tamevābhikkhaññaṃ pariyaṇeyhi phuṭṭikaroti.

Yajjevanti yadi ābhikkhaññaṃ tappato vuccate. Tassīyamidaṃ hotīti iminā- ‘sīlabhikkhaññādi’ sutte sīlasaddenevābhikkhaññaṃ gahitattaṃ dīpeti. Aññathāpi sīlato aññamevābhikkhaññanti dassetumāha- ‘yasmim dese’ tiādi.

Gammadāneti patīyamāne. Patīti ca atthappakaraṇasaddantarādīhi. Abhimatoti pāṇiniyehi abhimato. Avassakaggahaṇāyeva siddhoti vuttaṃ kathametthāvassambhāvo patīyati ccāha- ‘tañcā’ tiādi.

Yogavibhāgāti ‘ṇī’ ti yoga vibhāgā. Sādhuṃ karoti, brahmaṃ vadati, asaddhaṃ bhuñjati, paṇḍitamattānaṃ maññatīti viggaho. Sādhuntī kiriyāvisesanaṃ. Assaddhabhojīti vate. Vatañca bhojane atthitāyaṃ saddhaassaddhabhojanavisayāyaṃ pavattiyāyaṃ yadi bhuñjati assaddhameva bhuñjati na saddhanti satthe vuttaniyamo, assaddhaṃ bhuñjati evāti nottarapadāvadhāraṇaṃ... evaṇhi viññāyamāne yadevāssaddhaṃ na bhuñjati tadeva vatalopo siyāti [atthitāya (bhojanākañkhittatā) yathecchaṃ sāmāññaena bhojane pavattiyāyaṃ mattāyaṃ asaddhabhojanaṃ sathavihitamupalabhamānassa saddhato nivattitvā visese hi saddhe pavattiniyamo vatamuccate, niyamocātraduvidho sambhavati-asaddhaṃ bhūñjati eva, athaddhamo bhuñjatīti vā, tatrādime

niyame yadevā saddhaṃ na bhuñjati tadevavata loposiyā (ra-3-228) kātantapañjikā]. Aññathāpi paṭipādayitumāha- ‘ghaṇantādīhi’ccādi.

54. Thāva

Sayameva attanāeva. Kammakattarīti ubhayatthāpi kammakattari paccayo bahulādhikārāti adhippāyo. Ettha pana ekopi padattho kammañca hoti kattāca kārakasattibhedato. Yathā ‘pīyamānaṃ madhu madayatī’ti ekassāpi sattibhedā kammattaṃ kattuttaṃ, tathā trāpīti viññeyyaṃ. Yo paraṃ bhañjati tatthapi siyā sāmāññavidhānatoti āha- ‘nipātanassi’ccādi. Dosandhakāraṃ bhindatīti dosandhakārabhiduro.

55. Katta

Bhūtasaddenetthādhippetatthamupadassetumāha- ‘bhūtamātīta’miccādi. Aññathāti yadyatikkantavacano na siyāti attho.

Nanucāretaretaranissayadoso pasajjate, satī hi bhūtādhikāretto vidhīyate, sati ca tte bhūtasaddassa nipphattīti phuṭo yevitaretaranissayadosoti. Nesadoso, saṅketāti byatto saddatthasambandho cirakālapavatto, nāssa kiñci asādhuttaṃ, atikkante cāssa vutti saddasattisabhāvato vedītabbā. Ktavantā dayopi carahi saddasattisabhāvato bhūteeva bhavissantīti na vattabbaṃ. Bhūtasaddo-yamatikkantatthe pasiddho ktavantādayotvappasiddhā, ato tena pasiddhatthenāpasiddhānamanvākhyānaṃ karīyatīti. Bhūtetī cāyaṃ pakativisesanaṃ vā siyā ‘bhūtatthe vattamānā’ti, paccayattha visesanaṃ vā ‘bhūte kattarī’ti, tatra kassidaṃ visesananti āhabhūtetī pakativisesana’nti. Kutoccāha- ‘sambandhassa ce’tyādi. Atha paccayatthavisesane ko dosoccāha- ‘paccayatthavisesane hi’ccādi. Paccayatthassa kattuno anabhikkantattā ayanti payogo nopapajjate bhāvo. Abhidheyyeti iminā payoanādiṃ byavacchindati.

56. Kto

Kamme guṇībhūtattāti kamme sati bhāvassāppadhānattā. “Guṇamukhyesu mukhyeyeva kāriyasampaccayo”ti mukhye kammeyeva paccayo, na tu bhāve tassetthāppadhānattā.

57. Katta

Nanucārambheti vuttaṃ- ‘kiriyaārambhe’ti kathanti āha- ‘soce’ccādi. So ca ārambho. Kiriyaāyeva ārambhokiriyaārambho tasmiṃ. Kiriyaārambheti sāmāññena vuttattā kiriyatthavisesanaṃ vā etaṃsiyā paccayatthavisesanaṃ vā ubhayatthāpi na dosoti dassetumāha- ‘kiriyaatthavisesanaṃ ceta’ntiādi. Paccayatthavisesanapakkehi sāmattīyā ārambhe kiriyatthassāpi pavattī hotīti dassetumāha- ‘kiriyaatthassāpi’ccādi. Sāmattīyaṃ dasseti ‘sāmattīyampanā’tiādinā. Anantarassuttena yo vihito kto, sopi sāmāññena vacanato bhāvakkammesu ārambhepi hotīti yojanā. Sāmāññena vacanatoti “kto bhāvakkammesu”ti (5-56) sāmāññena vacanato. Bhāvakkammesuceti evaṃ na vuttanti ‘yathāpattañce’ti vadatā vuttikārenevaṃ na vuttanti attho.

Kasmā evaṃ na vuttanti āha- ‘pubbasmiṃ viyā’ti ādi. Aniyamuppatti saññāya sati nāpananti tannisedhetumāha- ‘punabbacanato’tiādi. Māsaṅkīti kammani, tenevuppattīti paṭhamā. Evaṃ maññate “bhāvakkamma gahaṇaṃ cākārenānukaḍḍhiya ‘bhāvakkammesu cā’tyanena ktevidhīya māne idamāsaṅkiyate ‘pubbeneva sāmāññena siddhe punabbacanā [punabbacanam] kiriyatthāniyamena ttassuppattī’ti, yathāpattañceti huuccamāne cakārena yathāpattampi kāriyamanuññāyatepubbeneva vacanena bhāvakkammesvārambhepi yathāpatta kto bhavatīti viññāyate”ti. Evañcarahi bhāvakkammesvārambhepi pubbeneva siddhattā “kattariārambhe”icceva vucceyya kiṃ cakārene ccāsaṅkiyāha- ‘padānamavadhāraṇa phalattā’ccādi.

Nanucādibhūto kiriyākkhaṇo ārambho nāma, bahūhi kiriyākkhaṇehi kaṭe parisamatteyyeva bhūto kālo ca bhavatīti kiriyāphalassāparinipphannattā vattamānova kāloti tatrakto na

pappoticcāsaṅkiyāha- ‘kiriyaṅphalassi’ccādi. Kaṭekadesassāpi kaṭattā tassa ca nibbattattā bhūtavacanicchāti bhāvo. Nanucādisūte kiriyaṅkkhaṇakāle kaṭo nābhiniḅbatto, kaṭakāraṇabhūtā bīraṇāva hi tadā santi, na ca tadavattā te eva kaṭoti katham ‘pakato kaṭo’ti bhūtakālena pakatasaddena kaṭasaddasamānādhikaraṇattamiccāha- ‘ādibhūtene’ccādi. Tatha tasmim visese. Pakattum ārabhi, pakattum ārabhiyittha, pasottum ārabhi, pasottum ārabhananti atthe tto.

58. Ṭhāsa

Anārambhatthamvacananti ārambhe pubbeneva siddhattā. Apādinopisilisassa sakammakattā- ‘yebhuyenā’ti vuttam. Sakammakatthanti vatvā sakammattamesam pādiyoge sati hotīti dassetumāha- ‘pādisahitā’ccādi. Khaṭopikā maṅco.

59. Gama

Avivacchitakammo cehākkammakoti kathayamāha- ‘avijjamāne’ccādi. Yātavanto yātā, yānam yātam. Ayoyitthāti yā to. Kto na vidhātabbo pāṇiniyehi viya. Kāraṇasāmaggiyam bhūtāyanti sassādihetubhūtasamiddhiyam bhūtāyam. Sā ca bhūtā yevāṭiminā kāraṇasāmaggiyā atītakālikattamāha.

60. Āhā

Ādhāreceti anuvuttiyā ettha cakārato ‘yathāpattañce’ti sambandhā vuttanti seso. Evaṃ na kutoci apakassanam siyāti evamādhārādike anuvattamāne sati kutoci ādhārādito apakassanam visum karaṇam na siyāti attho. Tathā sati heṭṭhā suttene kayogameva kareyyāti adhippāyo. Bhāvakkammesūti sambajjhateti yojanā.

Bahulassa bhāvo kammaṃvāti bahvatthādānamevātra bahulasaddassa pavattinimittam bhāvo kammaṃceti tatha paccayo. Kecīti pāṇiniye yeva sandhāyāha. Tassāpi bhūteyeva pavattimupadisati ‘sopi’ccādi

Nā. Bhijjamānanti paccamānam. Pararūpena passinnoti yojanā. Kecīti teyeva. ‘‘Matibuddhipūjatthehi ce’’ti (3-2-188) tesam sutte casaddākaḍḍhite dasseti ‘yathā’tiādinā. Akkocchi tanti kamme viggahamāha, tanti kammaṃpadam, evamuparipi curāḍḍiṇilope ‘‘nimittābhāve nemittikassāpyabhāvo’’tyākāranivatti. Kasirayam gatyādyane kattho, kaṭṭhamṭyatra kimatthoti āha- ‘ettha hiṃsattho’ti.

Hetunoti dukkhaphalassa hetuno agyādino. Kaṭṭhasaddassa phalahetubhūte agyādike vattamāne evam hotu phalevattamāne kathanti āha- ‘yadāpanā’tiādi. Kodhātiko idha.

61. Tumtā

Nanu ca bhāveiti bhavatināyam ghaṇantena niddeso karīyatīti bhavativisayova paccayatthaniddeso kato bhavati, tato ca bhavatino yo bhāvo tasmimyeva vācce paccayo siyā, so ca bhavatito yevuppajjamānena paccayena sakkābhidhātum tato tasmāva paccayena bhavitabbam, tasmā katham pacitum pāko cāgo rāgotipacādīhibhavati ccāha- ‘bhavanam bhāvo kiriyaḍhātvattho’ti.

Kiriyaṅsāmaññañhi sabbadhātvatthānugatam bhavattissattho, tena kiriyaṅsāmaññavācinātthaniddeso karīyamāno sabbadhātuvīsaye kato bhavati tasmā pacādīhipi bhavattiyadhippāyo.

Nanu cātra tumādayo bhāve bhavantīti vutte na viññāyate kimvīsese bhāve tumādayo bhavanticcāha- ‘yato’ccādi. Tassāti dhātuno. Yo vattabbo bhāvoti yo vācco bhāvo. Kutoccāha- ‘sambandhā’ti. Tumādīnam yā pakati tāya vācceneva bhāvena saha sambandhāti attho. Ṭhātābbanti bhāve tabbo. Atha kriyāṃṭyanena tabbādyabhīhitassa dabbarūpāpanassa bhāvassa katham

gahaṇamtyāha- ‘yadipi’ccādi. Sakanissayakiriyābyapadesoti dabba rūpassa attano nissayabhūtāya kiriyāya byapadeso daṭṭhum cakkhuccādo bhavanakiriyāya patiyamānattā tumādayo bhavanteva.

Nanu ca tumādīnaṃ bhāve vihitattā kiriyāyeva padhānattanti kamma kāraṃ nappatīyateṭi katham ‘kaṭam kātuṃ gacchatī’ti siyāccā saṅkiya paṭipādetumāha- ‘yadipi’ccādi. Dhātvatthakato kiriyāsaṅkhātena dhātvatthena kato. Atthīti iminā yattha ‘supyate deva dattene’ccādo natthi, tattha na kammampatīyateṭi dasseti.

“‘Icchatthesu samānakattukesu tavetuṃ vā’”ti (4-2-12) kaccānena atadattāyampikiriyāya tumādayo yathāsiyunti visuṃ suttitaṃ, tenāha- ‘icchatthesmi’ccādi. Yathā ‘bhottuṃ pacatī’tyādo bhojanakiriyā payoanā pacanakiriyā hoti, nevamettha tappa yojanā icchā... pacanakiriyāaviyatappayoanattābhāvatoti ayamassādhippāyo. Puneccādinā vuttāniṭṭhapātassāsaṅkaṃ viracayamāha- ‘atadattāyampi’ccādi.

Icchatthassa dhātuno payogāti iminā ‘icchanto karotī’ti ettha icchantoti icchatthassa dhātuno payogatthameva, na icchāya payoanāṃ karaṇanti dīpeti. Devadattaṃ bhuñjamānamicchatītettha bhottuntī na hoti samānakattukesūti vacanato, bhojanassa devadatto kattā, icchatissa aññoyevātipi suttassa visuṃ payoanāṃ na vattabbanti dassento āha- ‘devadatta’miccādi.

Icchatissāti’devadattaṃ bhuñjamānamicchatī’ti ettha icchatīti vuttaisissa. Sādhanaṃ ‘devadattaṃ bhuñjamāna’nti vuttakammasaṅkhātaṃ attho payoanāṃ yassa so sādhanattho-icchatī. Tassa bhāvo tattaṃ, tasmā. Kammamevicchāya payoanabhāve ṭhitanti bhāvo. Nīratthakanti etadattameva samānakattukaggahaṇaṃ kataṃ tañca yathāvuttena pasaṅgābhāvā nīratthakanti adhippāyo.

Sakādyatthesu dhātū sūpapadesu dhātu mattā tumādayo suttantarena vihitā pāṇinīyehi, tenāha- ‘sakādidhātuppayoge’tiādi. Siddhāti tumādayo siddhā. Bhujikiriyatthāti bhujikiriyā attho yassā sattiyā sā bhujikiriyatthā patīyate. Patīya mānatte kāraṇamāha- ‘asatopi hi’ccādi. Parehettha akiriyatthopapadattho punārabhoti vaṇṇitaṃ. Tadetam vighaṭayitumāha- ‘tene’ccādi. Paresamayamadhippāyo “‘sakkoti bhottuṃtyādo kosalyaṃ gamyate. Gilāyati bhottuṃti tadasatti. Ghaṭate bhottuṃtyādo yogyatā. Ārabhate bhottuṃtyādobhujisse vādyavatthākiriyantaram. Labhate bhottuṃti appaccakkhānaṃ. Atthi bhottuntīādīsu sambhavamattaṃ. Vaṭṭati bhottuṃtyādo dosā bhāvo gamyate. Sakkoticcādino upapadassa bhojanādikiriyatthatā na gamyate tasmā akiriyatthesupi sakādisūpapadesu tumādayo bhavanti’”ti.

Patīyamānesvapyetesvatthantaresu tādatthiyamatthiyevāti pubbena vihitassa tumādinotra na bādheti dassumāha- ‘yadipi’ccādi. Tādatthiyamatthiyevāti bhojanakiriyatthatā sakkotiādīnaṃ atthi yevāti attho siddhāyeva “‘tuṃtāye’”ccādinā. Alamattavisitṭhesu pariyaṭṭivacanesūpapadesu dhātuto tumādayo vihitā parehi, tathāha ‘alamattavisitṭhe’iccādi. Pahusaddampi antogadham katvā ‘samattādi’ti vuttaṃ, bhavattissa sambhavo “‘pubbekakattukāna’”nti (5-63) ettha byākhyāyissate. Abhimatāti kaccāyanena “‘arahasakkādīsu ce’”ti (4-2-13) casaddena abhimatā imassāti ‘kālo bhottuṃ’tiādino. Yathā bhottumanotiādīnā paresampi ayameva nipphattikkamoti dīpeti. Abyabhicāratoti avinābhāvato, bhavati bhojanam bhāvoti bhojanam bhuñjanaṃ bhāvo bhavattīti attho. Natugamissakiriyādatthāti gamanakiriyā bhojanatthā na hotīti attho. Atthasaddohyayaṃ payoanavacano yañca yamuddissa pavattati, tam tassa payoanāṃ bhavati. Nacāyaṃ bhojanamuddissa gamissati, kiñcarahi kāriyantaram, kevalam tena nimittena sambhāvīyate. Yādā tu bhojanatthamevārabhate gamanakiriyā, tadā bhavatyeva’gamissati bhottu’nti.

Tuṃvisaye ṇakopi vihito pāṇinīyehi, tatrāha- ‘kāraṃ vajati’ccādi. Parihāramāha- ‘pubbe’ccādinā. ‘Kattariltu’ccādinā yoyaṃ ṇako tīsupi kālesu sāmāññena vihito, kriyatthā yaṃ kriyāyaṃ upapade kattuno-bhidhānaṃ siddham, na cāssa visesavihitena tuṃpaccayena bādā bhinnattā, tuṃpaccayassa hi bhāve vidhānaṃ ṇakassa tu kattarīti. Pubbaṇakeneva siddhepi Itvādinivattiyā so vidheyyova, no ce Itvādayopi siyuntī codakappasaṅgamāsaṅkiyāha- ‘naceva’miccādi. Avagamābhāvameva phūṭayitumāha- ‘nahim’ccādi. Hi yasmāyatthe yo eso vajati

so kattā, yo eso vajati so vikkhipotyayamattho-tra gamyate, na pana tehi tādattiyaṃ gamyateti attho. Codako Itvādīhi sāmīyāpādayitū sāmīyāsaṃ vuttavidhinevāppattim ṇakassāpyāha- ‘ṇakopi’ccādi. Agatthaṃ [apakatatthaṃ (potthake)] yadipi ṇakena tādattiyaṃ na gamyate pakaraṇato gamyateti ṇako bhavissatīyāsaṅkiya codako āha- ‘athe’ccādi. Pubbeccādinā vutto-yaṃ ‘ṇako na vidheyyo’ccassa na parihaṇo... sottarattā yathāvuttena, kintu ‘tasmā nevi’ccādinā iminā vuccamānovaparihaṇotivīññātabbaṃ. Tadevaṃ Itvādīnampipattitoṇakaltvādīhi tādattiyānavagame vinicchite tādattiyavisesena tesāṃ sambhavoti anattakāṃ ‘‘ṇakassa kiriyatthopapadassavidhānaṃ Itvādīpatisedhanattha’’nti vākyakāravacananti satthakāro nigamayamāha- ‘tasmā’ccādi. Bhavatu pakaraṇatova [cāpaccayabhova] tādattiyāvagamo, tathāpiṇako paro vidheyyotyadhippāyenāha- ‘athāpi’ccādi. Gatattaṃ. Bhavissati kāle kriyatthāyaṃ kriyāyāyupapade bhāve ca ṇappaccayādayo vihīta, tatrāha- ‘pākāya vajati’ccādi. Avihitesupi tādattiyā siddhameveti adhippāyo.

62. Paṭi

Sotunādīsu ‘savanaṃ kātuna’iccādinā viggaho. Suteneti savananti viggaho.

63. Pubbe

Veti nātisambajjhate vidhino niccattā. Ekasaddassānekattattā viseseti ‘sakhyāvacanoyamekasaddo’ti. Kutocchāha- ‘saddāna’miccādi. Ekasaddassa saṅkhyāvacanante yottho sampajjate, tamāha ‘ekasaṅkhyāvacchinno’ti, tadattāti kriyatthassatthā. Yadipi ‘pubbaṃ byāpāra’nti samudāye ekadesabhūto byāpāro niddhāriyamānoti vuttaṃ, tathāpi pubbasaddena byāpāravācako kriyattho vuccate upacārā, teneva ‘tesu yo pubbo tadattatho kriyatthā’ti vuttiyaṃvuttaṃ. Nanu ca satti kārakāṃ, aññā ca pubbakālakiriyāya satti, aññā uttara kālakiriyāya, tasmā kuto ekakattukattamiccāsaṅkiya paṭipādentō āha- ‘yadipi’ccādi. Sattimato dabbassāti devadattādino sattimato dabbassa. Tadajjhāropāti ekattassa ajjhāropā. Eka kattukānaṃ byāpāraṇaṃ kamābhīdhānāya tunādayo vidhīyamānā bhāveyyevuppannā sakkonti kamamabhīdhātunti bhāvetyatrabhisambajjhate.

Ekakattukānanti bahuvacanattā ‘bhutvā pitvā vajati’tipi bhavati. Bhuttasmintettha anekakattukattā bhuñjitvāpi bhavati. Pāṇini yānamiva visuṃ vacanamantarena tunādividhippaṭipādayamāha- ‘mukhaṃ byādāya supati’ccādi. Byādāyāti dādhātussa viāpubbassa tvāppaccaye ‘‘pyo vā tvāssa samāse’’ti (5-064) tvāssa pyādesa rūpaṃ, mukhavivaraṇaṃ katvāyattho, byavadhāyakakālassāti byādāna supanānamantareyo kālo tassa, bhedaṇupalakkhaṇanti bhedassādassanaṃ. Bhedassīnaṃ kesañcivijjamānattā’kehīcī’ti vuttaṃ. Sahabhāvepīti byādānasupanānaṃ sahabhāvepi. Vaḍḍhitako bhattarāsi.

Abhimatā pāṇiniyānaṃ, parāya nadiyā pabbato-varo visesī yateti appatvā nadimpabbato’ti vutte nadiyā orabhāge pabbatoti attho. Bhavati, tato ca pārebhūtanadīvisiṭṭho pabbato paṭiyate. Avarena pabbatena parā nadī visesīyateti atikkamma pabbataṃ nadīti vutte pāre nadiyā ore pabbatoti attho paṭiyate, tato ca orabhāge pabbatavisīṭṭhā nadī viññāyate. Bhavatino sabbattha sambhave sati ekakattukatā pubbakālatā yathā gāmya te tathā dasseti ‘paṭhamaṃ na pappoti’ccādi. Nigamayati ‘tadeva’miccādinā.

Bhutvā bhutvā gacchatīti pare-ññathā nipphattimākaṅkhanti pāṇiniyādayo, tatrāha- ‘ekakattukāna’miccādi. Ābhikkhaññāvagame kāraṇaṃ pucchati ‘yajjeva’miccādi. Vuttameva phuṭayati ‘yehi’ccādinā. Yehīti veyyākaraṇehi. Jivaggāhaṃ agāhayiccādo pareññathā paṭipannātatāha- ‘kamma’miccādi. Sakaṅgeti pāṇipādādike-ttāniyevayave. Naṃ paccayo abhimatoti sambandho. Kiṃ ṇappaccayenāti idaṃ vuttaṃ hotīti sambandho. Aññathā siddhippākāramāha- ‘jīvassi’ccādi. Kiṃ visiṭṭhanti pucchitvā jivaggāhena visiṭṭhanti dassetuṃ jivaggāha’nti āha. Jivaggāhasaṅkhātāṃ gahaṇamakāsīti attho.

Ākhyātanti agāhayīti ākhyātaṃ kattabbarūpanti imānā gahaṇa kiriyāya kammattaṃ bodheti. Tabbisesanampīti kattabbarūpāya gahaṇa kiriyāya visesanampi. Tathābhūtamevāti kattabbarūpameva. Tathā ceti kiriyāvīsesane dutiyāya ṇamante jāte sati. Naṃanta rūpanti ṇamantassa

rūpaṃ yassāti viggaho. Naṃpaccayeniha kiñcīneti sambandho. Iheti imasmim byākaraṇe. Kiñci payojanam. Pacādītōtiādisaddena tehi avihitaṇampaccayā gahitā.

64. Nto

Yo sādhayitumāraddho naca niṭṭhamupagatoti yo kaṭādisādhayitum nibbattayitum āraddho niṭṭham parisamattim na copagato nappatto. Pavatto-nuparatovāti yo pabbatādi niccappavato-avirato teneva niṭṭham nopagatosovattamānoti vuccateti yojanā. Tabbi sayakiriyaḍvārenāti yathāvuttakaṭādivisaya kiriyāmukhena, idaṃ vuttam hoti ‘yathāvuttakaṭādinam vattamānattā tabbisayā kiriyāpi vattamānā evāti taṃdvārena kriyatthavisesana’nti.

Bhuñjati devadattoti ettha yajjapi bhuñjamāno hasati khajjati [vadati] pāniyaṃ pivati, tathāpi yuttā vattamānattā kattumicchitassārambho na parisamattoti vuttam- ‘sādhayitumāraddho na ca niṭṭhamupagato’ti. Tiṭṭhanti pabbatātiādisu nicesu pabbatādisu bhūtānāgatānamasambhavā tannisedhino vattamānassāpyasambhavā yadīpi kālavibhāgo na viññāyate, tathāpi āraddhassa ṭhānassāparisamattiyā vattamānā evāti vuttam- ‘pavatto-nuparato vā’ti. Kattuvisesane sati ko dosocāha- ‘kattu visesane’ccādi. Ihāpi siyā kattuno vattamānattā, vattamānatta mevāssa pakāsetumayanti vuttam. ‘Apaṭhamā samānādhikaraṇe’tyādīhi (3-2-124) anekehi suttehintappaccayo pāṇiniyehi vihito.

Idha pana sāmāññena vihittā āha- ‘sāmāññenā’tiādi. Santo ‘asa-bhuvi’ntappaccayo. ‘Kattari lo’ (5-18) ‘ntamānānti yiyumsvādīlopo’ti (5-130) akārassa lopo. Tapanto ‘tapa-santāpe’. Jappanto ‘jappa=vacane’. Paṭhanto ‘paṭha=uccāraṇe’ pacanto ‘paca=pāke’dhārayanto ‘dhara=dhāraṇe’. Payojakabyāpāre ṇi, dharitum payuñjamāno dhārayanto. Dissanto disa dusa=appitiyaṃ’ divādīhi yaka’ (5-12) yajanto ‘yaja-devapūjāyaṃ’. Arahanto ‘araha-pūjāyaṃ. Yathācātīādinā apaṭhamāsamānādhikaraṇādisu ‘saṃvijjamāno virocāmānaṃ jappamāno’ccādisu māno nto viya daṭṭhabboti vadati.

65. Māno

Kālakato avatthāviseso vayo. Mānovāti imināntappaccayābhāvamāha. Yujjhamānā’yudha=sampahāre’ ‘divādīhi yaka’ (5-12) ‘tavaggavaraṇāna’ miccādinā (1-48) dhassa jho’vaggalasehi te’ti (1-49) yassa ca. ‘Catutthadutiyesvesa’ntiādinā (1-35) jhassa jo. Naccamānā ‘nacca=naccane’.

67. Tessa

Savisayeti kattari bhāve kamma.

68. Nvāda

Nvādayoti ‘nvādayo’ccanena suttana. Katipayadhātvaḍipariggahenāti dhātavo pakatibhūtā ādī yeyaṃ kālādinam te dhā tvādayo tesam pariggahenāti attho. Kālo vattamānādi, kāraṃ kattādi pakāmsena niyamena paccayo karīyate etasmāti pakati. Kākriyaṃ āyukādi.

Kāriyavisesanti ādesādikāriyavisesam. Kāru sippijāti viseso. Tacchakādayo (tacchakakamma) kāratantavāyarakānahāpitā pañca kāravo cārudāruti vattamāne kālaniyamenāññatrāpi bhavissati. Evaṃ kāruādīsipi.

69. Khacha

Khachasānanti vutte tadantaggahaṇam kathamiccāha- ‘paccayaggahaṇe’ccādi. Byākhyātattam, nanu sutte ekassaroti pulliṅgena niddeso, ādīti ca tabbisenaṃ, evaṃ sati napuṃsakena vivaraṇam katham yujjati āha- ‘sadde’ccādi, atha jāgareccādo puthagavayavekassarassa jāgarasaddassa ca

paccekam kasmā na dvibhāvoccāha- ‘teneve’ccādi.

Tenevātiādīti ekassarocassa visesanattahetunāva. Avayavekassarassāti visesanamāso ‘avayavo ca so ekassaro ce’ti. Athādīhi ekassaravisesanattepyavayavekassarassa kasmā na dvibhāvoccāha- ‘ekassevādittā’ti.

Itarassāti paṭhamekassarato-ñāssāvayavekassarassa. Dosaduṭṭhattā nettha visesanamāsoṭi vattumāha- ‘ekassaroti’ccādi. Tathā sati ko dosoti āha- ‘eko ce’ccādi. Sarodīti ca vutte ‘Iha-ghaṭane’ccādīnameva siyā.

Nanu ca pacatimhi yenevākārena pacasaddo ekassaro teneva tadavayavāpi acsaddo pasaddo ca ekassaro, tatovāvayavānampi paccekam dvibbacanam pappoti... dvibbacanakāriyino ādissa ekassarassa sāmāññena niddesā, evañca samudāyassa tadavayavānañcekassarānam visum dvibbacane kate anīṭṭhampappotītīdamapākattumāha- ‘sakimṣatthappavattiyā sāvayavassa samudāyassa gahaṇa’nti. Sakimṣatthappavattiyā ekavāram dvibbacanasuttassa pavattiyā dvibbacanakaraṇenāti vuttam hoti.

Sāvayavassāti yathāvuttāvayavehi saha vattamānassa na vinā tehi. Evaṃ maññate ‘yassa dvibbacane kāriyamāne sabbesamavayavānam gahaṇam bhavati, tasseva samudāyassa dvibbacanam yuttam nāvayavānam, tesañhi dvibbacane ekāya dvibbacanassuppattiyā na sabbesam gahaṇam katam hoti nāvayavantassa samudāyassa ca katanti puna tesam dvibbacanāya satthappavattiyā bhavitabba’nti. Upapattantaramāha- ‘athave’ccādi. Iha ṭhāne dvibbacanam dvippayogo dvibbacananti dve pakkhā. Tatra ṭhāne dvibbacanapakke dosadassanato dvippayogo dvibbacanatyayameva pakkhobbhupagatoti dassento paṭhamantāva ṭhāne dvibbacanapakke bhāvinam dosamāha- ‘paṭhamassekassarassi’ccādi. Dvisaddo saṅkhyeyye vattate.

Saṅkhyeyyañcetta saddarūpamuccāraṇam vā, tattha uccāraṇe saṅkhyeyye ṭhāne dvibbacanam na sambhavati... uccāraṇassa saddā(nugata) dhammattā. Saddarūpe saṅkhyeyye ṭhāne dvibbacanam, tattha [tañca (potthake)] doso. Tathā cāha- ‘rūpadvaye vidhīyamāne’ti. Tathā sati nivuttidhamme ṭhānī bhavattīti ṭhānino nivuttiyā bhavitabbam, nivuttiyā ca dhātuttā nivutti, tenāha- ‘pakatippaccayavibhāgābhāvato’ti. Tena ppaccaye pare pakatiyā vidhīyamānam kāriyam na siyā, tena vuttam- ‘assa ittam na siyā’ti. Pipāsati ‘pā=pāne’. Icchāyam pātuntitumantā ‘‘tuṃsmā’’ccādinā (5-61) so. ‘Pāsa pāsa’ iti dvitte pubbato-ñāssa lopo, ‘rasso pubbassa’ (5-74) ‘kha cha sesvassī. Dvippayoge tu dvibbacane nāyam doso samāvisatīti āha- ‘āvuttiyam ti’ccādi. Dvidhā bhūtassā tidhinā dhātusseva dvidhābhūtattam dīpeti.

70. Paro

Yogavibhāgā ‘a ñā’ādīsu gamyate. Yadi hyatrāpi chaṭṭhī abhimatā siyā tadā ‘‘kha cha sa parokkhānamekassarodidve’’ti ekameva yogam kareyya. Parokkhe vihitā añādayo dhātutova, nāññatoti parokkhāvachanasannidhānā casaddena dhātuvihitappaccayāva gayantīti āha- ‘aññasmimpi dhātuvihitappaccaye’ti. Yadi pana bhusattho ābhikkhaññattho vā vattumiṭṭho siyā, tadā bhūsatthādīsu ca daddallaticcādikam hotīti veditabbam. Caṅkamati momūhacittānīti bhusatthassa yujjamānattā tyādayo bhusatthe bhavanti bahulādhikārāti vuttam sakkāti.

71. Ādi

Paṭhamo dutiyoti ca dve ekassarā. Tattha ‘‘khachasānamekassarodi dve’’ (5-69) ‘‘parokkhāyam ce’’ti (5-70) paṭhamassekassa rassa dvibbacanam ‘ādismā sarā’’ti tu dutiyassa, tasmā kathamaññassuccamāneaññassabādhakamsiyā tasmā katepidutiya dvibbacanepaṭhamadvibbacanam sambhavatvevātinapaṭhamadvibbacanāpavādo-yam yogoccāsaṅkiyāha- ‘paṭhame’ccādi. Kriyatthādhikārā kriyatthānanti chaṭṭhiyā dutiyenekassa renaca sambandhā paṭhamadvibbacanassavidhāya kamaññavākyamaññam dutiyassāti na vākyabhedoti āha- ‘eke’ccādi. Assāti ‘ādismā sarā’’ti assa yogassa, pubbayogeti pubbehi dvihi suttehi. ‘‘Ādismā sarā’’ti saramadvittenuvādāya sāmāññena saddarūpassa dvibbacanavidhānato pubbe viya

byañjanayuttasseva vidhānaṃ tattheviṭṭhatthattāti paṭhamadvibbacana sambandhino byañjanassa dvibbacanabādhātyavagantabbaṃ.

72. Napu

Paṭhinimittanti nimittaṃ nimittaṃ pati paṭhinimittaṃ, nimitte satīti attho.

73. Yathi

Paṭhamekassarassa paṭhamadvibbacanaṃ visayo, dutiyekassarassa dutiyadvibbacanaṃ, tenāha- ‘yathā visaya’nti. Paṭhama dutiya tatiya dvibbacananti ettha puiti paṭhamaṃ saddarūpaṃ, tīti dutiyaṃ, yisiti tatiyaṃ.

76. Kha cha

Khappaccayādi kariyatīti seso.

82. Yuva

Catthaparattāti catthasamāsā parabhūtattā. Tena paccekāti sambandhena. Samānādhikaraṇattena visesananti sambandho. Ācariyena yovibhattilopeneva niddiṭṭhattā āha- ‘luttayovibhattiko vā niddeso’ti.

83. Lahu

Dhūpāyatīti dhūpitā, paccayassāti tippaccayassa. Kānubandhakaraṇamanatthakaṃ siyāti ghakvikaraṇassa paccayattābhāve (taṃ) nibandhanassa kāriyassābhāvā ‘na te kānubandhanāgameṣū’ti (5-85) paṭisedhā bhāvoti kakārānubandhamanatthakaṃ siyā.

85. Nate

Pucchīyitthāti viggayha tto, tassa “pucchādito”ti (5-143) ṭho. Sesam vuttanayameva. E onampaṭisedhamukhenāti eonampaṭisedhassa pakatattā vuttaṃ. Cinitabbantiādīsu cīyittha cīyati vātīādīnā viggaho. Cinituntiādīsu cinanā yāti(ādīnā). Nanu ca (ñīāga)mo, na paccayoti kathampaccaye “lahussupantassā”ti (5-83) eo papponti kathañce sampāṭisedhoccāsankiyāha- ‘ñisse’ccādi. Nanucādimhi na yuvaṇṇābhi kathametthappasaṅgoti āha- ‘sakāpānaṃ kukkūṇeti’ccādi.

Pattokārassāti dhusadde ukārassa pattokārassa. Yuvaṇṇeccādināpattassāti (tabba) tuṃ paccayesu ca ṇino pattassa. Vā vidhānā na ñi. Dhunāpetabbantiādīpāṭhe ñimhi akate “aññatrāpī”ti (5-87) paṭisedhābhāvo. Dhunāpetīti pāṭhetimhi le ca “kvaci vikaraṇāna”nti (5-161) vikaraṇalope ca ekāro. Asati nāgame “yuvaṇṇe”ccādinā ettaṃ siyā tampināgame upantattā netyadhippāyenāha- ‘tathāpī’ccādi. Pakkhantaramāha- ‘nāgame’ccādi.

87. Añña

Sama dama-upasame. Sametīti samako, dametīti damako, jana-janane, janetīti janako badha=bandhane, badhatīti badhako.

92. Padā

Nipajjati nipajjanaṃ. Pamajjate pamajjitabbaṃ. Pamajjanāya pamajjituṃ. Pamajjati pamajjanaṃ.

93. Maṃvā

Rundhituntiādīsu rodhanāyāti viggaho.

94. Kvimhi

Nanu kimatthamantaggahaṇaṃ yato “kvimhi lopo-ntabyañjanassā”ti vuttaṃ, “chaṭṭhiyantassā”ti (1-17) antasseva lopo siyāti codanaṃ manasi nidhāya taggahaṇe payojaṇaṃ dassento āha- ‘antaggahaṇa’miccādi. Lopavidhīsūti (vīḍilopavidhīsū, chaṭṭhī niddiṭṭhanti) “vīmantu vantū”nti (4-138) chaṭṭhīniddiṭṭhaṃ. Bhadantavidhicaritattabyāpāraṃ [tadantavidhicirabhedanāccanabyāpāraṃ (potthake)] nissāyāha- ‘chaṭṭhiyantassā’tī byāpārā’ti. Antassāti vīḍīnamīkārādino. Aññathāti sabbāpahārilopaññāpanābhāve. Anattakaṃ siyā “chaṭṭhiyantassā”timassa byāpārasambhāvā. Idāni chaṭṭhīniddiṭṭhānaṃ visesena vattumicchittam antasseva lopapattidosam dassetumāha- ‘tadante’ccādi.

101. Para

Atha dvitteti kathamavasīyate sadde abhāvetiāha- ‘para’iccādi. Anantarasutte “paripaccasamo hī”ti vuttattā tato parassāti kinnāvasīyatīti codana mubbhāviya tadayuttataṃ dassetumāha- ‘nanuce’ccādi.

103. Dhāssa

Apacurappayogattāti abahuppayogattā.

104. Kimhi

Kto dūsīdhātuto dūsayatīti atthe.

106. Muha

“Vaṇṇe yantaṃ tadādo”ti paribhāsāya ayamatto “vaṇṇe pare yaṃ kāriyaṃ taṃ tadādo tasmīṃ vaṇṇe ādibhūte hotī”ti teti takāre pare.

107. Vaha

Tetvevāti vatvā paccudāharaṇaṃ dasseti ‘vuyhatī’ti. Vuttivacanaṃ mullīngiya atthaṃ vadati ‘ussā’tiādi.

108.

Nidhīyitthāti viggaho.

109. Gamā

Rānanti vutte ‘rā-ādāne’iccassa gahaṇampi viññāyeyyāti āha- ‘rāna’ntiādi.

110. Vacā

Sutte ‘vassā’ti sassarova gayhatīti dassetumāha- ‘vassāti hī’tiādi.

112. Vaddha

Vatta=vattanetiāsmā ttipaccaye vā ukāro na vihitoti āsayena ‘katha’miccādi vuttanti dassento āha- ‘vattavattaneti’ccādi. Vuttimatteti nipātanāti “sabbādayo vuttimatte”tetta (3-69) ‘vuttimatte’ti nipātanā. Ṭhā=gatinivattiyanti ettha ‘gatinivattiya’nti nipātanā pakkhe ukāro na hoti, tenāha-

‘vattī’ tiādi. Vattanaṃ vutti vatti.

113. Yaja

Kassa sabbassāti āha- ‘ya akārāna’nti.

115. Gāpā

Byattiniddesenāti iminā jātiniddesassānissitattaṃ dasseti. Īsseccādinā vuttiganthassādhippāyaṃ vivarati.

117. Sāsa

Satthaṃ “byañjane dīgharassā”ti (1-33) rasso.

120. Ñā

“Nto kattari vattamāne”ti (5-64) ntoti sambandho.

121. Sakā

Kukppaccaye antakakāro kuppaccaye ādikakāro antāvayavattho.

122. Nīto

Nāññatracayādīsūti nicchayato-ññesu [aññasmim] cayādīsvatthesu cho na bhavatīti attho.

123. Jara

Īmhi jasadde akārassa lopo, le tu jīrāpayati. Tassātikyassa.

124. Disassa

Ditthi dassanaṃ, dassanāya daṭṭhuṃ. “Saramhā dve”ti (1-34) dvitte duddaso. “Ā ī”ccādinā (6-33) īssa rasso (addakki). Dakkhissati “bhavissati ssati”ccādinā, (6-2) ssati.

125. Samā

Vādassareti vikappena dakārassa rādese.

127. Ana

Dassātyananuvattamānepi dasseva pappoti vacanabalenāti dassetuṃ pakkhantaramāha- ‘ādissā’ tiādi. Anaghaṅsu paresu āparīhi dassāniyamena ḷocāsāṅkiya nevaṃ, yathākkamameva nissitoti dassetuṃmāha- ‘anaghaṅsu’ccādi. Aparassāti ākārato parassa dassa.

128. Atyā

Vuttiyaṃ etasmim visayeti ettha etasminti tyādintavajjitapaccaya visayeti attho. Viññāyamānattā ñāpito hotīti gamyate. Na ñāpakatoti iminā idaṃ dasseti “kiñci vacanānusārato viññāyamānatāmattena ñāpīyate kiñci ñāpakena, asmimpakkhe vuttānusārato katthaci kassaci dhātuno appayogo viññāpīyati”ti. Pakkhantaramāha- ‘ñāpakattāyeva vā’ tiādi. Samattheti tathāhiccādinā. Asassāppayogoti asadhātussa kismiñci tabbādike paccaye pare bhavitabbantiādīnamappayogoti attho.

Vināpi suttanti “atyādī”tiādikaṃ suttaṃ vināpi. Evaṃ maññate “asassa bhūādesena sādhiyamānaṃ sabbamiṭṭhaṃ bahulādhikārato bhūdhātunāva sījhati vināpi bhūādesasuttantaranti kattacaci kassaci appayogassa nāpakattampissa yujjati aññattha karīyamānamihāpi atthavantaṃ siyā”ti.

Yeti dhātuppayogā yasminti visaye, pātissāti ‘pā-rakkhaṇe’ tīmassa, nappayogo pāyayati pāyayitabbantiādippayogo na hotīti. Evamuparipi yathāyogaṃ ñeyyaṃ. Brūssāti ‘brū=vacane’iccassa. Adissāti ‘ada-bhakkhaṇe’iccassa. Īdīti bhūte īdī. Etissa ca īdīsūti sambandho.

Avabodhe etissa ñisesu ca īdīsū ca, ajjhene etissa parokkhāsu ca ñisesu ca īdīsucāti yojetabbaṃ. Sabbattha nappayogoti yojetvā attho veditabbo. Bahulaṃvidhānato nātābbāti yojanā. Yakvikaraṇena niddesā ‘asa-kkhepanetī massā’ti vuttaṃ, tadāha- ‘asassā’tiādī.

129. Aā

Ssāti jātiniddesoti āha- ‘ssaiti’ccādi.

130. Nta

Pubbasaralope rūpassa samānattā antinā antu ca gahitoti ‘santi santū’ti udāharaṇadvayaṃ dassitaṃ.

131. Pādi

Te ca pādayo jotenti sambandho. Anvayabyatirekehi kiriyā yadipi dhātunāva vuccatīti sambandho. Kiṃ visiṭṭhā kiriyā ccāha- ‘sāmaññabhūtā visiṭṭhā vā’ti. So visesoti yena visesena visiṭṭhā kiriyā dhātunāva vuccati so viseso. Vācaka bhedatoti sāmaññāya ca kiriyāya visiṭṭhāya ca vācakānaṃ dhātūnaṃ bhedato tenāpīti kaccānenāpi. Saṅghānaṃ saṅghīti.

141. Kasa

Kiṭṭhamadatīti kiṭṭhādo, kiṭṭhasaddenupacārato kasitaṭṭhāne uṭṭhita sassaṃ vuccati.

142. Dhasto

Ṭhassābhāvattaṃ nippaccanteti ajjhāhāro.

144. Sāsa

Anusāsīyitthāti anusittho kamme kto “sā sassa sisvā” (5-117) sāsanāya sāsitaṃ.

147. Baha

Atha bahassāti dhādesasambandhe chaṭṭhī kasmā na viññāyateti āha- ‘bahassā’tiādī. Dhayogapajjenāti dhakārena saha yogapajjena ekībhāvenāti attho.

148. Ruhā

Ḷocāti vuttattāti evaṃ maññate “yadāyaṃ paccayādeso siyā tadā ete samāsene-kato niddiseyyā”ti, tenāha- ‘haḷāti vadeyyā’ti.

149. Muhā

Muddhoti “dho hetehī”ti (5-145) tassa dho.

150. Bhidā

Imassāti ‘pī-tappane’ tīmassa, ihāti imasmiṃ ṭhāne. Pinayīti thūlo ahosīti attho sūyīti itisaddo ādyattho, tena adīyi aḍīyi alīyi alūyītime saṅgayhanti. Yāva ktiggahaṇāti “‘lopo vaḍḍhāktissā”ti (5-158) ktivacanāvadhi.

151. Dātvī

Adīyitthāti dinno, adadīti dinnavā.

152. Kirā

Akirī, akirīyitthāti vā kiṇṇo, akirīti kiṇṇavā. Apurī purīyitthāti puṇṇo, apurīti puṇṇavā. Akhiyīti khīṇo khīṇavā.

153. Tarā

Atarī, ajirīti kamena viggaho. Cīyitthāti ciṇṇo, cinīti ciṇṇavā.

157. Mucā

Asakkhīti satto sattavā. ‘Saja=sange’ tī massāpi satto sattavāti hoti.

158. Lopo

Vaḍḍhanam vaḍḍhi.

159. Kvi

Abhibhavatīti abhibhū.

162. Māna

Massa lopoti sambandho.

163. Ññila

Gahetvā ‘gaha-upādāne’ gahaṇam katvā gahetvā.

164. Pyo

Ossaṭṭhānubandhassāti pariccattānubandhassa. Yakāramattassa nivattanatthoti visesanatthotīmassa adhippāyatthamāha. Tathāhi visesanaṃ kevalayakārato visuṃ karaṇam attho yassāti añña padatthe satī kevalayakārassa nivattanam viññāyate. Yakāramatte gahite ko dosoti āha- ‘yo vā tvāssa samāsetihī’ tiādi. Patvāti ‘pata patha=gamane, pada=gamane’ iccassa vā.

165. Tuṃ

Tayopīti tuṃyāna raccā.

169. Disā

Nāppakketi na appatte patteyevāti attho. Nāpakālopoti “titālīsā”ti (1-1) nāpakatoyeva ktvāppaccayassa yo vakāro tassa lopoti attho.

171. Rā na

Nanu nassāti vutte paccayanakārassāti kathaṃ viññāyatīti āha- ‘nassā’tiādi,ntamānatyādīnaṃ paccayānaṃ nassa “nantamānatyādīna”nti (5-172) ṇattapaṭisedhā viññāyati pakaraṇatoti [pakāroti (potthake)] āha- ‘paccayanakārovā’ti.

173. Gama

Ichhīyateti icchitabbaṃ. Esanaṃ icchā. Ichhīyitthāti icchitaṃ, āsanamāsitaṃ. Āsanāya acchitaṃ. “Byañjane dīgharassā”ti (1-33) rasso.

177. Kara

Amānaparacchakkatte kuruādesena nodāhaṭaṃ. Karānoti “mānassamassā”ti (5-16) malopo. Kasmā ntapubbachakkesu kuru ādesena nodāhaṭanti āha- ‘vavatthite’ccādi.

179. No

Niggahītassāti “mañcarudhādīna”nti (5-19) kataniggahītassa. Gahaṇīyaṃ gaṇhitabbaṃ.

Iti moggallānapañcikaṭṭhāyāṃ sārattavilāsiniyaṃ

Pañcamakaṇḍavaṇṇanā niṭṭhitā.

Chaṭṭhakaṇḍa

1. Vatta

Tadatthassevāti tassa kriyatthassa. Yo kiriyāsankhāto atto tasseva. Etena ādhārametaṃ kriyatthassāti nāpeti. Nahiccādinā tadatthasseva visesane kāraṇamāha. Suttaṃvinātiparesaṃviya suttaṃ vinā. Tāpi vattamāneyeva bhavissantīti iminā vattumiṭṭhattāti ettha sesavacanavabodheti. Evakārenā (ti vattamānassevāti ettha evasaddena.) Tabbivacchāti vattamānavacanicchā.

Taṃsamīpassāti ettha tasaddena mahākassapassa subhaddavacanānussaraṇasankhāto maraṇappattihetu dukkhānubhavasankhāto ca kiriyāviseso pariggahito, te vā vattamānakiriyāvisesāti tesamubhinnaṃmānāni kamena adhammāpanamaraṇāni, tenāha-dīpana maraṇānamāsannattā’ti. Evaṃ maññate “takkālavattamānakiriyāvisesassa dīpanamaraṇasankhātaṃ taṃsamīpatāvīpi kiriyantaraṃ vattamānaggahaṇena taṃsamīpyaṃ gayhati, yathā (gaṅgāsamīpo) deso gaṅgāti vuccati tato ‘gaṅgāyaṃ gāvo’ti siyā’ti. Pure iccādinā pakkhantaraṃ viracitaṃ vuttikārena, tadupadassetuṃ mukhayati ‘sabhāvato’ iccādi.

Kiriyākāloti vattamānakiriyākālo. Avassatīti purepurāsaddehi dīpitaanāgatakālato avassati. Kiriyā kāleti dīpanamaraṇakiriyākāle. Tassāti dīpanamaraṇassa. Vattamānattāti ettha vattamāneyeva bhavissantīti seso. Aneñāti pureccādivuttivacanena. Purepurāsaddehi anāgatakālāvagame sati dīppati maratīti ettha dīpanamaraṇakiriyākālo mukhye tadā vattatītiāha- ‘mukhyaṃ vattamānattamāhe’ti. Puna pakkhantaramupanītaṃ kāleccādinā vuttikārena, tamupadassetuṃ mukhamāvattayati ‘anāgate’ccādi.

Vuttiyaṃ kālabiyattayoti kālātivattanaṃ, vattamānakālātikkena anāgatakālepi bāhulakātyādayo hontīti adhippāyo. Tadeva samattheti ‘bhavanteva’iccādinā. Tyādayotīminā sabbesaṃ ākhyātikānaṃ gahaṇaṃ. Lassa dīghoti sambandho. Gacchatīti sakkassa sahabhāvaṃ

gamissatīti attho.

3. Nāme

Paṭijānissantīti vattamāne anāgatavacanam, paṭijānantīti attho. Itarampana bhūte bhavissatīti āsi, karissatīti akari, cete ssaṣīti cetitā asi, bhuñjissasīti bhuñjitā asi. Anokappanā assaddhā. Amarisanam akkhamā. Imināvāti atthivacane upapade kodhā saddhāsu gammamānesva-satīpi vacanantare imināva sāmāññavacanena siddhanti attho. Garahāvamāti tassa hetuvacanam. Tathāhiccādinā garahāvagamameva samattheti. Atthināma īdisanti [atthināmāti (potthake)] ābhidosikassa kummāsassa paribhuñjanam vijjate nāmāti attho. Vijjamānampi tam asaddahanto amarisanto evam vadati. Natthīti maññeti adhippāyo, tenāha- ‘paccakkhamapī’ ti [īdisampīti] ādi. Yopīti saddassa sopīti tasaddena sambandho veditabbo. Atthīti vijjamānattheti vuttavijjamānattho vakkhamānapakkhattayepi daṭṭhabbo.

Nanu atthināma tātāti ettake vutte paṭhamo atthinukhoccādiko nisīditvāti saddapariyanto ca, dutiyo atthinukhoccādiko nisīditvāti saddapariyanto ca tatiyo atthimaññeccādiko jigucchaneyyanti saddapariyanto ca vacanappabandho katham labbhatīti manasi nidhāyāha- ‘sopana’ tiādi. Imināti ‘atthiyevihāpi nindāvagamo’ ti vacanena. Thānabhojane garahatīti sambandho. Vuttam sakkatānusārena. Nissāyanissāyāti yattha bhagavā nisinno tam thānam nissāya nissāya.

4. Bhūte

Kiriya rūpeti kiriyāsabhāve, evamaññatrāpīti agami agamitthātīmehi aññatra agamam iccādike agamoccādike ca. Anudarā alomikāti santamapyudarādikaṃ mahattābhāvapaṭipādanāya bahuttā bhāvapaṭipādanāya ca na vattumicchīyate.

5. Ana

Aññapadatthavuttiyāti vuttamaññapadattham dasseti ‘vakkhamānalakkhaṇo’ ccādinā. Vakkhamānalakkhaṇotivuttikārena ‘āññāyā’ ccādinā vakkhamānalakkhaṇo. Antokatvāti iminā āsaddassābhividhimhi pavattimāha. Aharubhayataḍḍharattam vāti ettha vāsaddo pakkhantare. Aḍḍharattasaddena rattiyā catuttho bhāgo-tra vattumiṭṭho, aho ca tassa aḍḍharattañcāti attho. Imassādhippāyatthamāha- ‘atīteccādi. Ubhayattha adhippāyam vivarati ‘aya’ miccādinā. Pañcayāmoti atītāya rattiyā pacchimapañcacattālīsavināḍikādhikaghaṭikattayam anāgatāya purimapañcacattālīsavināḍikādhikaghaṭikatthayañceti aḍḍhādhikasattaḡhaṭikāparimāṇo eko yāmo ahasa cattāroti pañca yāmā pahārā assāti pañcayāmo.

Gatāyapacchimo yāmo, pacchimaddhamimassa vā;
Pahāro-nāgatāyādī, tadaddhamapi vā tathā.

Vuttakālāvadhi majjho, kālo so-jjatano mato;
Tannisedhena yotvañño, so-najjatano mato.

Agamatthātīādīsu aīssaādīnam sambandhibyañjanassābhāvā na iña. Byāmissepīti ajjatanamissepi bhūte. Nañsamāsanissaye byāmisse yathā pappotīti dassento āha- ‘pariyudāsetāve’ ccādi.

Ajjatananissayoti byāmisse ajjatanabhāgīnissayo. Atthuti pañhe tu tadaññanissayoti byāmisseyeva tato ajjatanato itarānajjatana nissayo aññatrāti byāmissato aññatra bhūtakāle. Pasaṅgoti ā ñuādīnam pasaṅgo. Ajjahiyovāti byāmissatādassanattham vuttam.

6. Paro

Samāsoti chaṭṭhīsamāso kārakasamāso vā. Nipātanatā cāssa visesatoti. Etañcāti parokkheti

etañca. Kriyatthassa upādhi visesanaṃ kriyatthopādhi, tassa kriyatthopādhino bhūtā najjatanassa sādhanadvārena visesanaṃ, na tūjukamtyattho. Kasmā nojukam visesanaṃ tyāha ‘byavacchejjābhāvā’ti. Tameva phuṭayitumāha- ‘tathāhi’ccādi.

Sādhiyamānāti iminā dhātvatthassāparinipphannataṃ bodheti. Te santi indriyānaṃ. Santo vijjamāno visayo yesaṃ indriyānaṃ te sambhāvo tattaṃ, tasmā. Neti paṭisedhe, sādhanadvārena visesanatte byavacchejjasabbhāvā yathāvuttadoso na bhavatīti attho. Dosā bhāvameva dassetumāha- ‘yassi’ccādi. Yassāti dhātvatthassa. Tatthāti tasmim appaccakkhe dhātvatthe. Kārakānaṃ sattisabhāvattā sāpi apaccakkhā vāti codeti nanuceccādinā. Asattoti asamatto.

Attānāma attano paccakkhōti tabbisaye amhakārakassa vidhānamayuttanti manasi nidhāya yaṃ vuttaṃ vuttikārena, tamupadassetumāha- ‘nanuce’ccādi. Attabodhanīyāpi hi kiriyā yadā cittavikkhepato nopalakkhīyate, tadāyaṃ parokkhā bhavati, tenuttamavisayepi parokkhabhāvo tassā bhavatveva. Jāgaratopi yadā madā manobyātāngato anupaladdhi, tadāpi bhavatyeveti dassetum vuttaṃ byāsattavacanaṃ. Abhinibbattikāleti kiriyā nibbattikāle, ‘sutto-haṃ kiṃ vilāpa, matto-haṃ kiṃvilalāpe’ti idamatrodāharaṇaṃ. Citta cikkhepavisayappadassanāyettha suttavacanaṃ.

7. Eyyā

Eyyādotīminā eyyādyattho gahitoti bodhetuṃ yeneccādikam vuttaṃ. Nimittasaddāpekkhāya tanti vattabbe visayasaddāpekkhāyasoti vuttaṃ. Tesanti eyyādīnaṃ. Visayaṃ dasseti ‘hetuphalesviccādikō’ti. Ādisaddena pañhapatthanādayo gahitā. Athātra kriyaggahaṇābhāve kriyātipattiyanti kathaṃ labbhaticcāha- ‘kriyāti pattiya’nti ādi. Kriyātipattiyanti vivaraṇaṃ katanti sambandho.

Abhidheyyadvārenāti kiriyāsānkhātaatthamukhena, pakatakriyattha visesanattāti kriyatthādhikāro adhikatassa dhātussa visesanattā. Idaṃ vuttaṃ hoti ‘‘atipattiyanti adhikatakriyatthavisesanaṃ, visesanañca hontaṃ nojukam bhavitumarahati kiñcarahi abhidheyyadvārena, tathāhi atipatanaṃ nāma kriyāya hoti, na kriyatthassa ayujjanato, tasmā atipattiyantivuttekiyātipatti yanti idaṃ kriyatthavisesanaṃ hontaṃ abhidheyyadvārena hotīti kriyātipattiyanti vivaraṇaṃ kata’’nti. Vidhurappaccayopanipātati viruddhappaccayasamavāyāti attho.

Kāraṇavekallatovāti hetumato phalassa yo hetu tassa vikalattena. Tatretīmassa attho vattamānavisayeti. Kriyātipattiyanti bhūtādi kriyātipattiyaṃ. Liṅgoti nimittena. Gamakena liṅgena gammāyātipattiyā bujjanakālaṃ vattamāno kālo na tiṭṭhati atikkamatīti āha- ‘vattamānatāya byatikkamā’ti. Tadeva phuṭayati ‘samakāla’ntiādinā. Samakālanti ekakkhaṇe. Vattamānassa kriyātipatyasambhavā tadavasitṭhātītānāgatesveyyādīnambhāvo (aññathā) nupapattiyāti vuttaṃ vuttiyaṃ ‘sāmatthiyātiādi.

Liṅgenāti ettha pubbe dakkhiṇena gamane sati sakaṭṭissāpariyā bhavanadassanaṃ dakkhiṇena gamanassa sakaṭṭāpariyābhavanahetutte liṅgaṃ, dakkhiṇena gamanassātipattiyā aññato gamanādi liṅgaṃ. Sakaṭṭā kiriyābhavanātipattiyā sakaṭṭe garubhārāropanādi liṅgaṃ. Paṭhamavaye arahattabhavanaṃ taṃhetubhūtañca pabbajjaṃ paresaṃ paṭhamavaye pabbajjānimittārahattappattiliṅgena viññāya pabbajjāyātipatti gharakammabyāvaṭatādiliṅgena, arahattassātipatti ca pabbajjānimittābhāvena [bhāvavirahena (potthake)] liṅgenāvasīyateti liṅgena bhūta kriyātipatti pana veditabbā, yadi panevamabhiññālābhī payuñjati tadā paccakkhāñānena sabbam viññāya payuñjati veditabbam. Liṅgotavasīyamānāyanti pana bāhullena vuttaṃ.

8. Hetu

Niccabhavanaṃ hetu (tyādinā) hetuphalabhāvoyevettha, nāti pattīti dīpeti. Sabbappaccayodāharaṇavasenāti sabbesaṃ eyyādīnampaccayānaṃ udāharaṇavasena. Hetuphalānaṃ sabbhāvototi vuttattā hetuphalāni dasseti hananamiccādinā. Evaṃ hetuphalasabbhāvato sabbakāle ca vidhānato ettha vattamānepi pappotīti bhāvo. So ca hetuhetumantabhāvo ca.

9. Pañhe

Pacchimaṃ pacchimaṃ padantiādīsu pañhoti purimaṃ padaṃ, sampucchanāti pacchimaṃ padantiādīnā daṭṭhabbaṃ. Samecca aññaṃaññaṃ pucchanā sampucchanā, yācanaṃ dehi tyādinā yācanamatthaṃ, iṭṭhassāsampattassāttanamiṭṭhāsimsanaṃ. Pattakālavasena ca visayabhedena bhinnāya pīti yojetvā attho daṭṭhabbo. Pattakālaṃ dasseti nimittabhūtasātiādīnā. Nimittabhūtasāti taṃtaṃkiccāsampajjane kāraṇabhūtasā. Vidhi nāma diṭṭhadhammikasamparāyika nimantaṇāmantanañjjesanapesanāni. Ettha ca anuññāpattakālesu ca pañcamī vihitā parehi, diṭṭhadhammikādīsu pañcasu sattamī. Idha pana te dvepi vidhivisesāyevāti vidhimhi antokarivā eyyādiṃ vidhātuṃ yaṃ vuttaṃ vuttikārena, tadidāni vattukāmo āha- ‘anuññāpattakālesupi’ccādi. Vidhippatītimeva pakāseti ‘evaṃ kareyyāsī’ ticcādinā. Anujānantopi dīpentopi kiriyāsu byāpāretiyevāti byāpāraṇampatītīti yojetvā attho vedītabbo.

Pesanepi kesañci byākaraṇaññūnaṃ sattamīvidhicchitotivuttikārena yaṃ vuttaṃ, taṃ dāni vattumāha- ‘pesane pi’ccādi. Samūlatanti kesañci saddikānaṃ sattamīvidhividdhānamūlena samūlataṃ. “Anumatiparikappatthesu sattamī”ti (3-1-11) kaccānasuttaṃ. Kattumicchato parassa anujānanaṃ anumati, parikappanaṃ sallakkhaṇaṃ nirūpanaṃ parikappo hetuphalakiriyā sambhavo ca, tasmīṃ anumatyatthe ca parikappatthe ca sattamīvibhatti hotīti attho. Atthaggaṇaṇena vidhinimantaṇāmantanañjjesana patthanāpattakālesu ca.

10. Tu antu

Udāhaṭāti gacchatu gacchantuādīnā udāhaṭā. Dadātūti yācane.

11. Satya

Arahatthe cāyameva payogo, tena bhavaṃ khalu rajjaṃ kareyya bhavaṃ arahoti yojetvā daṭṭhabbo.

12. Sambhā

Yoggaṭājjhavasānantīmāssāttapadaṃ, sattisaddahananti sāmattiyassa saddahananti attho. Payogaṇusārītaṃ dīpeti sambandho. Gammamāneti sambhāvemiccādinā bhvādidhātūhi avuccamānepi gamyamāne. Udāhaṭaṃ ‘apipabbataṃ sirasā bhindeyyā’ti. Mahābalatāya hatthihanane alamattavisaye sambhāvane satyapī alamā saddo-trālamattho yuttoti na bhavantetyādayo hanissati. Dhātunāti ettha dhātuggaṇaṇena bhvādayo gayhante tatha dhātusaddassa ruḥhattā pubbācariyasaññāya vā. Udāhaṭanti bhuñjeyya bhavaṃ tyādinā.

13. Māyo

Sūti māsūti ettha susaddo. Ettha imasmiṃ udāharaṇe. Nivatteti māsaddoti seso. Āraddhanti iminā vattamānaṃ vanagamaṇaṃ dasseti. Antobhūtaṇyatthāti ṇippaccayābhāvepi attani antobhūtaṇyattha dhātuto. Īdīnaṃ ādīnaṃ sakakālonāma bhūto kālo. Dhātusambandho visesanavisessabhāvo, tenāha- ‘dhātuvattha sambandhe visesana visessabhāvalakkhaṇe’ti. Sabbatthākhyāta vāccottho visesso syādyantavācco visesanaṃ.

Iṭṭhoti paresamiṭṭho. Jānanatthavasena gamanattattāti “gamanattā kammakā”ti (5-59) sutte gamanattasaddena ‘ye gatyatthā te buddhyatthā’ti jānanatthopi gahitoti evaṃ gahitajānanatthavasena gamanattattāti attho. Abhimatāni pañiniyānaṃ. Tathā saddassatthamāha- ‘anantarena gatatta’ (nti ana)ntare vuttana karaṇabhūtenāti attho. Abhimatoti pañiniyānameva idhādhīppetāsamuccayaṃ vattumāha- ‘samuccayo’iccādi. Athātra kathamanekāsaṃ kiriyānaṃ cīya mānatā yāvata ekāvāṇakiriyājjhayanakiriyā cetyāsankiyāha- ‘sādhānabhedane’ccādi. Maṭhādisādhānāmbhēdenāṭana kiriyāyapi bhēdoti attho. Takkiriyāppadhānassāti sā lavana kiriyā padhānamassa kattuno. Yo- yamaññepi niyojento viya kiriyāṃ karoti so nā-ññakiriyāpadhāne yutto,

takkiriyāppadhāneyeveti.

14. Pubba

Mahāvākyarūpattā pakaraṇassa tadapekkhāya vākyekadesattaṃ “vattamāne tianti, bhavissati”ccādīnaṃ vākyānanti āha ‘vākyekadesehī’ti. Atoyevamāha-vākyāvayavoparo-dhunā kariyate’ti. Vidhivākyattamassa dassetvā niyamavākyattaṃ dāni dassetuṃ ‘athavā niyamattamamidantyādīna’ntyāha. Niyamasuttattameva phuṭayati ‘tehi’ccādīnā. Tehi tehi suttehīti “vattamāne ti anti”ccādīhi tehi tehi suttehi. Imināti “pubbaparā”dinā iminā suttena. Nanu tumhāmhasesesūti ettake vuccamāne ‘tumhāmhasaddavacanīyesu tadaññasaddavacanīyesu ca kārakesū’ti ayaṃ viseso kuto gamyate yenevaṃ vivaṭaṃtyāha- ‘kattukamme’ccādi. Kattādīsu vidhānañca vakkhati.

Kattukammānamevāti iminā bhāvaṃ byavacchindati. Tathā ca vakkhati- ‘tumhāmhasaddavacanīyattābhāvā’ti. Asatvabhūtāyecādīkamekavacana sambhave kāraṇaṃ, tumhāmheccādīkantu paṭhamapurisasambhave. Tumhāmhasesesu hontā majjhimuttamapaṭhamā kathaṃ bhāvādīsu viññāyanti kathañca tumhāmhādisaddavacanīyassa kārakatthassākhyātena tattha vihītena saññāvibhattā tumhāmhādisaddappayogābhāvoccāsañkiya yaṃ vuttaṃ vuttīyaṃ taṃdāni vivarantena ‘yadi bhāvādīsu mānādayo na vidhīyante tadāmānādīsu paresu bhāvādīsu kyalādīnaṃ vidhānameva nopapajjati’ti iminā sāmattiyena tumhādīsu kārakesu majjhimādīnaṃ bhāvo viññāyati teneva tumhādīkāratthassa tattha vihītenākhyātena saññāpitattā tumhādisaddappayogo nāma na hotīti dassetuṃ ‘tumhādīsvi’ccādīkamāraddhaṃ. Yajjevaṃ tumhādisaddappayogoyeva na siyā ccāha- ‘yajjeva miccādi. Parihāramāha- ‘sasaddenā’ti. Tumhādisaddena. Brāhmaṇāiccanenābhihitameva bahuttaṃ bahavoti vacanenānujjate. Vacanābhāve kathaṃ tulyādīhikaraṇattaṃtyāha- ‘anujjamānassi’ccādi. Anujjamānassātianuvaditabbassa gacchaticcādīnā niddiṭṭhassa kattuno.

Anuvādenāti (tumhādī) anuvādena. “Nāmamhi payujjamānepi tulyādīhikaraṇe paṭhamo”’ti (3-1-5) kaccānavacanaṃ, tenāha- ‘tenevi’ccādi. Asamānādīhikaraṇattā hi ‘tayāpaccate’ccādo na bhavati. Tathāhi tayecceṭtaṃ kattuvācī paccatecceṭtaṃ kammavācī kamme ākhyātappaccaya vidhānato.

‘Ehi maññe rathena gamissasī’ti pāṇiniyātimatanipphādanakkamo (nirassa) te ‘parihāse’ccādīnā. Maññatissa payogeti upapadavasena manadhātussa payoge. Dhātumhāti gamiādito. Uttama purisekavacane patteti gamissāmīti patte. Majjhimobhimatoti gamissasītyabhimato. Majjhime patteti maññaseti patte, uttamekavacana miṭṭhanti maññetiṭṭhaṃ. Idaṃ vuttaṃ hoti “maññase tvaṃ rathena gamissāmīti vattabbe maññe tvaṃ rathena gamissasīti bhavatīti (vutta’nti). Ehi maññeccādi na kiñci vuttaṃ vuttīyaṃ. Yathāsavisayevamajjhimuttamā sampajjanti, tathāsambandhamupadassayamāha- ‘evametthābhisambandho’ccādi. Parābhimataṃ sambandhaṃ kurumāno āha- ‘natveva’miccādi. Athoccateccādīnā parādhippāyamāha- ‘yade’ccādi.

Yadevamabhisambandhoti ‘maññase tvaṃ rathena gacchāmī’ti yadā evamabhisambandho kariyātīyattho. So cevamanugatoti ‘maññe ahaṃ tvaṃ rathena gacchasi’ccevaṃ so ca payogo anugatotyattho. Pakārantarakappanāyāti ‘maññase tvaṃ rathena gacchāmī’ti antarakappanāya.

15. Āi

Tenacāti samāsītattena ca,ssatyādīnamaggahaṇanti yadi tesam gahaṇaṃ siyā āissādīsūti na samāsena vadeyya.

17. Bhūssa

Katākatappasaṅgīyo vidhi so nicco-niccā balavāti paṭhamam vuka bhavatīti dassetuṃmāha- ‘katākatappasaṅgittā’ccādi.

18. Pubba

Aādyapekkheti aādīsūti anuvattaaādyapekkhe.

23. Kara

Nanu ca ‘sossā’ti kasmā vuttaṃ ‘‘kvaci vikaraṇāna ‘‘micceva (5-161) lopo siyāti ‘karassa ku’nti vattabbanti codanamanasi nidhāyāha- ‘kvaci vikaraṇānaṃ tyādi. Aññatrapayogānūsaraṇā payogānūsaraṇaṃ vinā olopo viññātumaṃ na sakkāti sambandho.

25. Hāssa

Kāriyaṃ āhaṅsaṅkhātamaṃsa atthīti kāriyī, tena aparo kāriyī haññati hiṃsīyatīti attho.

Sahossehīti karassa okārena ssena ca saha hāssa ssena sahāti attho. Atha kathaṃ ossehi saheva vuttā desotiviññāyatīccāsaṅkiyāha- ‘sahavacanasāmatthiyā’ti. Saha saddassa sahattha(ssa ca) sossa ssenāti kathanasāmatthiyāti attho. Adhippāyaṃ vivarati ‘evaṃ maññate’ccādinā. Evaṃ maññate-ossāna manādesitte iccādinā pāṭhena bhavitabbamiva lakkhīyate... teneva pāṭhenasahavacanasāmatthiyassa paṭṭisabbhāvato. Na tu ‘evaṃmaññateossānamantādesatte hāssacāti vacanamanatthakaṃ siyā hā to cetveva vadetya ossānamanādesitte’ccādinā pāṭhena... ossānamantādesappasaṅgassevābhāvato. Nahetthādesādesi sambandhachattāthī atthi... sossāti visesanachattīyāppadhānāya ssenāti sahatthe tatiyāya ca niddiṭṭhattā. Ubhayatthāti ssatyādīsussādīsū ca.

28. Āī

Pubbasaralopoti vikaraṇalopo ākārādese ca dvīsū vāresu pubbasaralopo.

29. Gami

Agāti īmhi lalopo, ākārādese ca pubbasaralopo.

30. Ḍaṃsa

Agañchā agacchīti niggaḥītagamena.

32. Nānā

Ujjhitānubandhānanti pariccattānubandhānaṃ.

33. Āī ū

Sutte āti iminā ubhayattha paṭhamapurisekavacanaṃ gahitanti āha- ‘ā’tiādi.

34. Kusa

Abhirūhīti ‘‘byañjane dīgharassā’’ti (1-33) dīgho.

35. Ā ī ssa

Parokkhāparanāmadheyānanti parokkhātiaññānāmānaṃ.

38. Eyyā

Tehevāti heṭṭhā vuttasuttadvayeheva, saḥacaritañāyenāti “bhūte ī uṃ”iccādo (6-4) paracchakke paṭṭhama purisekavacanaākārena “anajjatane āṇu”iccādo (6-5) pubbacchakke paṭṭhamapurisekavacana ākārena ca saḥacaritākārānameva paccāsattiyā saḥacaritā pattivasena pavattañāyena gahaṇanti attho. Gahitattā tvādi sambandhī gayhateti sambandho. Nissayakaraṇaṃ nāma byattivaseneva, na sāmāññavasenāti āha ‘etenā’tiādi.

40. Eo

Antasarādilopo “rānubandhentasarādissā”ti (4-132).

42. Ossa

Ādesānanti aādīnamādesānaṃ.

46. Iṃssa

Pubbasminti akāsinti ettha.

52. Tassa

Kriyatthavihitānampi dhātuvihitānampi aññesaṃ tabbādīnaṃ paccayānaṃ na gahaṇanti sambandho.

54. Mimā

Amhītiādīni vattamāne tvādīsu vā mimānamudāharaṇāni.

57. Himi

Muyhāmi muha=vecitte “divādīhi yaka” (5-21).

61. Ñāssa

Jānāti “ñāssa ne jā” (5-120)

67. Hanā

Cha ca khā ca cha khā.

70. Kayi

Iminā katā kayirāti ajjhāharitabbaṃ.

71. Ṭā

Eyyumādīnaṃ eyyassāti vuttattā upādivajjitassāti viññāyati.

74. Guru

Okāro guruti saṃyogapubbattā vuttaṃ.

76. Ovi

Vikaraṇasaddassa aññathāpi byavacchedakattasambhave idhādhippetam
byavacchedakattapaṭipādetumāha- ‘yadi’ccādi.

78. Eyyā

Aññatrāpīti bhavyeyāmbhavyeyāmaiccatrāpi.

Iti moggallānapañcikāṭikāyaṃ sārattthavilāsiniyaṃ

Chatthakaṇḍavaṇṇanā niṭṭhitā.

Niṭṭhitā ca sabbathā sārattthavilāsiniṃ ṭiketi.

Nigama

1. Sabbadā subhadāyittā, sattānantanisevite;
Pasatthe-nvatthasaññāya, paññāte subhasaññite.
2. Cāgavikkamapaññānuddayādiguṇasālīnā;
Subhasenādhināthena, kārite vasatā satā.
3. Paṭisallānasāruppe, vihāre sādhuḡocare;
Manonukūle yogīnaṃ, vare vikkamasundare.
4. Therena racitā sāyaṃ, sāsanujjotanatthinā;
Ṭikā gurupadambhoja, rajomatthakasevinā.
5. Bahussutānaṃ viññūnaṃ, paramatthāvagāhinaṃ.
Pavattatu ciraṃ ceto, rañjayantī nirantaraṃ.
6. Yesaṃ na sañcitā paññā, nekasattantarocitā;
Sammohabbhahatāvete, nāvabujjhanti kiñcipi.
7. Kintehi pādasussūsā, yesaṃ natthi gurūniha;
Ye tappādarajokiṇṇā, teva sādhuḡvivekino.
8. Puññena sattharacanājanitena tena,
Sambuddhasāsanavarodayakāraṇena;
Lokāmisepi kilesamalā alaggo,
Sambuddhasāsanavarodayamācareyyaṃ.
9. Ye-nantatantaratanākaramanthanena,
Manthāca lollasitaññāvarena laddhā;
Sārāmathāti sukhitā sukhayanti caññe,
Teme jayanti guravā guravo guṇehi.
10. Ṭikāyo vinasādīnaṃ viracayī yo kaṇṭhabhūsāparo,
Viññūnaṃ jinasāsanāmalamatīso-kāsi cānākulaṃ;
Santosakkamanomanomakamano sabbhāvanīyo mahā,
Sāmī me gurupūṅgavo vijayate sārīsuto-yaṃ bhuvī.
11. Rājā vikkamabāhu bāhitaripū tātvaṃsa [bhātāssa] lokissaro,
Sammittānihano tisīhaḷapatī yoyaṃ mahāvikkamo;
Nibbhīto [tisūro] vijayādibāhu vijayī so āsi laṅkissaro,

Taṃ nissāya phalaṃ cirāya phalatañcetaṃ satamaṃ santamaṃ.

Siddhi ratthu

1. Aggamotivaṃsena, abhayārāmasāminā;
Pañcikāvaṇṇanābhūtā, sā sārattavilāsini.
2. Mramakkharamāropetvā, visodhetvā yathābalaṃ;
Sakiyavyavahārena, tithivasu karindunā.
3. Yutte vasse laṅkāḍīpā, saraṭṭhamāhatā puna;
Bhāssappadīpakātanta, kāsikāpañcikādihi.
4. Saṃsanditvā vicāretvā, vācetvāca punappunaṃ;
Ūnādhikādi dosāni, apanetvā sinesine.
5. Suddhaṭṭhake ca vassesā, pāpitā pakatiṭṭhitim;
Suddhāsuddhamva dassenti, sodhetu pāṭhasuddhiyā.